




ap

8

Thorpe, July, 1898.



• EX • LIBRIS •  
• G • F • HILL •

L127

Ulrich Middeldorf



ms/c  
via George  
Hill & Co

1st ed; 1857



1578  
+ 1581



P R O M T V A R I I

I C O N V M I N S I G N I O R V M

A SECULO HOMINVM,

subiectis eorum vitis, per  
compendiũ ex proba-  
tissimis autoribus  
desumptis,

*Editio secunda, illustrium virorum, qui  
à prima successerunt, imaginibus  
aucta atque locupletata.*

P R I M A P A R S.

I N V I R T V T E,



E T F O R T V N A.

L V G D V N I,

Apud Gulielmum Rouillium.

1578.



PROPTER  
HONORARIUM  
A. SECVTO HOMINVM  
LIVRESCIT VITAE  
CONTENDIT EX TROIA  
TRIUMPHANTIS  
delinquit

Enchiridion, illustratum et notatum per  
Gyrgium de Viterbo, magistrum  
arbitrum loci huius.

P. R. I. N. C. I. P. I. A.

IN T. C. O. M. M. U. N. I. T. A. T. E.



IN T. C. O. M. M. U. N. I. T. A. T. E.

IN T. C. O. M. M. U. N. I. T. A. T. E.

Apud Godefridum Romboldum

1676





AD CHRISTIANISS.

FRANCIAE REGEM

HENRICVM II.

Gulielmi Rouillij Epistola.



*REGES* Dñj mortales, immortalitatem consequi possunt duabus potissimum rationibus, literarum honore, & armorum gloria. Quae duo aeternitati paranda officia, uni olim Palladi mysticè attributa,

post paucos, sed maximos Principes Alexandrum, Caesarem, & Carolum Magnum simul sic praestitit, & ea exercuit felicissima memoria Rex Franciscus pater tuus (ô Rex Christianissime) ut consummandam armorum gloriam filio relinquens, literarum honorem ad summum extulerit. Tu verò utrumque sic es amplexus, ut togata militia decus patri aliquatenus concedens, rerum bellicarum victorias, & triumphos persequaris, pari nixu iuxta, atque successu. Quamobrem cum huius utriusque laudis memoranda exempla ad te, supra ceteros omnes Christianos Principes referri debeant: hoc ipsum volumen, quod



illa continet, tibi dicandum iure statuimus. In quo  
illustrissimi quique ab orbe condito ad tuum usque  
Regnum homines, qui duplicem hanc, aut alterutram  
immortalitatis viam affectarunt: & imagine vira-  
cissimè picta, & historia verissimè scripta, per succe-  
dentium temporum, & Imperiorum seriem spectan-  
tur, tanquam in triumphali pompa procedentes: capi-  
tibus tantum per lunarem veluti fenestellam promi-  
nentibus: ex quibus, quasi leonem ab unguibus reli-  
quam corporis faciem, sed & mentem ipsam <sup>quorū vultus</sup>  
licet estimare. Hoc igitur polycephalon opus curiosa  
conquisitione inuestigatum, & multis vigiliis elabo-  
ratum, tuæ inclytissimæ Maiestatis Imperio tueri di-  
gnabere: quod sanè iam non nostrum, sed tuum  
absoluta dedicationis voto esse incipit:

cum Rex ille sis, cui & labores  
nostros, & res nostras, &  
nosmetipsos debere  
profitemur.







# GVLIELMVS ROVILLIVS

LECTORI.



VEMADMODVM in Megalensibus sub versatiliū scenarū vmbra- culis, præter cætera ludorū ornamen- ta, variæ diuersarum personarum for- mæ quondam visæ sunt spectabiles: sic in hoc orbe terrarum, amplissimo sub cælorum velis theatro, nihil dignius conspici potest, quàm humana facies, in qua (etiam ex Dæmonum confes- sione) admirandum, & venerabile Dei spectrum inest: virtu- tūque omniū signa in spatio tam angusto, sed augusto, clarè relucet. De cuius etiam eximia, & excelsa dignitate, sic ce- cinit Ouidius:

*Pronaque cum spectent animalia cætera terram:*

*Os homini sublime dedit, cælūque videre:*

*Insit & erectos ad sidera tollere vultus.*

Quamobrem veteres illi, de propaganda immortalī Nobilium personarum, & sua ipsorum gloria solliciti: valdeque pruden- ter antiquitatis memoriam conseruantes, & doctrinæ posteritatis prouidentes: virorum, & foeminarum illustrium formas, non modò literis, ac hypographis, tanquam certis quibusdam lineamentis depinxerunt: quin etiam eas adseruari curarunt in posteritatem, idolis, tabulis, signis, statis, scalp- tris, exaratis, conflatis, & percussis. Ac præcipuè speciosissimam & nobilissi- mam hominis partem (quam Natura maximè conspicuam, & semper apertam esse voluit) nimirum faciem, in metallicis numismatum orbiculis, parmulisque æreis, argenteis, & aureis signarunt, & expresserunt. Idq; duabus potissimū rationibus. Primū quod numismata sint literis magis durabilia: cum pro- pter suam ex solido metallo naturam, tum propter diligentem eorum in reconditis thesauris asseruationem. Deinde quod



(iuxta Regis Candaulis apud Herodotum sententiam) certiores  
sint homini quàm aures, oculi. Nam (vt ait Horatius)

*Segnius irritant animos demissa per aurem,  
Quàm quæ sunt oculis subiecta fidelibus, & quæ  
Ipse sibi tradit spectator.*

Porrò illæ Numismatum figuræ à materia fusilis vel percussi  
metalli, Metallæ, extenuatōque elemento Medallæ sunt ap-  
pellatæ vt Dedalæ olim figuræ dicebantur. Nisi quis Medallas  
quasi Imperatorias à verbo ΜΕΔΩ quod est Impero, magis  
deduci velit: quoniam Imperatorum plæræque facies iis sint  
impressæ. Eæ autem ad æternum venerandæ antiquitatis hono-  
rem vindicandum his temporibus curiosis per viros studiosos  
partim fuerunt exquisitæ, partim ex Antiquorum sepulchris  
erutæ, & è terræ latebris effossæ, partim fortuitò repertæ, pris-  
corum vtriusque sexus hominum proprias formas, & natura-  
les, sic ad viuum referentes: vt ex illis, qui & quales fuerint si-  
gnati ex vultu tanquam ex mentis speculo ratione Physiognò-  
mica cōiectari liceat. Sunt etenim (vt à sapiētibus dictū) vultus  
animorum indices: in quarum rerum considerationē nos Anti-  
quariis, & studiosis omnibus gratificari cupientes nulli neque  
labori, neque sumptui pepercimus ad eiusmodi eiconas cepha-  
licas vndique conquirendas, ex diuersis gentium oris, & à ma-  
gnatibus viris auro, ære, argento, cōflatas percussasve aut gēmis  
exculptas, prout maximo cuiq; visum fuit sui, & suæ charissimæ  
antiquitatis memoriā cōseruare. Ad quos etiam magnates, &  
Principes viros peruenerūt, & alienæ, & exteræ priscorum, qui  
excelluerūt, hominū imagines: quas ab repertoribus ferè pau-  
peribus, & terrā versantibus obtinuerunt, vel prece, vel precio,  
vel vi, vel munere oblata, nempè rei vt rarissimæ, ita preciosissi-  
mæ. Metallinas illas seu Medallinas effigies lineamētis ad Ar-  
chetypum deduci, ac deinde imprimi curauimus: suscripto ad  
singulas summario rerum memorabiliū argumento ex optimis  
quibusque Historiographis, & Chronicis breuiter collecto: ser-  
uatōque tēporum, ætatum, Imperiorū, ac Regnorum sibi succe-  
dentium, aut concurrentiū ordine. Totūmq; opus ab rerum, &  
personarū inuestigatione prompta, Promptuariū dici placuit.  
In quo eorum qui à mūdi primordiis extiterunt, homines me-  
morabiles spectandos oculos oculis, atq; oribus ora, & præclara  
eorum



2  
eorum facta legenda corā exhibemus. Quod sanè opus vt infiniti propè fuit laboris: sic plurimi fructus id quoque fore speramus. Huius nanq; theatri spectatores nō solū oculos delectabunt, nec pictura pascent inani: verum etiā animos suos dignissima rerū, & personarū cognitione exsatiabūt. Et qui iam pridē in viuis esse desierūt: eos ab inferis in lucē reuocatos veluti per speculū corā intuebuntur loquētes intelligent: faciētes contemplabūtur, retroacta tempora ab omni hominū memoria ad suum seculū reuocabūt. Denique exēpla vitæ cuiuslibet vnde cunque sumēt: & hæc lecta narrādo illud obtinebūt: vt antequā fuerint ipsi, cum iis qui amplius non sunt, olim fuisse videātur.

Cæterum ne quis lege Cornelia nos falsi arguat, quod cōmēticias, seu facticias quasdā figuras velut adulterina numismata in publicū sparserimus: cōcedatur cōfessionī venia *ἡς τὸ γὰρ ἀδύνατον οὖν ἐστὶν ἀναστῆναι*. Priscorū enim hominū qui ante diluviū, & ante inuentas pingendi, & scalpendi artes vixisse memorantur, vt Adæ, Abrahæ, & Patriarcharū *ἐκωνας* nō negamus à nobis fuisse per imaginationē effictas: & cum nullū haberemus Prototypū, ex descripta eorū Natura, moribus, ætate, regione, & rebus gestis *φανταστικῶς* fuisse cōformatas. Quī minus enim nobis id liceat: quā Phidiæ statuario nobilissimo, qui ex pauculis Homeri versibus formam *ἡ δὲ ἁγορὰς* diuinavit: & Olympium fabricauit? Quā Zeufidi qui ex selectis quinq; Agrigentinarū virginum formis pulcherrimā Deā cogitatione apprehēdit, ac repræsentauit? Quī minus quā Asinio Pollioni, qui Autorū suę bibliothecæ imagines ex eorū scriptis confingere primus Romanorū est ausus? Deniq; quī minus quā illi, qui Homeri superioris arte inuenta: faciem ex ipsius Poëmate & ingenio coniectatus est? Quare hoc nobis minus vitio datum iri confidimus. Nam vt in hanc sentētiā scripsit Plin. *Quæ non sunt finguntur: pariūntque desideria non traditi vultus. Et maius nullum est felicitatis specimen: quā semper omnes scire cupere, qualis fuerit aliquis.* Hæc ille. Nos igitur talia imitati exempla, sine exemplo rationem tantum historię secuti, & phantasiā, adiuti etiam consilio, ac iudicio, doctiorum qui nobis sunt amici primorum hominum, & nonnullorum mediis etiam temporibus *τῶν ἀρχαίων* imagines excogitauimus. Ad hoc scilicet vt Historia nostra quemadmodum scripta, sic etiam picta suum habeat principium.



Exinde etiā non rarò nobis cōtigit habuisse à primoribus viris  
duo , tria , quatuórve, aut plura vnus & eiusdem Imperatoris,  
Regis, Principis, aut alterius hominis illustris numismata: anti-  
qua quidem illa, & (vt apparebat) minimè supposita: sed tamen  
omnino inter se dissimilia, aut propter ætatis incremētum, aut  
personarum formæ mutationem , aut regionum vbi signaban-  
tur differentiam , aut aliud quoduis accidens. Et nos certè ex  
iis tam multis , & tam variis eiconibus , optimas & verissimas  
quasque pro prudentum hominum iudicio selegimus. Quare  
si quis fortè extiterit , qui quas habet Metallicas imagines : &  
ab illis, hæc nostras dissimiles depræhēdat: ne statim nos falsi  
arguat. At is sciat neque suas , neque nostras in orbe solas ha-  
beri: & nos (si rixari liberet) eodem argumento, sed maiori me-  
liorique ratione suas illius falsas, & suppositas posse contende-  
re. Quicunque enim visurus sit venturis seculis Argentea, aut  
Ærea Cephalica Caroli quinti Imperatoris Serenissimi , aut  
Christianissimi Francorum Regis Henrici secundi , aut Soly-  
mani magni Turcarum Despotæ (qui omnes hodie viuunt &  
regnant) ex ea tanta diuersitate , atque dissimilitudine : quòd  
aliorum quidem capita sint senilia, aliorum iuuenilia, barbata,  
imberbia, armata , inermia, nuda, operta, & pileata, inornata, &  
coronata lauro , auro vel diademate : si ea ideo protinus falsa  
iudicabit: nã is omni prorsus iudicio carere videbitur : perspe-  
cta ætatum, temporum, locorum, & habituum mutatione: præ-  
sertim cū ipsa in ambitu *επιγραφῆ* vbiq; similis , vbiq; ea-  
dem , veritatem satis arguat. Proinde nemo ex illis formarum  
varietatibus calumniandi occasionem arripiat. Denique (vt  
finem faciamus) hīc habes (ò lector) thesaurum locupletissi-  
mum omnium exemplorum virtutis , gloriæ , honoris , & im-  
mortalitatis. Hīc enim tibi cernere licet coràm capita quasi  
viua, & ora pene spirantia maximorum & primorum, in natio-  
nibus & populis virorum , qui leges tulerunt , imperarunt, re-  
gna rexerunt , mores constituerunt , linguas excoluerunt, do-  
ctrinās & artes exercuerunt , & qui denique ingenio , virtute,  
præstantia , ac rebus gestis terra , & mari famam immortalem  
sibi pararunt. Tu ad eum te compara modum , vt per egregias  
tuarum virtutum laudes, tui quoq; imago in posterioribus hu-  
ius libri reformationibus locū habere insignē digna censeatur.



# AUTHORES HOC IN

## Promptuario citati.

S Acra Biblia

S Iosephus

Berosus

Homerus

Thucydides

Metasthenes

Vergilius

Xenophon

Ovidius

Diogenes Laertius

Herodotus

T. Liuius

Dionysius Halicar.

Procopius

Corn. Tacitus

Strabo

Iuuenalis

Dares Phry.

Dictis Cret.

Ægesippus

Valer. Maximus

Iornandes

Macrobius

Appianus

Plutarchus

Iustinus

Herodianus

Gellius

Cicero

Horatius

Lucanus

Eutropius

Tertullianus

Cassiodorus

Suetonius

Orosius

Lucius Florus

Plinius secundus

D. Augustinus

D. Hieronymus

Euseb. Cæsar.

Historia Ecclesiastic.

Historia Trip.

Historia Schol.

Prosper Aquita.

Fulgentius

Isidorus

Lactantius

Catalog. Sanct.

Ælius Spart.

Ælius Lampr.

Herodianus

Pomponius Lætus

Dion Cassius

Iulius Capit.

Volcatius Gall.

Flavius Vopiscus

Aurelius Victor

Bapt. Egnatius

Ammianus Marcell.

Claudianus

Cælius Rhodig.

Blondus

Solinus

Hermannus Cōtractus

Sabellicus

Platina

Io. Rauis. Textor

Boccatius

Raph. Volaterr.

Paulus Æmilius

Valer. Anselmus

Matthæus Palm.

Abbas Vſper.

Paralipomena rerū me

morabilium

Chron. Carionis

Naclerus

Chro. Functij

Supplem. Chronic.

Budæus de Asse

Guaguinus

Chron. Phrygionis

Elucidarium magnum

Annales Aquitanie

Illustr. Gallie

Chron. Chronicorum

Gesta Regum Franc.

Cosmogr. Munsteri

Paulus Iouius

Richerius de reb. Tur-

carum

Chron. Germani cuius-

dam.

Marinus Barletius

Genealogia Imp.

Chron. 8. Regum Fran-

corum.

FINIS.



## AD LECTOREM.



**H**ISTORIAM scripturo ratio in primis temporum, hominum, & gestorum est habenda. In quibus cum diuersos auctores variè dissentientes animaduverteremus, unum tandem sequendum nobis proposuimus Phrygionem, ut planissimum ita verissimū Chronographū. Eadem est in nostrorū quoque tēporum scriptoribus varietas: ut in Mediolanensi Historia deprehendere licet: quam sanè ex autorū scriptione, (arrogantes contemptores ne videremur) data opera exscrpsimus. Veruntamen exquisita veritatis, ac sedula nostra diligentia exhibenda gratia, certiore aliquem temporum ordinem subscripsimus ad hunc modum.

Primus Dux Mediolani fuit Io. Galeacius, cuius Res gestas scripserunt S. Antoninus, Florentia Archiepiscopus, Supplem. Chronic. & Pau. Iouius, qui tres de exitu vitæ conueniunt anno 1402. at de Principatus initio neutiquam. Iouius nanque nihil meminit. S. Antoninus ab anno 1385. principium statuit. Supplem. Chron. ab anno 1382. Sed nec iidem in Principatus duratione consentiunt. Iouius illi annos assignat 24. Supplem. 37. Archiepiscopus non numerat. Ex quorum rationibus, tandem colligimus, (Iouium & grauissimum autorem, & in hoc verissimum secuti) principium Ducatus Mediolanensis fuisse ab anno D. 1378. Io. Maria Vicescomes Dux Mediolanensis secundus, illico patri successor, Ducatum obtinuit annos 10. proinde mortuus est anno 1412. Philippus Maria Dux tertius, vacante per interregni tempus aula, populari tumultu, postea anno 1413. in pristinum Maiorū statū est erectus: in quo stetit annos 33. Itaque decessit anno 1446. Et hoc idem adstruit S. Antoninus Archiep. qui temporibus vixit iisdem. Sphortia Dux quartus populari factione vexatus est annos tres, priusquam ad Ducatum perueniret: quem tandem vi armata est adeptus, anno 1449. (ut scribit Archiepiscopus) & in eo resedit annos 16. Quare necesse est vitæ decessisse anno 1465. Supplem. autem annum addit. Galeacius Maria Dux quintus est designatus eodem anno 1466. in quo vixit annos decem, mortuus est anno 1476. Ioā. Maria Sphortia Dux sextus, duodecimo post patris



patris mortem die Principatū adiit, anno iam incipiente 1476. cūque  
 tenuit sub Ludouico Sphortia, cognomento Moro, socero suo, usque ad  
 annum 1494. fuit ergo tempus Ducatus, eius annorum 18. & aliquot  
 mensum. Ludovicus Sphortia cognomento Morus, mox nepoti contra ius  
 succedens, Ducatum inuasit eodem anno 1494. Rexitque annos 5. &  
 sex menses, donec captiuus in Galliam ductus est anno 1500. Porro  
 non ignores (candide Lector) plerosque scriptores in chronologia ne-  
 glexisse dies, & menses annis superaccedentes: quæ sanè omissio, tem-  
 porum progressu multiplicata, ordinem chronicum turbauit. Illud quo-  
 que te admonere volumus, nos ad nonnullarum finē historiarum, unum  
 tantum, aut certè duos allegasse autores, tametsi ex pluribus excepta fo-  
 rent. Quamobrem si non omnia apud illum unum, aut alterum autorem  
 scripta comperies, ne protinus commentitia existimes. Idcirco enim reli-  
 quos præterimus, ne citatorum congerie graues, & ostentatione super-  
 stitiosi videremur. Quod si in iis quoque autoribus dissidentia nonnun-  
 quam loca inuenias: existima ex rei ipsius iudicio, nos quantum fieri po-  
 tuit discordes conciliasse, & ex dubiis vero simillima quæque & maximè  
 consentanea desumpsisse. Postremò hoc etiam obseruabis, eodem scri-  
 ptore chronico, seu historico diuersis temporibus, ac regionibus  
 sæpius impresso, ac identidem retractato, & emendato, &  
 amplificato, chartas, & capita nonnulla immutari  
 potuisse. Vnde si quis aliter citata, quàm in suo  
 legat exemplari, is iustissimam nostram  
 consideret rationem: qua exami-  
 nata, aut paulò ante, aut pau-  
 lò post comperiet qua-  
 drare Chrono-  
 logiam.

\*\*\*









DOCET nos sacra scriptura quemadmodum in principio creauerit Deus cœlum & terram : atque vt sexto die formatit hominem ( Adam inquam ac Euam ) ad imaginem & similitudinem suam: deinde vt Adamo collocato in terrestri paradiso, prohibuerit, cum interminatione mortis, de ligno scientiæ boni & mali edere. At verò à serpente decepta prima mulier, mandatum transgressa, de fructu vetito edit: ac virum suum protoplastum ad edendum illexit: quare statim sub iugum peccati & mortis traditi sunt : atque è paradiso illo semper virente, & sponte omnia ferente eiekti, in terram execratam, in qua laboribus & sudoribus infinitis vitam transfigerent. Adam itaque terram exercuit: Euam vxorem cognouit, quæ peperit illi Cain, deinde Abel, qui à fratre Cain per inuidiam occisus est. Gen. 1. 2. 3. & 4. cap.

A D A M annos natus 130. genuit Seth, à quo patres pietate insignes originem traxere. Seth natus annos 105. genuit Enos: hic coepit inuocare nomen Domini. Enos, annorum 90. genuit Caïnā. Caïnā annorum 70. genuit Malaleel. Malaleel annorum 65. genuit Iared. Iared. annorum 162. genuit Henoch. Henoch annorum 65. genuit Mathusalam. Porro Henoch annos natus 365. sublatus est à Deo, nec apparuit. Mathusala annorum 187. genuit Lamech. Lamech annorum 182. genuit Noe. Noe annorum 500. genuit Sem, Cham & Iaphet, 100. annis ante diluuium. Erat itaque 600. annorum Noe tempore diluij. Obiit Adam anno xtatis suæ 930. Vide Gene. cap. 5. & 7.





NOE filius Lamech, vir sanè fuit pius ac probus, ac proinde pietate ac iustitia Deo acceptiss. huius tempore gigantes quidam omnes nationes infestabant : quare statuit Deus delere omnia animãtia, seruato Noe cum familia eius. Iubet itaq; ipsi Noe vt arcam fabricet ( hanc centum annis perfecit ) & vt in eam ingrediatur, assumatque secum ex omni animantium genere masculum & femellam : quibus in arcam ingressis, longam cubitorum 300. altam 30. pluit super terram 40. diebus, & 40. noctibus, adeo vt quindecim cubitis eminentissimos montes aqua superaret. Tunc omne animal tam rationis cõpos, quàm expers, aquis obrutum est anno à condito mundo 1656. ante Christum natum 2306. At verò post 150. dies recordatus est Deus ipsius Noe, incepitque aqua decrescere : stetitque arca super montes Armeniæ. Tandem post aliquot etiam dies ex arca exiens Noe cum familia, ac Deo gratias agens, sacra peregit. Cæterum ostendit illi Deus arcum in nubibus in signum fœderis perpetui, terram vniuersam in posterum aquarũ inundatione nunquam submersum iri. Vide Gene. cap. 7. 8. & 9.

SEM, filius Noe, mares quinque genuit : primus horum fuit Ælam, à quo Ælamitæ orti sunt. Hi fuere præcipui inter Persas. Secundus, Assur : ab hoc Assyrij prognati. Tertius, Arphaxad : à quo Arphaxadæi dicti, qui postea Chaldæi sunt vocati. Quartus, Lud : vnde Lydi originem traxere. Quintus, Aram : hic nomen suum Aramenis dedit, quos Græci Syros vocant. Vide Gene. 10. & 11. cap. & Paralip. cap. 1. Ioseph, lib. 1. Antiqui, cap. 14.





CHAM filius Noe, cum patrem primum vitisatorem, suo-  
que inuento inebriatum ludibrio habuisset, ab eodem tulit ma-  
ledictionem. Hic genuit filios quatuor, primum nomine Chus,  
à quo Æthiopes, qui inde Chusæi dicebantur, originem traxe-  
re: secundum nomine Mesraim: ab hoc Mesraei dicti, aliàs etiã  
Ægyptij: nam Mesrim Hebraicè Ægyptum significat: tertium  
nomine Phut: à quo Libes, quos Phutos de nomine suo voca-  
uit: quartum verò nomine Chanaan, vnde Chananæi, atque  
Chananæa eorum regio dicta, quæ postea Iudæa vocata est.  
Vide Gen. cap. 9. & 10. item Ioseph. lib. Antiq. 1. cap. 12.

IAPHET cum fratre suo Sem accepit benedictionem à  
patre, quòd ambo resecta patris verenda velassent. Porro Ia-  
phet genuit filios septem: primum nomine Gomer, à quo Go-  
meritæ, qui à Græcis postea Galatæ dicti sunt. Secundum Ma-  
gog, à quo Magogæ, à Græcis Scythæ nuncupati. Tertium Ma-  
dai, à quo Medi. Quartum Iauan, à quo Iones. Quintum Tu-  
bal, à quo Iberi, qui nunc Hispani. Sextum Mosoch, à quo  
Moschini, qui postea Capadoces dicti sunt. Septimum Thiras,  
qui eos apud quos primatum tenuit, Thirenses appellauit, qui  
postea à Græcis Thraces sunt vocitati. Tot, tantæque gentes,  
ac nationes à filiis Iaphet originem sumpserunt. Cæterum hi tres  
fratres, Iaphet, Sem, & Cham, nati sunt ipsi Noe 100. annis ante  
diluuium, uti iam supra diximus. Vide ut supra.







**ARPHAXAD** filius Sem, genitus est biennio post diluuium, videlicet anno ab orbe condito 1658. ante Christum natum 2304. Hic cum esset annorum 35. genuit Sale: vixitque Arphaxad postquam genuit Sale 303. ver. editio 403. annis: genuitque filios & filias, Ab hoc Arphaxad, vt supra dixi, originem habet Chaldaeorum gens, à quibus Chaldaea regio dicta, quæ in Asia maioris partibus sita est, Arabia contemina, longè latèque in planiciem porrecta, aquis deficiens, in qua olim Babylon magna condita est. Vide Gene. ca. 10. & 11. & Supplem. Chron. lib. 2. Porro Arphaxad quos instituit, Arphaxadeos nominauit, vt ait Iosep. lib. Antiq. 1. ca. 14. Cæterum D. Augu. lib. de Ciuit. Dei 16. scribit Arphaxad genuisse Cainam, septuaginta interpretum opinionem secutus.

**SALÉ** filius Arphaxad, cum esset annorum triginta, genuit Heber, ac postea vixit annos 463. quo temporis spacio filios complures ac filias genuit. Vide Genesin capite vndecimo. Ab hoc Sale, autore Iosepho, Sarmatæ ori sunt, à quibus regiones Sarmaticæ nomen obtinuerunt, quæ sunt duæ, altera in Europa, altera verò, quam Tartariam nuncupamus, in Asia maiore sita est. Porro ea ipsa est Asiatica Sarmatia quæ ab hoc Sale denominationem accepit Sarmaticæ. Fertur hæc regio nunc esse deserta ac incognita, in qua tamen olim conditæ fuerunt tres celeberrimæ vrbes, nempe Hermonasa, Oenatia, & Tyramba. Cæterum sunt qui scribant Caucasos montes in hac esse provincia, cuius portæ à nonnullis (qui tamen falso, ac magno errore ducuntur) Caspia sunt dicta. Vide Ptolemæum lib. 3. & 5.





HEBER, filius Sale, cùm esset annorum 34. genuit Phaleg, anno mundi 1758. ante Christum natum 2204. vixitque postea 430. annos, generans filios & filias. mortuus est autem anno ætatis 464. ab hoc Iudæi orti, qui inde Hebræi dicuntur. præterea in diuisione linguarum, mansit lingua Hebraica penes solam suam generationem. Tunc temporis hæc lingua Hebraica, vocabatur humana, quod omnes homines Hebræa lingua loquerentur. Habuit autem Heber alterum filium nomine Iectan, cuius meminit Moyses: hic multos genuit filios, quorum habitatio erat à Messa pergentibus vsque Sephar, montem orientalem: erant itaque ij ex progenie pij Noë, secundum populos & nationes suas. Hæc prouincia Messa, sita est in Iudæa, vt ait Hieronymus, Vide Gene. 10. & 11. cap. Iosephum lib. 1. Anti. cap. 14.

PHALEG, filius Heber, cùm esset annorum 30. genuit Reu, anno mundi 1788. ante Christum 2174. vixitque postea 239. annos, generans filios & filias, & mortuus est. Phaleg autem diuisionem Hebræi vocant: dictus igitur Phaleg, quoniam secundum diuisionem habitationum natus est, quâdo in linguas terra diuisa est. Huius temporibus initium ac originem cœpit regnum Scytharum, sub rege nomine Tanaïs. Hoc regnum in plaga Septentrionali Asiæ, ad Imaum montem situm est. Videto Gen. cap. 11. item August. de ciuit. Dei, lib. 16. cap. 11.





NEMROD Saturnus, filius Chus, filij Cham, filij Noë, cœpit esse potens in terra. Fuit autem principiū regni eius Babylon, Arach, Achad & Chalanne, in terra Sennaar, anno mūdi 1788. ante Christum 2174. nempe ipso eodem anno supradicto quo genitus est Reu. Hoc regnante facta est linguarum cōfusio in ædificatione turris Babel. Iosephus lib. Anti. i. cap. 9. citat hæc verba Sibyllæ: Cum omnes homines vnus vocis existerent, quidam turrim ædificauerūt excelsam, tanquam ascensuri per eam in cœlum: Dij verò immittētes ventos, euerterunt turrim, & vocē propriā unicuique partiti sunt: propterea Babyloniam vocari contigit ciuitatem, hoc est confusionem. Vide Gene. cap. 10. & 11. & Berosum lib. 4. & 5.

BELVS Iuppiter, quum pater suus Nemrod imperitasset 56. annos, regnauit ipse filius, anno mundi 1844. ante Christum natū 2118. Hic designata fundamenta Babylonix, oppidi magis quàm vrbs similitudine, erexit. pace fruebatur vsque circa finem imperij sui. Berosum cōsule li. 5. vt supra. Imperauit Belus hic annos 62.

COMERVS Gallus more Scythico, vnde venerat, docuit suos Italos urbem curribus componere. Vide Bero. lib. 5. Iusti. lib. j. Diod. Si. lib. 3. & Anni. Viterben.





RE V, siue Rhagau, filius Phaleg, anno ætatis 32. genuit Sarug: hic erat annus mundi 1820. ante Christum natum 2142. vixitque postea 207. annos, generans filios & filias: multa templa ædificauit. Huius tempore principes aliquot à subditis adorati sunt: quinetiam quatuor regna initiū sumpsere: videlicet Scytharum, quibus rex fuit Tanaïs, à quo dictus est Tanaïs fluuius: Amazonum, quæ ex Scythis ortæ, primū ad Tanaïm habitauerunt, deinde ad Thermodoonta, qui inde Amazonius fluuius dictus est: item regnum Aegypti, cui primus rex fuit Sores, siue (vt nonnulli aiunt) Vexores. Quartū fuit regnum Boëmorum, qui Ducē habebant nomine Boëmum. Vide Gene. ii. cap. Iusti. lib. i. Euse. & Chro. Boëmorum.

SARVG, filius Reu, annos natus 30. genuit Nachor, anno mundi 1850. ante Christum natum 2113. vixitque 200. annos, generans filios & filias. Anno 25. ætatis huius, initium ac originem cœpit regnum Assyriorum, omnium maximum, durauitq; (vt Augustinus ait lib. de ciuit. Dei 18. cap. 21.) annos 1305. Sarug annorum 230. obiit diem. Gene. ii.

Bb 2







NINVS, Beli filius, tertius Babyloniorum Rex fuit, anno mundi 1906. ante Christum natum 2056. Regnavit hic 52. annos, omnibus viribus suis sumptis, omnibus bellum inferens, nulli parcēs, propter summam regnandi cupiditatem. Primus Babylonicum regnum propagavit, statuam in honorē patris Belierexit, ad quam qui confugerent, omni crimine absoluerentur. Huius exemplo adducti multi, statuas in memoriam patrum erexere. Inde idololatria initium cœpit: inde nomina hæc, Bel, Baal, Bel-phegor, & Bel-zebug. Videto Hierony. to. 6. super Hoseam cap. 2. & Bero. lib. 5.

ZOROASTES, vt multi autumāt, erat is ipse filius Noë nomine Cham. Fuit hic primus Bactrianorū Rex, primus item artis magicæ inuentor, atque septem artium liberalium, & cursus cœli ac stellarū. Sunt qui memoriæ prodiderint eum simul ac natus est risisse: quod nequaquam fertur bonum omen: cū nascētes vulgò vagiant. Fuit itaque à Nino victus: fuit quoque ipse Ninus sagitta ictus, quo vulnere periit, hæredem filium relinquens, nomine Niniam. Ninus ciuitatem Niniuen ædificauit, trium dierum circuitum habentem, quam Cyrus Assyriorum Rex euertit. August. lib. de ciuita. Dei 21. cap. 14. Euse. Plin. lib. 30. cap. 7.







TVYSSCON, qui à Moysè vocatur Ascenas, filius Gomeri, filij Iaphet primogeniti fuit. Sarmatis, qui iuxta Poloniã habitant, & nunc inter Germanos annumeratur, originẽ præbuit, quos literas docuit, ac legibus formavit: regni Germanici initium dedit anno mundi 1909. ante Christum natum 2053. Hic cum 150. annos regnasset, mortuus, atque inter deos relatus est. A Gomero originẽ habent Cimbri, qui ex Italia cedentes, Daciam, & illa versus Septentrionem loca incoluerunt, quæ nos vulgò dicimus Danemarc. Videto Berosum lib.5.

SAMOTES, cognomento Dis, hoc etiam tempore, & eodem anno, quo suprà, Celtas legibus formavit. Fuit hic primus Gallorum rex, iuxta Berosum lib.5. cui essentitur Cæsar, sexto Commentariorum libro, in hæc verba: *Galli se omnes à Dite patre prognatos prædicant.* Non erat illa tempestate quisquã hoc Samote doctior, aut sapiëntior, ac propterea Samotes dictus est. Ab hoc Samotæ Gallix dictæ, nempe à quo in regnum redactæ essent: testatur id Dioge. Laer. in vita Philosophorum. Vide Berosum vt supra.

Bb 3







**NACHOR**, filius Sarug, cum esset annorum 29 genuit Thare, anno mundi 1879. ante Christum natum 2083. vixit postea 119. annos, generans filios ac filias. in summa vixit annos 148. & mortuus est. Gene. 11. Circa hæc tempora Sicyoniorum regnū incepit, quibus primus rex fuit Aegialeus, à quo Aegialea dicta, quæ nunc Peloponnesus. Consule Plin. lib. 4. cap. 5.

**THARE**, filius Nachor, septuaginta annos natus genuit Abram (qui postea vocatus est Abraham) anno à mundo condito 1949. ante Christum natum 2013. genuit præterea alterum nomine Nachor, & Aran: vixitque in summa 205. annos. Porro Abraham genuit Ismaël & Isaac, ut videbitur inferius. Nachor, frater Abraham, ex Melcha genuit Hus, patrē Iob, & Camuel, patrem Syrorum, ac Bathuel, patrē Rebeckæ: atque alios præterea, horum fratres, numero quinque. Thare autem, tum propter Chaldæorum idololatriā, qui tunc ignem præcipuè colebant, tum propter obitum filij sui Aran, in Mesopotamiā perrexit, ac in vrbe nomine Charan, obiit. Vide Gene. 11. & 22. cap. & Isidor.







I A N V S , anno Nini supradicti decimo, ex Africa ad Celtiberos venit , vbi duas colonias diuisit , à se dictas Noëlas , & Noëglas. Anno autem 19. eiusdem Nini , in Italiam veniens , cum comperisset Camesenum (qui est Cham) præter opinionem corruptentem iuuentutem , tribus illum annis æquo animo fert : deinde , aliquot illi coloniis assignatis , eum Italia excedere , omnes colonos Comeros corruptos montana trans Ianiculum amnem colere iubet : illisq; filiam suam Cranā Helernam , id est suffragio ab his electam , & axaltatam reginam , cum sceptro albo dat. Hic Ianigenas suos cognominatos Razenuos , docuit Physicam , & Astronomiam : diuinationes & ritus scripsit , anno mundi 1948. ante Christum natum 2014. quamobrem sui ipsum eisdem nominibus & veneratione diuina sunt profecuti , quibus in Armenia Saga , vsi erant. Berofus lib.5.

V E S T A vxor fuit Iani , quæ sempiternum ignem custodiēdum virginibus puellis edoctis sacra , tradidit anno mundi 1963. ante Christum natum 1999. Hinc Vestalium superstitio successu temporis manauit : hæ à sexto ad decimū annum huic collegio tradebantur , cū 30. annos mansissent , fas erat nubere : si qua stupri comperta foret , viua sub terrā defodiebatur : vicissim ignem sacrum custodiebāt : quem si qua extingui sineret , flagro cedebatur. Titus Liuius lib.1. August. de ciui. Dei. libr.4. cap.10.





DIONYSIVS, Hammonis filius, armis sumptis Rheam & Camefenum regno paterno pellens, & secū Osirim horum filium retinens, in filiūque suum adoptans, eum de nomine patris sui Hammonem Iouem cognominauit, vti à magistro Olympo Olympicum, eique totius Aegypti regnum tradidit, anno ab orbe condito 1948. ante Christum natum 2014. post nouem annos Barzanes Sabatij filius in Armenia à Nino superatur. Videto Berosum lib.5.

PALLADON virgo, à Græcis dicta Minerua, anno 43. regni Nini (de quo supra mentionem feci) apud Tritonidem lacum infantula exposita est: atq; ab eodē Dionysio, Ioue etiam Libyco cognominato, adoptata in filiam: hæc omnem militiam prima Libyco docuit. Hæc item (secundum alios qui eandem Palladem vocant) lanificium antea incognitum inuenit, & docuit, & textrinū officium: hinc lanifices, fullones, tinctorum, tetricæque puellæ eam pro Dea coluere. dicitur præterea vsum olei inuenisse ac docuisse: & numeros deniq; ipsos, quadrigas, atque arma. Bero. lib.5. Supple. Chro.







OSIRIS, Camefenui & Rheæ filius, imperauit Aegyptiis annis 35. Hic Rex magnus, & pro Deo habitus est: hic, anno mundi 2008. ante Christum natum 1954. qui erat annus nonus regni Zameis Ninix, Regis Babylonis, inuētis à se & sorore adolescentula frumēto, & frugibus, cœpit docere illa in Palæstina. inde reuersus in Aegyptum, & inuēto aratro, & his quæ ad agriculturam pertinebant, sensim vniuersum peragrauit orbem, docens quæcunque inuenerat: & ita vniuerso imperauit orbi, exceptis gentibus quæ iam in Babyloniorum venerāt potestatem. Vide Bero. lib. 5.

ISIS maxima, dicta etiā Iuno Aegyptia, soror & vxor Osiridis, magni apud Aegyptios nominis extitit: testatur eius epitaphium in columna, in hæc verba olim sculptum:

*Ego Isis sum Aegypti regina à Mercurio erudita.*

*Quæ ego legibus statui, nullus soluet.*

*Ego sum vxor Osiridis.*

*Ego sum prima frugum inuentrix.*

*Ego sum Ori regis mater.*

*Ego sum in astro Canis refulgens.*

*Mihi Bubastya vrbs condita est.*

*Gaude, gaude Aegypte, quæ me nutriti.*

Plura qui volet, legat primum & secundum librum Diodori Siculi, de fabulo. antiq. gestis.

Cc







SEMIRAMIS post obitum Nini coniugis sui, imperavit Assyriæ anno mundi 1958. ante Christum natum 2004. Hæc etiam bonam Asiæ partem tenuit, tantæque regnandi cupiditate tenebatur, vt sexum virilem mentita, simularit se defuncti Nini filium. Hæc Babylonem, ex oppido, urbem maximam fecit, vt magis dici possit eam ædificasse quàm ampliassse. Hæc Aethiopiam ac Aegyptum regno suo adiecit. Sed & Indiæ bellum intulit, quò præter illam & Alexandrum, nemo penetrauit. Fertur duxisse in Indiam aduersus Staurobatē Indorum Regem, terdecies centena millia peditum, equitum quingenta millia, currus ad millia centum, naues bis mille: hominésque in elephantis, quatuor cubitorum gladios gestantes. Hæc cum pulcherrimis militibus coibat, quos postea occidebat. Ad postremum, concubitum filij cum petiisset, ab eodem meritò interfecta est, 42. annos post Ninum, regno potita. Vide Berosum lib.5. Diod. lib.3. Iusti. lib.1. Herodo. 1.

ZAMEIS Ninias Babyloniorū seu Assyriorum rex quintus, post matrē Semiramidem, quam occiderat, imperavit annos 38. quorum primus erat annus mundi 2000. ante Christum natum 1962. Hic in sacris scripturis vocatur Amraphel. Belli studia deposuit: in fœminarum turba consenuit: ornavit tamen templa Deorum. Vide. Gene. 14. cap. & Berosum lib.5. Iust. lib.1. Diodo. Sicu. lib.3.





A B R A H A M filius Thare, Deo fuit charissimus, cuius iussu parētem, patriam, omnesque reliquit cognatos: & assumpto Lot abiit in Chanaan peregrinatum, anno mundi 2024. ante Christum natum 1938. promisit illi Deus se in semine illius benedicturū omnes gentes: de semine siquidē huius nasciturus erat Christus. huic promissioni adiecta est circumcisio: itaque se & suos circumcidit, annos natus 99. hæc circumcisio indicabat vitam æternā habituros, piē in Deum per Christum credentes. Anno ætatis 86. ex ancilla Agar genuit Ismaël, quam illi permisit vxor Sara, cum hæc minimè pareret. At verò nihilominus annos ipse natus centum, & Sara nonaginta, genuerunt, fauore diuino, ipsum Isaac. Abraham obiit diem suum annos natus 175. sepelierunt eum filij sui in Hebron cum Sara, quæ illic sepulta erat, iam ante annos 38. Vide Gene. ii. cap. vsq; ad 25. item Iose. lib. Anti. i. à cap. 16. vsque ad 26. Post mortem vxoris Saræ, Abraham aliam duxit vxorem, nomine Ceturam, ex qua filios sustulit sex.

S A R A, filia Aran, vxor Abraham, proba atque insignis matrona extitit, pulchra quidem ac viro charissima, patientissima & prudentissima mulier. Hæc vti dictum est, annos nata 90. non sine miraculo, Isaac peperit, cum antea sterilis esset. annos nata 127. moritur. Vide Gene. 23. cap.



A G A R cūm grauida esset, spreuit dominam suam Saram: quam obrē eam Sara asperrimē coarguit & afflixit, cūm habuisset ius in illā à viro suo: quare Agar fugam arripuit: ab Angelo autem commonefacta, ad dominam rediit, & peperit Ismaël.

I S M A E L, filius Abraham ex Agar, natus est anno mundi 2036. ante Christum natum 1926. Hic in desertis locis habitauit, quādo iuuenis vnā cum matre ab Abraham dimissus est: factusque est sagittarius: dedit illi mater vxorē de terra Aegypti, ex qua liberos duodecim sustulit, vnumquēque principem tribus suæ. Obiit Ismaël, anno ætatis 137. Vide Genes. 16. & 25. cap. item Ioseph. lib. antiq. 1. cap. 18. & 21.

Anno duodecimo à natiuitate Ismaël, Sodoma, Gomorrha, Adama, & Seboim, ciuitates, propter peccata incolētium, funditus euersæ sunt cum incolis, igne & sulphure diuinitus immisso. Solus Lot cum duabus filiabus euasit, diuina clementia vt discederet præmonitus: cuius vxor in statuam salis versa est, anno mundi 2048. ante Christum natum 1914. posthæc anno vno atque altero, natus est Isaac. Vide Gene. cap. 19. Iosephum, lib. 1. cap. 19.

Circa hæc tempora Arius, sextus Assyriorum rex, collecto exercitu post patris Ninix obitum, Bactrianos ac omnes Caspios subiecit. Bero. lib. 5.







IS A A C , filius Abrahæ & Saræ , natus est 14. annos post Ismaëlem : oblatus anno ætatis 13. vt alij volunt 25. qui erat annus mundi 2073. ante Christum natum 1889. anno ætatis 40. vxorem duxit Rebeccam filiam Bathuelis Syri, de Mesopotamia, sororem Laban, vt Abraham pater eius statuerat. anno 60. nati sunt illi ex Rebecca gemelli, prior Esau rufus, & totus hispidus: alter, Iacob, protinus egressus est, plantam fratris manu tenens. anno ætatis 180. mortuus est, & appositus populo suo. Vide Gene. 25. & 35. cap. item Iosep. lib. Anti. 1. cap. 26. & 28.

REBECCA nupsit Isaac anno mundi 2090. ante Christum natum 1872. hæc effecit vt Iacob benedictionem à patre præriperet, quæ Esau promittebatur. Nam cum seni Isaac oculi caligarēt, obtrusit ei Rebecca Iacob indutum vestibus Esau, ac pelliculis hædorum circumfultū manus & collum, interea dum venatum isset Esau, vt pulmētum patri pararet: mox autem rediens Esau, vt audiuit se præuentum, interminatus est mortem fratri Iacob. Id dum rescit Rebecca, mittit Iacob ad Laban, donec furor & indignatio Esau temperetur. Tandem mittens Iacob munera fratri, placatus est. Vide Gene. 27. 32. 33. cap. Iose. lib. Antiq. 1. à cap. 26. ad calcem vsque.

Cc 3





I A C O B filius Isaac , fugiens fratrem Esau, ipse in Haran, ab auunculo Laban benignè ac hilariter exceptus est. cùmque mensem vnum apud eum cōmoratus esset, conuenit inter illos vt pro Rachel in vxorem habenda , seruiet Iacob ipsi Laban, patri Rachelis , septem annos: quibus exactis, Lia pro Rachele supposita est : dolusque consuetudine excusatus : nempe non licere vt minor natu prænubat. Seruiit itaq; Iacob pro Rachele alios iterum septem annos. Sicque ambas sorores in vxores habuit: ex his ambabus, atque ex duabus ancillis, filios duodecim fustulit , ac filiam vnam. Natus est ei Ioseph ex Rachel , anno mundi 2200. ante Christum natum 1762. obiit diem annos natus 147. in Aegypto, vbi erat Ioseph, qui patrem accersiuerat durante sterilitate septē annorum. inde asportatus in Hebron, cum patribus sepultus est. Gen. 29. ca. & inde vsque ad calcem. Iosephus lib. 1. cap. 27.

L I A fuit vxor Iacob, cuius filij fuere Ruben, Simeon, Leui, Iuda, Issachar, Zabulon , & Din a fæmella. Zelpha ancilla Liæ, peperit ipsi Iacob Gad, & Aser. Gene. 29. & 30. ca.

R A C H E L quoque vxor Iacob fuit : huius filij fuere Ioseph & Benjamin, in cuius partu periit. Genes. 29. 30. & 35. cap. Balam ancilla Rachel , peperit item ipsi Iacob , Dan, & Nephthalim.







**IOSEPH** filius Iacob ex Rachel , odiosus erat fratribus, quòd patri esset charissimus: quare ipsi eum in cisternam coniecerunt. At verò consilio fratris sui Iudæ , Ismaëlitis venundatur: ipsi quoque eunucho Pharaonis, Phutiphari, magistro militum , venundant. Post aliquantum temporis falsò accusatus stupri à domina sua, in carcerē detruditur: cùm hæc illum, non ille hanc cõcupisset, ac pressisset. In carcere dum agit, pinceræ, pistorisque Pharaonis somnia interpretatur. Post hæc è carcere educitur, vt ipsius etiã Pharaonis somnia exponat : qui constituit eum super vniuersam terram Aegypti : vertitque nomen eius , & vocauit eum Saluatorem mundi : anno ætatis suæ 30. anno à mundo condito 2230. ante Christum natum 1732. obiit tandem annos natus 110. Vide Genes. 37. cap. & inde ad calcem vsque. item Iose. lib. antiq. 2. à cap. 2. ad 9.

**A S E N E T H** filia Phutipharis sacerdotis Heliopoleos, fuit vxor ipsius Ioseph, quæ peperit illi Manassén & Ephraim. Hos adoptauit Iacob , benedixitque eis antequam moreretur. Vide Gene. 41. & 48. capita.

Cc 4





P R O M E T H E V S , Iapeti atque Asiæ filius , propterea fertur de luto formasse homines, quia optimus sapiëntiæ doctor fuisse perhibetur, vt sentit Augustinus Huic inuentionē ferrei anuli tribuebat antiquitas, vinculumque id, non gestamen intelligi volebat. Lactātius re vera primum omniū simulachrum hominis formasse de pingui & molli luto Prometheum scribit, ab eoque natam primò artem, statuas, & simulachra fingendi. Hic ignem Ioui dicitur furatus, quòd ex ferro, & filice ignem extrudere docuerit, seruaréq; in ferula. Videto Augustinū de ciuita. Dei lib. 18. cap. 8. Lactan. lib. 2. cap. 11. Pli. lib. 13. cap. 1.

A T L A S , Promethei frater , primus Sphæram Astrologiámq; inuenisse dicitur. inde locus fabulæ datus, quòd cœlum humeris fulciret. Vergil. 6. Aeneidos,

—Vbi cœlifer Atlas

*Axem humero torquet, stellis ardentibus aptum.*

Vide Plin. lib. 2. cap. 6. & lib. 7. cap. 56.

A L T A D A S XII. Assyriorum rex, horum temporibus extitit, vt ait Cassiodorus. Hic regnare cœpit anno mundi 2263. ante Christum natum 1699. Huius institutum fuit vt diuitiis & gloria, aliena stultitia & miseria à maioribus suis partis, quoad viueret, frueretur. Vide Bero. lib. 5. Huius ætate Galates apud Celtas, & Vandalus apud Thuyscones regnauit.







**CECROPS** Diphies Atheniensium rex primus, cœpit regnare anno mundi 2408. ante Christum natum 1554. Hic Athenas condidit, vt ait Cassiodorus. De hoc quoq; sic inquit Iustinus lib. 2. *Ante Deucalionis tempora Athenienses regem habuere Cecropem, quem, vt omnis antiquitas fabulata est, biforem prodidere, quia primus marem fœmina, matrimonio iunxit.* Sub hoc rege Athenæ vrbs vel instaurata, vel cōdita fuit. Vide August. lib. de ciui. Dei 18. cap. 8. Berosum lib. 5. Euse. in præfa. Chro.

**DEVCALION** Promethei filius, sed non eius de quo supra, vt supputatio indicat, apud eos regnare cœpit, qui circa Parnassum morabantur, anno à mundo condito 2428. ante Christum natum 1534. Hic annos duos & octoginta natus, Theffaliam vidit inundatam. ipse cum vxore Pyrrha in Parnassum montem nauicula delatus, seruatus est. Vide Bero. lib. 5. in Sparete rege. Xen. de æqui. de hoc fabulantur etiã Poëtæ. Cæterùm Archilochus de tempor. & Ioan. Annius, natum Deucalionem scribunt an. 2. Spheri, 15. Assy. regis, 70. an. à diluui.

**IASIVS** Ianigena, tempore Deucalionis imperabat Italis, in cuius nuptiis affuit Iō Aegyptia. Vide Bero. lib. 5.

**CVRETES** & Coribantus circa hæc tempora Gnoſſon condidere. Hi modulatam & inter se cōcinentem in armis salutationem reperere.

**ASCATADES XVIII.** Assyriorum, seu Babyloniorum rex, omnem Syriam suæ ditionis fecit: huius anno 13. vitis inuenta apud Græcos, narratur. Vide Bero. lib. 5.



**MOYSES** primus Hebræorum dux fuit , anno mundi 2453. ante Christum natum 1509. quo anno filij Israël ab Aegyptiaca liberati sunt seruitute:ac post annum vnum atque alterum, Aaron summus creatur Cacerdos, & cōsecratur. Hic Moyſes inter Hebræos, Deo atque hominibus chariſſimus extitit: erat ſiquidem natura mitis ac candidus. Inter Prophetas ſummum ſe historiographum præſtitit. Hic decem legis præcepta, digito Dei in duabus lapideis tabulis ſcripta, in mōte Sina ſibi tradita, populū Iſraëliticum docuit, & cæremonias ac ritus veteris legis. Obiit anno ætatis 120. Iſraël rexit 40. annis, quos per mare rubrum in deſertum duxit: huic ſucceſſit Iofue. Vide Exo. Leui. Nume. Deute. nam omnibus ferè cap. de Moyſe tractant.

**AARON** Moyſis frater, inter Hebræos præſtans ac diſertus extitit, ſummusque ſacerdos in populo Dei. ad hūc ſpectabant primitiæ & decimæ à filiis Iſraël Deo oblatae. Cum ſummum ſacerdotium geſſiſſet annos 37. obiit , anno ætatis 123. Hoc ſemel orante pro populo , ceſſauit plaga incendiij cœlitus miſſi. Videto Nume. 16. cap. item Iofep. lib. antiq. 4. cap. 5. & ſecundum, diu deſideratum ac recens excuſum Iofephum, cap. 3.







**ELEASAR** Aaronis filius, mortuo patre, summus Sacerdos creatur, anno à mundo condito 2491. ante Christum natum 1471. Iste & Iosue terram Chanaan obtinuerunt, quam vocarūt Iudæam. Hæc in duodecim tribus filiorum Israël diuisa est, quarum nomina sunt, Tribus Ruben, Simeon, Leui, Iuda, Issachar, Zabulon, Gad, Aser, Benjamin, Dan, Nephthalim, Manasses. Obiit Eleasar eodem quo Iosue anno. Vide Exo. 6. cap. item Iosue 24. cap.

**IOSUE**, secundus populi Israëliti dux, anno mundi 2493. ante Christum natum 1469. filios Israël per Iordanem, iuxta præceptum Domini, in terram duxit promissam: Iordanem fluuium, vt Moyses mare rubrum, sine vlllo periculo, verbo Dei fretus, pertransiit: obsidione urbem Iericho cepit, & incendit, attamen Raab cum suis seruauit, minimè ingratus: nam hæc nuntios exploratores receptos, celarat: urbē quoque Hai succēdit Iosue ac Regem suspendit. Dum pro Gabaonitis bellum gerit, sistitur Sol, & prolongatur dies: quinque Reges suspenduntur. In summa 31. reges vicit, victorīq; suo populo Chanaanorum terrā partitus est. Hic pius, bello & pace clarus, rexit populum annos 28. Obiit diem anno ætatis 110. post eum seniores rexerunt populum annos 17. quibus Othoniel successit. Videto lib. Iosue ab initio ad finem. item Iosep. lib. Ant. 5. cap. 1. 2. 3. 4.





**PERSEVS** Iouis filius ex Danaë, Medusam Gorgonem occidit, anno mundi 2.497. ante Christum natum 1465. Hic à Græcia in Asiam transfuectus est: ibi Barbaras gentes graui, diuturnoque bello domuit: & nouissimè victor, nomen superatæ genti dedit: nanque à Perseo Persæ dicti sunt. Vide Oros. lib. I. cap. II. De hoc quoq; sic inquit Herodotus lib. 7. *Posteaquã Perseus ad Cepheum cõmeauit, & Andromedam eius filiam duxit vxorem, tulit ex ea filium, quem Persen appellauit: eumque illic reliquit (nam Cepheus carebat virili prole) à quo cognomen sortiti sunt Persæ.* De Perseo, Poëtæ multi multa fabulantur. Vide Diodo. lib. I. & 4.

**ANDROMEDA** Cephei regis Aethiopum & Cassiopes filia, vxor fuit Persei, quam scopulo alligatam ac monstro marino, propter matris superbiam, vt aiunt, expositam, liberauit: liberatam in vxorẽ duxit, occisis Phineo, & reliquis aduersantibus. Acrisiũ qui Danaën turri incluserat, occidit Perseus, imprudens tamen. Vide Herodo. lib. 7. & Diodorum Siculum multis in locis.







PHOENIX, Agenoris filius, & Cadmi frater fuit. Ambo fratres de Thebis Aegyptiorū in Syriam profecti, apud Tyrum & Sydonem regnauerunt, anno mundi 2506. ante Christum natum 1456. à Phœnice itaque Phœnicia regio dicta. Hic Phœnix Bithyniam condidit: Phœnicibus quædam literas ad scribendum dedit. Vermiculum instituit, vnde fit color puniceus. De Phœnicibus Lucanus, lib. 3. sic ait:

*Phœnices primi, fama si creditur, ausi*

*Mansuram rudibus vocem signare figuris.*

Euse. Chro. inspice.

CADMVS frater Phœnicis, è Phœnicia in Græciam literas numero sedecim intulisse fertur, quibus Palamedē Troiano bello adiecisse quatuor, totidēque post eum Simonidem Melicum. Hic quoque lapidicinas, auri metalla, & cōflaturam reperisse dicitur. Plin. lib. 7. cap. 56. De Cadmo multa Poëtæ fabulantur, præcipuè Ouid. lib. 3. & 4. Metamorphoseos.

CORAX XVI. Sycioniorum rex hisce temporibus regnare occipit, nempe anno à mundo condito 2507. ante Christum natum 1455.

ROMVS etiam apud Celtas regnat anno mundi 2515. ante Christi natiuitatem 1447. Circa hæc quoque tempora Delphicum Apollinis templū Phlegyas incēdit, ob filiam ab Apolline (vt ferunt) compressam.



**DIONYSIVS** cognominatus Liber pater, deinde Bacchus, filius fuit Iouis ex Semele, Dionysius ab Ioue & Nyfa dictus: Nyfa autem antrum est in quo à Nymphis nutritus dicitur. Liber pater dictus est, vel à libertate patriæ, quâ armis etiâ tutatus est, vel quòd vinum, cuius inuentor extitit, reddat linguas liberas ac faciles. Bacchus dictus est, vel à Bacchantibus mulieribus quæ ipsum sequebâtur, vel à baccis, quas in torculari premere docuit. Hic quorum regio vites ferre non posset, docuit potum ex hordeo conficere. In Bœotia iussit, in gratiam patriæ, omnes vrbes liberas esse. Exercitum virorum & mulierum circunducens, nefarios homines merita multauit pœna. In Indiam transcendit, ac militauit, anno mundi 2508. ante Christum natum 1454. triennio post, in Bœotiam multis cum spoliis rediit. Consule Diodorum Siculum de fab. antiq. gestis lib. 5.

**DIONYSIVS** alter longè illo antiquior, ac æuo prior, à nonnullis Sebafis dictus, filius dicitur Iouis & Proserpinæ: primus hic boues sub iugum misisse fertur ad colendam terram: quare illum cornibus finxerunt. Videto Diodorum Siculum libro quo supra.







**OTHONIEL** filius Cenes, & frater Caleb minor natus, de tribu Iuda, iudicauit populum Israël anno mundi 2538. ante Christum natum 1424. In eo fuit spiritus domini: egressusque est ad pugnam, & tradidit dominus in manus eius Chusam-rasathiam Regem Syriæ, cui Israëlitarum seruierant annis octo, & oppressit eum. Hic iudicauit Israël quadraginta annis, & mortuus est. Iudicum 3. Iose. antiq. lib. 5. cap. 7.

**A X A** filia Caleb fuit, atque vxor Othoniel. Hæc à viro præmonita petiit à patre agrum, ac obtinuit, Iudicum cap. 1.

**A O D** qui & Ehud, filius fuit Gera, filij Iemini. hic Israëlẽ iudicauit annos octuaginta à morte Othoniel: primus annorum huius principatus fuit 2578. à creato mundo: & ante Christum natum 1384. Hic populum liberauit à tyrannide Eglon regis Moabitarum, cui seruierat annos decem & octo, propter legis transgressionem. Iudi. 3. Iose. lib. antiq. 5. cap. 8.

**S A M G A R**, filius Anath, iudicauit populum post Aod annum vnum. hic percussit de Philisthiim sexcetos viros vomere, alij legunt stimulo bouum. Iudicum 3.





PELOPS Tantali regis Phrygum filius fuit, qui Hippodamiam Pisæ regis filiam deperibat: atque in vxorem petēs eam, à patre virginis elegātissimæ, Oenamao, iniquis propositis conditionibus, est reiectus. quæ res bellum suscitauit: Oenomaus, Myrtilo præfecto suo prodēte, victus est. Pelops itaque sumpta in vxorē Hippodamia, Pisæ regnum tenuit, anno à mundo condito 2617. ante Christum natum 1346. Hic viribus ac prudentia insignis, cum plurimos in Peloponnesum accolæ deduxisset, eam patriā Peloponnesum ab se denominauit. Diod. lib. 5. circa finem. regnauit annis 59. in Pisa, quæ est in Elide, iuxta Archadium, cuius incolæ eam quæ eiusdem nominis est in Italia, condidere. Vide Strabonē lib. Geographiæ 7. & 8. item Rapha. Volaterranum lib. 34.

Hippodamia filia fuit vnica, eadēque formosissima Oenomaï Elidis regis: hanc à multis procis ambitam, nemini voluit collocare pater: quam tamen Pelops accepit in vxorē, victo patre virginis, fraude Myrtili, qui in mare præcipitatus, nomen Myrtoo mari dedisse dicitur. Hinc illa Poëtarum fabula, de Myrtilo auriga, pecunia corrupto, & de curru vitiato, & deficiente. Vnde Ouidius epist. 8.

*Vestra peregrinis Hippodamia rotis.*

Facit autem Ouid. Hermionem loquentem, quæ erat Pelopis proneptis: nam Pelops erat ei proauus.





AMPHION Iouis & Antiopes filius, Thebis regnavit anno à mundo condito 2636. ante Christum natum 1326. hic tam insignis musices extitit, vt testudinem à Mercurio accepisse dicatur: cuius etiam modulamine fingitur à Poëtis saxa ad extruendas Thebas illexisse, ac traxisse: quod sic interpretatur Eusebius in Chro. *Fuerunt, inquit, duro corde, & (vt ita dicam) saxei quidam auditores.* Cui concinit Horatius in arte Poëtica, dicens,

*Sylvestres homines Sacer interprèsque decorum.*

& cætera. Ac paulò pòst sequitur:

*Dictus & Amphion Thebana conditor urbis,  
Saxa mouere sono testudinis, & prece blanda  
Ducere quò vellet. fuit hæc sapientia quondam  
Publica priuatis, secernere sacra profanis,  
Concubitu prohibere vago, dare iura maritis:  
Oppida moliri, leges incidere ligno.*

Hic, vi eloquentiæ, suasit rudibus ac sparsim degentibus, in vnum vt conuenirent, ciuitatémque muro cingerent: vel, vt interpretatur Palephatus, lyræ beneficio Thebanum murum construxit.

NIOBE filia Tantali, soror Pelopis vxórque Amphionis fuit, cui elegantissimæ formæ filios septē ac filias totidem peperit: vnde se Latonæ prætulit: quare indignata Dea hanc in saxum mutauit (vt fabulantur Poëtæ) occisis prius ab Apolline omnibus suis liberis. Ouid. 6. lib. Metamorph. Diodor. lib. 5. Palephatus inde datū locum fabulæ scribit, quòd supra natorum suorum sepulchrum suam ipsius lapideam imaginem Niobe collocarit, eamq; se esset ipse quoque Palephatus inspexisse imaginem.



**D E B O R A** Prophetissa, vxor Lapidoth, Israëliticum populum iudicauit anno à mundo condito 2659. ante Christum natum 1303. Hæc Barac exercitui suo præfecit, atque vnà cum eo aduersus Sisaram, ducẽ exercitus Iabin, Regis Chananæorum, commigrauit: fusa ac prostrata aduersariorum acie, Sisara ipse præceps de curru delapsus, fugam arripuit, atque à muliere Iahel susceptus, & statim epoto lacte obdormiens, defixo per tempora clauo, ab eadem caput cõsuitur, somnóque soporiferum lethum adiicitur. Vide librum Iudicum, capite tertio.

**B A R A C** filius Abinoam, de tribu Nepthalim, præfectus fuit exercitui Deborah, sicuti supra dictũ à me est. hic Dux fortissimus, decem hominum millibus tantũ assumptis, exercitum Sisaræ, longè copiosorem, imò bis decies ampliorem ad vnum confecit, ac deleuit. Verũ enimuerò, spes ac fiducia in Deum obfirmatissima, præcipua ac potiora erant arma & vires, quibus freti Debora & Barac, insolescẽtes hostes eneruarunt. Videto lib. Iudicum ca. 4. & Iosephum li. Antiquitatum 5. ca. 9.







**GEDEON**, qui & Ierobaal, filius fuit Ioas, de tribu Manasse, iudicauit populum 40. annis, quorum primus, annus erat mundi 2699. ante Christum natum 1263. Hic priusquam aduersus Madianitas contenderet, bis signum à Deo petiit, quò certior fieret se ab eo mitti. duobus itaque miraculis cõfirmatur: prius fuit in holocausto quod totum ignis absumpsit: posterus in vellere primùm humido, deinde sicco. Sic roborata fide, in prælium descendit, ac Oreb & Zeb, Madianitarum Duces, item Zebee (seu Zeba) & Zalmana, cæcidit, ac internitioni dedit, asserens in libertatẽ Israëliticum populum, qui sub illorum iugum ante annos septem missus fuerat. Vide lib. Iudi. cap. 6. 7. & 9. & Iosephum lib. Antiq. 5. cap. 10.

**ABIMELECH** Gedeonis filius ex Droma concubina, septuaginta fratres suos, dẽpto natu minimo, interfecit: populum administrauit ac iudicauit annos tres, quorum primus, annus erat mundi 2739. ante Christum natum 1223. Hic urbem Sichem expugnauit, incolas occidit, quorum urbẽ diruit, ita vt sal in ea euerfa spargeret. Ceterum turrim oppidi Thebes dum oppugnat, ostiũque exurere nititur, à muliere, quæ illi fragmen molæ in caput deiicit, opprimitur: & ne à fœmina trucidatus dicatur, quendã ex suis militibus rogat vt gladio transfodiatur: quod & ille perficit. Sic miserè occumbit, qui fratrum suorum cæde pollutus, tyrannide principatum arripuerat. Vide Iudi. 9. cap.

**THOLA** de tribu Issachar, iudicauit populum an. 23. post Abimelech. Iudicum cap. 10.

**IAIR** Galaadites populum iudicauit ann. 22. post ipsum Thola. Vide vt supra & Iose. lib. Anti. 5. ca. 12.



**EVROPA** Agenoris Phœnicum regis filia fuit, quam Iuppiter fingitur in formam bouis rapuisse, ac per mare in Cretam trāsuexisse: ex qua treis genuerit liberos, Minoem, Rhadamantum, Sarpedonem. Vide Diodo. Sicu. lib. 5. Ouid. li. 2. Metamor. circa finem. Interpretatur fabulam Palephatus de Cretensi quodam, cui nomen erat Taurus, qui Europam captiuam abduxerit.

Ab hac Europa, fertur tertia orbis pars denominata, quam non assentiat Herodotus, qui neminem cōpertum habere dicat, vnde id tertiæ orbis parti nomen datum. Vide Herodotum lib. 4.

**MINOS**, Iouis Asterij & Europæ filius, anno à creatione mundi 2710. ante Christum natum 1252. classem comparauit, mare obtinuit, & insularum Cycladū dominus primus, in earū plerisq; colonias posuit, Caribus eiectis, filiisq; suos constituit principes: latrones è mari sustulit. Thucyd. in præfatione historiæ suæ. Hic omnium cōsensu habitus est vir iustus, & probatæ vitæ, tradunt persuasisse primū scriptis vti legibus, finxisse autem eas Mercurij datas præcepto, autore Ioue. Diodor. Sicul. lib. 2. & 6. De huius Sapientia. vide Diony. Halica. lib. 2. in gestis Numæ. Volater. lib. 33. sic ait: *Minos certè ob summam iustitiam, post mortem iudex apud inferos dictus est, unà cum Rhadamantho fratre.*

**ANDROGEVS**, Minoïs filius, præclaræ indolis adolescens, ab Atheniensibus, quòd in athletica superasset, occiditur: idque causa belli extitit. Volater. lib. 33.





HERCVLES Iouis & Alcmenæ, Amphitryonis vxoris, (vt fertur) filius, natus est anno mundi 2715. ante Christum natum 1247. vixit annos 52. periit igne, primus è maximis pyratis. autor Manetho. De hoc Hercule quem Græci suum vendicât, multa ipsi prædicant aut potius fabulantur, quæ nunc locus enarrandi non est: huic suo, omnium aliorum Herculum egregia facinora tribuunt, vt assolêt. Huius labores duodecim, qui dicuntur fuisse præcipui, à Diodoro Siculo amplissimè describuntur libr. 5. Hic ab Hispaniis in Italiam venit anno 55. ante aduētum Aenæ: Cacum interemit: Italis leges tradidit: Ilium cepit: Laomedonta, ob minimè persolutum præmium, interemit: Priamum interempti filium, Troiæ Regem constituit. tandem ob remedium morbi ardentissimi, in ardentem flammam se præcipitem dedit. Sic fato functus est virorum omniū fortissimus. Diony. Halic. lib. 1. dicit optimum hunc ducē tyrannis orbem purgasse. Diodor. Herodo. Verg. Ouid. singuli multis in locis multa de Hercule narrant.

DEIANIRA, Oenei Calydoniæ regis filia, vxor Herculis fuit. Hæc cupiens virum ab alienis amoribus auocare, misit ad illum venenatā tunicam, iuxta Nessi cōsiliū: tandem calamitatis mariti certior facta, ipsaq; doli huius minimè cōscia, laqueo vitam finiuit, vt scribit Diodor. lib. 5.

D d 3





SIBYLLA Persica, Chaldaea ac Hebraea dicta, sed proprio nomine Sambertha, ad mare rubrum nata est, patre Beroſſo, matre Erymantha: libros scripsit 84. ac de Christo innumera cecinit, cui cæteræ Sibyllæ concinunt: nam omnium primam fuiſſe perhibent. huius meminit Nicanor, qui res geſtas Alexandri magni ſcripſit. Vide Lactan. diuina. inſtit. lib. I. cap. 6. & Auguſt. de Ciuit. Dei lib. 18. cap. 23. Huic Sibyllæ hæc tribuitur prophetia: *Ecce beſtia conculcaberis, & gignetur dominus in orbe terrarum, & gremium virginis erit ſalus gentium: & pedes eius in valetudine hominum, & inuiſibile verbum palpabitur.*

SIBYLLA Libyca, ſeu Libyſſa, ſecunda fuiſſe ſcribitur à Marc. Varrone, in libris rerum diuinarũ, qui Sibyllinos libros ait non vnus tantũ fuiſſe Sibyllæ, ſed Sibyllinos appellari, quòd omnes ſcæminæ vates, Sibyllæ ſint à veteribus nũcupatæ: vel à conſiliis Deorum enuntiandis, iuxta etymologiam, more quidem loquendi Aeolico, *οἶσς* enim Deos, ac *βουλή*, conſilium vocant Aeoles: vel ab vnus Delphidis nomine. Vide vt ſuprà.

Huic Sibyllæ hæc tribuitur Prophetia:

*Ecce veniet dies, & illuminabit dominus condensa tenebrarum, & nexus ſynagoga ſoluetur, & deſinent labia hominum, cùm viderint Regem viuentium: & tenebit illum in gremio virgo domina gentium, & regnabit in miſericordia: & uterus matris eius erit ſtatera cunctorum. inde in manus iniquas veniet & dabunt Deo alapas manibus inceſtis: miſerabilis, & ignominioſus erit, miſerabilibùſque ſpem præbebit.*





SIBYLLA Delphica, Delphis nata, proprio nomine Themis dicta, ante Troianum excidiū extitisse fertur, cuius etiam versus plurimos operi suo Homerū inseruisse credunt. Sunt tamen interim qui censeant Sibyllæ propriū id illi fuisse nomen, quod in reliquis manarit: vti supra in Libyca Sibylla leuiter attingi. Vide supra in Sibyllis Persica, & Libyca.

Huic hæc tribuitur Prophetia:

*Ipsū tuū cognosce dominū, qui verè filius Dei est. Hanc item Chrysippus ait vaticinatam esse, Nasci debere Prophetam absque matris (vel maris) coitu, de virgine.*

SIBYLLA Cumæa, ex Cimerio Campaniæ, vicino Cumis oppido, fuit: Italica proinde ac Cimeria dicta. prope Cumas speluncā inhabitauit, vnde oracula edere solita: vt Aenææ quoque adeūti, futura prædixerit omnia. huius carmina apud Aenā ciuitatem Iuliano imperante cōbusta scribit Am. Marcellinus: quæ sanè carmina, quibus Rom. fata conscripta erant, in arcanis apud Rom. habebantur, nec ab vllō nisi à Quindecim viris inspicere fas erat: cū aliarum interim Sibyllarū carmina circumferre liceret. audi Verg. Eclog. 4.

*Vltima Cumæi venit iam carminis ætas: &c.*

Scilicet (inquit Viues) tempus etiam quod vaticinium tendebat, certis erat literis insertum: & solitas Sibyllas aliquid per initia versuum significare, scribit Cice. lib. 2. de diuina.

Huic hæc tribuitur Prophetia:

*In prima facie virginis ascendit puella, pulchra facie, proluxa capillis, sedens super sedem stratum: nutrit puerum, dans ei ad comedendū ius proprium, id est lac de cælo missum.*



NICOSTRATA, Euandri Archadis mater, futurorum vaticinatrix fuit, quæ à carminibus, quibus Phœbi oracula enūtiabat, Carmentis latinè dicta fuit. Hanc quidam aiunt latinis primùm literas dedisse. Diony. Halicarnaseus lib. quidē 1. Antiq. Rom. scribit ipsos Archades primos literas in Italiam attulisse, qui post Pelasgos venerant. Tit. Liuius Euandrum ipsum, autorem vocat, lib. ab vrbe condita 1. *Euāder* (inquit) *tum ea, profugus ex Peloponneso, autoritate magis quàm imperio regebat loca, venerabilis vir miraculo literarū, rei nouæ inter rudes artium homines.* Huic concinit Cornelius Tacitus, qui tradit Aborigenes ab Euādro Archade didicisse literas. Vide Poly. Verg. li. 1. cap. 6. Hæc quoque scribit Textor Græcas literas impensè doctam, pleraque ex latinis primùm reperisse: quò coniectare licet mulierē versatili ingenio, variâque doctrina fuisse præditam.

EVANDER huius Nicostratæ, seu Carmentis, filius, cum patrem imprudēs interfecisset, relicta Archadia in Italiam venit, & pulsīs Aboriginibus in Palatino monte cōsedit: agróque à Fauno iuniore Aborigenum Rege donatus, collem elegit, qui nunc in medio fermè vrbis est, in quo castellū seu oppidum extruxit, cui Pallantium, seu Pallanteū, nomen dedit, vel à Metropoli Archadiæ, vel de Pallantis proauī sui nomine circa annum mundi 2725. ante Christum natum 1237. paulò nempe ante quàm Hercules in Italiam ab Hispaniis aduentaret. Pallantium, Rom. postea Palatium dixerunt. Vide Diony. Halic. lib. 1. & Cæli. Rhodi. lib. 11. cap. 17. & Vergi. lib. Enei. 8. vbi sic inquit:

*Archades his oris, genus à Pallante profectum,  
Qui Regem Euandrum comites, qui signa secuti,  
Delegere locum, & posuere in montibus urbem,  
Pallantis proauī de nomine, Pallanteum.*





**PRIAMVS** Laomedontis filius, interfecto patre ab Hercule, Troiâq; vi capta, regnum patris recepit, quod ei Hercules tradidit vt viro iusto, amicôque. Solus enim filiorum patri consuluerat equos diuino semine procreatos (si credere fas est) Herculi, ob liberatam Hesionem promissos, tradendos. Hæc Diod. Sic. lib. 5. Sunt tamen qui scribant Priamũ captiuum ab Hercule abductum in Græciã, postea auro à vicinis redemptum, vnde à redimendo nomen obtinuerit. Habuit filios quinquaginta: vnde Vergi.

*Quinquaginta illi thalami, spes tanta nepotum:*

ex his decẽ & septẽ sustulit ex iusta vxore Hecuba: inter quos insigniores fuere Hector, Paris, Deiphobus, Helenus, Polites, Polydorus. Capta vrbe à Græcis, interemptus est Priamus senex, à Pyrrho Achillis filio: idque ad aram Iouis, in sanguine etiam Politæ filij sui. autor Dictys Cretensis. Troiæ Priamus regnat anno mundi 2725. ante Christum natum 1237. quam ita ampliauit & ornauit vt nulli maximarum urbium ornatu & potentia cederet.

**HECVBA** Cissei regis Thracum filia, vxor Priami fuit, Hæc cùm Paridem in vtero gestaret, somniauit se parere facem ardentem, quæ patriam exureret. Hanc in canem versam fabulantur, quòd cùm vrbe capta, captiua abduceretur, ac Polydori filij corpus in mare proiectum agnosceret, Græcos inanibus laccessiuerit conuiciis. Vergil. Aen. 10. lib. Ouid. 13. Metamorpho.



**HECTOR** Priami filiorum fortissimus fuit, quo sospite Troia nunquam potuit à Græcis expugnari. Hic permultos ex Græcis occidit, inter quos Protefilaum & Patroclum: in cuius ultionē ab Achille demum occiditur, à quo bigis alligatus, circum Patrocli sepulchrū trahitur. post 12. dies corpus eius auro à patre redimitur. autor Dares Phrygius. Home. lib. 23 Ilia. Ver. lib. 1. Aenei. Volaterr. lib. 15.

**ANDROMACHE**, Eetionis Regis Thebarum, quæ in Cilicia sunt, filia, Hectoris vxor castissima, & Astyanactis mater fuit: quem peperit post inchoatū bellum Græcorum, & admodum paruulum abscondit: at verò ab Vlyssæ repertus, de turri ab eodem præcipitatur. mater autē à Pirrho abducta in Græciam, Molossus ex eo parit, deinde Heleno in vxorem datur: eique regni Epiri portio assignatur. Vide Volaterran. lib. 8. & 13. Strab. lib. 7. Vergil. lib. 3. Aene. Porro de supputatione annorum facile est cuius vel mediocriter docto, rationem inire quo tempore gesta sint nonnulla, quibus annorū numeros non inferui, cum iidem numeri annorum hinc inde paulum absint. id te semel monitum volui, candide lector, ut ne mihi succenseas, aut vitio veritas, si singulis epitomis aut paginis, supputationem hanc in nonnullis quidem minimè necessariam (sunt enim multa quæ in idē tempus coincidunt) anxie non obseruo, nec iteratò repono.





THESEVS Ægei Athenarum Regis filius, ex Æthra Pithei filia, regnavit Athenis anno mundi 2730. ante Christum natum 1232. Hic Herculem imitatus, mare ingressus est: ad ea certamina adiecit animum, quæ laudem & gloriam sibi essent allatura: iuuenis adhuc Creontem tyrannum occidit: præterea taurum vastantem Atticam, & Minotaurum: item Scyronem, Procrustem, & Schynin latrones, in Attica trucidavit. Cum Hercule aduersus Amazonas strenuè militauit, quarum reginam Hippolyten abduxit, ex qua filium Hippolytum sustulit. Iustin lib.2. Diodor.lib.5. Plutarc. in vita Thesei, Ouid. epist.4.& 10. Hic firmam amicitiam cum Pirithoo iunxit.

MINOTAVRVS, filius fuit Pasiphaë, & iuuenis cuiusdam formosissimi, nomine Tauri, qui, morbo laborante Minoë marito Pasiphaës, cum hac concubuit, peperitque Pasiphaë ipsa ex eo concubitu filium, qui inde Minotaurus dictus est, quòd cum Minoïs filius putaretur, re vera tamen Tauri filius esset: quem ideo Minos relegauit, atque infectatus est: ad quem tandem Theseū misit, qui accepto ense ab Ariadne, eum occidit. Hæc Palephatus libro de non credendis fabulosis narrationibus. De hoc Minotauro multa fabulantur Poëtæ, quòd semiuir, ac semibos fuerit, vnde Ouid.

*Semiuirūque bouem, semibouēque virum:*  
quòd Labyrintho, à Dædalo fabrefacto inclusus, obiectos sibi homines deuoratit. Vergil.lib.6. Ænei. Ouid.epist.10.



MARTHESIA, siue Marpesia, & Lampedo, siue Lampeto, Reginae fuere Amazonum, regnante Theseo Athenis: nempe anno mundi 2734. ante Christum natum 1228. autoribus Iustin. lib. 2. & Oros. lib. 1. cap. 15. & 16. Funccius verò reiicit ad annum mundi 2754. ante Christum natum 1208. hæ in duas partes, exercitu diuiso, inclytæ iam opibus, vicissim bellagerebant: & ne successibus deesset autoritas, generatas se Marte prædicabant. Itaque maiore parte Europæ subacta, Asiæ quoque nonnullas ciuitates occupauere. ibi Ephesum, multasque alias vrbes cõdidere: tandem ibi Marthesia incurfu barbarorum interficitur, in cuius locum Orithya filia succedit. Iustin. lib. 2. Oros. lib. 1. cap. 15.

LAMPEDO, siue Lampeto Amazonum Regina, Epheso multisque aliis vrbibus in Asia conditis, domũ cum parte exercitus remittitur, vt patriã tueatur. Cæterum de huius gestis, & fato nil apud autores reperi, quemadmodũ nec ipse etiã Boccarius. De Amazonibus autẽ in genere pauca dicere lubet. Hæ ex Scythis ortæ, in Cappadociæ ora, ad amnẽ Thermodoonta confedere: ibi mariti, qui spoliare finitimos consueverant, conspiratione populorum per insidias trucidantur: ipsæ, quarum exilio addebatur orbitas, arma sumunt: remp. sine viris augment: matrimonium seruitutem appellant. tandem pace armis quæsita, ne gens interiret, finitimorum cõcubitum ineunt: si qui mares nascuntur, occidunt: virgines armis exercet, dextris mammis inuistis, ne sagittarum iactus impediatur, vnde Amazones dictæ. Iustin. lib. 2.





MENALIPPE, Orithyæ ac Antiopes (hæ ambæ Amazonum reginæ erant) soror, ab Hercule bello superata, captiua abducitur: quam tandem sorori reginæ red dit: & pretium, arma eiusdem reginæ (Baltheum fuisse dicunt) accipit: atque ita mandato functus, ad Regem Eurystheum Hercules ipse, reuertitur. Vide Iustinum libr. 2.

HIPPOLYTE, soror Orithyæ, Antiopes, & Menalip-  
pes, eodẽ ipso bello quo soror Menalippe ab Hercule capta, ac  
abducta est, hæc quoque à Theseo capitur ac abducitur: Sed ta-  
men eam in vxorẽ Theseus accipit, ex eaque gignit Hippoly-  
tum, vti iam à me dictum est supra, in Theseo. Iustin. lib 2.

Nec verò nesciendũ est, Hippolytum omnium castissimum  
fuisse, eundẽque venationi deditissimũ: de quo multa legere  
licet apud autores: maximè apud Ouidium li. 15. Metamorpho  
item Heroidum epist. 4.





ORITHYA, Marthesiæ filia, Amazonum post matrem Regina, tum ob belli industriam, tum ob perpetuam virginitatem, cōspiciam se, ac mirabilem præstitit. Hæc ubi cōperit bellum, vim quoque sōroribus suis illatam ab Hercule & Theseo, hortatur comites in ultionē, frustra que Ponti sinum & Asiam domitam esse dicit, si Græcorum non tam bellis quàm rapinis pateant. auxiliū à Rege Scytharum capit. Sed ante præliū diffensione orta, ab auxiliis desertæ Amazones, bellōq; ab Atheniēsis victæ, receptaculum tamen habuere castra sociorum, in regnūque reuersæ sunt. Iustin. lib. 2.

PENTHESILEA post Orythiam Amazonis imperauit. Hæc Troianis aduersus Græcos opem tulit. Verg. lib. Aen. 1.

*Ducit Amazonidum lunatis agmina peltis  
Penthesilea furens, mediisque in millibus ardet,  
Aurea subnectens exerta cingula mamma  
Bellatrix, audetque viris concurrere virgo.*

Interfecta demum ab Achille, exercitūque eius absumpto, pauca quæ remanserant vsque ad tempora Alexandri Magni durauerunt: quem Thalestris, Amazonum Regina, adiit, ad so-  
bolem ex eo generandam. Hunc cum tercentum feminis salutauit, cæteris iussis subsistere, copiam sui fecit ei Alexander per tredecim dies. Hæc coram illi in os ingenuè fassa est se tantum ad suscipiēdos liberos venisse: fœminini sexus se retenturam, marem patri redditurā. reuersa in regnum, breui post tempore cum omni Amazonum nomine intercudit. Quint. Curt. lib. 6. Iustin. lib. 2. de hac vide etiam infra in Alexandro.





MENELAVS, Atrei ( alij dicunt Plifthenis ) & Aëropes filius , in vxorem accepit Helenam formosissimā quidem mulierem, attamē quæ bis rapta est, primū à Theseo, postea à Paride. Hic Menelaus regnavit apud Lacedæmonios anno mūdi 2758. ante Christum natum 1204. aduersus Troianos bellum gessit pro recuperanda vxore, quam non nisi capta Troia recuperavit, bellum gessit decem ferè annis. præterea conscendens nauim in reditu, non nisi post octauum erroris annum patriam attigit. Tantæ molis erat infame reducere scortū. scribit nihilominus Dictys Cretensis non tam animo consternatum fuisse Menelaum ob raptam vxorem, quàm ob Aetram & Clymenam, affines suas. Sustulit ex Helena Hermionem. Dares Phry. Ouid. lib. II. Metamorp. Cæterū Menelaum Atrei filium Homerus scribit, Hesiodus autem, Plifthenis.

A G A M E M N O N regnavit Mycœnis anno mundi 2768. ante Christum natum 1194. hic frater fuit Menelai: & omnium consensu Græcorum dux præcipuus aduersus Troianos declaratus est: classem habuit nauium sexaginta supra centum; vniuersa Græcorum classis erat nauium plus mille. Tandem reuersus ab expeditione illa, & bello Troiano confecto, ipse, insidiis Clytēnestræ vxoris, ab Aegystho adultero interficitur: Orestésque filius eius hanc iniuriā vlciscitur, interfectis adulteris, matre scilicet Clytemnestra ac Aegystho. Euripid. in Oreste, Seneca in Agamemnone. Dares Phrygi. Dictys Cre.



P A R I S, qui & Alexander dictus, Priami filius fuit & Hecubæ. Hunc pater exponi iussit, quòd mater prægnans somniaisset se facem ardentem parere: attamen Hecuba materno affectu ducta, curauit vt in Ida mōte à pastoribus nutriretur. A dolenscens Oenonem amauit, ex qua Idæum & Daphnidem sustulit. Tandem à parentibus agnitus ac receptus, suscepit legationem in Græciam ad repetendam Hesionem, vbi Helenam rapuit, Troiâque abduxit anno mundi 2768. ante Christum natum 1194. nempe primo anno regni Agamemnonis. Propterea bellum Græcorum aduersus Troianos exarsit. Scribit Herodotus renitentem abduxisse, Sparténque expugnasse, ob id à viro recipi meruisse. Achillé sagitta interemit Paris, vicissim quoque interemptus est à Pyrrho Achilles filio. Herodo. lib. 2. Dares, Dictys Cretensis.

H E L E N A, Iouis & Ledæ filia, à Theseo primùm rapta, nec multo post Castori & Polluci fratribus reddita, Menelai vxor fuit, cui Hermionem peperit: hanc Paris seu volentem seu nolentem abduxit, vti dictum à me supra est, ac in vxorem duxit. Hæc proditiōis Troiæ cōscia fuisse dicitur, cū Greci armis diffidentes ad dolum se cōuertissent: ac faciem, proditiōis signum, ex arce sustulisse, & cum priore viro in gratiâ rediisse. De simulachro ac templo Helenæ, in quo mulier ex turpissima, speciosissima facta est, vide Herodotum libr. 6. Capta est Troia deficiente iam vere, 17. diebus ante conuersionem æstiuam, anno mundi 2783. ante Christum natum 1179. Vide Diony. Halicar.





VLYSSES Laërtæ & Anticliæ filius, Solers ac disertus extitit, atque prudentissimus Græcorum, qui in expeditione Troiæ fuerunt. Hic infaniam simulans comitatum negat, nempe irretitus amore iuuentulæ coniugis Penelopes: verum fraude à Palamede detecta, cogitur cum cæteris in bellum proficisci. Detectus ipse, Achillem vicissim detegit, qui etiam in Troianos contendit, anno mundi 2773. ante Christum natum 1189. Vlysses multa tum fraude tum virtute peregit annis decem in obsidione Troiæ: qua capta, per decennium itidem hac atque illac fluctibus marinis iactatus, tandem ad vxorem in patriam peruenit: procorum iniurias vlciscitur. Postea à Telegono, quem ex Circe susceperat, spina trigonis piscis venenata, incognitus transfigitur. Homer. in Odyss. & Vergil. in Æne. multis in locis.

PENELOPE, Icarij & Peribcæ filia, Vlyssis vxor fuit castissima. Hæc totos viginti annos maritum illibata pudicitia expectauit, nec vnquam adduci potuit vt alteri nuberet: quanquam pater Icarius cogeret, & proci valde sollicitarent, quos egregio commento fefellit (si credere licet) quanquam aliter de huius pudicitia scribat Lycophron. Vide Ouid. epist. Heroïdum prima, quæ nomine Penelopes inscribitur.

E c





**ACHILLES** Pelei Theſſaliæ regis & Thetidis filius, Gre-  
corum fortiffimus fuit. Hic iam adultus inter Lycomedis filias,  
muliebri indutus ornatu latitauit, opera matris quæ hac arte  
cauebat ne ad bellum Troianum profiſceretur, vnde nō eſſet  
reuerſurus. Nihilominus tamen Vlyſſis aſtu deprehenſus, ad  
bellum perducitur. Hic Deïdamiam Lycomedis filiam com-  
preſſit, ex qua Pyrrhum ſuſtulit: quinetiam ob ereptam ſibi ab  
Agamemnone Briſeïda, pugnare deſtitit, donec Patrocli ami-  
ciſſimi mors nunciaretur, quam Hectoris morte compenſauit.  
Cæterum à Paride tum demum interficitur Achilles: tandem  
& ipſe Pyrrhus Polyxenam ad ſepulchrum patris immolat. Ho-  
mer. in Odyſſ. & Vergil. lib. Eneid. 2. & Statius libr. Thebaid. 1.  
item Dares, & Dictys Cretenſis.

**POLYXENA** Priami & Hecubæ filia ſpecioſiſſima, ad  
tumulum Achillis à Pyrrho eiufdem Achillis filio, interficitur,  
ad placandos Achillis manes. Ouidius lib. 13. Metamor.

*Placet Achilleos mactata Polyxena manes.*

Polyxenam fertur Achilles in mœnibus Troiæ conſpectam ad-  
maſſe, eamque in vxorem petuiſſe: Priamus annuit: in Apol-  
linis templum conuenitur, ad ineunda pacis nuptiarumque  
fœdera: verum inibi interim Achilles à Paride dolo interfici-  
tur. Vide vt ſupra, & Euripi. Trage.







**NAVPLIVS**, Euboëæ insulæ Rex, quam Nigropontum hodie vocant, Palamedis pater fuit, eius inquam qui Vlysses commento & fraude, ab exercitu lapidibus est obrutus: Vlysses siquidem oderat Palamedem, mortemque illi dolo machinatus est, quòd technam suam detexisset, cum illi furorem simulanti, ut ad bellum minimè proficisceretur, filium in sulco obiecit. Nauplius ut filij necem vlcisceretur, vxores principum Græcorum, tum cum Troiam obsidebant, in iuuenum adulteria pellexit, sperans ut in reditu mutuis se vulneribus confoderent propter vitiatas vxores. Præterea Græcis redeuntibus, ignem ex Caphareo monte ostendit: quò factum est ut bona pars ad ignem, tanquam ad proximum portum adnauigans, inter scopulos naufragium fecerit. tandem doloris impatientia se ipsum in mare præcipirat, quòd Vlysses & Diomedes, quos maximè obrui cupiebat, incolumes euassissent. Vide Homer. Verg. Ouid. multis in locis singulos.

**PALAMIDES** Nauplij filius, quatuor dicitur literas inuenisse, præterea ordinem aciei, symbolum bellicum, & vigilias, ad exemplum gruum: item calculorum ludum, atque aleam, & latrunculos, quos scachos vulgò dicimus, & mensurarum ac ponderum rationem, quinetiam annum ad Solis cursum, menses ad Lunæ accommodasse. Hic ab Vlyssè falsò proditiōis insimulatus, lapidibus obruitur. Vide Ouid. lib. 13. Metamor. Cel. Rhodig. lib. 20. cap. 27. & lib. 7. ca. 31. Huius Palamedis Poemata dicitur Homerus, inuidiæ stimulis agitur, conculcasse, aut exussisse. idem Cel. Rhodig. id tradit, lib. 20. ca. 30. Vide item Volat. lib. 18. & Plin. 7. cap. 56.



**IEP H T E**, filius Galaad ex meretrice, iudicauit populum Israël anno mundi 2787. ante Christum natum 1175. Hic pugnavit contra Ammonitas, quos tradidit dominus in manus eius. vouerat autem prius, satis tamen imprudenter, se in holocaustum oblaturū domino eum qui primus de domo sua egrediens, sibi occurreret victori: acciditque ut filia sua vnigenita cum tympanis & choris ei reuertenti occurreret, qua visa scidit ipse sua sibi vestimēta, præ dolore: immolauit tamen filiam post duos menses, quos illa impetrarat ad lugendam virginitatem. Vide lib. Iudi. cap. 11. & 12. sex annis iudicauit Iephte Israëlem. Ioseph. lib. Antiq. 5. cap. 12.

**A B E S A N**, de Beth-lehem, mortuo Iephte iudicauit Israël septem annis. Hic habuit triginta filios & totidem filias, quas omnes maritis tradidit, simul filiis omnibus vxores dedit: foras misit filias, filiorum autem vxores domum suam introduxit. Iudi. 12. Ioseph. lib. 5. cap. 12. Rabbi Salomon & Chaldaeus paraphrasteshūc Abefan Boos esse dicunt. Post Abefan, Aelon de tribu Zabulon, iudicauit populum annos decem: post quem etiam Abdon de tribu Ephraim, iudicauit Israëlē annos octo. Iudicum cap. 12. post hunc Samson iudicauit, cuius meminero postea.








**L A T I N V S** Laurentum Rex, Fauni & Maricæ, filius fuit. Hic vel bello ab Ænea victus, vel tantum certior factus quissam, & unde esset Æneas, antequam signa canerent, ipsi Æneæ dextram, fidei signum, dedit: filiam deinde in vxorem tradidit, quanquam prius pacta esset Turno Rutulorum regi. Æneas de nomine vxoris Lauiniæ, Lauinium appellat. Turnus ob præreptam Lauiniam sibi pactam, bellum mouet: vtrique summa contentione pugnatum est: inclinauit tamen victoria in Troianos, qui Latinum eo in prælio amiserunt, anno mundi 2787. ante Christum natum 1175. Titus Liuius lib. 1. & Diony. Halicar. lib. item primo.

**L A V I N I A** Latini & Amatæ filia, Æneæ vxor post Creusam fuit. Hæc mortuo Ænea Ascanij tutelam gessit: deinde ab eodem Ascanio, Lauinio, vrbe iam florente atque opulenta, donata est: noua ipse aliam sub Albano monte condidit, quam ab situ porrectæ in dorso vrbs, Longam Albam appellauit. Titus Liuius lib. 1. Lauinia Syluium Posthumum peperit tertium regem Latinorum: qui sic dictus est, quod post patris Æneæ fatum in syluis natus ac educatus sit. Videto vt supra.

E e 3





ÆNEAS, Anchisæ & Veneris filius, ac Priami gener, pius, probus ac bellicosus à Vergilio in gratiam Augusti describitur: aliter enim scribunt grauiissimi autores. Hic patrem humeris impositum Troiano incendio dicitur eripuisse, Creusam vxorem in turba amisisse, in Italiam nauigasse, Turnum bello vicisse, Lauiniam duxisse, oppidum condidisse Lauinium, de nomine vxoris sic dictum: Ascanium, qui Albam Longam condidit, genuisse. Aduentum autem Æneæ in Africam, cōgressum, societatem aut nuptias cum Didone, vt fabulosa prætereo: neque enim appulisse in Africam scribunt historici probatiores: neque, vt appulerit, Didonem illic potuerit reperisse, cū nondum nata esset. Nauigationem Æneæ sic paucis describit Titus Liuius lib. i. *Aeneas*, inquit, *domo profugus, primò in Macedoniam venit: inde in Siciliam, quarens sedes, delatus est. Ab Sicilia, classē Laurentem agrum tenuit. Troia & huic loco nomen est.* De morte Æneæ nil certi reperi. Constat dum cum Rutulis ac Hetruscis, congregitur, multos vtrunque cæsos, Æneæ autem corpus nusquam inuentum. id prælium commissum est postquam treis annos ab obitu Latini soceri sui, regnasset Æneas, anno à capta Troia septimo. Dion. Halicar. lib. i. Titus Liuius lib. i. Verg. in libris Aeneidos. Lauinium vrbem condidit Aeneas anno mundi 2788. ante Christum natum 1174.

TURNVS, Rutulorum Rex, Amata, vxoris Latini, consobrinus fuit. Huic pacta fuerat Lauiniā ante aduentum Æneæ: quare prælatum sibi aduenam ægrè ferens, simul Æneæ Latinoque bellum intulit. Vide vt supra. Victus singulari certamino Turnus ab Aenea, victoriam cum sponsa, riuali Æneæ reliquit. Verg. lib. Eneid. 12.





ORESTES occiso Ægistho imperat Mycœnis, quæ vrbs est in Peloponneso, anno mundi 2789. ante Christum natum 1173. Fuit hic Agamemnonis & Clytemnestræ filius: matrem adulteram cum adultero suo Ægistho interemit, quod patrem suum etiam interemerat. Deinde Pyrrhum quoque interfecit, quod Hermionem sibi prius desponsatam, quæ & Pyrrhum oderat, rapuisset, vique eam in vxorem sibi retinuisset. Ob hæc scelera furis agitur vagabatur: habuit interim Pyladem fidum itineris comitem ac periculorum socium. Peruenit itaque Orestes in regionem Tauricam, vbi inuenta sorore Electra, cum ea, iam furore purgatus, migravit in Italiam. Orestes pro Pylade, Pylades pro Oreste, vterque pro altero mori minimè recusauit: sicut nec Nysus pro Eurialo, nec Eurialus pro Nyso, vti est apud Verg. quare numeratur inter insigniora amicorum paria. Vide Sophocl. in Electra, Euripid. in Oreste, Cicer. de amicitia, & lib. 2. de finib. Ouid. Epist. 8. Heroidum.

HERMIONE Menelai & Helenæ filia fuit. Hæc à Tyn-  
daro auo materno primùm pacta est in vxorem Oresti, interea  
dum pater in bello Troiano militaret: qui etiam eandem Pyr-  
rho, mortuo patre Achille, promittit. Pyrrhus reuersus eam  
rapit, ac retinet inuitam: quamobrem indignatus Orestes Pyr-  
rhum in templo Apollinis, ope Macarei sacerdotis interfecit,  
vxorémque suam Hermionem recipit. Videto Vergil. libr. 3.  
Æneid. Ouid. epist. 8. supradicta, quæ inscribitur, Hermione  
Oresti.



ASCANIUS Æneæ filius, Latinorum Rex fuit, anno à mundo condito 2789. ante Christum natum 1173. Hic à fluuio Phrygiæ Ascanius dictus est: præterea Ilus, ab rege Troianorum Ilo: quinetiam Iulus, à prima barbæ Lanugine. Vergil. Æneid.1.

*At puer Ascanius, cui nunc cognomen Iulo  
Additur, Ilus erat, dum res stetit Iliæ regno.*

Huic puero flammula quædam supra caput apparuit, quæ nec vrebatur, nec manibus extingui poterat: hinc sumptum omen est, futurum ut aliquando imperaret: idem narrat de Seruio Tullio Liuius lib.1. Cæterum Ascanius cum 25. annos in Lauinio regnasset, Longam Albam condidit, ac nouerçæ, quæ antea restituta fuerat (nam priuignum Ascanium metuens, in syluas se receperat) Lauinium reliquit: regni hæredem fecit Posthumum fratrem suum ex diuersa matre, cum nondum esset Iulus eius filius ad regendum idoneus per ætatem. Imperauit Ascanius 38. annis, cum Lauinio, tum Longæ Albæ. Ab Iulo eius filio Iuliorum familia orta est. Eutrop. auctus.

SYLVIVS Posthumus Æneæ ex Lauinia filius, regnum Latinorum tenuit post Ascanium, anno mundi 2827. ante Christum natum 1135. Imperauit apud Latinos annis 29. de ratione nominis huius, dictum est supra in Lauinia. huius temporibus agebat Homerus, ut autor est Cassiodor. Vide Diony. Halicarn. & Eutro. lib.1.





SAMSON filius Manue de tribu Dan, iudicauit post Abdon, populum Israëliticum annos 20. quorum initium fuit annum mundi 2818. ante Christum natum 1144. Hic vir fortissimus leonis catulum suum ac rugientem, qui ei occurrebat, in frustra dilacerauit quasi hœdum, nihil omnino gladij habens præ manibus. post aliquor dies inuenit in ore huius leonis examen apum ac fauum mellis. Hic propter ablatam vxorem, segetes Philisthinorum excussit, ligatis facibus ad caudas tercentum vulpium. Maxilla asini mille Philisthinorum interemit: Israëlitas à seruitute eorum liberauit, quibus 40. annis seruierant. in Gaza cùm circundaretur custodibus in porra vrbs stantibus, ipse consurgens circiter medium noctis, apprehendit ambas portæ fores cum postibus & sera, imposuitque humeris suis, & portauit ad verticem montis. Vide Iudi. 14. & 15. cap. Ioseph. Antiq. lib. 5. cap. 13. post Samsonem Heli fuit summus sacerdos ac iudex populi per 40. annos, cui successit Samuel, de quo postea mentionem faciemus.

DALIDA, siue Dalila, meretrix fuit, quam amauit Samson. Hæc argento à principibus Philisthinorum accepto corrupta, amasium Samsonem tonsum prodidit, qui ab hostibus captus, erutis oculis in carcerem detrusus est. Postea inde vocatus est vt luderet coram eis, qui excæcato & ligato volebant illudere: at ille cùm venisset, & coram illis luderet, inuocato Domino ait: *Domine Deus meus memento mei, & redde mihi nunc fortitudinem pristinam, vt ulciscar me de hostibus meis.* Tunc apprehendit columnas ambas ambabus manibus, & cecidit domus, quæ cadendo interfecit ad tria millia vtriusque sexus Philisthinorum, vnâ cum ipso. Consulito lib. Iudi. cap. 16.



BRVTVS Ascanij Æneæ filij ex Syluiο nepos (quanquam alij censeant Syluium Æneæ filium Posthumum fuisse) fertur proceros quosdam, atque immanes viros sede sua expulisse: insulamque eam de suo nomine Britanniam cognominasse, quæ prius vocabatur Albion, ab Albina quadam Syriæ regis filia, quæ vnà cum 32. sororibus, interfectis ab se viris, à patre expulsa, in hæc loco appulerat. Post annos circiter 50. ab excidio Troiæ, id est circa annum à mundo condito 2832. ante Christum natum 1130. cœpit in ea insula, quam magnam Britanniam vocant, regnare Brutus iste, illicque fertur liberos genuisse tres, qui totidem sibi regna constituerunt: Locrum à quo Locria: Cambrum à quo Cambra, nunc Vuallia: & Albanactum, à quo Albania, quæ Scotia postea dicta est. Locrus fratribus superstes, solus Britannia potitus est: post quem Maddan annos quadraginta regnavit. hæc Raphaël Volaterranus in Geographia, lib.3. de populis ac regibus Britannia, quam nunc Angliam vocant. Supputationem annorum potes etiam colligere, ac deprehendere in Ascanio Æneæ filio, de quo à nobis dictum est supra, paulò antè, tertia ab hinc pagina.

IGNOGNE Pandrasī Leo-græciæ Regis filia, huius Bruti vxor fuit, ex qua tres, qui supradicti sunt, liberos sustulit. Videto Supplementum Chroni. lib.4. Item Chronica Chronicorum.







**HOMERVS** Græcus Poëta percelebris, clarebat circiter annum mundi 2838. ante natiuitatem Christi 1124. secundum Cassiodorum. nam Cornelius Nepos in libris Chronicorum refert ad longè posteriorem ætatem, puta ad annum mundi 3051. ante Christum natum 911. ante Romam conditam 160. annos. Natum itaque Homerum, vt inquit Plutarchus, belli Troiani tempore, eiusdémque spectatorem fuisse, quidam scribunt, alij 100. annis pòst, alij 150. Mater ad Meletem fluuium eum peperit, ob idque Melesigenes appellatus est: postea cæcus factus, Homeri nomen accepit. Duo præcipua poëmata scripsit, Iliada & Odyssæam. Ilias gesta Græcorum & Barbarorum propter Helenæ raptum, sed præcipuè Achillis præclara facinora complectitur. Odyssæa verò, Vlyssis ex Troiano bello in patriam reditum. Scribunt eum obiisse præ ingenti mœrore, cùm ænigma à piscatoribus propositum non posset dissoluere: ipsum autem ænigma erat huiusmodi: *Quæcunque cepimus, reliquimus: quæ verò non cepimus, habemus.* Vide Plutarc. in vita Homeri.

**HESIODVS** Poëta, paulò præcessit Homerum, imò & coætaneus eius, & sanguine illi iunctus fuisse perhibetur. Certè Herodotus scribit Hesiodum atque Homerum 400. non amplius annis ipsum præcessisse: extitit autem Herodotus circiter annum mundi 2520. & ante Christum natum 1442. erat Hesiodus ex Ascræ, vico Bœotix, vnde & Ascræus dictus. Hic primus ac princeps omniû, de agricultura versibus scripsit, quem imitatus est Verg. in Georgicis. Scribebat in Bœotia Helladis, vt inquit Plin. lib. 18. cap. 24. de eius morte misera, cûrque à Locrænsibus quibusdam adulescentibus sit occisus, vide Plutarc. in conuiuio septem sapientum.



SAMVEL, Elcanæ filius ex Anna, iudicauit populum Israël post Heli, anno mundi 2878. ante Christum natum 1084. Hunc filium mater diu sterilis, precibus à Deo impetrauit, quem etiam Deo obtulit. Arcam Dei reducunt Philisthini, quam tempore Heli ceperant : iudicauit Samuel annos 11. iuxta Hebræos, puta vsque ad Saul, primum regem. Senex factus Samuel, constituebat filios suos Ioëlem & Abiam iudices in Israël, qui cum non ambularent in viis Patris, sed declinarēt ad auaritiam & munera, peruertentes iudicium, maiores natu Israël petierunt à Samuele regem, qui iudicaret more gentium cæterarum. Itaque Saul à Samuele vngitur in regem, præcipiente Domino. 1. lib. Reg. cap. 1. 2. & 3. ad 9. vsque cap. Ioseph. lib. Antiq. 5. cap. 15. & sequen.

SAVL filius Cis, de tribu Ben-iamin, vnctus est in regem primum Israëlitarum, eodem anno quo Samuel filios suos constituerat iudices : nempe anno mundi 2889. ante Christum natum 1073. Erat Saul altior vniuerso populo à capite ad humeros, quem videns populus clamauit, *Viuat Rex*. Ammonitas & Philisthæos vicit. At contra præceptum Dei, non expectato Samuele, sacrificans, abiicitur à Deo : item contra præceptum Dei victis Amalecitis, regem eorum Agag & prædam reseruauit : filiam suam Michol Dauidi in vxorem dedit. Tandem victus à Philisthæis, ne viuus in manus eorum veniret, à quibus occideretur, seipsum propriis manibus interfecit. Vide 1. libr. Reg. à fronte ad calcem. hunc lib. sunt qui vocent 1. Samuelis. imperauit Saul annis duobus. Ioseph. lib. 6. cap. 4. & sequen.





**DAVID** filius Iesse (Iesse vocabatur quoque Isai) regnavit super tribum Iuda in Hebron, anno mundi 2891. ante Christum natum 1071. quo tempore etiam Isboseth constituitur Rex super Israël, regnavit autem David super Iudā & Beniamin in Hebron septem annos, & sex menses: præterea super alias decem tribus, & super totum Israël annos 33. Hic cum gregem patris pasceret, leonē & vrsū apprehenso mento occidit: quare nec diffidit ad futurum sibi Dei auxilium aduersus Goliath: igitur lapide funda iacto, gigantem interfecit. Prophetæ Nathan eum homicidij arguit. Præterea proposuit ei Deus per Gad Prophetam tria pœnarum genera, quod populum numerasset: aut septem annorum famem, aut trium mensium persequente hoste, fugam, aut trium dierum pestilentiam: ultimum elegit, inquit melius esse ut in manus Domini incideret. tunc usque adeo sæviit pestis ut 70000. virorum hac lue perirent, ad ædificationem templi populū & Salomonē filium hortatus, descriptionem ac necessaria ad ædificationem dedit. annos natus 70. moritur, ac sepelitur in Beth-lehem. 2. lib. Reg. 11. cap. & sequen. Ioseph. lib. Antiq. 6. cap. 10. & sequentibus.

**SALOMON** filius David ex Beth-sabea, incipit imperare in Israël anno mundi 2931. ante Christum natum 1031. Hic sapientiam à domino postulavit, & impetrauit. habuit ad ædificationem tēpli 70000. qui onera portarent, latomorum 80000. præpositorum 3300. locutus est 3000. parabolas, fuerunt carmina eius 5000. annuus reditus eius erat 666. talentorum auri, excepto vectigali, valebatque talentum auri ad 5000. aureorum. mira potes legere à cap. 4. li. 3. Reg. ad 10. item apud Ioseph. lib. 8. vxores habuit quasi reginas 700. & concubinas 300. quæ cum ex gentibus essent, ut eis gratificaretur, ad idololatriam deflexit: quare decem tribus à filio suo ablata. regnavit annos 40.



**ROBOAM** filius Salomonis ex Naama Pharaonis filia, mortuo patre regnavit super filios Israël qui habitabant in ciuitatibus Iuda, anno mundi 2971. ante Christum natum 991. nam decem tribus ad Ieroboam defecerant. Hic Roboam spreto senum consilio, iuuenum consilium amplexatus est, superbissimè respondens populo qui tributorum imminutionem postulabat: quomobrem descuerunt ab eo decem tribus. ipse autem 80000. virorum congregauit ex tribu Iuda & Beniamin, ut subiugum eius qui filius & hæres Salomonis erat, mitterent has decem tribus quæ ad Ieroboam defecerant: sed ut ne pugnaret prohibuit Dominus, dicens à se factum esse istud, quemadmodum per Ahiam Prophetam prædixerat. Vide 3. Reg. 11. 12. 13. 14. cap. & 2. Paralipomen. 10. 11. 12. cap. Ioseph. lib. Antiquit. 8. cap. 7. & 8. regnavit annos 17. cui successit filius, nomine Abia, siue Abiam.

**SESACH** rex Ægypti, ascendit in Ierusalem, & tulit thesauros domus Domini, & thesauros regios & vniuersa diripuit, anno quinto regni Roboam. habebat Sefac in exercitu 1200. currus, equitum 60000. Vide ut supra.







AHIAS Silonites, Propheta, prædixit ipsi Ieroboam decem tribuum ad se defectionem : nam apprehendens pallium suum nouum quo opertus erat ipsemet Ahias, scidit illud in duodecim partes : & ait ad Ieroboam, Toll e tibi decem scissuras : hæc enim dicit Dominus Deus Israël : *Ego scindam regnum de manu Salomonis, & dabo tibi decem tribus.* Vide 3. lib. Reg. cap. 11. Ioseph. lib. Antiquit. 8. cap. 7.

IEROBOAM filius Nabat regnavit in Israël super decem tribus, eodem anno quo Roboam imperavit duabus tribubus, Iudæ scilicet ac Ben-iamin, nempe anno à mundo condito 2971. ante Christum natum 991. Hic Ieroboam fecit duos vitulos aureos ad retinendum populum ne ascenderet, adorandi gratia, in templum Ierosolymitanum, & ne hac fortè via deficeret ad regem Roboam, qui Ierosolymis imperabat. Sic falsa religione propter ambitionem & regnandi libidinem, populum imbuit, nam adorandos hos vitulos palàm exhibuit, clamans : *Nolite ultra ascendere in Ierusalem, ecce Dij tui Israël, qui te eduxerunt de terra Aegypti.* Hic manum in Prophetam extendit, & aruit, nec potuit eam rex ad se retrahere : at verò orante Propheta, restituitur in integrum manus arida. Tandem à filio Roboam, Regis Iudæ, vincitur. Rexit Israël annis 22. successit Nadab filius eius. Vide 3. lib. Reg. cap. 11. 12. 13. 14. Ioseph. lib. Antiq. 8. cap. 8. 9. 11.





A B I A, seu Abiam, filius fuit Roboam, ex Maacha filia Abessalom, & successit patri in regno Iudæ, anno mundi 2988. ante Christum natum 974. Hic prauum se, ac paternorum vestigiorum æmulum præstitit: orantibus tamen Deum suis militibus, vicit ipsum Ieroboam. tunc corrumpere 50000. virorum fortium ex Israël, confossi à viris Iuda. Nam diuisæ erant duodecim tribus Hebræorum in duo regna, Iudæorum, & Israëlitarum: præeratque rex Iudæorum duabus tantum tribubus, videlicet tribui Iudæ, & Ben-iamin: Rex verò Israëlitarum imperitabat reliquis decem tribubus. Rex itaque Abia Israëllem tribus ferè annis 3. Reg. 15. cap. & 2. lib. Paralip. cap. 13. Ioseph. lib. Antiq. 8. cap. 11.

A S A, filius Abiæ, successit patri in regno Iudæ, anno 20. regni Ieroboam regis Israël, imperauitque annos 41. Fuit Asa rex pius in Deum & homines, subuertit altaria peregrini cultus, confregit statuas, lucos succidit: & præcepit Iudæ ut quæreretur Dominum Deum patrum suorum, legi diuinæ pareret, & vniuersa mandata impleret. Habuit de tribu Iuda 300000. de Benjamin autem 250000. militum virorum fortissimorum. Egressus est contra eos Zara rex Ethiopum cum decies centenis hominum millibus: hos implorato diuino auxilio, fugauit Asa: fugatos, internecioni dedit. Post hæc iniit fœdus cum Benadab rege Syriæ, timens Baasa regem Israël: quare à Propheta Hanani corripitur, quem in neruum misit. Deinde dolore pedum grauissimo laborans, cum iam multos occidisset, opem medicorum potius quam Dei quæsiuit. 3. Reg. 15. cap. 2. Paralip. 14. & 15. Ioseph. lib. 8. cap. 12.





NADAB filius Ieroboam successit patri in regno Israël, anno secundo regni Afa, Regis Iuda: hic impius, genuina patris proles, non diu imperavit: occisus est à Baasa anno tertio Afa Regis Iudæ:& regnum eius occupavit homicida ille Baasa. Vide tertium librū Regum, cap. 14. & 15. imperavit anno à condito mundo 2992. ante Christum natum 970.

B A A S A occiso Nadab, regnavit super Israël annos 24. homicidio regnum affecutus, homicidia iterum perpetravit: nam omnem familiam Ieroboam interfecit. fuit huic bellum cum Afa, nam ascenderat Baasa in Iudam, & Rama muro cingebat, ut ne quis à regno Iudæ in regnum Israël penetrare posset: quamobrem perterrefactus Afa, missis muneribus opem Ben-adab Regis Syriæ imploravit: ut dictum iam à me supra est in Afa. Tandem Iehu prædixit ipsi Baasæ sui ipsius suorumque ruinam ob idololatriam, sicuti familiæ Ieroboam. successit Baasæ Ela filius. incepit regnare Baasa anno mundi 2992. ante Christum natum 970. nempe eodem anno de quo supra in Nadab. Vide lib. 3. Reg. 15. & 16. cap. Ioseph. lib. Antiq. 8. cap. 12.

Ff





EL A filius Baasæ, defuncto patre imperat Israëlitis anno mundi 3015. ante Christum natum 947. nempe anno 26. Asæ Regis Iudæ: & anno 27. eiusdem ebrius occiditur à Zambri, duce mediæ partis equitum huius Regis Elæ. Itaque Zambri regnum inuadens occidit omnem familiam Baasæ: quod cum rescivit populus, constituit sibi alterum Regem nomine Ambri, qui obsedit Zambri in Therfa. Porro cum videret Zambri expugnandam esse ciuitatem, ingressus palatium succendit se cum domo regia: sic tyrannide regnum affecutus, septimo etiam die tyrannidem in semetipsum exercuit. Vide lib. 3. Reg. cap. 16.

A M R I (Iosephus Amarin vocat) Israëliticum regnum administrauit anno mundi 3016. ante Christum natum 946. nec verò nesciendum est, post Zambri diuisum fuisse populum in duas partes, altera fauebat Thebni, altera Amri: hæc contentio durauit ad aliquot annos: tandem præualuit pars quæ elegerat Amri in Regem, & mortuus est Thebni: sic confirmatum est regnum ipsi Amri, cuius regno etiam adduntur anni huius dissentionis: nam dicitur imperasse in Israël annos duodecim. Hic montem Samariæ emit à Somer (Samarum vocat Iosephus, à quo Samaria dicta) duobus talentis argenti: illic ædificauit Samariam, regni que sedem constituit, sex annis in Therfa egit reliquos in Samaria. Vide lib. 3. Reg. cap. 16. & Iosep. lib. Antiq. 8. cap. 12. Successit ei filius etiam impius Achab.







**A CH A B** regnavit in Israël anno 38. regni Afa Regis Iudæ: hic erat annus mundi 3027. ante Christum natum 935. tenuit Achab principatum in Samaria annis 22. omnes priores Reges impietate superavit: duxit vxorem Iezabel Regis Sidoniorum filiam: & posuit aram Baal in templo Baal, quod extruxerat in Samaria, ipsumque Baal adoravit. Prædixit ei Propheta Elias famem, quæ tres annos duravit. post hæc occurrit Achab Eliæ, cui dixit: *Tûne es ille qui conturbas Israël?* respondit Elias: *Non ego turbavi Israel, sed tu, & domus patris tui, qui deliquistis mandata Domini, & secuti estis Baal.* Deinde miraculo facto in holocausto Eliæ, eiusdem Eliæ iussu sacerdotes Baal impostores interficiuntur, erant autem 450. Achab semel atque iterum prælio vicit Ben-adab: tertio contra eundem pugnans mutata etiam veste, sagitta fortuito ad mortem vulneratur. 3. Reg. 16. cap. & seq. Iosep. lib. Antiq. 8. cap. 12. & 13.

**IE Z A B E L** filia Eth-Baal Regis Sidoniorum, vxor fuit huius supradicti Acab. Impia hæc Pseudoprophetis Baal fauens, Eliæ mortem minitata est: quod cum resciret Elias, aufugit: præterea ipsi Naboth mortem machinata est, qui lapidibus est obrutus, quod falsis testibus conuicisset ipsa Iezabel, eum Deo ac Regi maledixisse. occasio autem inde manarat, quod vineam, patrum suorum hæreditatem, Regi Achab non permisisset Naboth. Vide lib. 3. Reg. 19. & 21. cap. & Ioseph. lib. Antiq. 8. cap. 13. Hæc iussu Iehu de fenestra præcipitata est, in Iezrahel: cum, audiens aduentum eius, ornasset se, ac fuco faciem deliniuisset: aspersusque est sanguine paries, & equorum ungulæ conculcaverunt eam: iussitque eam sepeliri Iehu, quod filia Regis esset: at cum sepelirent eam, non inuenerunt nisi caluariam, & pedes, & summas manus, iuxta prædictionem Eliæ, 4. Reg. 9.



ELIAS Thesbites, Propheta fuit clarissimus : floruit temporibus Achab & Ochosiæ, Regum Israël. Vir quidem fuit pilosus, zonæque pellicea accinctus renes: zelo maximo erga Dei cultum affectus, varia edidit miracula quæ vulgarissima sunt (siquidem gratia apud Deum maxima valuit) nam quid commemorem ut in solitudine pastus sit à coruis, deinde ab Angelis? ut pluuiam impetrarit? ut pseudo prophetas increparit, ac interfecerit? ut Quinquagenarij duo, cum suis militibus, ad comprehendendum eum ab Rege Ochosiæ, filio Achab, missi, igne cælitus demisso, subitò consumpti fuerint? ut aquas fluij Iordanis pallio suo percussas diuiserit? ut denique per turbinem in cælum raptus fuerit curru & equis igneis? Legat qui volet 3. lib. Regum à cap. 18. ad finem vsque. Eccle. 48. cap. Iacob. epist. cap. 5. item Ioseph. lib. Antiquit. 8. cap. 12. & sequentibus capitibus.

ELISEVS filius Saphat, iubente domino vnctus est ab Elia in Prophetam, nempe ut succederet ipsi Eliæ, eique ministraret. arantem Eliseum reperit Elias: sic ex agricolatione ad Prophetiam vocatur. Hic petiit sibi dari spiritum Eliæ duplicem: filium hospitæ suæ mortuum suscitauit: Naaman Syrum à lepra curauit, præmiâque recusauit. Vitam eius, ac miracula multa quibus claruit, hoc loci non est instituti mei persequi: amplius nosse qui cupit, legat lib. 4. Regum à 1. cap. ad 14. Porro id minimè silentio prætereundum est, quod scribitur in lib. 4. Reg. cap. 13. in hæc verba: *Quidam sepelientes hominem, viderunt latrunculos, & proiecerunt cadauer in sepulchro Elisei: quod cum tetigisset ossa Elisei, reuixit homo, & stetit super pedes.* Vide etiam Iosephum lib. Antiq. 9. cad. 8.





**IOSAPHAT** filius Aſa, regnare cœpit ſuper Iudam anno 4. Achab, regis Iſraël: hoc eſt anno mundi 3031. ante Chriſtum natum 931. annorum erat 30. cùm regnare cœpiſſet, & 25. annis regnavit: pietatem coluit, patris Aſæ genuinam prolem ſe præſtitit. Claſſem paravit quæ nauigaret in Ophir ad aurum inde auehendum. Philithæi munera ei afferebant, & vectigal argenti: Arabes quoque adducebant pecora ampliſſima. ædificauit in Iuda domos ad inſtar turrium, vrbesque muratas. Tertio regni anno miſit qui circuirent cunctas vrbes Iuda, atque docerent populum, geſtantes librum legis Domini. Conſtituit iudices in ſingulis vrbibus, quibus dixit: *Videte quid faciatis: non enim hominis exercetis iudicium, ſed Dei: & quodcunque indicaueritis, in vos redundabit.* Inſurrexerunt in eum Ammonitæ & Moabitæ, qui in ſemetipſos verſi, mutuis concidère vulneribus: ampla ſpolia lêgit Ioſaphat. Vide 3. lib. Reg. cap. 22. & 2. lib. Para. cap. 17. 18. 19. & 20. & Ioſeph. lib. 9. cap. 1.

**IORAM** filius Ioſaphat, ſucceſſit patri. Hic omnes fratres ſuos occidit, & quosdam de primoribus Iuda. Athaliam (Gotholiam vocat Ioſep.) vxorem duxit, filiam Amri, quæ illum ad cultum idolorum adduxit: quare allatæ ſunt ei literæ à Propheta quodam, quæ ultionem diuinam ei prædicebant, quòd imitatus eſſet Achab, & quòd fratres ſuos meliores ſe, occidiſſet, & declinaſſet à pietate Ioſaphat patris ſui. Suſcitauit ergo Deus Philithinos & Arabes, qui terram Iuda vaſtarunt, dõmum Ioram diripuerunt, filios eius occiderunt, præter Ioachas minimum natu. Regnavit Ioram tres annos vnâ cum patre, & 4. poſt patrem: ſucceſſit filius eius Ochofias. fuit alter Ioram filius Achab, rex Iſraël, de quo pa. ſequent. hic verò rex Iudæ. Vide vt ſupra.



**OCHOSIA** filius Achab, regnare cœpit super Israël in Samaria anno mundi 3049. ante Christum natum 913. Hic impius, prauus, & vtrique parenti persimilis extitit: atque æger ex lapsu, misit consultum Deum Accaron, an conualesceret: reuertuntur nuntij, dicentes occurrisse sibi hominem pilosum, renibus accintum zona pellicea, qui dixerit vt reuerterentur, renuntiarentque minimè conualiturum. Ochosias Eliam esse qui nuntios impediuiisset ratus, misit ad eum Tribunum cum quinquaginta militibus, vt eum adducerent, quos omnes ignis cœlitus demissus, consumpsit: cùm totidem iterum misisset Ochosias, eodẽ fato correpti sunt: Tribunus autem qui tertius missus est, supplex Eliam deprecatus est: qui Elias, ab Angelo præmonitus, cum hoc Tribuno ad Ochosiam perrexit. Tandem ab Elia increpatus est Ochosias, apud quem idipsum locutus est, quod per nuntios primùm prædixerat. Itaque ex hac infirmitate obiit, nullis relictis liberis: quare successit ei frater suus Ioram. Vide 3. Reg. 22. cap. & 4 Reg. 1. cap. item Ioseph. lib. Antiq. 9. cap. 2. regnavit annos duos. Fuit alter Ochosias filius Iorã Rex Iuda, cuius infra meminero: hic verò Rex fuit Israël.

**IORAM** frater Ochosiæ, & filius Achab, successit prædicto Ochosiæ fratri suo in regno Israël, regnavitque in Samaria duodecim annis. Huius temporibus Rex Syriæ Ben-adab obsedit Samariam, vbi fames magna inualuit, adeò vt venundaretur caput asini octoginta argenteis. Vide 3. lib. Reg. cap. 20. Item Ioseph. lib. Antiq. 9. cap. 4. huic successit Iehu. Fuit quoque alter Ioram filius Iosaphat, de quo supra, Rex Iuda: hic autem Rex Israël.





**OCHOSIAS** filius Ioram Regis Iudæ, non autem eius Ioram qui fuit Rex Israël, successit patri in regno Iudæ anno 12. Ioram filij Achab Regis Israël, annos natus erat 20. cùm regnare cœpisset, & imperavit Ierosolymis anno tātū vno, qui erat annus mundi 3060. ante Christum natum 902. Impiè egit, securusq; est domum Achab: iniit societatem cum Ioram filio Achab, de quo supra proximè mētionem feci: & cum eo gessit bellum aduersus Hazael, Regem Syrorum. Iste Ochosias iussu Iehu, qui in Regem vnctus fuerat, interfectus est. Vide lib. 4. Reg 8. & 9. cap. item lib. 2. Paral. 22. ca. Fuit alter Ochosias filius Achab, & frater Ioram, Regum Israël, de quibus supra mentionem fecimus, & nunc quoque commune factum candidum lectorem volumus.

**ATHALIA**, mater huius Ochosiæ, cùm videret mortuum Regem filium suum, interfecit omne semen regium, præter paruulū, nomine Ioas, filium huius Ochosiæ Regis Iudæ: quem Iosaba, filia Ioram, Regis Iudæ, patris Ochosiæ proximè supradicti, absconderat. Athalia itaque vsurpauit regnum Iudæ, rexitque septem ferè annos: nam hoc eodem anno septimo Ioas vnctus est in Regem à Ioiada Pontifice, & occisa est Athalia. Videto lib. 4. Reg. cap. 11. item Ioseph. lib. Anti. 9. cap. 7. vbi hanc vocat Gotholiam. Cæterum quatenus attinet ad annorum supputationem, Athalia hæc, vti apud Chronologos comperio, regnare incepit super Iudam, anno à mundo condito 3061. ante verò Christum seruatorem natum, 901. & imperitauit, vt prædixi, annis ferè septem.



**IEHV**, Dux exercitus Ioram, Regis Iudæ, imperante in Israël Ioram filio Achab, & Ochosis filio alterius Ioram in Iuda vnctus est in Regem Israël, regnavitque his duobus interfecit, anno mundi quo Athalia, de qua proxima pagina superiore à nobis dictum est. Hic omnem domum Regis Achab exterminavit: Ioram Regem Israël sagitta transfuerberavit. Ochosis occidit, Iezabel præcipitari iussit. Consulto lib. 4. Reg. ca. 9. & 10. & Iosep. lib. Antiq. 9. cap. 6. Hic sacerdotes Baal occidit, idolum, & templum succendit, in quo loco cloacas fecit: nec tamen à peccatis Ieroboam recessit, nec dereliquit vitulos aureos, qui erant in Bethel, & in Dan. imperavit annos 28. & successit ei Ioachas filius eius.

**IOIADA** summum obtinuit apud Iudæos Sacerdotium: hic Ioas Ochosis Regis Iudæ filium, in regnum restituit, occisa Atalia, quæ tyrannide regnum inuaserat. pepigit Ioiada fœdus cum Ioas, quo fœdere Rex Ioas & ipse populus polliciti sunt obedire Deo, & populus etiam Regi. inito hoc fœdere, demoliti sunt aras Baal, idola contriuerunt. & Mathan sacerdotem Baal, occiderunt, etiam coram altari. Vide li. 4. Reg. cap. 11. nihilominus tamen mortuo Ioiada, Ioas ipse ad idololatriam deflexit. Vide lib. 2. Paral. 24. cap. & Iosep. lib. Antiq. 9. cap. 7.







IO A S, filius Ochosiæ Regis Iudæ, a nno 7. regni Athaliæ matris, qui erat annus mundi 3067. ante Christum natum 895. à Ioiada pontifice vngitur in Regem Iudæ. De hoc superiori pagina in Athalia dictum est, quòd à Iosaba filia Ioram, sorore Ochosiæ absconditus sit, ne interficeret eum Athalia. hic magnam vim pecuniæ misit ad Regē Syriæ, vt recederet: nam cum exercitu pugnabat contra Iudæos. Templum Domini instauravit, pius ipse in Deū & homines. At verò mortuo Ioiada Zachariam Prophetam filium Ioiadæ interemit, beneficiorum Ioiadæ immemor, aut ingratus peccatum ultio secuta est, nec diu moram traxit: nam elapso vix anno ascendit contra Ioas exercitus Syriæ, venitque in Iudam & Ierusalem: primores occiderunt, prædas abegerunt. Denique insurgentes etiam serui in ipsum Ioas, eum occiderunt in lectulo suo, in ultionem sanguinis Zachariæ filij Ioiadæ. 4. Reg. 11. & 12. cap 2. Paralip. 24. & 25. Ioseph. lib. 9. cap. 7. & 8. imperavit annos 40. fuit alter Ioas, filius Ioachas filij Iehu, Rex Israël.

A M A S I A filius Ioas, successit patri in regno Iudæ anno mundi 3107. ante Christum natum 855. is erat annus secundus regni Ioas, filij Ioachas Regis Israël. Hic vindex fuit paternæ cædis, in eos qui homicidium perpetrarant: non autē in filios eorum. Idumæos vicit, decem millibus occisis & totidem præcipitatis. Posthæc deos Idumæorum adoravit: quare indignatus Dominus tradidit eum in manus supradicti Ioas, & occisus est anno regni sui 29. 4. Reg. 13. & 14. 2. Paralip. 25. item Ioseph. lib. Anti. 9. ca. 9. successit ei Ozias, qui & Azarias dictus est.



SICHÆVS, Didonis auūculus & vir, Herculis Sacerdos fuit, qui honos secundus à rege erat. Hic opes non tectis, sed terræ crediderat, quam rem etsi homines ignorabant, fama tamen loquebatur: qua incensus Pygmalion, Didonis frater, hunc sacrificiis intentum interfecit, cuius meminit his versibus Vergilius.

*Huic coniux Sichæus erat, ditissimus agri  
Phœnicum: sed regna Tyri germanus habebat  
Pygmalion, scelere ante alios immanior omnes,  
Quos inter medius venit furor: ille Sichæum  
Impius ante aras, atque auri cecus amore,  
Clam ferro incautum superat.*

Vide Iustin. lib. 18. & Vergil. lib. Ænei. i. & 4.

DIDO Beli Phœnicum seu Tyriorum Regis filia, Pygmalionis soror, ac Sichæi vxor, occiso marito, astu vsa in Africam nauigauit, cum thesauris quibus inhiauerat Pygmalion. Carthaginem condidit anno mundi 3076. ante Christum natum 886. ab ædificatione templi Salomonis 143. iuxta Iosephum libro primo contra Apionem. huius castitas, cui notam inurere tentauit Vergilius, eximiè laudatur à Boccacio, atque etiam ab Ausonio: siquidem emori maluit quàm cum Hiarba Rege secundis nuptiis coniungi. hæc proprio nomine Elisa dicta est, Dido autem cognominata à rerum magnitudine, quasi virago. Culta est vt Dea, templis, arisque eius nomini dicatis. Vide Iustin. lib. 18. Boc. lib. 2. de casibus illustr.





**IOACHAS** filius Iehu, regnavit super Israël in Samaria anno 23. Ioas filij Ochosiæ Regis Iudæ, qui erat annus à mundo condito 3089. ante Christum natum 873. Hic secutus est impietatem Ieroboam filij Nabat, & peccare fecit Israël: quare iratus Dominus tradidit Israël itas in manu Hazael Regis Syriæ, & Ben-adab filij ipsius Hazael. imperavit annos 16. & successit ei Ioas filius eius. Consulito li. 4. Re. ca. 13. item Iosephum li. Antiquitatum 9. cap. 8.

**IOAS**, filius Ioachas, mortuo patre regnavit super Israël anno mundi 3105. ante Christum natum 857. Hic impiè egit, nec declinavit ab omnibus peccatis Ieroboam: recuperavit vrbes de manu Ben-adab, filij Hazael, quas iure belli de manu Ioachas patris sui ille abstulerat: & tribus vicibus eum vicit: quinetiam contra Amasiam Regem Iuda pugnavit, quem & cepit, & templum Domini diripuit: reuersus tandem in Samariam, obiit: & sepultus est in Samaria cum regibus Israël. Successit ei filius suus Ieroboam. Vide 4. lib. Reg. 13. & 14. cap. item Ioseph. lib. Antiq. 9. cap. 10. imperavit hic Ioas annos sedecim. fuit & alter Ioas filius Ochosiæ & Athaliæ, de quo à me dictum est supra, pagina ab hinc tertia.





LYCVRGVS apud Lacedæmonas leges sanxit, imperante Latinis Aremulo, circiter annum mundi 3090. ante Christum natum 872. alij referunt ad annū mundi 3181. ante Christum natum 781. Primū omnium 28. seniores instituit, qui Regibus assisterent, & populari principatui repugnarent, rursūque populi iuribus aduersus tyrannidem fauerēt. Secundō agros æqualiter diuisit. nummum aureum & argenteum ex usu sustulit: ferreum solum vtendum imperauit: priuatum luxum inhibuit. Cætera qui cupit nosse, adeat Plutarchum in vita Lycurgi. Fuit oratione breuis: quas tradidit leges, finxit se ex Apollinis Delphici oraculo tenere, ne reiicerentur, quod seueræ essent: indotatas iubebat accipi vxores, vt prolis non argenti gratia nuberent viri: tum vt ne puellæ pauperes, innuptæ relinquerentur. non inuentione legum magis quàm exemplo clarius extitit: siquidem nihil lege vlla in alios sanxit, cuius nō ipse primus in se documenta daret. Iustinus multis in locis. August. de Ciui. Dei. lib. 2. cap. 16. & lib. 10. cap. 13. Plutar. in vita Lycurgi. Xenophon, in Atheniensium politia.

DIRCEVS, Atheniensis Poëta, deformis quidem, attamen tubæ inuentor fuit. Lacedæmonij etenim cū responsū accepissent ab Apolline, non alio quàm hoc duce superaturos se aduersarios Messanos, hunc ducem elegerunt, qui in Campano agro clangore tubarum Messanos ita exterruit, vt animo consternati, ac in fugā versi, facillē victi sint. Vide Mag. Elucida.







**I E R O B O A M** filius Ioas Regis Israël, successit patri anno 15. Amasæ filij Ioas Regis Iudæ, qui erat annus mundi 3120. ante Christum natum 842. Hic quoque imitatus est impietatem Ieroboam filij Nabat, qui peccare fecit Israël: restituit terminos Israël ab introitu Emath vsque ad mare solitudinis, iuxta sermonem Domini, quem locutus est per Ionam filium Amathi Prophetam. 4. Reg. 14. cap. Ionas enim huic prophetauerat oportere vt Syros vinceret, & regnum proprium dilataret, in partibus quidem Aquilonis vsque ad Hemathi ciuitatem: à meridie verò vsque ad Asphaltiten paludem, quod mare mortuum hodie vocatur. Vide 4. lib. Reg. cap. 14. & Ioseph. lib. Anti. 9. cap. 11. imperauit annos 41. successit ei Zacharias filius eius. Fuit etiam alter Ieroboam filius Nabat, cuius supra meminimus.

**Z A C H A R I A S** filius Ieroboam Regis Israël, successit patri anno 38. Azariæ siue Oziæ Regis Iudæ, qui erat annus mundi 3161. ante Christum natum 801. Hic impiè egit quemadmodum patres eius. Sexto imperij sui mense Sellum filius labes, aduersus eum coniurauit: percussitque eum palàm, & interfecit, regnauitque post eum mensem vnum. Consulito lib. 4. Regum 15. cap. Fuerunt sanè alij Zachariæ, nempe Zacharias Propheta, filius Ioiadæ, qui à Ioa Rege Iuda occisus est, 2. li. Paralip. cap. 24. fuit item alius Zacharias filius Barachia, qui populum monuit, vt conuerteretur ad Dominum. Zachar. 1. ca. præterea fuit & Zacharias pater Ioannis Baptistæ, Lucæ 1. ca.





**O Z I A S**, qui & Azarias, filius Amasiae, constitutus est Rex Iudae ab vniuerso populo, & in locum patris subrogatus annos tantum natus sedecim. Coepit itaque regnare viuo patre, anno mundi 3124. ante Christum natum 838. imperauit 52. annis: nempe 11. viuo patre, aduersus quem coniuratum fuerat: deinde 41. annos post patrem occisum. Hic initio pius, auxilióque diuino frater, Philisthaeos, Arabes, Ammonitas deuicit, tributarios fecit: ciuitatem Ierusalem restaurauit: tandem ex opulentia in superbiam lapsus, dum sacerdotis munus usurpat, volens sacrificare atque adolere incensum super altare, dumque sacerdotibus ipsum corripientibus minatur, in lepram incidit: atque à sacerdotibus è templo pellitur: mansitque leprosus ad obitum vsque. successit ei Ioathan. Vide lib. 4. Reg. 14. & 15. cap. & 2. lib. Paral. 26. cap. Item Iosep. lib. Anti. 9. cap. 11.

**I O A T H A N** filius Ozia seu Azariae, Regis Iudae, successit patri, eodem in regno, anno secundo Phaceae filij Romeliae Regis Israel: qui erat annus mundi 3176. ante Christum natum 786. Hic pietatem coluit: portam domus Domini excelsum aedificauit: vrbes quoque in montibus Iuda, & in saltibus castella & turres. pugnauit contra Regem filiorum Ammon, quem vicit, fecitque tributarium. imperauit annis 16. & successit ei filius eius Achas. Videto vt supra.







**MANAHEN** filius Gadi de Thersa, venit in Samariam, & interfecit Sellum, qui mensē vnū imperauerat, postquam occiderat Zachariam Regem Israël. Itaque qui tyrannide imperium Israëlitarum inuaserat, à tyranno quoque intra mensem oppressus est. Manahen igitur tyrannus, qui tyrannum iniremit, regnum Israël occupauit anno mundi 3162. ante Christum natum annis 800. Secutus est hic impietatem Ieroboam filij Nabat. Thapsam ciuitatem quæ nolebat eum intrò admittere, vsque adeò persecutus est, vt prægnantes quoque eius vr-bis scinderet. Posthæc Phul Assyriorum rex Thersam obsedit: Manahen mille ei talenta argenti dedit. 4. Reg. 15. cap. imperauit annos decem. Iosep. lib. Antiq. 9. cap. 11.

**PHACEA** filius Manahen regnauit super Israël in Samaria anno 50. Azariæ siue Oziæ regis Iudæ, qui erat annus mundi 3173. ante Christum natum 789. Hic quoque impiè egit, secutus vestigia Ieroboam filij Nabat. coniurauit aduersus eum Phacea filius Romeliæ dux eius, & percussit eum in Samaria, in turre domus regiæ, & cum eo 50. viros de filiis Galaaditarum, regnauitque post eum. Consulito lib. 4. Reg. cap. 15. item Iosep. lib. Antiq. 9. cap. 11. imperauit hic annos duos.





PHACEA, filius Romeliæ, tyrannide regnum Israël obtinuit, occiso Phacea filio Manahen, anno 52. Azariæ, siue Oziæ Regis Iudæ: qui erat annus mundi 3175. ante Christum natum 787. Hic quoque impius exitit, nec diuertit à peccatis Ieroboam filij Nabat. huius tēporibus Theglat-Phalassar Assyriorum Rex, totam Galaaditen regionem oppressit, ac cepit, incolas in Assyriam abduxit. Hoseas, siue Osee, tandem insidiis aggressus est hunc Phaceam, & interfecit eum, regnūque eius inuasit, cū iam ille viginti regnasset annos. Vide lib. 4. Reg. 15. cap. & Ioseph. lib. 9. cap. 11.

HOSEA filius Ela, regnavit in Samaria super Israël post Phaceam quem occiderat, anno mundi 3195. ante Christum natum 767. anno septimo regni sui, Salmanazar Assyriorum Rex, Samariam obsedit, Hoseamque tributarium fecit. At verò Hoseas dum rebellat, tributūque Assyrio recusat, & dum à Sua Rege Ægypti auxilium petit, à Salmanazare obsessus est, qui vinctum misit in carcerem: Samariam cepit, Israëlitarum regnum perdidit, decemque tribus abduxit: transferens Israël in Assyrios. Itaque ab electione impij Ieroboam filij Nabat, ad quem, post mortem Salomonis, defecerant decem tribus ab Roboam filio Salomonis, afflixit Israëllem Dominus, & tradidit in manus diripientium, ob præuaricationes, præcipuè ob idololatriam. Consule librum 4. Regum cap. 17. & Ioseph. lib. 9. cap. 15.







**A C H A S** filius Ioatham Regis Iuda, successit patri in eodem regno anno mundi 3192. ante Christum natum 770. hic non est secutus vestigia patris sui, sed Regum Israël: impiissimus etiam filium suū consecrauit, transferens eum per ignem, secundum idola gentium. obsessus est à Phacea, & Rasi Rege Syriæ, nec superatus est. Iniit societatem cum Theglathphalasar Rege Assyriorum, qui Rasim interfecit, in cuius gratiam ablato Dei cultu, diis Syriæ sacrificauit: imperauit annos sedecim, & successit ei filius suus Ezechias. Vide lib. 4. Reg. cap. 16. & Iosep. lib. Antiq. 9. cap. 13.

**E Z E C H I A S** filius Achas successit patri in regno Iudæ, anno mundi 3208. ante Christum natum 754. hic pius vestigia David secutus est, dissipauit excelsa, contriuit statuas, succidit lucos, confregitq; serpentem æneum, quem fecerat Moyse, siquidem vsq; ad illud tempus filij Israël adolebant ei incensum. Affuit illi Dominus: nam rebellauit contra regē Assyriorum, & non seruiuit ei: Philisthæos persecutus est: anno sexto regni sui capta est Samaria à Salmanasare, vt in Hosea dictum à me est. Posthæc Sennacherib Assyriorum Rex in Deum blasphemus, Iudæam deuastauit, Ierusalem obsedit, miraculo tamē diuinitus liberata est: siquidem Angelus Domini occidit vna nocte 180000. hominum in castris Sennacherib, qui inde recessit. Deinde ægrotauit Ezechias, cui mortem prædixit Esaïas, attamen oratione & fletu obtinuit à Deo adiici vitæ suæ annos 15. signūque sanitatis ab Esaïa accepit in vmbra decem linearum, retrograda, in horologio suo. Merodac-Baladan Babyloniorū rex, cum accepisset morbo laborare Ezechiam, misit ei literas & munera. imperauit annos 29. successit ei filius Manasses. Vide 4. lib. Reg. 18. 19. & 20. cap. & Iosep. lib. Antiq. 9. & 10.



ROMVLVS Romanorum Rex primus, imperauit anno mundi 3212. ante Christum natum 750. filius fuit Rheæ Iliæ Vestalis, quem vnâ cum Remo, vnico partu edidit, qui paruuli prope ripam Tyberis expositi, tamen à Faustulo ad Accâ Laurentiam delati sunt: vbi adoleuerunt, collecta pastorum manu, Amulium interfecerunt, & Numitorem auum in regnum restituerunt, qui pulsus fuerat à fratre suo Amulio minore natu. Postea vrbē ædificant vbi fuerant expositi, quæ Roma dicta est à conditoris nomine Romulo: qui Remū fratrem occidit, quòd ludibrio & quasi per contemptum Romuli, nouos transiluisset muros: cētum senatores creat Romulus, qui Patres ab honore, Patricij eorū progenies appellati. 300. armatos ad custodiā corporis, quos Celeres appellauit, non in bello solū, sed etiam in pace habuit. ex Sabinis & Rom. vnicam gentem fecit. post subactos Ceninenses, Antemnates, Crustumino, Fidenates, Veientes, cum ad recensendum exercitum concionem in campo haberet, subito orta tempestate, cum fragore & tonitribus, tam denso opertus est nimbo, vt conspectum eius concioni abstulerit tempestas, nec deinde in terris sit visus. imperauit annos 37. Vide Tit. Liu. li. i. Diony. Halicar. lib. 2. & Eutro. lib. i.

HERSILIA, vxor fuit Romuli, de qua Ti. Li. i. deca. i. De hac nonnihil fabulatur etiam Ouidius, ad calcem 14. lib. Metamorph. inquires:

*Flebat vt amissum coniux, cū regia Iuno  
Irin ad Hersiliam descendere limite curuo  
Imperat: & vacua sua sic mandata referre:  
O & de Latio, ò & de gente Sabina  
Precipuum matrona d'cus, dignissima tanti  
Ante fuisse viri coniux, nunc ess. Quirini,  
Siste tuos fletus. &c.*





SIBYLLA Erythræa, aliàs Heriphile, agebat, vt vulgatioꝛ est opinio, antequam à Græcis obsideretur Troia ( quanquam Euseb. in Romuli tēpora referat ) nam Apollodorus Erythræus suam esse ciuem affirmat, eāque Graiis Ilium petentibus vaticinatam, & perituram esse Troiam, & Homerum mendacia scripturum. At Strabo duas facit Erythræas Sibyllas : priscam nempe alteram, item alteram recentiore, Athenain nomine, tempore Alexādri. Porro Lactan. Erythræam Babylone natam esse ait, & se Erythræam appellare maluisse, quæ sola nomen suum carmini verū inferuerit : & à Græcis ac Latinis præcipua dicta sit. Vide Lactan. lib. i. cap. 6. Diui. insti. & lib. de ira Dei, ca. 22. Fenestella legatos Erythras à Senatu Rom. missos esse refert, vt huius Sibyllæ carmina Romam deportarentur : & ea Coss. Curio & Octavius in capitolio ( quod tunc erat curante Q. Catulo resectum ) ponenda curarent. Erythræ autem vrb̄ est Asiæ minoris. Huic Sibyllæ hæc tribuitur prophetia :

*In vltima etate humiliabitur Deus, humanabitur proles diuina, iungetur humanitati diuinitas, iacebit in fœno agnus, & puellari officio educabitur Deus & homo.* Vide lib. Sibyl.

SIBYLLA Samia, Herophila dicta, claruit in Samo insula, autorib. Euseb. Augu. & Cassiod. circiter annū mundi 3297. ante Christum natum 665. Eratosthenes in antiquis Samiorum annalibus se reperisse scribit, hanc dictam fuisse nomine Phyto. Vide vt supra. Hanc sic prophetaſſe ferunt :

*Tu enim stulta Iudæa Deum tuum non cognouisti, ludentem mortalium mentibus, sed & spinis coronasti, & horridum fel miscuisti. Item, Ecce veniet diues, & nascetur de paupercula, & bestia terrarū adorabūt eum.*



**SALMANASAR** Assyriorum Rex, magno comparato exercitu pugnavit contra Samariam quam cepit, Hoseamque regem Samariæ tributarium fecit. post aliquot annos cum nollet Hoseas amplius tributum persolvere, iterum venit in Samariam Salmanasar, quam post tertium obsidionis annum cepit, ac decem tribus in Assyriam abduxit, anno nono rebellionis Hoseæ qui erat annus mundi 3213. ante Christum natum 749. hunc finem habuit regnum Israël, quod 242. annos steterat, sub 17. Regibus: si sumas initium à morte Salomonis, & regno Ieroboam filij Nabat, ad quem defecerat decem tribus, desciscientes à Roboam, filio Salomonis. Vide lib. 4. Reg. 17. & 18. cap. Ioseph. lib. 9. cap. 15. De hoc Salmanasare dictum à me supra est in Hosea.

**SENNACHERIB** Assyriorum Rex, blasphemus in Deum, per nuntios minatus est Ezechia Regi Iudæ, & populo, sic exclamantibus nuntiis: *Audite verba Regis magni, Regis Assyriorum: hæc dicit Rex, Non vos seducat Ezechias, non enim poterit eruerre vos de manu mea: neque fiduciam vobis tribuat super Dominum, dicens, eruens liberabit nos Dominus, & non tradetur ciuitas hæc in manu Regis Assyriorum.* Postea Sennacherib, Iudæam vastauit, Ierosolyma obsedit. At verò tandem ad preces Esaia & Ezechia, Angelus Domini occidit vna nocte 180000. militum Sennacherib, anno mundi 3221. ante Christum natum 741. reuersus itaque cum adoraret in templo Nesroch deum suum, Adramalech & Sarasar, filij eius occiderunt eum. Vide lib. 4. Reg. 18. & 19. cap. & lib. 2. Paral. cap. 32. & Ioseph. lib. Antiq. 10. cap. 1. & 2. De Sennacherib etiam mentionem feci in Ezechia.





**MANASSES**, Ezechia regis Iudæ filius, successit patri in regno, anno mundi 3237. ante Christum natum 725. impius hic ædificauit excelsa quæ dissipauerat Ezechias pater eius, & erexit aras Baal, templum contaminauit, filios Diis immolauit: Ierusalem innocentum sanguine repleuit: quare iratus Deus suscitauit Regem Babylonie qui Iudæam inuasit, Manassen cepit, & vinctum catenis, & compedibus, duxit in Babylonem. In captiuitate autem agnoscens Dominum resipuit, pœnitentiam egit, atque regno restitutus idololatriam aboleuit, vitamque reliquam in Dei timore transegit. imperauit annis 55. Vide 4. lib. Reg. 21. cap. & lib. 2. lib. Paralip. cap. 33. item Ioseph. lib. Antiq. 10. cap. 4. & 5.

**ESAIAS** in Ierusalem nobili genere ortus est, ibique prophetauit, & in Iudæa, necdum decem tribubus in captiuitatem ductis: ac de utroque regno nunc mixtim, nunc separatim texuit oraculum: & cum interdum ad præsentem respiciat historiam, & post Babylonie captiuitatem reditum populi significet in Iudæam: attamen omnis eius cura de vocatione gentium, & aduentu Christi est: hic sub Manasse Rege sectus in duas partes occubuit. Consulito lib. 4. Reg. 19. & 20. cap. & Ieronymum in Esaiam.

G g 3





CANDAVLES Lydorum Rex quartus, Lydis imperavit anno mundi 3248. ante Christum natum 714. Hic cum uxoris suæ pulchritudinem omnibus prædicaret, quasi filētium damnum pulchritudinis esset, ad postremum Gygi sodali suo nudam demonstravit: quo facto & amicum in adulterium vxoris illectum, hostem sibi fecit, & vxorem veluti tradito alij amore, à se alienavit. nam breui post tempore cædes Candaulis, nuptiarum præmiū fuit. vxor mariti sanguine dotata, regnum viri, & se pariter adultero tradidit. Iusti. li. i. Scribit Herodotus libro primo Gygem, quanquam repugnans & inuitus nudam reginam conspexisset, ab ea accersitum, ab eadēq; hæc verba audiuisse: *Aut illum qui ista consuluit interire oportet, aut te qui nudam me es conspiciatus.* Gyges vbi videt propositam sibi necessitatem aut interficiendi herum Regem, aut seipsum interfectum iri, elegit vt ipse superesset.

GYGES imperavit Lydis post Candaulem quem occidit, anno mundi 3265 ante Christum natum 697. postquam imperio potitus est, arma intulit Mileto & Smyrnæ, urbēque Colophonem vi cepit. Herodotus lib. i. feruntur præterea nescio quæ fabulosa de equo æneo, in cuius lateribus essent fores, & de corpore hominis mortui intus clausi, qui anulum aureum in digito habebat, quem detraxit Gyges: qui huius anuli palam cum ad palmam conuerteret, à nullo videbatur (vt ferunt) itaque huius anuli ope stuprum Reginæ intulisse, Regem occidisse, nec in his facinoribus quenquā eum videre potuisse, sic repentē anuli huius beneficio Regem Lydia ipsū fuisse. Cice. 3. lib. Offic.





NUMA-POMPILIUS secundus Romanorum Rex, imperat anno mundi 3250. ante Christum natum 712. nam mortuo Romulo res ad interregnum rediit, cum regerent Senatores annum integrum, creatis decem Decurionibus. Huic Tatius Sabinorum Rex filiam suam vnicam in vxorē dederat: qua defuncta, relicta ipse Curia, in syluis degebat. ad principatum autem à Romanis post excessum Romuli euocatus, primò contradixit, mansitque diu in sententia, repugnans ne susceperet imperium. vbi verò cohortantes fratres, atque postremò pater, haud æquum censebant tantum honorem vltro oblatum repellere, vt Rex fieret consensit. Bellum nullum quidem gessit Numa, sed non minus ciuitati profuit quàm Romulus: nam legibus moribusque Romanos formauit, qui consuetudine præliorum iam latrones ac semi-barbari putabantur. Duos menses anno addidit, Ianuarium, Februariumque: cum ante hunc decem tantum menses apud Romanos fuissent: infinita Romæ sacra, ac templa cōstituit. morbo decessit 43. imperij anno. Regnante Numa, Glaucus primus ferri inter se glutinum excogitauit. Videto Titum Liuium li. I. Deca. I. & Dion. Halic. lib. 2. & Eutropium lib. I.

ÆGERIA fuit Nimpha siue Dea, que fertur fuisse vxor Numæ Pompilij, saltem cum ea nocturnos se congressus habere cōminiscebatur Pompilius, cuius etiā monitu quæ acceptissima diis essent sacra institueret. hanc fabulantur Poëtæ in fontem versam. Vide Oui. li. 3. de Fastis, & li. 15. Meta. & quos supra citavi autores.



A M O N filius Manasse, successit patri in regno Iudæ, anno mundi 3292. ante Christum natum 670. impius hic vestigia patris etiam impij secutus est. Annorum 22. erat cum regnare cepisset, & duobus annis regnavit in Ierusalem. hic cunctis idolis quæ Manasses fuerat fabricatus, immolauit, atque seruiuit. coniurarunt aduersus eum serui sui, & interfecerunt eum in domo sua. Vide lib. 4. Reg. 21. cap. & lib. 2. Paralip. 33. cap. & Ioseph. lib. 10. cap. 4.

I O S I A S filius Amon, successit patri, regnavitque in Ierusalem annos 31. hic iustus, pius, Davidis vestigia secutus, 12. anno regni sui mundavit Iudam & Ierusalem ab excelsis, & lucis, simulachrisque, & sculptilibus. aras Baalim, & simulachra quæ superposita fuerant, evertit: Templum instaurari iussit: reperit Helcias sacerdos librum legis Domini, qui datus fuerat per manum Moy sis: congregato vniuerso populo in domo Domini legit Rex omnia verba libri huius: & stans pro tribunali percussit fœdus coram Domino, adiuravit populum, & celebrauit Phasce Domino. Cæterum dum pugnat cum Nechaone Rege Ægypti, qui missis nuntiis indicarat se non parasse bellum in eum, vulneratur sagitta, quo ex vulnere obit. luxerunt eum vniuersus populus, maximè Ieremias qui super eius morte carmen lamentabili modulatione conscripsit, quæ lamentationes vocitantur. Vide lib. 4. Reg. 22. & 23. cap. & lib. 2. Paralip. 34. & 35. cap. & Ioseph. lib. 10. Antiq. cap. 5. & 6.







**TVLLVS** Hostilius tertius Romanorum Rex, regnavit anno mundi 3293. ante Christum natum 669. Hic primus Romanorum purpura & fascibus usus est: bella reparavit, fiducia bene exercitæ iuventutis: Albanos vicit sexta congressione: Veientes, Sabinos, & Fidenates itidem. fœdere rupto, de Metio Sufferio supplicium sumit ob violatam fidem. Horatij Curiatios vincit: Alba solo æquatur: ex Albanis & Romanis vnus fit populus. Tradunt voluentem Tullum Hostilium commentarios Numæ cum quædam occulta solennia sacrificia Ioui Elicio facta inuenisset, operatum his sacris se abdidiſſe: sed non rite initum id sacrum eſſe: nec ſolùm nullam ei oblatam cœleſtium ſpeciem, ſed ira Iouis ſolicitati praua religione, fulmine ipſum cum domo conflagraſſe. Imperauit annos 32. ciuitatem auxit, adiecto Cœlio monte. hoc imperante Byzantium ciuitas condita eſt à Pausania Rege Spartanorum. Titus Liuius lib.1. Decad.1. Eutrop. lib.1. Diony. Halicarn. lib.3.

**ANCVS** Martius Numæ ex filia nepos, ſucceſſit Tullo Hoſtilio anno mundi 3325. ante Chriſtum natum 637. contra Latinos dimicauit, quos & vicit: Auentinum montem ciuitati adiecit, & Ianiculum. Ponrem Subliciũ in Tyberi fecit. Oſtiam ciuitatem ſupra mare 16. miliario ab vrbe Roma, condidit. Prol. lib.3. cap.1. & Strab. li.5. Huius temporibus Lucumo, cui nomen fuit L. Tarquinius Priſcus, cum vxore Tanaquil Romam venit. Anno imperij 24. morbo perit Ancus, quo regnante Epidamnus eſt condita, quæ nunc Dyrrachium. Vide vt ſupra.

Gg 5



SIBYLLA Cumana, nomine Amalthea, à Suida Hierophile vocatur, eamque dicit libros 9. ad Tarquinium Priscum (alij Superbum scribunt) attulisse, ac pro eis 300. aureos postulasse, Regemque mulieris insaniam derisisse: illam coram Rege vnum combussisse, ac pro reliquis idem pretiū postulasse: tum Regem multo magis hanc insanire putasse: quæ denuo altero exusto, cum in eodem precio perseveraret, motū esse Regem, ac residuum 300. aureis emisisse. alij singulis vicibus tres combussisse scribunt: at Plin. tres tantum libros attulisse scribit: duobus autem exustis, tertium superfuisse. Cæterum tres residui libri in sacrarium conditi, Sibyllini dicti sunt: ac in Capitolio pie asservati, à Quindecim viris consulebatur, in rebus dubiis, laborante republ. permanferunt ad usque bellum Marficum. post verò 173. Olympiadem, tempore Marij incenso templo exusti sunt: alij tamen in eorum locum, iubente Augusto conquisiti, restituto Capitolio, repositi sunt. Hos quoque Scilico, concitaturus in Honorium generum seditionem, exussit. Est autem Cuma vnde hæc Sibylla erat, Æolicarum urbium maxima & optima, in Asia minore. Vide Strab. lib. 13. Plin. lib. 13. cap. 13. Aul. Gel. lib. 1. cap. 19. Chronic. Naucler. genera. 52. Huius Sibyllæ hæc fertur prophetia:

*Moris fatum finiet, trium somno suscepto: tunc à mortuis regressus ad lucem letam veniet, primus resurrectionis initium ostendens.*

SIBYLLA Hellepontica, in agro Troiano nata est, vico Marpesso (vel Marmisso) circa oppidum Gergithium (vel Gergetium.) Hanc Heraclides Ponticus scribit Cyri fuisse temporibus. Huic hæc tribuitur prophetia:

*De excelsis calorum habitaculo prospexit Deus humiles suos, & nascetur de virgine Hebraæ in cunabulis terræ.*





**ZALEVCVS**, vrbe Locrensiū (quæ in Græcia est, vel in Calabria, vt alij volunt) à se saluberrimis legibus munita, cū filius eius, adulterij crimine damnatus, secundum ius ab ipso constitutum, vtroque oculo carere deberet, ac tota ciuitas in honorem patris, pœnam adolescenti remitteret, aliquandiu repugnauit: tandem populi precibus victus, suo prius, deinde filij oculo eruto, vsum vtrique videndi reliquit. Ita debitum supplicij modum legi reddidit: æquitatis admirabili temperamento se inter misericordem patrem, & iustum legislatorem partitus. Videto Valer. Maxi. lib. 6. ca. 5. hic Zaleucus legumlator clarebat circiter annum mundi 3300. ante Christum natum 660. Hic attendat pius lector quàm diligenter obseruanda sint Christi mandata: cū ethnicus hic tam mordicus suam obseruarit, ac inuiolatam retinuerit legem, vt nec oculo suo, quæ pars est corporis delicatissima, simul ac præstantissima, percerit. Porro scribit Diog. Laër. Zaleucum edoctum fuisse à Pythagora, cuius postea meminerimus: qua in re non sat bene conuenit cum Chronica annorum supputatione, quemadmodum nec aliis aliquot in locis.

**ARCHILOCHVS** historicus qui scripsit de temporibus, & Simonides, item Aristoxenus Philosophus ac medicus, qui etiam complures libros de Musica scripsit, circa hæc tempora florebant. præterea iisdem his temporibus diruta est Alba-longa, quæ 487. annos durauerat.



**I E R E M I A S** Propheta, puer adhuc vaticinari incepit anno 13. regni Iosia Regis Iudæ, qui erat annus mundi 3307. ante Christum natum 655. Hic in Iuda tantum & Beniamin prophetauit, iam enim decem tribus Israël Assyrij in Medos transtulerant: ciuitatis Ierosolymæ ruinas quadruplici planxit alphabeto. Anathothites dictus est à viculo tribus ab Ierosolymis milibus distante: hic sacerdos ex sacerdotibus, & in matris vtero sanctificatus est, & ad prophetiam segregatus, quam cum detrectaret, causatus imperitiam, doctrinam, animum quoque à Deo accepit. Tandem apud Taphnas in Ægypto, à populo lapidibus obrutus, occubuit. Vide D. Iero. in Ieremiam. Ieremiæ vitam ac vincula qui cupit amplius nosse, legat eiusdem prophetiam, item Ecclesiast. cap. 49. & 2. Machab. 2. & Iose. lib. Antiq. 10. cap. 8. & sequentibus.

**B A R V C H** Propheta, & Ieremiæ scriba fuit, qui librum Ieremiæ scripsit de futuris rebus ciuitati, populo & templo. fuit quoque Ieremiæ in carcere minister, & in exilio socius, nec eum vnquam deseruit. Prophetauit Baruch in Babylonia tempore captiuitatis Iudæ, prophetiamque suam legit coram rege Ioachin, qui & Iechonias dictus est. multa ac magna mysteria de incarnatione Domini ac de nouissimis temporibus prophetauit. Vide lib. Baruch. Ioseph. lib. Antiq. 10. cap. 8. & catalogum Sanctorum.





**ELIACIM**, qui & Ioacim, filius Iosæ, cùm imperasset frater nomine Ioachaz annos tres post Iosiam, successit fratri, in regno Iudæ, anno mundi 3326. ante Christum natum 636. nam Pharaon Nechao cùm venisset Ierusalem, vinxit Ioachaz, ac captivum duxit in Ægyptum: constituitque in locum eius Regem hunc Eliacim fratrem eius super Iudam & Ierusalem: & vertit nomen eius vocavitque eum Ioacim: & cōdemnavit terram centum talentis argenti, & talento auri. Impiè egit Eliacim, ideo contra eum ascēdit Nabuchodonosor rex Chaldæorum, & vinctum catenis, vt captivum traduceret Babylonem, interfici iussit: ad quam & vasa Domini transtulit, & posuit ea in templo suo. imperavit annos 11. Consulito li. 4. Reg. 23. & 24. cap. & lib. 2. Paral. 36. cap. & Iosep. lib. Antiq. 10. cap. 8.

**IOACHIN**, qui & Iechonias dictus est, filius fuit supradicti Eliacim: & successit patri, & regnavit tantum tres menses, imitatus vestigia patris impij. Hic consulente Ieremia Propheta Nabuchodonosori se, cum omni familia dedit, qui transtulit eos Babylonem, cum primoribus, cum militibus, ac artificibus captivis ad decem millia: & suffecit Nabuchodonosor in locum eius Mathaniam patrum eius, qui & Sedechias dictus est. Vide lib. 4. Reg. 24. & lib. 2. Paral. 36. cap. & Ioseph. lib. Antiq. 10. ca. 9. Acta sunt hæc anno à mundo condito 3337. ante Christum natum 625. Post hanc 37. annorum captivitatem, Euilmerodac, qui Nabuchodonozori successit, Ioachin in libertatem asseruit, qui paulo post genuit Mesezebel, cognomine Salathiel. Vide Iere. cap. 32. & 52. & Philonem.



**NABUCHODONOSOR** magnus, qui ab Hebræis Nabucadnezer dicitur, imperavit Babyloniis anno 4. regni Eliacim Regis Iudæ: qui erat annus mundi 3329. ante Christum natum 633. Hic bellum cum Pharaone Necho siue Nechaone, gessit, vicit, & totam Syriam vsque Pelusium, Iudæa adempta, suæ ditioni adiecit: Ioachin seu Eleacim, Regem sibi tributariū fecit, quem postea tributum recusantem, cepit, ligauit vt Babylonem duceret, attamen interim curauit interfici. Iterum Ierusalem tempore Sedechiæ obsedit, habens principem militiæ Nabufardan, filios Sedechiæ occidit coram eo, ipsūque patrem exoculauit, vinctūq; catenis abduxit Babylonem: templum succendit, ciuitate capta ac direpta. Tandem regno ob insaniam pulsus, cum feris septē annis in agro egit. Vide apud Daniele huius somnia de quatuor regnis mundi, item de aurea statua quam adorari iussit, vide Ioseph. lib. 10. ca. 7. & sequen.

**SEDECHIAS**, qui & Mathanias, Iosia filius, imperavit Iudæis an. 11. à Nabuchodonosore suffectus in locum Ioachin, hac conditione vt tributum ei persolueret, verū fidem illi fregit, spernens etiam consilia Ezechielis ac Ieremiæ. Quare anno regni eius nono Nabuchodonosor obsedit Ierusalem, quam post 2. an. cepit, Regēque cum populo in Babyloniā abduxit, anno mundi 3348. ante Christum natum 614. Hæc est illa misera, ac vulgata captiuitas Babylonica annorum 70. Vide lib. 4. Reg. 24. & 25. cap. & lib. 2. Paral. 36. cap. Ierem. 25. 37. & 52. cap. & Ezechi. 12. & 21. cap. & Ioseph. lib. 10. cap. 9. & 10. Sedechias filios occidi vidit, statimque ipsimet Sedechiæ eruti sunt oculi, vt supra dixi.





**DANIEL** Propheta vaticinabatur tempore Iechoniæ, & Ieremiæ. Hic à Nabuchodonosore cum sodalibus captiuus abductus est, anno mundi 3348. ante Christum natum 614. Chaldæorum artes & linguam 3. an. didicit: Somnia Regis Nabuchodonosor exposuit, & visionem Baltasaris. in lacum leonum coniectus, atque inde eductus est: Sufannam liberauit. De somnio 4. bestiarum quæ 4. mundi regna signabant: vtque ei 70. hebdo. visionem edisseruerit Gabriel Angelus, & pleraque alia qui cupit nosse, legat huius Danielis librum, & Ioseph. lib. 10. cap. 12. Hic instabat assiduus precibus apud Deū, pro Nabuchodonosore transformato, prædixitque vt formam & regnum recuperaret: quare indidit ei rex Nabuch. nomen Baltasaris filij sui: voluitque eum filijs cohæredem instituere, quod ille recusauit. Vide Epiphan. Obiit Daniel in Babylone, & sepultus est in spelunca regali, honorificè.

**EZECHIEL** Propheta tempore Ieremiæ, Baruch, & Danielis Prophetarum, extitit: hic adhuc puer cum aliis in Babyloniam captiuus abductus est, vbi prophetare incepit anno mundi 3349. ante Christum natum 613. anno tamen ætatis suæ 30. ait Ieron. in Chaldæa prophetasse Ezechielem: tum cum Ieremias in Iudæa. eius vide Prophetiam, & Ioseph. lib. Antiqui. 10. cap. 9. Et Ecclesiast. ca. 49. In Babylone iudicauit tribum Dan & Gad: prædixitque culpa earum, non reuersurum populum Hierosolymam, quoad resipiscerent: quare exacerbati distraxerunt eum equis per crepidines saxorum, & excerebrarunt eum, & sepelierunt in sepulchro Sem & Arphaxad. Vide chro. Guill.



**TARQVINIVS** Priscus qui prius Lucumo, Romanorum rex quintus, imperavit Romanis anno mundi 3349. ante Christum natum 613. apud Ancum Martium liberaliter dextræque obeundo officia, in familiarem venit amicitiam, ut publicis ac priuatis consiliis bello, domique interesset, & per omnia expertus postremo tutor etiam liberis Regis, testamento institueretur. mortuo Anco, instituit hic ut quàm primum comitia Regi creando fierent, quibus indictis, sub tempus pueros regios venatum ablegauit: & primus petisse ambitiosè regnum & orationem habuisse ad conciliandos plebis animos compositam fertur: maximè verò cùm Tatium Sabinum, etiam ex hoste Regem factum diceret, ac inculcaret, populus eum regnare iussit. numerum Senatorum & equitum duplicauit: Circum Romæ ædificauit, ludos Romanos instituit magnificos: Sabinos vicit: Latinos priscos domuit: primus triumphans Romæ intrauit: muros & cloacas fecit: Capitolium inchoauit. Tandem à filiis Anci Martij, cui in regno successerat, interfectus est 37. imperij anno. his temporibus Ierusalem à Nabuchodonosore capta ac euersa est: & Massilia condita. Consulito lib. I. Eutrop. Diony. Halicar. lib. 3. Titum Liuium lib. I. deca. 1.

**TANAQVIL**, Tarquinij Prisci vxor fuit, perita, ut vulgo Etrusci, cœlestium prodigiorum mulier. Hæc cùm aquila suspensis demissa leniter alis pileum viri abstulisset, rursusque velut ministerio diuinitus missa, capiti aptè reposuisset, hæc inquam, virum complexa, alta sperare iussit. id siquidẽ factum est ipsis primò Romam ingrediẽtibus, antequam regnaret ipse Tarquinius Priscus. Vide ut supra.





SAPPHO Poëtria, Scamandronymi filia fuit, cuius sapien-  
tiam admiratur etiam ipse Plato : hæc tamen cùm vidua esset,  
ac filiam etiam ex viro diuite defuncto, Cleiden haberet, Phao-  
nem perditè amavit : nam cùm ille in Siciliam discessisset, &  
hæc ab eo se sperni vereretur, ardens, amorisque impatientissi-  
ma, statuit etiam capitis periculo furorē lenire, demisso in ma-  
re corpore ex leucade, Epiri promontorio. amicā etiam habuit  
Erinnam Poëtriam: de quibus græcum extat epigrāma in hunc  
sensum: Quāto Erinnam in Lyricis Sappho, tantò Sapphus glo-  
riam Erinna hexametris præcellit. Mitylenæi Sapphus imagi-  
nem nummis insculpebant. Rhodig. lib. 9. cap. 24. & lib. 10. ca. 2.  
item lib. 14. cap. 1. Hæc carminis Sapphici inuentrix fuit, cui &  
nomen dedit: & decima Musa dicta est, vnde Ausonius:

*Lesbia Pieris Sappho soror addita Musis.*

extat & Antipatri Sidonij distichon Græcum, in hunc sensum,  
Mnemosynem matrem Musarum cepit stupor, quādo audiuit  
dulcisonam Sappho: nunquid decimam Musam (inquit) habēt  
mortales? Fuit sanè in Lesbo altera Sappho, verū meretrix,  
hæc autem Poëtria, tempore Tar. Prisci, de quo supra.

PANTHEA Abradata vxor fuit, forma & castitate præ-  
cellens: hæc à Cyro maiore capta, Araspæ Mædo seruanda tra-  
ditur, qui apud Cyrum affirmat nondum esse ortam hac pul-  
chriorem: nec tamen eam adiit aut accersiuit Cyrus, ne à rebus  
gerendis auocaretur: quare & ipsa id beneficii, nempe non at-  
tentatæ castitatis, rependens, virum Cyro reconciliat, animat-  
que, & armat, vt strenuè pro Cyro pugnet: attamen inter pu-  
gnandum occumbit: inque demortui viri pectus imposito hæc  
se iugulat capite: tres quoque spadones stantes vbi eos iusserat,  
quod factum erat intuitu, districtis acinacibus ibi se iugulant.  
Xeno. lib. 7. in Cy. Pæ. & Rho. lib. 13 cap. 33.



THALES, primus sapiens & Physicus Philosophus vocatur circiter annum mundi 3325. ante Christum natum 637. principe apud Iudæos Iosia, apud Athenienses Damasia, apud Rom. Anco Mar. Sunt qui ad Ezechiam, & malè quidem, referant: nam attigit prima Cyri tempora, cum quo & congressus est: vixitque annos ferè centum. Euse. lib. 10. præpa. Euang. Hic Mileti ciuis adscriptus est, prophætus cum Neleo ex Phœnicæ, à Cadmo & Agenore originem trahens. Post reip. negocia sese ad contemplantam rerum naturam transtulit. Sunt qui illum immortales animos primùm dixisse assenerent: & solis cursum reperisse, & annum in 365. dies diuississe. huius hæ sunt præcipuæ sententiæ: *Parcè loqui prudentis animi indicium est.*

*Quæ in aliis damnes, ipse nefeceris. Amicorum presentium & absentium aequè memores esse debemus. Noli ditari nequiter. Quæ parentibus feceris, eadem ipse à filiis expecta. Malè cogitans nedum malè agens, Deos haudquaquam latet. Difficile seipsum noscere. Diog. Laër. libr. 1. scribit æstu ac siti eum in spectaculis excessisse. Volater. lib. 20.*

CHILO Lacedæmonius, Ephororum ac sapientum vnus, claruit tempore Thaletis, Solonis ac Æsopi, vt ait Plutar. in Solone. Huius hæ sunt selectiores sententiæ: *Periti ab imperitiis bona spe differunt. Lingua semper, sed in conuiuio præsertim continenda. Proximo non maledicendum, alioquin quæ nobis dolébunt audiemus. Nemini intentanda mina, id enim muliebre est. Damnum potius quàm turpe lucrum eligendum. Aurum cote examinatur, auro autem hominum mens. Obiit Pisæ præ lætitia, quòd filius in Olympiis coronatus esset. Vide vt supra.*





**PITTACHVS** Mitylenæus Melanchrum Lesbi Tyrannum profligauit: & cùm de agri cuiusdam possessione inter Athenienses & Mitylenæos decerneretur, Dux exercitus ipse cum Phrynone Atheniensium Duce singulari certamine pugnans, rete, quo clypeum texerat, Phrynonem dum non cauet, inuoluit, ipsoque perempto agrum seruauit anno mundi 3356. ante Christum natum 606. Hic decem annis principatum tenuit, dein sponte se magistratu abdicauit. Agri sibi traditi partem abscidit, dimidiũque plus toto dixit: cum Cræso, sicut & Solon, pugnauit: cuius & pecunias recusauit, duplo plus quàm uellet, habere se professus. Ebrios duplici incommodo afficiendos statuit. huius hæ sunt inter alias sententiæ: *Perdificile est bonum esse. Principatus virum declarat. Terra fidelis, mare infidum. Prudentis est priusquam aduersa contingant præuidere, atque occurrere: fortis uerò cùm obuenerint, æquo animo ferre. Quod facturus es ne prædica, frustratus enim rideberis. Infelicitatem nemini impropera.* Fuit alter Pittacus legislator. Vide ut supra.

**BIAS** Prienæus, siue Prienensis, capta urbe, cùm cæteri ita fugerent, ut de suis quisque rebus multa secum asportarent, & admoneretur ut idem faceret: ego uerò inquit facio: nam omnia mea mecum porto: (non absimile respondit Demetrio Poliorceti Stilpo) hæc ludibria fortunæ ne sua quidem putauit, quæ nos appellamus bona. huius hæ feruntur sententiæ: *Infelix na, qui infelicitatem ferre nequit. Morbus animi est impossibilia amare, & appetere, nec alieni incommodi meminisse. Indignum hominem diuitiarum gratia ne laudaueris. Quicquid boni egeris, in Deos refer.* Obiit suaue dormiens in sinu nepotis ex filia. Vide ut supra.



CLEOBVLVS Lindius, è septem quoque Græciæ sapientibus, cunctos suæ ætatis, viribus & forma antecelluit: hic fertur id ænigmati edidisse:

*Est genitor, proles cui sit bisseña: sed horum*

*Cuius triginta nata, sed dispare forma:*

*Ha niueis tota, fuscis sed vultibus illa:*

*Atque immortales cùm sint, moriuntur ad vnã.*

Est autem annus. Sunt & eiusdem hæ sententiæ: *Amicos beneficus fove, ut amiciores sint: ex inimicis autem amicos fac. Audiendi magis quàm loquendi, audire oportet. Cum muliere neque blanditiis agendum, neque presentibus extraneis iurgandum: illud vecordè, hoc vesanum arguit.* Diog. Laër. lib. i. huic fuit Cleobulina filia, insignis vates ænigmatum heroicis versibus conscriptorum.

PERIANDER Corinthius, è septem Græciæ sapientibus, claruit eadem ferè ætate qua priores illi: nam id in cõfesso est septem illos nomine sapientiæ insignes viros in eadem tempora incidisse. Porro sunt qui hunc eundem putant cum illo Periandro tyranno, qui agebat tempore Sedechiæ, sed aberrat: nam diuersos, hoc est duos fuisse Periãdros Ælianus autor est, sapientia illum illustrem, hunc tyrannide. Vide Rhod. lib. 21. cap. 37. huius sapientis hæ sunt potiores sententiæ: *Bona res quies, ac periculosa temeritas. Turpe lucrum. Voluptates fluxæ sunt: honores immotales. Inter secundas res esto moderatus, inter aduersas prudens. Amicis felicibus & infelicibus, eundem te præbe. Inter loquendum caue ne secreta pronunties.* Diog. Laër. lib. i. Cæterum de Solone dicemus inferius, nam adiunctus est Cræso.





SERVIVS Tullius Romanorum Rex sextus ac penultimus, successit Tarquinio Prisco anno à mundo condito 3387. ante Christum seruatorem natum 575. hic ex nobili foemina Corniculana, captiua tamen & ancilla, genitus est: cui adolescentulo dormienti caput ardere visum est: quod prodigium Tanaquil vxor Regis Tarquinij Prisci cum vidisset, eum inter liberos suos educauit: omen enim sic interpretabatur, fore vt aliquando imperaret, quod & contigit: simile etiam de Ascanio supra narrauimus pag. 56. Hic Tarquinij Prisci cum esset gener, eo mortuo, Rex à patribus, hinc à plebe designatur. Sabinos subegit, Veientes fregit, montes Quirinalem, Viminallem & Esquilinum vrbi adiunxit, fossas circum murum duxit: primus omnium censum ordinauit, rem saluberrimam tanto futuro imperio, vt inquit Liuius. Sub eo Roma omnibus in censum delatis, habuit capita 84. millia ciuium Romanorum, cum his qui in agris erant, occisus est 44. imperij anno, scelere generi sui Tarquinij superbi, filij eius Regis cui ipse successerat, & impulsu Tulliae filiae suae. Videto Tit. Liu. libr. I. Decad. I. & Dionys. Halic. lib. 4. ac Eutrop. lib. I.

OCRISIA, vxor Publij Corniculæ, supradicti Seruij Tullij mater fuit, & Tanaquilis Reginae ancilla captiua. Videto vt supra. Cæterum Plin. lib. 36. cap. 27. mira narrat de Ocrisia, qua via conceperit Seruium Tullium.

H h 3





**ÆSOPVS** Phrygius, facie quidem & corpore deformis fuit: at verò iocis & fabulis omnium facetissimus. Conditione etiam fuit seruus, tempore Cræsi Lydorū Regis (de quo pagina sequēte) autor fuit quidem fabularum, quem citare non dedignatur Aristoteles 2. li. Rhetoricorum: & Plato in 1. Phædri: & Apuleius de deor. som. fabulas ac vitam eius non est hīc locus recēsendi, & vulgatiōra sunt quā ut recitatione aut cōmendatione egeant. legat qui volet Volaterranum li. 13. & 38. præterea Æsopi vitam à Maximo Planude descriptam Græcè, atque etiam latinam factā, quæ præponitur eiuldem fabulis. Hic furti falsò Delphis accusatus, de rupe insons præcipitur.

**RHODOPE**, siue Rhodopis meretrix fuit famosissima, ex Thracia, Æsopi aliquandiu conserua, postea à Charaxo, siue Coraxe, Sapphus Poëtriæ fratre, qui eius amore tenebatur, ingēti pecunia redempta: cuius sic meminit Sappho apud Ouid. 21. & vltima epistola:

*Arsit inops frater, victus meretricis amore,  
Mixtæque cum turpi damna pudore tulit.  
Factus inops, agili peragit freta carula remo:  
Quasque malè amisit, nunc malè querit opes.  
Me quoque, quòd monui bene multa fideliter, odit.  
Hoc mihi libertas, hoc pia lingua dedit.*

Scribit Plinius lib. 36. cap. 12. Rhodopen tantas opes meretricio quæstu cumulasse, ut insignem turrim, siue pyramidem, suis sumptibus extruxerit.





CROESVS Lydorum Rex, imperauit ipsis Lydis anno mundi 3402. ante Christum natum 560. hic opibus & diuitiis præpotens, auxilium tulit Babylonis aduersus Cyrum: verumtamen victus, iamque de se sollicitus, in regnum regreditur. At vero post victoriam compositis in Babylonia rebus, bellum transfert Cyrus in Lydiam: vbi, percussus iam fortuna prioris belli, Cræsi exercitum, nullo negotio fundit. Cræsum capir, victumque super ingentem lignorum struem imponit, & circa eum 14 Lydorum filios, vt viui exurerentur. Tunc ingemiscens Cræsus ter clara voce exclamauit, O Solō, Solon, Solon. quod intelligens Cyrus, voluit rescire quamobrem id exclamaret: retulit Cræsus, se tunc meminisse Solonis, qui aliquando illi dixerat, *neminem in hac vita beatum ante mortem*: Itaque Cyrum poenituit, cum se quoque hominem esse agnosceret: iussitque ignem iam incensum celerrimè extingui. Posthæc summo in honore habuit Cræsum Cyrus, atque à consiliis præcipuum. Vide Herod. lib. I. & Iusti. lib. item I.

SOLON, inter septem Græciæ sapientes clarus, Atheniensibus leges dedit: & quas Draco instituerat abrogauit, præterquam quæ de cæde erant. Pisistrati propinqui sui tyrannidi latenter obrepenti semper obstitit: quæ vbi inualuit, in Ægyptum abiit sapientiæ operam daturus, impetrata prius ab Atheniensibus decem annorum peregrinatione. Vocatus à Cræso intuitusque omnes eius opes, eas coram, pro nihilo duxit: inquiens, *non esse beatum quempiam nisi post funera*. Plutar. in Solone. ad huius leges describendas, legati à Roma Athenas missi sunt, anno mundi 3510. ante Christum natum 452. Liui. lib. 3. obiit Rhodi anno natus 80.



**CYRVS** Persarū Rex primus, imperavit apud Persas anno mundi 3403. ante Christū natum 559. rexitque annos 30. hic filius fuit Cambyſæ, & Mandanes, quæ filia erat Aſtyagis Medorum Regis. A filiis paſtorum, Rex appellatus eſt per ludum, cum eſſet annorū 12. Nam iuſſerat eum occidi Aſtyages, ob ſomnium, quod viderat ex genitalibus filiæ vitem enaſci, quæ totam Aſiam occuparet: attamen ab vxore Mitradatis, ſeruat⁹ & enutrit⁹ eſt, cui vxori nomen erat Cyno, quod Græcè canem ſignificat. hic conſilio Harpagi aduerſus Aſtyagem exercitū duxit, eūq; ſuperauit prodente Harpago, vlcifcente mortem filij, quem in ecūlium paratum, ei edendum dederat Aſtyages, ob ſeruatum Cyrum. Cum Cyro regnavit Cyaxares Aſtyagis filius apud Medos, anno 20. antequam Cyrus Babyloniam caperet, vt ait Xenophon lib.8. Cyrus iſte à Daniele vocatur Darius, item ab Eſdras, 3. Eſdræ 3. De Cyro vide Herodo. lib.1. & Iuſtin. lib. item 1. Oro. lib.2. cap.6. & 7.

**TOMYRIS**, regina Maſſagetarum in Scythia, cum Cyro pugnavit, vicit, omnēque eius exercitum internecioni dedit: erant autem militum 20000. Sic ulta eſt filij mortem, quem Cyrus per bellicas inſidias cum ſuis interfecerat: nā amiſſo hęc exercitū quem præmiſerat, & vnico filio, orbitatis dolorē non in lachrymas effudit, ſed in ultionis ſolatia intendit: hoſtēsque recenti victoria exultantes, pari inſidiarum fraude circūdedit: quippe ſimulata diffidentia, Cyrum uſq; ad anguſtias perduxit: ibi compoſitis in montibus inſidiis, exercitum cum Rege trucidavit, neq; nuncius tantę cladis ullus ſuperfuit. Cyri caput in virem demifit, quem humano cruore cōpleuerat, cum hac exprobratione crudelitatis, *Satia te ſanguine* (inquit) *quem ſitiſti*. Herod. li.1. Iuſt. li.1. acta ſunt an. mun. 3432. ante Chriſtū natum 530.





**ZOROBABEL**, filius Salathiel, Iudæorum Dux fuit anno à mūdo condito 3418. ante verò Christum natum 544. Hic Regis Iechoniæ in directa (quam vocāt) linea, nepos erat: qui cum Iehosua, siue Iesu, Sacerdote summo, in Iudæam remigravit, & cum multis Iudæorum millibus: templi Hierosolymitani fundamenta iecit, permittente Cyro Persarum Rege, qui Babyloniam ceperat, regnūque & monarchiam ad Persas transtulerat, Rege Baltazaro interempto, iuxta Prophetiam ac prædictionem Danielis, imperante apud Romanos Seruio Tullio Rege sexto: quanquam Orosius lib. 2. cap. 6. sentiat regnante Tarquinio superbo, septimo atque ultimo Romanorum Rege, captam fuisse à Cyro Babyloniam. At verò Baltazar imperabat Chaldæis tempore Seruij Tullij: sub quo Baltazare Daniel scripturam mysticam legit & interpretatus est: autore Eutropio, lib. 1. Caterum quatenus attinet ad historiam sacram de Salathiele & Iehosua, consulito lib. 1. Esdræ cap. 1. & sequentibus. item Aggæum & Zachariā Prophetas, & Ecclesiasticum, cap. 49. ipsum denique Iosép. lib. Antiq. 10. cap. 1. ac Ioan. Cario. cron. lib. 2.

**IEHOSVA**, qui & Iosue, & Iesus dictus est, summum gessit apud Iudæos sacerdotium, temporibus Zorobabelis supradicti, cuius & in remigratione ex captiuitate Babylonica comes fuit. Vide vt supra. Hic (vt Philo refert) historiā Iudith & Hester conscripsit. Fuit alter eiusdem nominis Iosue (ne erres) Israëlitici populi post Moysen Dux, qui cum Caleb interram à Deo promissam tandem peruénit.



HIPPONAX , Iambicus Poëta fuit insignis fœditate vultus : quamobrem imaginem eius scultores Bupalus & Anthermus publicè deridendam proposuerunt. quod indigne ferens Hipponax tam amarum carmen in eos distrinxit , vt à nonnullis credatur eos ad suspendium compulisse. Scazōrem, carminis iambici genus , fertur inuenisse Hipponax , quod ab eius nomine Hipponacticum, seu Hipponactēū, vocatur. Plin. lib.36.cap.5. huius meminit. Clarebat autem Hipponax circiter annum mundi 3424. ante Christum natum 538.

BVPALVS & Anthermus filij fuerunt Anthemi Chij, qui in arte sculpendi clarissimi extitere. ij feruntur sculpsisse Hipponactis deformis Poëtæ imaginem, de qua hîc supra mentionem feci: reiicit tamen Plinius vt falsum, quod ad laqueum adaacti fuerint à Poëta : *complura enim ( inquit ) in finitimis insulis simulachra postea fecere, sicut in Delo, quibus subiecerunt carmen, non visibus tantum censerî Chium, sed & operibus Anthemi fîiorum.* In ipsa Chio narrata est operis eorum Dianæ facies in sublimi posita, cuius vultum intrantes tristem, exeuntes exhilaratum putant. Consulito Plin. lib 36. cap. 5. vt supra citauî. nec est hîc rependa à me annorum supputatio quam supra inserui , cùm iisdem vixerint temporibus scultores hi, cum Hipponacte Poëta prædicto, vbi habes annorum rationem.







**L. TARQVINIVS** Superbus, septimus ac vltimus Romanorum Rex, regnare incepit anno mundi 3431. ante Christum natum 531. primus vincula excogitavit, fustes, carceres, compedes, catenas, exilia, atque metalla. Volscos vicit: oppida valida in Latio, Gabios, Suefsamque Pomeriam subegit: cum Thuscis pacē fecit, templū Ioui in Capitolio ædificavit. verū Ardeam oppugnās, imperiū perdidit. nam omnibus cū esset exosus, accepta occasione ex violatione Lucretiæ, quā Sextus Tarquinius filius eius armatus noctu cōstupravit, Romani eum cum suis omnibus eiecerunt. defecit ab eo exercitus qui civitatem Ardeā decem & octo miliaribus ab vrbe Roma distantem, oppugnabat: atque etiam Romam veniēs Rex ipse, portis exclusus est. ita Romę septem regnarunt Reges annos 244. qui vix ad decimum quintum vrbis miliarium possidebant. postea crearunt Romani Consules. Titus Liu. lib. 1. Diony. Halic. lib. 4. Eutro. lib. 1. Plutar. in Bruti vita.

**TVLLIA** vxor fuit L. Tarquiniij Superbi, filiāque Seruij Tullij. hæc hocciso patre, cuius cædis conscia erat, carpento in forum inuecta, nec reuerita cœtum virorum, euocavit virum de Curia, primāque Regem appellavit: deinde, redeundo, per patris demortui corpus carpentum egisse fertur. Diony. Halicar. & Titus Liuius vt supra.





**CAMBYSES** Persarum Rex secundus, successit Cyro, anno mundi 3433. ante Christum natum 529. Is dicitur Artaxerxes, 1. Esdræ 4. cap. qui templi & ciuitatis. adificationem prohibuit, quam Cyrus, pater permiserat. Sub hoc Hebræi historiam Hester factam asserunt: alij in tempora Darij, Hystaspis filij, reiciunt. Is Ægyptum suo regno adiecit, sed offensus illorum superstitionibus, Apidis, cæterorumque deorum ædes dirui iussit. Ad Ammonis quoque templum expugnandum exercitum misit, qui in Libya deserta arenis obrutus, vniuersus interiiit. Smerdin fratrem ex utroque parente, interfici iussit, liuore commotus, quod solus ille arcum duobus traheret digitis, quod nemo alius è Persis poterat: præterea eo in Persidem profecto, somniarat sibi nuntiari in regio sedentem fratrem Smerdin solio cælum vertice tangere: quare metuens ne se necato, à fratre occuparetur imperium, Prexaspen ad illum occidendum misit: Sororem quam in uxorem duxerat, interfecit. Cæterum Actabanem obsidens, proprio se interemit gladio, anno regni 8. fuit quoque alter Cambyses, mediocris dignitatis Persa, huius auus, Cyri pater, ac Mandanes maritus. Vide Herodo. lib. 3. Iusti. li. 1. Ioseph. lib. 11. cap. 2.

**HOLOFERNES** Dux exercitus Cambyse supra dicti, missus est ab eo aduersus prouincias quæ suo ipsius nolebant subdi imperio. Hic Bethuliam obsedit, ciues ad extremam redacti sitim se dedere volebant: at consilio, atque insigni facinore Iudith liberantur. Vulgatiores est Iudith historia, quam ut hîc ad vnguem referri consentaneum sit. Vide librum Iudith.





EPIMENIDES Poëta Cretenſis, Athenienſibus peſtilentia laborantibus dixit ciuitatem purgari oportere: eò cùm rogarus veniſſet: iuſſit oues albas atque nigras apud Areopagū immolari. inde recedens domum, purgatis Athenis, ab Athenienſibus pecuniam recuſauit (nam etiam Poëtas haud faciliè auaros videas.) Hic, iuuenis in agrum ad cuſtodiendum pecus miſſus ab Agiaſarcho patre, in quodam antro obdormiſſe dicitur annos 75. hinc manauit prouerbiū, Epimenidis ſomnum dormire. Fertur primus domos atque agros expiaſſe, delubraque erexiſſe. expiauit itaque Athenas anno mundi 3368. ante Chriſtum natum 594. Vide Dioge. Laër. lib. 1. Plato. 1. & 3. de legibus Apule. lib. 2. Floridorum.

PYTHAGORAS Samius, Mneſarchi anulorum ſculptoris filius clarebat circa annum mundi 3439. ante Chriſtum natum 523. hic primus, *amicorum omnia communia*, dixit, amicitiamque æqualitatem: cuius etiam diſcipuli facultates omnes in vnum deponebant, & quinquennium ſilebant. Animatis abſtinere iuſſit, aſſuefaciēs homines ad faciliorem victum. fertur primus Græcis pondera & mēſuras inuexiſſe, primūque, veſperum atq; Luciferum idem ſyduſ dixiſſe. ſequuntur aliquot eius ſymbola: *Ignis gladio non fodiendus. Statera non tranſiliēda. Cor non edendum. Verſo ad Solem vultu non mingendum. Extra publicam viam non eundum. A fabis abſtinendum.* Sunt & alia quæ referuntur latiùs à Diog. Laër. lib. 8.



DARIVS Hyſtaſpis filius, hinnitu equi rex declaratus eſt, anno mundi 3441. ante Chriſtum natum 521. Smerdis & Patizithes qui regnum uſurparant, occiſi ſunt antequam imperaret hic, qui etiam Smerdin occidit, detecta per Oranem eius fraude: nam Smerdis hic, ſe Cambyſis fratrem dicebat, quòd illi de facie ac nomine ſimilis eſſet: attamen ab aurium mutilatione dolus deprehenſus eſt. Porro Darius hic, Atosſam Cyri filiam vxorem duxit, ex qua liberos ſuſtulit, inter quos Xerxes fuit: hanc atosſam putant nonnulli fuiſſe Heſter. hic permiſit Iudæis remigrare in Iudæam ac templum reædificare: vaſa & theſauros templi reſtituit. Prouincias viginti conſtituit, earumque ſingulis præſides præfecit, taxato quod penderetur tributo. etenim ſub Cyro & Cambyſe nihil dum fuerat circa tributa inſtitutum, ſed munera afferebãtur. hic Geras ſubegit, Thraces ſe dedidere: at Scythæ hunc in fugam adegere. Vide Herod. lib. 3. nam Iuſtit. lib. 1. Smerdin, ſiue Smerdem, de quo ſupra, Oropasſtem vocat.

ZOPYRVS, præciſis de induſtria, labiis, naſo, auribus, nomine tranſugæ Babylonem profeſtus, corpus populo laniatum oſtendit: conſtituitur dux omnium ſuffragio aduerſus Darium, qui Babylonem iandiu fruſtra obſidebat, cui tandem creditum ſibi exercitum prodidit: ſicque Babylonem quæ defecerat, & ab Aſſyriis occupabatur, recuperauit Darius, memorabili hoc quidem factò Zopyri: cui fuit etiam Megabizus filius, dux exercitus Darij in Europa, qui & Thraciam ſubegit. Herod. lib. 3. Iuſtit. lib. 1.





**TARQUINIVS** Collatinus Lucretiæ maritus, cœnabat cum regiis iuuenibus & aliis primoribus in statiuis obsidionis Ardeæ, cùm incidit de vxoribus mentio: suam quisque mirè laudat: hoc certamine contentionis accenso, negat Collatinus verbis opus esse: paucis id quidem horis posse sciri quantum cæteris sua præstet Lucretia: vxores inuisunt. certamine laudem retulit Lucretia. Ibi mala libido Lucretiæ stuprandæ Sextum Tarquinium capit: post aliquot dies stricto gladio ad dormientem Lucretiam venit, marito in castris agente: vi potitur. ultio breui crimen sequitur: deturbatur regno Tarquinius Superbus: Sextus Tarquinius eius filius, Gabios profectus, interficitur. Titus Liuius lib. i.

**LVCRETIA** Spurij Lucretij filia, foeminam certè Romanam atque exemplar totius coniugalis castitatis se præstitit. hæc siquidem vi à Sexto Tarquinio constuprata, mœsta nuntium ad patrem atque ad virum mittit, vt cum amicis veniant: ita facto maturatòque opus esse, rem atrocem incidisse: veniunt cum L. Junio Bruto: his corpus violatum fatetur, animam verò in fontem morte ipsa testatur. Brutus viro patrique luctu occupatis, cultrum ex vulnere Lucretiæ extrahens, Per hunc inquit castissimum sanguinem iuro, me Tarquinium Superbum cum scelerata coniuge, & omni liberorù stirpe, ferro, igni, quacunque vi possim exacturum. Vide Tit. Liu. lib. i. Sic exacto rege res Romana rediit ad Consules, anno mundi 3456. ante Christum natum 506.



**C. M. CORIOLANVS** Patricius Romanus ab Romanis exactus est, quòd Consulatum arroganter ambiret, & Tribunis Plebis aduersaretur, ac proinde suspectus esse populo ob nimium fastum ac potentiam. quare cum iam ante pro Romanis pugnans, Coriolos urbem, Volscorum ciuitatem, vnde Coriolanus dictus est, expugnasset, ad ipsos Volscos contendit iratus, à quibus auxilia contra Romanos accepit anno mundi 3475. ante Christum natum 487. Romanos sæpe vicit: vsque ad quintum miliarium urbis accessit, expugnaturus etiam patriam suam (legatis qui pacem petebāt repudiatis) nisi ad eum mater Veturia & vxor Volumnia, ex vrbe venissent: quarum precibus remouit exercitum, quem submouere armis Roma non poterat. Vide Titum Liuium lib. 2. & Eutro. lib. 1. Fœmineæ item preces ac lachrymæ vxoris Meleagri, ad arma pro patriæ tutela capeffenda Meleagrum compulerunt. Ouid. epi. 3.

**VETVRIA** C. M. Coriolani mater fuit, ad quam adierunt matronæ Romanæ, quæ in discrimine patriæ peruicerunt vt Veturia magno natu mulier, & Volumnia Coriolani vxor, duos paruulos ex Coriolano ferentes secum, in castra hostium irent: & quam armis viri defendere urbem non possent, mulieres precibus lachrymisque defenderent: quod præstiterunt. nam fractus precibus ac fletibus matris Veturiæ ac vxoris Volumniæ Coriolanus, castra retro ab vrbe mouit. Titus Liuius li. 2. Dion. Halic. lib. 7. & 8. Statuit Senatus vt fœmineum extrueretur templum Diuæ Fortunæ, vbi fœminæ singulis annis, eadem qua liberata fuerat vrbs die, sacra peragerent: idque in fœminarum honorem, ac huius facti, & velut miraculi, monumentum perpetuum.





PORSENA Hetruriæ Rex, bellum Rom.intulit, in gratiam Tarquinij Superbi, tripúsque continuis annis trepidam urbē terruit: quam audax Scæuolæ facinus ab hoste liberauit: nam scribam pro Rege interfecit, dum timet sciscitari vter Porfena esset. Tit. Liui. lib.2. Halicar. lib.5. Eutrop. lib.1. Porrò de Porfena & Scæuola elegans hoc apud Martialem lib.1. extat epigramma:

*Dum peteret Regem decepta satellite dextra,  
Iniecit sacris se peritura focus:  
Sed tam saua pius miracula non tulit hostis,  
Et raptum flammis iussit abire virum.  
Frere quam potuit contempto Mutius igne,  
Hanc spectare manum Porfena non potuit.  
Maior deceptæ fama est, & gloria dextræ:  
Si non errasset, fecerat illa minus.*

CLOELIA, Romana virgo, vna ex obsidibus, cùm castra Hetruscorum fortè haud procul ripa Tyberis locata essent, frustrata custodes dux agminis virginum inter tela hostium Tyberim tranauit, sospirésque omnes Romam ad propinquos restituit anno mundi 3457. ante Christum natum 505. iratus Porfena Clœliam obsidem per oratores deposcit: deinde in admirationem versus, supra Coclites & Mutios id facinoris esse dicebat: restituta hæc apud Regem Hetruscum, non tuta solùm, sed honorata, partèque obsidum donata est. Romani nouam in fœmina virtutem nouo genere honoris, statua equestri donauere: in summa sacra via fuit posita virgo infidens equo. Liuius lib.2.



**XERXES** quintus Persarum Rex, Darij Hytaspis filius, successit patri in regno Persarum anno mundi 3477. ante Christum natum 485. fuit nonnihil controuersiae inter hunc & maiorem natu fratrem Artabazanem: attamen res facile componitur ut Xerxes, Atossæ secundæ Darij vxoris filius, quæ Cyri filia erat, regno potiretur. Primum Ægyptios qui defece- rant subegit: posthæc maximam in Græciam expeditionem fe- cit: tantæque feruntur eius fuisse copiæ ut fluuios exiccarent: quod de Scamãdro fluuio (qui & Xanthus dictus est) legimus. Græciam vastauit, Athenas, vrbésque vicinas cõbussit. tandem à Leonida ac Themistocle pulsus, vno die etiam duo vulnera accepit: nauicula piscatoria aufugit. Cæterum is cum filio Da- rio ab Artabano, spe adipiscendi regni interficitur: Artabanum autem Artaxerxes gladio transuerberauit, ut dicturi sumus in- ferius. consulo Iusti. lib. 1. 2. & 3. Præterea Plut. in vita Themis. & Agesil. item Hero. li. 7.

**CIMON** Atheniensium dux præstantissimus, semel atque iterum Xerxis exercitum vno die fudit: primò pugna nauali, de- inde terrestri: præterea Asiæ minoris partem cepit: inimicorum exuiis opulētus factus, pauperibus bonam partem distribuit, mensasque dapibus instructas, pauperibus ac peregrinis pu- blicè parauit. Vide Plutar. in Cimone.

Clarebant his temporibus Æschylus, Sophocles, & Euripi- des, Poëtæ Tragici, quinetiam Zeuxis pictor insignis.







**THEMISTOCLES**, Atheniensium dux fortissimus ac prudentissimus, ingenti gloriæ studio tenebatur. hic fufis, fugatisque Persis, atq; eorum Rege Xerxe, Athenas reædificauit, muro cinxit, Pyreumque ciuitati iunxit, anno mundi 3492. à Christo nato 470. nec tamen inuidia caruit, dicere solitus se neque honoribus ab Atheniensibus affici, neq; apud eos in admiratione esse, sed procella vexatos imminente periculo, ad se veluti platanū subterfugere, reddita autem serenitate, euellere atque deiicere. Suffragiis è ciuitate eiectus, eiúsque dignitate ac nimis opibus depressis, grauis fortuna inimico patriæ supplicè esse coegit. Nec tamen, iussus à rege Persarum, ad quē descieuerat, Græcis bellū inferre, ira in ciues suos eum cōcitare potuit: nec maximi honores atque opes ad patriam bello laceffendam impulerunt: fortasse quidē ratus opus maius quàm vt à se confici posset, præclaris tum ducibus abundāte Græcia, præsertim Cimone. Itaque fertur epoto taurino sanguine, venenóque infuso, in Magnesia diem obiisse, annos natus 65. Plutarc. in Themisto. Thucy. li. i. huius etiam Themistoclis meminit Eras. in apophth. li. 5. & 8.

**STESILEA**, eleganti forma mulier, amata fuit ab Aristide ac Themistocle: inde fortasse cōflato liuore, perpetuo flagrant inter se odio: quāquam vitæ ac morum dissimilitudo, non parum auxisse odium dicatur: nam Aristidē cōtraria in repub. sentētia aduersarium semper habuit Themistocles. Vide Plutar. in Themistocle.



**ARTAXERXES** Xerxis filius, cognomēto Longimanus, quòd manum dextram sinistra longiorē haberet, Artabanum cum filiis occidit, de patris nece vindictam sumens. imperavit Persis anno mundi 3497. ante Christum natum 465. hic à Metasthene Darius, ab Esdra Darius & Artaxerxes vocatur indifferenter. nam Persæ his duobus nominibus promiscuè vtuntur, sicut & nos imperatores nostros Cæsares & Augustos, sine discrimine vocamus. Astu Artabanū, iuuenis ad huc, gladio transfodit: nam finxit se arma velle commutare, si inermem aggressus egregio in iuvene cōmento, inimicum ense traiecit. Iust. li. 3. & 10. Hero. lib. 7. Plutar. in Artaxerxe. imperavit annos 40. Vide item Esdr. i. lib. ca. 4. & 7.

**ESDRAS** Propheta fuit temporibus Artaxerxis, quē adiit, ab eoque petiit vt liceret Iudæis reuerti Ierusalem: & obtinuit. missus est igitur Esdras Ierosolymam, cum reliquiis vasorum Domini à Nabuchodonosore in Babyloniam abductorum, acceptis ab Artaxerxe priuilegiis vt liceret ei constituere iudices ac præfides in populo Iudæ, ac Ierusalē, collapsamque Iudæorum remp. instaurare. Consulito i. lib. Esdræ, 7. cap. hinc incipiunt septem Danielis hebdomades.







L. QVINTIVS Cincinnatus in opere , arans inuentus, sudore deterſo ab aratro accerſitus ad falces , togam prætextam accepit , Dictatôrque eſt creatus anno mundi 3506. ante Chriſtum natum 456. hic mox ſumpto honore , inſtructôque exercitu , cæſis hoſtibus victor exercitum Romanum liberauit. Nam Minutius Conſul ab Equis & Volſcis ſuperatus, fugerat, ac fame ferroque cingebatur, actûmque inſelici-ter foret, ni Quintius ipſe , qui iugum boum Equis impoſuit, victoriâmque quaſi ſtiuam tenens, ſubiugatos hoſtes præ ſe primus egit. Romæ triumphauit. Caſtris hoſtium receptis, plen- nis rerum omnium ( nudos hoſtes emiſerat ) prædam omnem ſuo tantûm militi dedit : Conſularem exercitum , ipſumque Conſulem increpans , *carebis*, inquit , *præda parte miles ex eo hoſte cui propè præda fuiſti*. Titus Liuius lib.3. Eutropius lib.1. Romæ quidem hic L. Quintius Cincinnatus ob egregiam hanc par- tam victoriâm meritò triumphum egit. tandem Dictatura ( qui erat ſummus honos ) ſe abdicauit , ruſſusque ruſ ad agricul- turam diuertit.

R A C I L I A vxor fuit L. Quintij Cincinnati. hæc togam properè è tugurio viro poſtulan- ti protulit: cûm mandata Sena- tus, togatus vt audiret rogaretur à legatis, qui eum operi agre- ſti intentum nomine Senatus ſalutabant. Titus Liuius lib.3.

Ii 3





**SOCRATES** Sophronisci statuarij & Phanaretæ ob-  
stetricis filius fuit. clarebat anno mundi 3531. ante Christum  
natum 431. hic veram Philosophiam esse prædicabat, *seipsum  
cognoscere, talémque esse debere hominem, qualis vellet videri.* Philoso-  
phiam naturalem deseruit, vt moralem amplexaretur. Con-  
stantissimus ille, nec tristior nec iucundior vnquam visus est.  
pauperculus quidem extitit, at verò ab Apolline omnium sa-  
pientissimus dicitur iudicatus. In huius signo sculptum erat,  
*hominis amicum esse, id ipsum sapere: inimicum autem, desipere.* Inuidia  
non caruit: accusatus est ab Anyto diuite, Melito Poëta, Lyco-  
ne oratore, quòd malè de iis sentiret. Intrepidus coram iudici-  
bus stabat, nec voluit quam ei parauerat orationem Lysias,  
orator percelebris, ad sui defensionem, pronuntiare: quinimo  
ad bibédam cicutam damnatus, eam sumpsit intrepidè. Athe-  
nienfes tandem delatores eius occiderunt: æneámque statuam  
ei erexerunt, quam in templo collocarunt. Cice. li. i. de Orato.  
Aelianus, Plin. lib. 7. August. de ciui. Dei, lib. 8. cap. 3.

**XANTIPPE**, vxor fuit Socratis, quæ cùm molestissima  
esset, atque aliquando post nimios clamores & iurgia, sordi-  
dam aquam in caput illi iecisset, haud ægrè ferens respondit,  
*Sciebam post tonitru venturam pluuiam,* interrogatus ab Alcibiade  
Socrates cur tam acerbam vxorem domo non exigeret, quo-  
niam, inquit, cùm talem domi perpetior, insuesco vt aliorum  
foris iniuriam feram. Vide Gel. li. i. cap. 17. & Apophtheg. Eras.







ASPASIA mulier, consuetudinem amatoriam cum Pericle habuit, quam vnicè adamavit: nam cùm exiret domo, & cùm ingrederetur, eam osculabatur. hanc nomine & gloria claruisse ferunt. Quæ autem in bello cōtra Samios gesta sunt, decreto Periclis ob Milesios, rogatu Aspasiæ facta dicuntur. Vxorem Pericles alteri dedit, cùm ingrata vtrique vitæ consuetudo foret, hanc autem Aspasiam superinduxit. Plutarc. in Pericle.

PERICLES Atheniensium dux, cum Sophocle Poëta tragico, missus est aduersus Lacedæmonios, qui diuerso exercitu, Lacedæmoniorum agros vastauerunt, & multas Achaïæ ciuitates Atheniensium imperio adiecerunt. his malis fracti Lacedæmonij in annos triginta pepigerunt pacem: sed tam longum ocium inimicitia non tulerunt. Quare intra quindecim annos, fines Atticos populantur, hostes ad prælium vocât: verùm Athenienses Periclis consilio iniuriam differunt in tempus vltionis. Deinde interiectis aliquot diebus naues conscendunt, & nihil sentientibus Lacedæmoniis, totam Sparram deprædantur, multoque plura auferunt quàm amiserant. Post hæc nauali prælio victi Lacedæmonij, fugerunt: pacem in annos quinquaginta fecerunt, quam non nisi sex annos inuiolatam obseruarunt. hæc facta sunt temporibus Artaxerxis, anno scilicet à mundo condito 3536. ante Christum natum 426. Iusti. lib. 3. Plutar. in Periclis vita. bellum intestinum, quod Peloponnesiacum dicitur, tunc incepit, quod durauit annis 27. de quo Thucy. & Xeno. De Pericle mentionem quoque facit Eras. in apoph. lib. 5. & 8.



**A L C I B I A D E S** Atheniensium Dux, ad bellum Siculum missus est anno mundi 3548. ante Christum natum 414. hic erat ætatis flore, formæ veneratione, nec minus eloquentia insignis: sed in conciliandis amicitiarum studiis quàm in retinendis vir melior. Siculi itaque belli concitator & Dux Alcibiades, Athenis insimulatur: reuocatus à bello ad iudicium, siue conscientiam, siue indignitatem rei non ferens, tacitus in exilium Elidem proficiscitur: deinde Lacedæmonia se confert. Lacedæmoniorum Regem aduersus Athenienses impellit: sed huius virtus plus inuidiæ quàm gratiæ apud Lacedæmonios contraxit: quare præmonitus à Tina vxore Regis, quam adulterio cognouerat, sibi tendi insidias, ad Tisafernem Darij. præfectum profugit. Circa hæc tempora Athenienses Lacedæmonios vicerunt ad Arginusas. Alcibiades ad Chalcedonem victoria est potitus: Byzantium per prodicionem obtinuit: Lacedæmonios vicit, Pharnabazum fudit. Vide Xenoph. li. 2. de reb. Græ. Tandem Atheniensium iussu vulneribus multis confossus occubuit. Iustin. lib. 5. Plut. in Alci. Thuci. li. 6. hic in Lacedæmoniorum gratiam à Pharnabazi militibus occisus dicitur: alij à quibusdam familiaribus, quando cum eorum sorore congressum haberet.

**T I M A N D R A** meretrix fuit quam deperibat Alcibiades, cui hæc Timandra funus satis amplum atque magnificum pro suis facultatibus curauit faciendum. huius Timandrae filiam fuisse dicunt Laidem, quam Corinthiam appellabant: Sic matrem sequitur sua proles. Vide Plutarchum in Alcibiade.





CONON Atheniensis dux in locum Alcibiadis suffectus est. hic classem maxima industria adornat, anno mundi 3553. ante Christum natum 409. Sed nauibus exercitus deerat, fortissimis quibusque in Asiæ populatione amissis: armantur tamen senes aut impuberes pueri, & numerus militum sine robore exercitus expletur. non magnam bello moram ætas facit. Omnibus captis aut occisis, cum dux Conon superfuisset solus, crudelitatem ciuium metuens, ad Regem Cyprium contendit. Athenienses 30. rectores accipiunt, quos triginta Atheniensium tyrannos vocant. Lacedæmonij formandas Lysandro Athenas tradunt: repletur Græcia Atheniensium exulibus. Tandem Pharnabazus cum Conone classe comparata, Laconicas maritimas ciuitates incommodis affecit: pugnatur: vicit Conon. Videto Iustinum lib. 5. & 6.

LYSANDER Lacedæmoniorum dux factiosus, Alcibiadem in capitis adduxit periculum: totius Græciæ odium in Lacedæmonios concitauit. hoc duce Conon nauali prælio victus est. paulò post tamen duce Conone victi sunt terrestri prælio Lacedæmonij, in quo occisus etiam est ipse Lysander. Tunc restituta est per Cononem terrestri prælio Atheniensibus libertas, per quem antea amissa maritimo prælio fuerat. Videto vt supra, & Plutar. in eius vita.



**THRASYBVLVS** à triginta Atheniensium tyrannis in exilium actus, audendum aliquid pro patria ac salute communi, etiam cum periculo ratus, adiunctis sibi exulibus, reditum in patriam manu comparauit, lato prius Plebiscito de iniuriis ultro citroque obliterandis. sic Tyrannis victis popularis status restituitur eius opera, anno mundi 3558. ante Christum natum 404. Xen. rerum Græcarum lib. 4. Iustin. lib. 5. Plutarc. in Pelopida, Cicer. in Philip.

**EPAMINONDAS** Thebanorum dux fortissimus, claruit circa annum mundi 3590. ante Christum natum 372. fuit vestium tenuitate, cibi moderatione, laborum tolerantia, atque, in fungendo imperatorio munere, synceritate singularis ac præstantissimus: huic soli ex amicis nunquam ut quicquam acciperet, potuit persuadere Pelopidas. hic dum non ducis tantum, verum etiam fortissimi militis officio fungitur, grauius vulneratur. fuit incertum, virne melior an dux esset. honores ita gessit ut ornamentum non accipere, sed dare ipsi dignitati videretur: literis & Philosophia usque adeo clarus, ut mirum esset unde tam insignis militiæ scientia homini inter literas nato. Saucius ac semianimis quæsiuit num cadenti sibi scutum ademisset hostis, quod sibi allatum velut laborum gloriæque socium, osculatus est: iterum quæsiuit vtri vicissent: ut Thebanos audiuit, velut gratulabundus patriæ expirauit, apud Mantineam cum Lacedæmoniis congressus. Iustin. lib. 6. Plutar. in vita Pelopidæ, Cicer. in epist. ad Luceium.





DIOGENES, Philosophus Cynicus, palliolum duplex ad frigus arcendum habuit, peram pro cellario, baculum pro corporis sustentatione. habitans in portarum vestibulis & porticibus ciuitatum, cibum emendicabat. cū se contorqueret in dolio, volubilem domum se habere iocabatur, & se temporibus immutantē: frigore enim os dolij vertebat in Meridiem, æstate in Septentrionem. Cum Alexandrum cæteri Philosophi adiissent, Alexander hunc adiit: ad solem apricantem offendit, rogat Alexander reīne cuiuspiam egeat: cui Diogenes, parumper inquit à sole mihi secedas. Adeò hoc responso delectatum & admiratum ferunt Alexandrum, vt eo discedente, cū amici irriderent, ac per iocum morderent, dixerit: *Ego profecto nisi Alexander essem, Diogenes esse vellem.* Fertur cū aliquando videret puerum manu aquam haurientem, ac bibentem, vasculum quod ad bibendum gestabat, ab se abiecisse, cū natura manu tanquam ad bibendum instrumento, prouidisset. Vixit fermè nonagenarius. Plutar. in Alex. Dioge. Laër. hic ex ficu poma aliquando legebat: at custode dicente, huic ante paucos dies homo suspēsus est, ego, inquit, illam purgabo. fuerunt autem Diogenes quinque. supputationem temporum non est quòd hīc inferam, cū constet fuisse tempore Alexandri, de quo vide inferius.

CRATES Thebanus, vt Philosophiæ vacare posset, magnum auri pondus in mare proiecit, *Abite*, inquiens, *pessum male cupiditates: ego vos mergam, ne ipse mergar à vobis.* Neque putauit, se posse virtutes & opes simul amplecti. Cic. in Paradox.



**P L A T O** Philosophus Aristone Patricio inter Athenienses ciue,& Perictiona siue Prona natus est.claruit circa annum mundi 3575. ante Christum natum 387. à corporis habitu egregio, Plato dictus est, aut ab orationis vbertate & mira amplitudine, cùm prius Aristocles ex aui nomine diceretur: 20.annos natus, Poëticam miro complexus est ingenio: celebratas Tragœdias, atque alia carmina scripsit, suauique vocis sono pronuntiauit,nisi quòd ad gracilitatem tenderet. Postea Philosophiam amplexatus, Poëticam reliquit: Socratis discipulus fuit, & Aristotelis ac Xenocratis præceptor. Ter militauit, egregiùmque militem se præstitit. Ter in Siciliam nauigauit: tertiò rediens, venundatus, atque à Dionysio Tyranno extrema penè passus est. In Ægypto didicit quæcunq; illic magna habebantur. Philosophiam in moralem, naturalem, & rationalem distribuit. Varia de eius morte scribuntur. Vixit annos 80. Vide Dioge.Laër.lib.3. August.de ciuit.Dei lib.8.ca.4. & Plutar.in eius vita.

**A R I S T O T E L E S** patre Nicomacho medico,natus est in obscuro oppido Stagira: vbi adoleuit, Athenas studiorum gratia missus est. Platonem audiuit annos 20.Deinde in Macedoniam euocatus à Philippo, & Alexandro filio in disciplinam tradito, maximam auctoritatem in regno promeruit. huius scripta extant quàm plurima, quæ vel ad eloquentiam spectant, vel ad ciuilem, moralémque disciplinam, vel ad secreta naturæ. Dioge.Laër.lib.5.Plutar.in eius vita.





BRENN O, seu Brennus, Gallorum Sanonum Dux fortiss. collecto exercitu in Italiã irrupit (nec tamen primus, nam ante 200. an. Galli Italiam inuaserant (cũque urbem Clusium obsedisset, dimissa obsidione, totis viribus Romam contendit, quem Fabius cum exercitu excepit, nec tamen obstitit: quin potius impetus ille hostilis Romanos quasi aridas segetes succidit: testatur hanc Fabij cladem fluuius Allia, patentem Romam capit Brenno, (nam metu perculsi Rom. in Capitolium se receperant) eam deprædatur ac exurit: Capitoliũ obsidet: pacta pecunia obsidionem soluit: cum aurum penderetur, additur etiam à Gallo duce ponderi gladius, anno mundi 3576. ante Christum natum 386. Tit. Li. 5. Eutro. lib. 1. Oro. lib. 2. ca. 19. Ab hoc, seu ab alio eiusdẽ nominis, extructam ferunt Brenonam, quæ postea Verona dicta est: nam post an. cẽtum Brennus quidam, Gallorum qui Græciam inuaserũt dux, Sothenem fudit: at contra Delphos infeliciter pugnans, pugione seipsum confodit. Iustin. lib. 24. Porro Galli cũ Nicomedi Bithyniæ Regi opem aduersus Zibœam tulissent, parta victoria, regionem partiti sunt: inde Gallogræcia dicta. Tit. Liu. li. 8. Deca. 4. Iustin lib. 25. qui etiam scribit Gallos sedibus Thuscis expulisse, ac Mediolanum, Comum, Brixiam, Veronam, Bergomum, Tridentum, & Vicentiam in Italia condidisse.

M. F V R I V S Camillus nobilis Roman. Dictaturam quin quies gessit, triumphum quater egit. hic ob prædã Veientanam, in exilium abiit, deos orans, vt si insoni ea sibi iniuria fieret, statim desiderium sui ingrata ciuitati facerent: quod contigit: nam paulò pòst Dictator creatus, Brennum vincit, aurum reportat, vt inquit Liuius: nam Drusum potius sunt qui censeant aurum extorsisse. Sueto. in Tibe. Plutar. in Camil.



MAVSOLVS Cariæ regulus , quæ est in Asia minore, obiit anno mundi 3586. ante Christum natum 376. huic Artemisia vxor fuit, quæ illum vsque adeo amauit, vt illius demortui cineres vino mixtos biberit , alij dicunt aqua odoribus mixta: præterea sepulchrū illi extruxit, quod ab Oriente cælauit Scopas , à Septentrione Bryaxis, à meridie Timotheus , ab occasu Leochares: priusquam id operis peragerēt, obiit Artemisia: nec tamen recesserūt nisi absoluto iam, id gloriæ ipsorum, artísque monumentum iudicantes. Plin. li. 36. ca. 5.

ARTEMISIA , Mausoli vxor, molita est , conseruandæ mariti memoriæ causa, sepulchrum memoratissimū, dignatūque numerari inter septem omniū terrarum spectacula. Id monumentū Artemisia cum diis Manibus, sacris Mausoli dicarer, agona, id est certamen laudibus eius dicundis fecit : proposuit præmia pecuniæ, aliarūque rerum amplissima. Ad eas laudes decertādas venisse dicuntur pleriq; disertī viri, inter quos Iſocrates ac Theopompus , quem vicisse iudicatum est. Aul. Gel. lib. 10. ca. 18. Boc. & Herodo. li. 7.







PHILIPPVS, Amintæ filius, apud Macedones imperavit anno mundi 3603. ante Christum natum 359. In Athenienses primò bellum mouit: vicit: modestissimè victoria vsus est. deinde aduersus Illyricos mouit, multaque horum milia, cecidit. hinc Thessaliâ non prædæ cupiditate, sed quòd exercitui suo Thessalorum equitum robur adiungere gestiebat, improuisus expugnat. Cùm Methonam urbem oppugnaret, de muris sagitta iacta dextrum Regis Philippi oculum effodit: quo vulnere nec segnior ad bellum, nec iracundior aduersus hostes factus est: adeò vt pacem deprecantibus dederit, mitisque aduersus victos fuerit. Tandem totius Græciæ Imperator factus, parabat bellum in Persas, cùm à Pausania occiditur, ob priuatam iniuriam: creditum quoque est immissum ab Olympiade Alexandri matre fuisse, nec ipsum Alexandrum ignarum paternæ cædis extitisse, cùm ipse vereretur ne hæres regni institueretur frater natu minor, ex Cleopatra nouerca susceptus. Consulito Iustin. li. 7. & 8. & Diod. de gestis Philippi. Imperauit Macedoniae annos 25. vixit 47.

OLYMPIAS Regis Molossorum filia, vxor fuit supradicti Philippi Macedoniae Regis, & Alexandri mater. hæc dolens se ob adulteria repudiatam, prælatamque sibi Cleopatram, parauit necem viro, vnà cum filio regni æmulo, qui fratrem ex nouerca susceptum, timebat. Videto Iustinum vt supra.



DEMOSTHENES orator facundissimus, clarebat circa annum mundi 3615. ante Christum natus 347. hic patrem habuit gladiatorum fabrum, satis opulentum, qui obiit, filium relinquens septennem: patrimonium à tutoribus malè administratum, dum in iudicio repetit Demosthenes, dumque in causa propria disertus esse studet, etiam in alienis causis disertus esse discit. Nec mens eius primùm satis poterat intelligi, cùm lingua, vocèque laboraret: verùm studio ac exercitatione incredibili, actionem hanc ingratam in suauissimam commutauit. Dubium fuit ingenio plusne an doctrina valuerit. plus olei quàm vini consumpsisse dictus est. Sepe duos vel tres menses continuos non cessabat motum corporis fingere, vocem exercitare, chartis impalescere, abrafa etiam parte capitis, ut exeundi facultatem sibiipsi præriperet. Propositum eius in re-pub. maximè fuit, omnibus Philippi Macedoniae regis conatibus obsistere. hoc etiam autore ciuitates Græciæ post mortem Philippi conspirauere. postea exulauit, sub obitum Alexandri, cuius cognita morte, rursus ciuitates Græciæ conspirauerunt, Antipatro in Lamia vrbe à Leosthene fortiter obseffo. Tandem accersitus ab Antipatro per nuntium Archiam Tragædum, qui identidem repetebat, fore ut ab eo humanissimè susciperetur, venenum è calamo hausit. Plutar. in Demost. Iuena. Saty. 10.

L A I S, meretrix fuit nobilis, Corynthis habitans, quam Demosthenes clanculum adiit, hac autem noctis pretium 10000. drachmarum petente, discedens Demosthenes, *Pœnitere* (inquit) *tanti non emo.* Gel. lib. 1. cap. 8. Macro. in Satur. lib. 2.





M. V A L E R I V S adolescens Trib. militum, aduersus Gal-  
lum prouocatorem solus, omnibus territis, processit: coruus re-  
pentè galeæ eius insedit: dictum mirabile, quoties certamen initū  
est, leuans se alis, os, oculósque hostis, rostro & vnguibus appe-  
tiit: donec territum prodigij talis visu, oculísque simul ac mēte  
turbatum, Valerius obruncat, anno mundi 3617. ante Chri-  
stum, natum 345. Consul laudatum Valerium decem bobus,  
aureaq; corona donat: inde Coruinus dictus, summo populi fa-  
uore annos natus 23, Consul renuntiatur. Ti. Li. li. 7. i. Dec. Eut.  
li. 2. Oro. li. 3. ca. 6. Au. Gel. li. 9. ca. 11. Statuam Coruino Augustus  
erexit, in cuius capite corui effigies erat, pugnae monumentum.  
Vixit Coruinus centū annos, intérque primum & sextum con-  
sulatum intercefferunt anni 46. Valer. li. 8. ca. 14.

M. C V R I V S Dentatus Consul Rom. Samnium diruit  
funditus, anno mundi 3673. ante Christum natum 289. tunc  
bellum 49. annis cum Samnitibus gestum, finitū est: neque vl-  
lus hostis intra Italiā fuit, qui Ro. antea vsque adeò fatigauerit.  
Huic Samnites magnum auri pondus publicè missum attule-  
runt, qui in agresti scamno, assidens foco, ac ligneo catino cœ-  
nans, vultūque risu soluens, *Supernacua*, inquit, *legationis mini-*  
*stri, narrate Samnitibus, M. Curium malle locupletibus imperare, quàm*  
*ipsum fieri locupletem: & mementote me nec acie vinci, nec pecunia*  
*corrumpi posse.* Idem Curius Italia Pyrrhum regem exegit: atque  
ex præda regia, qua exercitum vrbémque ditauerat, nil attigit.  
Eutro. lib. 2. Valer. lib. 4. cap. 3. & Pl. lib. 8. cap. 6. de elephantis  
primū Romæ visis.



**TIMOLEON**, nōbilis Corynthus, missus est cum paucis triremibus in Siciliam anno mundi 3618. ante Christum natum 344. idque ad liberandas à Dionysij tyrannide Syracusas. hic quinquagesimo postquam appulisset die, urbem cepit: deinde arcem obsidens, Dionysium ad deditionem compulit, & cum paucis in exilium Corinthum misit: arcem solo æquauit: Syracusanis libertatē restituit: miserā Corinthi vitā priuatāque Dionysius duxit. Ex Græcia coloni noui in Siciliam habitatum missi, benignè Timoleon suscepit: deinde leges Syracusanis dedit. Cū itaque ciuitas reuiresceret, & ciuibus vndiq; confluentibus oppleretur, cupiens vniuersam Siciliam in libertatem asserere, & ad vnum tyrannos excindere, ad cæteras vrbes exercitum duxit, & Icerem à Carthaginensibus deficientem vt arces demoliri promitteret, & apud Leptinos priuatē viueret, coegit, Leptinum tyrannum Corinthum misit: nam Sicilia tyrānos in exilio & calamitate Corinthi degere pulchrum ducebat spectāculum Timoleon. Consulito Plutar. in Timoleontis vita.

**DIONYSIVS** Sicilia Tyrannus, patre eiusdem nominis genitus, militum fauore patri succedēs, initio tria captiuorum millia libertate donat, tributa triennio remittit, vt populū sibi conciliet. At verò sublati quos metuebat, in cæteros quoque grassatus, ob crudelitatem inuisus expugnatur, fugatur: redit: Syracusas prodicione recipit. Iterum, Corinthiorum auxilio obsessus, deposito imperio Corinthi exulat, puerosq; in triuiis docet. Vide Iusti. li. 21. Cice. li. Tuscu. 4. Vale. li. 6. ca. 11. meminit eiusdem idem Valer. de neglecta religione, li. 1. ca. 2. & de exquisita custodia, li. 9. ca. 14.





ALEXANDER, cognominatus magnus, successit patri Philippo in regno Macedoniae, anno mundi 3628. ante Christum natum 334. anno ætatis 20. hic conspecta Asia, summo desiderio obtinendæ accensus, ac spe eximia, patrimonium omne suum quod in Macedonia Europæque habebat, amicis diuidit, sibi Asiam sufficere præfatus. Persis dictitans longa iam satis & matura imperia contigisse, quorumque tēpus esset vices excipere melius acturos. Sed neque alia quàm regis animorū, exercitus præsumptio fuit: nam obliti omnes coniugum liberorumque, & longinquæ à domo militiæ, Persicum aurum, & totius orientis opes, iam quasi suam prædā ducebāt, nec belli periculorum, sed diuitiarum meminerant. milites à populatione Asiæ prohibuit, parcēdum suis rebus præfatus, nec perdenda ea quæ possessuri venerant. In exercitu habuit peditum 32000. equitum 4500. naues 182. Milites elegit veteranos, vt magistros militiæ magis quàm milites electos putares. Dariū vicit. Persarum peditum 20000. occidit: equitum 1500. mater, vxor, filiæ Darij captæ sunt. Babyloniam cepit, Persopolim diripuit, Indiam ad Gangem vsque obtinuit. Imperauit annos 12. Vide Plutar. in eius vita, & Iusti. multis in locis.

THALESTRIS, Amazonum regina, Alexandrum adiit, concubitus ad prolem suscipiendam petiit, & obtinuit. Vide Iusti. li. 2. & 12. Quin. Cur. lib. 6. Oro. li. 3. ca. 18. de hac vide etiam supra in Penthesilea.



**XENOCRATES** Platonis auditor fuit, tardus quidem ingenio, quem Plato Aristoteli conferens, *alterum freno, alterum dicebat egere calcaribus*: item, *cui equo quem asinum iungo?* fuit tamen tantæ seueritatis, atque integritatis, tantæque illius verbis fides habita, vt cùm nullius iniurati testimonium admitteretur, huic soli remiserint Athenienses iusiurandum: tantæ cōtinentiæ, vt Phryne ac Laïs, insignia scorta, nullis eum vnquam blādimentis allicere potuerint, quinetiā statuam non hominem esse dixerint: tantæ frugalitatis, vt maximas pecuniæ summas sibi ab Alexandro, itémq; ab Antipatro missas recusauerit: tantæ erga præceptorē Platonem obseruantia, atque amicitia, vt cùm Platoni Dionysius diceret, Caput tibi quisquā tollet, hic suū ostendēs, Nullus, inquit, id prius quàm istud abscindet. Vide Dioge. Laer. li. 4. S. Aug. de ciui. Dei li. 8. ca. 12. & Vale. Max. li. 4. ca. 3.

**EPICVRVS** Neoclis filius, tempore Xenocratis Athenas adiit. Is vulgò dicitur summū bonum in voluptate constituisse. verū sic suam explanat mentem in epistola ad Menicæum: *Cū voluptatem finem esse dicamus, non eam quæ in gustu & in gluuie est posita, vt quidam ignorantes, aut malè accipientes arbitrantur, sed non dolere corpore, animoque trāquillum esse dicimus: virtutes iucunda vitæ coniunctæ sunt, iucundæque vita separari à virtutibus nequit.* Diog. Laert. lib. 10. agnitus est Epicurus circa annum mundi 3635. ante Christum natum 327.





P T O L E M A E V S Lagi filius, mortuo Alexandro Magno, ab equitibus primùm, deinde communi omnium consensu Ægypti rex declaratur, anno mundi 3640. ante Christum natum 322. huic Africæ, Arabiæque pars cum Ægypto sorte venit: ex gregario milite cum Alexander virtutis causa eue-  
xerat. In Ægypto solerti industria magnas opes parauit: Ægyptios insigni moderatione in fauorem sui sollicitauit, & reges finitimos obsequiis deuinxit: terminos imperij, vrbe Cyrene ampliauit: tantusque factus est, vt non tam hostes timeret, quàm timendus ipse hostibus esset. Demetrium Antigoni filium bello vicit: captiuos, omnemque prædam dimisit: se propter dignitatem, non propter prædam pugnasse dictitans. Posthæc victor ipse à victo navali prælio vincitur: filium & fratrem atque amicos Ptolemæi captos, Demetrius pari antea munere pro-uocatus, in Ægyptum remittit: donisque inter ipsa bella con-tendunt: tanto honestius tunc bella gerebantur, quanto nunc amicitia coluntur. Vide Iustin. lib. 13. 14. & 15. Legatos ex Alexandria misit Romam conciliandæ amicitia gratia: imperauit annis 40. Cyprum & Phœniciam tenuit: ab hoc omnes alij re-ges Ægyptiaci, vocati sunt Ptolemæi.

B E R E N I C E vxor fuit Ptolemæi prædicti, de cuius no-mine Philadelphus eius filius, quam in sinu Arabico extruxit urbem, appellauit. Fuit & altera Berenice, Philadelphi & Arsi-noes filia, quæ Ptolemæo Euergeti nupsit, cuius crines in cœ-lum relati feruntur, autore Conone mathematico.



**CASSANDER** Antipatri filius, post cædem Philippi (qui & Aridæus) fratris Alexandri Magni, imperium tenuit apud Macedones, anno mundi 3647. ante Christum natum 315 hic Pictuam urbem obsedit: Olympias longæ obsidionis tædio, pacta salute, ei se tradidit: nihilominus tamen eam interfici iussit: hæc erat Alexandri magni mater. Herculem quoq; huius Alexandri filium vnà cum matre Barsine occidi curauit. hic Abderitis, à ranis & muribus patria pulsus, agros in Macedonia finibus dedit, sibi ab illis timens. huius filius Antipater matrem Thessalonicen occidit, quòd fratri Alexandro in partitione regni propensior esse videretur. Vide Iusti. lib. 15. & 16. regnauit annis 19.

**SELEVCVS** Nicanor, Antiochi & Laodice filius, vir clarus, cum Alexandro Magno ad bellum Persicum profectus est: quo mortuo Castris eius præfuit. urbem condidit, quam de patris nomine Antiochiam vocauit: Regnum Syriæ occupauit anno mundi 3652. ante Christum natum 310. multa in Oriente post diuisionem, inter socios, regni Macedonici, bella gessit. principio Babyloniam capit: inde auctis ex victoria viribus, Bactrianos expugnat: transitum deinde in Indiam facit, quæ post mortem Alexandri velut iugo ceruicibus excusso, præfectos occiderat: autórque libertatis Sandrocottus fuerat, qui tunc Indiam possidebat: cum quo facta pactione Seleucus, compositisque in Oriente rebus, in bellum Antigoni descendit. Iusti. lib. 13. & 16. regnauit in Syria annis 32.





**ANTIGONVS**, inter Alexandri Primores clarus, forte tenuit Phrygiam maiorem, mortuo Alexandro: verumtamen post sex annos Asiam occupat, regnatque in ea annos 18. quorum initium fuit annus à mundo condito 3645. ante Christum natum 317. Contra Eumenem pugnavit, fugavit, obsedit: obsidionem soluit, ob auxilia ab Antipatro ad Antigonum missa. Altero bello vicit Eumenem cum Argyraspidibus: qui ignaris ducibus legatos ad Antigonum mittunt, ut sua reddi iubeant: redditurum se pollicetur, si Eumenem sibi tradant: Eumenes fugere tentat, concursu multitudinis retrahitur: retractus facultatem orandi petit: orat: cum non obtinet, milites suos deuouet: hi produnt eum, quem verecundia prioris amicitiae in conspectum suum venire prohibet Antigonus, & custodibus assignari praecipit. tandem dum in belli praedam, in cuius periculum solus descenderat, socios Ptolemæum, Caspandrum, & Lyfimachum admissurum se negat Antigonus, ab eisdem bello victus occiditur. Vide Iusti. lib. 13. 14. & 17.

**DEMETRIVS**, qui & Polyorctes, successit Antigono patri in regno Asiae, anno mundi 3663. ante Christum natum 299. hic à Ptolemæo victus est, deinde Ptolemæum vicit, ut in Ptolemæo diximus. Cleonymum fudit, Thebas cepit: Macedoniae regnum sex annis tenuit, Philippo & Alexandro, Caspandri filiis, prius à se per insidias occisis. Pyrrhus victo Demetrio Macedoniae regnum occupat. Demetrius Seleuco se tandem cum Asiae regno dedit. Vide Iusti. li. 15. 16. 17. & Plutar. in Pyrrho & Demetrio.



**LYSIMACHVS** illustri quidem Macedonia loco natus, sed virtutis ornamentis omni nobilitate clarior extitit. hic animi magnitudine, Philosophia, virium gloria, omnes per quos Oriens domitus est, vicit. A Callisthene, quamuis truncato auribus, naribus, ac labiis, præcepta Philosophiæ accipere non erubuit. hunc ferocissimo leoni obiecit Alexander: leonis linguam hic statim auulsit: chariorem inde habuit eum Alexander, quem imprudens cum in fronte vulnerasset, diadema sibi demptum Rex alligandi vulneris causa, capiti eius imposuit, quod auspiciū primum regalis maiestatis Lysimacho fuit. Regnavit itaque in Macedonia anno mundi 3676. ante Christum natum 286. Post mortem Alexandri cum inter successores provinciæ diuiderentur, Thraces, & Pontici, ferocissimæ gentes, illi quasi omnium fortissimo assignatæ sunt. De cuius morte ac filiorum eius 15. vide Iustin. lib. 17. Lysimachiam condidit, quæ terræ motu corruit.

**ANTIGONVS** Gonatas, Demetrii Asiæ regis filius, apud Macedones regnat anno mundi 3686. ante Christum natum 276. Pyrrhus Antigonom fugat: Macedoniam occupat: post cuius mortem Peloponnesij Antigono traduntur: tandem multiplici bello pressus, in speciem castrorum parua manu aduersus cæteros relicta, totis viribus in Gallos contendit, quos vicit. Interim Alexander Rex Epiri in ultionem mortis Pyrrhi patris sui, Macedoniam depopulatur, & capit: Demetrius Antigoni filius eam recipit, regnóque Epiri Alexandrum spoliatur. Consulito Iusti. lib. 25. & 26. ac Plutar. in Pau. Aemi.





PYRRHVS, patre Epirotarum Rege in exilium acto, fur-  
tim subtractus ad Illyricos bimus deferitur, vbi Rex eum ad-  
optat, protegitque aduersus Cassandrum Macedoniæ Regem.  
his rebus moti Epirotæ, odio in misericordiam verso, eum in  
regnum reuocant. Adolefcens multa bella gefsit, tantòq; suc-  
cessu, vt Tarentinos solus aduersus Romanos tueri posse vide-  
retur. Romanos elephantis primùm visis territos, vincit, vulne-  
ratus ipse: ducentos captiuos milites gratis Romam remittit.  
Syracusas veniens, multas ciuitates dum subigit, Rex Siciliæ  
sicut Epiri appellatur: filiis, Heleno, Siciliæ, Alexandro, Italiæ  
regnum destinat: postea bella aliquot feliciter cum Carthagi-  
nensibus gerit. tandem ex Sicilia abiens, dixisse fertur, *O qualem  
Carthaginensibus & Romanis pro hac insula palastram relinquimus!*  
A Pœnis nauali prælio victus, ab Antigono, de quo supra, au-  
xiliares milites petit: non obtinēs, repentē Antigonom vincit,  
fugat, Macedoniam capit, anno mundi 3676. ante Christum  
natū 286. Iam Græciæ, Asiæque regna meditatur: nec illi maior  
ex imperio quàm ex bello voluptas: à Spartanis tamen, maxi-  
mè à mulieribus, non fortius quàm verecundius victus, rece-  
dit: Ptolemæum filium amittit. Pulsus à Spartanis Argos petit,  
vbi Antigonom oppugnans, atque inter confertissimos hostes  
fortissimè dimicans, saxo de muris iactato, occiditur. Vide Iu-  
stin. lib. 17. 18. 23. 25. Plutar. in Pyr. & Oro. lib. 4. cap. 1. 2. 3.

ALEXANDER, Pyrrhi filius, vlcisci patris mortem  
cupiens, Macedoniæ fines populatur: Antigonus transitione  
militum destitutus, regnum cum exercitu amittit. Iusti. lib. 26.



**M. CL. MARCELLVS** Romæ Consul fuit, anno mundi 3676. ante Christum natum 286. natura vir ad bellum propensus extitit, & quod illius certamina declarant, acer ac strenuus: ad cæteras vitæ partes humanus atque modestus. Græcæ verò disciplinæ ac dicendi studiis addictus, quæ tamē per bellorum occupationes, non vsque adedò illi assequi licuit. Briomatum Gessatarum Regem singulari certamine vicit. Tunc prædam & arma secum auferens, ad collegam Cornelium regreditur, per id tempus aduersus Gallos infelicitè dimicantem: ut venit, Mediolanum, ac collegam obsidione liberat: posthæc decretus est à senatu soli Marcello triumphus. Syracusas cepit, opulentissimam ac florentissimam Siciliæ urbem: cuius subiectam oculis magnificentiam ac splendorem circumspectans, diu illachrymasse dicitur: fatumque Archimedis Geometriæ gerrimè tulisse. Cum Annibale post Cannensem cladem congredi ausus est, quem & Nola expulit. Annos supra 60. natus, quintum agens consulatum, inter pugnandum lata transfigitur lancea. Eius clarissima progenies ad Marcellum vsque Cæsaris nepotem propagatur, quem Octavia Cæsaris soror, ex C. Marcello suscepit. Plutar. in Augusti, Marcelli & Annibalis vita: Titus Liuius Deca. 3. lib. 3. 4. 5. 6. & 7.

**A. POSTHVMIVS** Albinus Consul Romæ fuit cum Luctatio Catulo, anno mundi 3721. ante Christum natum 241. Luctatius Hannonem vicit: anno sequēte Tyberis exundatio, atque incendium Romam prope absumpserunt. Consu- lito Eutr. lib. 2. atque Oro. lib. 4. cap. 11. & 12.





**PTOLOMAEVS** Philadelphus, superioris Ptolomæi filius iunior, successit patri in regno Ægypti, anno mundi 3680. ante Christum natus 282. hic Stratonis discipulus doctissimus fuit: Bibliothecam insignem parauit Alexandriæ. Iudæos qui in Ægypto erant, liberos esse permisit, & vasa Eleazaro summo sacerdoti Ierosolymorum, votiua transmittens, diuinas scripturas in Græcam linguam per septuaginta interpretes verti curauit. Huius frater maior natus, qui Seleucum vita regnóque Macedoniæ priuauerat, amicitiam, pacemque ac concordiam per epistolas deprecatur, professus deponere se offensam erepti paterni regni, neque amplius à fratre quæsiturum quod honestius à paterno hoste percepisset. Eutr. lib. 2. Iusti. lib. 17. D. Epipha. in lib. de ponde. & mensuris. Iose. lib. Antiqui. 12. cap. 2. Titus Liu. Deca. 5. lib. 4. & 5.

**ELEAZARVS**, patri Oniæ, cognominato iusto, successit in pontificatu Iudæorum, anno mundi 3691. ante Christum natus 271. Ad hunc scripsit Ptolemæus Philadelphus, hic quoque ad illum: extant vtriusque epistolæ apud Iosephum lib. Antiquit. 12. cap. 2. Misit hic ad Ptolemæum libros Mosaicæ legis, atque ex vnaquaque tribu senos viros interpretes, Hebraicè Græcèque peritissimos. Consulito D. August. lib. de ciuit. Dei 18. cap. 42.





**PRUSIAS** Bithyniæ Rex fuit, ad quem, post memorabilem pugnam ad Magnesium commissam, confugit Annibal, ab Antiocho à Romanis debellato discedens: tandem Prusias Q. Flaminio Romanorum legato Annibalem prodidit: custodiis ac militibus Regis vallatam domum ut sensit Annibal, venenum sumpsit. Postea proditor ille Prusias consilium capit occidendi filij sui, dum minoribus filiis quos ex nouerca susceperat, quos & Romæ habebat, fauet: verum à filio præuentus, ille ipsemet occiditur. Vide Plutar. in Annibal. & Iustin. li. 31. & 34.

**ANNIBAL** Amilcaris filius, Carthagenensium dux præclarissimus, nisi auariciam & sæuiciam in eo culpes, rem Romanam mirè afflixit. Primum annos natus viginti, Saguntum Romanis amicam, debellauit: congregatis 15000. peditum, & 20000. equitum, exercitum deinde per alpes in Italiam traduxit: Titum Sempronium, item Flaminium fudit, cæsis 15000. Romanorū. Sed tamen eius vires à Fabio attritæ sunt: quibus collectis ac resumptis, maxima clade Cannensi Romanos affecit: nam equitum 2700. peditum 40000. occidit: tres anulorum modios Carthaginem misit: cumque urbem capere posset, in Campaniam reuertitur. Tandem victus à Marcello, iterumque à P. Scipione, item ab Eumene Antiocho etiam superato, qui illi opem tulerat, ad Prusiam fugit: ubi fidem Prusiæ suspectam habens, hausto veneno, volens obire, anno mundi 3774. ante Christum natum 188. Vide Eutr. li. 3. Flo. li. 2. Plutar. in Annibal. In Italiam adduxit elefantos 37. Polyb. lib. 2. & 3. Tit. Li. li. 1. Deca. 3. August. lib. de ciuit. Dei. 3. cap. 20.





P. CORNELIVS SCIPIO, dictus Africanus maior, ab Africa deuicta, annos natus 24. vir Romanorum omnium & sua ætate, & posteriori tempore ferè primus, quasi nouã integrãque prouinciã vltor patris, & patrui inuadit, Carthaginẽ Hispaniæ capit, in qua omne aurum & argentum, & belli apparatus Afri habebant: nobilissimos obsides, Magonem etiam Annibalis fratrem, ibi capit, quem Romã cum aliis mittit. Non contentus Pœnos expulisse, stipendiariã Romanis prouinciã facit: omnem citra vltraq; Iberum subiecit imperio: primusque Romanorum ducum victor ad Gades peruenit: plus etiam prouinciã retinere quàm facere studuit. Hispanorũ obsides parẽtibus reddidit: quare omnes ferè Hispaniẽ ad eum trãsierunt. Asdrubalem, Annibalis fratrem victum fugauit, prædãque maximam cepit. Senex tandẽ inuidiæ cedens, Linternum exulat, vbi sepultus creditur. Vide Eutr. li. 3. & Flor. li. 2. exulauit anno à mundo condito 3777. ante Christum natum 185.

TERENTIA Æmylia, Scipionis Africani vxor, præter vxorum morem, cùm videret senem maritũ ancillulam deperire, ne eius dignitas imminueretur, reticuit, constantique animo pertulit: quinetiam eo mortuo, ad tollendam suspicionem, ancillam manumisit, libertoque suo in matrimonium collocauit. Vide Supplemen. chro.





MATATHIAS sacerdos, vir pietate clarus, Iudæum quemdam idolis palam sacrificantem iuxta mandatum impij Antiochi, zelo Domini accensus, occidit ad altare ipsum, quod & diruit: ac mox etiā interfecit Antiochi Regis legatum præcipientem idolis immolare: hūc Regis Antiochi iudicē, Apollonium vocat Iosephus, li. Anti. 12. ca. 7. Hic Matathias autor fuit pugnae di Iudæis, etiā die sabbati, cum iam mille occubuisſent, religioſe nimis obſervantes hunc diem. Multi itaque Iudæorum adiunguntur Matathiæ, & illum ſibi iudicem creant, qui & Sabbatis eos docet pugnare: *quod ſi non feceritis, inquit, vobis metiſſis eritis hoſtes, in illo die contra vos venientibus inimicis.* Sic arma corripies, patrias leges aduerſus Antiochi Duces vindicauit, præfuitque populo annum vnum, anno ſcilicet mundi 3795. ante Chriſtum natum 167. vide li. 1. Macha. ca. 2. Ioseph. li. 12. ca. 7.

IUDAS Machabeus, Matathiæ filius, rebus & populo præeſt in locum patris ſuſſectus, qui iuuantibus prono animo quatuor ſuis fratribus, cæterisque piis, qui patri ſuo adhæſerāt hoſtes proſtigat: Apollonium Ducē, alterum à priore, qui primus contra Machabæum in aciem deſcendit, cum ſuis copiis partim cæſis partim fugatis, interficit: Seron quoque Syriæ inferioris ducem ſuperat: deinde Gorgiam à Liſia exercitui præſectum, ipſum quoque poſtea Liſiam, ac Nicanorem fundit, fugat, ſuperat, mira celeritate, ac victoria: poſt hæc templum purgat ac inſtaurat, altare Domino dedicat: pro mortuis ſacrificiū offert. Antiochus cum eo fœdus init: fidem frangit, templum ſpoliat: à populo ſummus ſacerdos creatur Iudas, anno mundi 3805. ante Chriſtum natum 157. Prefuit annis 12. fœdusque cum Romanis init: obit in prælio.





**IONATHAS** fratre Iuda Machabæo interfecto Dux populi constituitur anno mundi 3808. ante Christum natum 154. Hic statim Bacchidem, cum quo pugnâs occubuerat Iudas, ad Iordanê vicit. Tertio posthæc anno, collecto ingenti exercitu iterum in Iudæam venit Bacchides, Ionathã cum Simone fratre obsedit, tandêmque commissa cum Bacchide pugna, fusus est Bacchides ipse: qui rebus accisis, coactusque pacê amplecti, iuravit se nunquam in Ionathã quicquam moliturû. Alexâder Epiphanes, Antiochi filius, audiês Ionathæ famã, amicitiaæ fœdera cum eo sancivit. Demetrii præfectum Apollonium Ionathas bello fundit ac fugat, multasque vrbes capit: octo hostium millia occidit: templum Dagon, quod erat in Azoro, vnâ cum vrbe incêdit. Posthæc aduersus alienigenas qui Iudæam vastabant, mouit, atque eos tota Iudæa expulit: & cum Romanis ac Spartiatibus amicitiaæ fœdera renouauit. Tandem Tryphon simulata amicitia eum circumuentum cum suis interfecit. Vide li. i. Macha. ca. 9. 10. 11. & 12. rexit an. 15.

**SIMON** occiso fratre Ionatha, Dux populi creatur anno mundi 3823. ante Christum natum 139. Hic Gazam urbem, quã cepit, ab idolis purgavit: fœdus cum Romanis ac Spartiatibus redintegravit. Cendebæum Antiochi præfectû fudit, fugauitque. At verò, vt sunt hominû fata in temerè fortunæ variantis arbitrio, tandê cum filiis duobus atq; aliquot seruis, in conuiuio, atque à Ptolemæo genero suo dominium affectante, qui ei cõuiuuium appararat, interficitur. vide li. i. Macha. ca. 13. 14. 15. 16. & Iose. li. Anti. 13. ca. 9. 10. 11. 12. rexit an. 8.



HYRCANVS, qui & Ioannes, supradicti Simonis filius, patri successit, Duxque populi fuit anno mundi 3831. ante Christum natum 131. Hic summa cum laude populo præfuit, vitæ suæ insidiâtes, à Ptolemæo missos, occidit. Antiochus Soter, qui & Pius, Hircanum Ierosolymis obsedit, accepta tandē pecunia obsidionem soluit. Hyrcanus Davidis sepulchrum aperuit, ingētes thesauros reperit, quibus Iudæorum cæpit peregrinos alere. Cum Rom. fœdus renouauit. Cognita Antiochi morte, Samariam, quæ rursus à Iudæis defecerat, obsedit, ac post annum captam, solo æquauit. magnas opes cumulauit (nam à Regibus Syriæ, qui inter se certabāt, liber factus, nullum iis vectigal ab Antiochi morte pendeat) quinetiam ciuitates Idumææ domuit. Vide 1. lib. Macha. ca. 16. Iose. lib. Antiqui. 13. à ca. 13. ad 18. Fuit Hyrcanus Dux, summus sacerdos, ac Propheta: rexit an. 25. Iose. ait 31.

ARISTOBVLVS Hyrcani filius, mortuo patre principatum & sacerdotium suscipit, anno mūdi 3857. ante Christum natum 105. Hic Magistratum ad regiam dignitatem transtulit, primusque, post captiuitatē Babylonicam, diadema sibi imposuit. Crudelis, fratres in vinculis tenuit & matrem quā penuria cōsumpsit: fratrem Antigonū nefariè occidi curauit, ad turrim Stratonis clam collocatis sicariis. Ituræos subegit, plurimamque eorum prouinciam Iudæis adiecit. Corruptis postquam annum imperat, visceribus, copiāque sanguinis euomens, decidit in eundem locum qui sanguine fratris aspersus erat, ibique fraternos manes, miserè moriens, placat. Iose. li. Anti. 13. ca. 18.





**TIB. GRACCHVS** Tribunus plebis, certauit de lege agraria pro egenis aduersus diuites, quo tēpore Africanus Scipio apud Numantiam pugnabat. Nam Romani quantum vicini agri hostibus adimebant, partim venundare, partim in publicum redigere, ac egenis ciuibus pro modica pensione vtendum tradere cōsueuerant: sed diuitibus pensiones augmentibus, pauperēsque excludentibus, lata est lex, quæ supra quingenta agri iugera ciuem Romanū possidere vetabat. Hæc lex paucos annos aduersus locupletes auxilio fuit. Nam primò conductis personis fraus legi fiebat: deinde apertè iam per seipsos occupare agros diuites cœperant. Pauperum itaque partes fouens Gracchus, diuitum inuidiā contraxit: in ipsòque tumultu dum fugere tentat, toga retentus, pede subsellij caput percutitur à P. Saturnino, vno ex principibus, & cum aliis triginta, fustibus & lapidibus mactatur: quorum corpora fuerūt proiecta in Tiberim, anno mundi 3831. ante Christum natum 131. Plut. in vita Grac. Appi. li. i. Eutr. li. 4.

**CORNELIA** Africani filia, Tiberij & Caij Gracchorum mater, marito vidua hos sic educauit, vt cū magnitudine indolis cæteros omnes anteirent, doctrina tamen quàm natura præualuisse viderentur. hæc relicta cum duodecim filiis, Ptolemæi regis nuptias respuit: cum ille regni & diadematis communicationem offerret. Deinde decem ex filiis obierunt, supradictis duobus relictis: filiam Africano minori collocauit. Plutar. in Tibe. & Ca. Gracchis.



IVGVRTHA, Micipsæ Numidarum regis adoptivus hæres, Hiempfal's capite potitus, in Adherbalem se conuertit (hi erant fratres regni cohæredes.) Adherbal Romã profugit (nam in Romanorum fide ac clietela regnum Numidicũ erat) missa itaque pecunia primò in sententiã suam senatum trahit Iugurtha: deinde missis à senatu, qui regnum diuiderent, inchoatum nefas perficit, pacem emit. Accersitus posthæc Romã, publica interueniente fide, vbi venit, auro omnibus corruptis aut attentatis, omnia dissentionibus permiscet: discedensque dicit, *O Urbem venalem, & citò perituram, si emptorem inueniat.* Placet deinde Senatui bello hunc parricidam persequi, Sp. Albinus in eum mittitur, cuius exercitũ auro etiam corrumpit Iugurtha. Assurgit Metellus, qui eum duobus præliis vincit: cùmque iam bello finẽ impositurus esset, successit C. Marius, qui Bocchum Mauritanix regem Iugurthæ focerum superat: Bocchus precium fœderis atque amicitix, regem Iugurtham facit: quem catenis opertum in triumpho populus Romanus aspexit. Eutr. li. 4. Flo. li. 3. Sall. Plutar. in Mar. & Syl. Romæ in scrobẽ demissus post sextum diem fame ac frigore atteritur, anno mundi 3857. ante Christum natum 105.

C. MARIUS cum Q. Catulo aduersus Cymbros missus, victoriam reportat, anno mundi 3863. ante Christum natum 99. Hic affectauit vt ad bellum Mithridaticũ mitteretur: quare Sylla commotus, Marium vrbe fugat: inde perniciosiss. bellum ciuile exortum. Eutr. li. 5. Appi. li. 1. ca. 8. Flo. li. 3. ca. 3. fuit septies Consul: victus à Sylla, in palude latuit: in vincula inde cõiectus, immissum percussorem, autoritate vultus terruit, & scapha in Africam traiecit: fertur voluntaria morte obiisse.





IAMNEVS, qui & Alexander, Aristobuli frater, Rex Iudæis constituitur à Salome, siue Alexādra, eiusdem Aristobuli vxore relicta, quæ mariti fratres, inter quos erat is Iamneus, statim è vinculis liberat anno mundi 3858. ante Christum natum 104. Iamneus fratē regni æmulum occidit. cōtra Ptolemaidem & Gazam, quæ à Iudæis rursus defecerāt, mouit: cladē maximā à Ptolemæo Lathyro accepit ad Iordanē. A cleopatra Ægypti Regina, Ptolemæi huius matre, opem implorat, quæ ne filius subacta Iudæa in Ægyptū irrumperet, valida eum manu in Cyprum abire cogit. Maxima populi multitudo ab Alexādō defecit, sed adiutos etiam à Demetrio Rege Syriæ, vicit: quorum potentissimos octingētos, dum cum cōcubinis cœnat, crucifigi iubet, liberósque & vxores eorum corā ipsis adhuc viuentibus, mactari. post hæc Iāneus hic, siue Alexāder, crapulæ indulgens, in morbū incidit, quartanæque febri postquàm tribus annis laborauit, obiit anno regni 27. Vide Iose. li. 13. ca. 19. 20. & 21.

ALEXANDRA, quæ & Salome, Aristobuli prædicti ac Iamnei postea vxor, vt certum cum filiis regnum tutaretur, Regis mortē, ex eiusdem Regis Iamnei mandatis, militibus celat, vsquequo castellum cepisset: præterea Phariseorū beneuolentiam captat, in quos omnem potestatē transfert, nomen rātūm regium ipsa retinet annos nouem, incipiētes anno mundi 3885. ante Christum natum 77. Iose. li. Antiqui. 13. ca. 22. Hæc summum sacerdotem Hyrcanum creauit.



**MITHRIDATES** Rex Ponti, dissidentibus Romanis primùm sociali bello, deinde ciuili, Cappadociam occupat, ex eaque Ariobarzanē Regē, amicum populi Romani fugat: mox etiam Bithyniam inuadit, & Paphlagoniā, quorum Reges expellit, anno mundi 3876. ante Christū natum 86. Inde ad Ephesum contendit, & per omnē Asiam literas mittit, vt vbicunque inuenirentur ciues Romani, vnico die trucidarentur: quod & factum est: nam vno die octuaginta Romanorū ciuium millia occisa sunt. Causam belli præterderat, attrectari terminos suos à Nicomede Bithyniæ Rege, populi Romani amico. Mittit ad Achaiam Archelaum ducē suum cum hominum 120. millibus, tam equitū quàm peditum, per quem Græcia occupata est. In summa fuit hoc bellum Mithridaticū omniū longè maximum: nam cū anni quatuor Pyrrho, 17. anni Annibali suffecerint, hic Mithridates per 40. annos restitit, donec tribus ingentibus bellis subactus, felicitate Syllæ, virtute Luculli, magnitudine Pompeij eneruaretur. Cōsulito Eutr. li. 5. & Flor. li. 3. item Appi. li. Mithridatico.

**HYPsicRATEA**, pellex, siue, vt alij valunt, Mithridatis vxor, viri Persici habitum gerēs, aderat Mithridati etiā tum cū à Pompeio victus, à suis etiam, præterquā à duobus, sociis relictus est summo in discrimine. Vide Plutar. in Pompeij vita.







SYLLA Romanus Patricius, Consul, mittitur à Senatu aduersus Mithridatē. Archelaum Mithridatis ducē obsidet, vincit, ita vt ex 120. hominū millibus vix decem superessent millia Archelao. Athenas capit Sylla anno mundi 3877. ante Christum natum 85. Mithridates 70. hominum millia lectissima Archelao in subsidium mittit: vno atque altero prælio has omnes Mithridatis copias delet Sylla: Archelaus triduo nudus in palude latet. Mithridates pacē postulat: non daturū se respondet Sylla, nisi relictis quæ occuparat, in regnū redeat. Interim Sylla Dardanos, Scordiscos, Dalmatas & Mœsos partim vincit, partim in fidē accipit. Ecce autē interea Romæ Marius & Cor. Cinna nobilissimos ex Senatu interficiunt, multos proscribunt: Syllę domum euertunt: vniuersus reliquus Senatus ex vrbe fugiens, ad Syllam in Græciā venit: atq; vt patriæ subueniat, precatur. In Italiam ille traiecit, Marianam factionem dissipat: aduersariorum exercitus delet, fundit, obruit. Eutr. li. 5. Appi. li. 1. Flo. li. 3. Dictaturam gerens, ea se abdicauit, rurique agens morbo obiit pediculari.

MARIUS, C. Marij filius, Romæ consulatum gerens infeliciter contra Syllam dimicat, 20000. ex suis perdit: Præneste fugit, obsessus ad mortem compellitur. Eutro. lib. 5. Porro Flo. li. 3. scribit hunc apud Catuli sepulchrum, oculis, manibus, cruribusque defossis, aliquandiu seruatum, vt per singula membra moreretur.



**QVINTVS** Metellus, Pius dictus est, quòd patrem Metellum Numidicum, qui de Numidiæ rege Iugurtha triumpharat, assiduis precibus ac lachrymis ab exilio reuocarit. Hic Prætor bello sociali Marforum ducem interemit: Consul in Hispania Herculeos fratres cōpressit, Sertorium expulit, qui redeunte à bello Mithridatico Sylla, in Hispaniā aufugerat, quòd partium Marianarum fuisset. Adolescens Metellus in petitione præturæ & Pontificatus, consularibus viris Prælatus est. huius adolescentia priscos vidit mores, senectus autem nouam exorsa est luxuriam, vt Valerij verbis vtar. Hic inter proscriptos à Sylla, cum ad posticum vxoris suæ Bastiæ, clam capite adoperto accessisset, nec admitteretur, quia illum proscriptum diceret vxor, ibidem se trāsuerberans, fores sanguine respersit. Cæcilius, Liuius in epito. lib. 89. Vale. lib. 9. cha. 1. hic Consul fuit anno mundi 3884. ante Christum natum 78. palmata veste conuiuia celebrauit in Hispania, demissasque lacunaribus aureas coronas velut cœlesti capite recepit: aris, thure, Attalicisque aulæis læto animo excipi passus est, & lautis epulis apparatus ludos interponi.

**CLAVDIA**, **Q.** Metelli Pij supradicti fuit filia. Circa hæc tempora locutus esse dicitur gallus gallinaceus in Ariminensi agro, in villa Galerij. Plinius li. 10. ca. 21. id miraculi, in annalibus relatum, editum est (si credere fas est) anno à mundo condito 3887. ante Christum natum 75. nempe M. Æmy. Lepido, & Q. Luctatio Catulo Romæ Consulibus. Tribunatus plebi restituitur.

**ANTIPATER** à C. Cæsare Iudææ Procurator designatur anno mundi 3919. ante Christum natum 43.





**HYRCANVS** Iamnei filius post matrem Alexandram apud Iudæos regnat non ita diu, nam frater eius Aristobulus minor natu, eum fugat: conuenit tandem inter ipsos vt Hyrcanus priuatum, Aristobulus Regem viuat. verum post an. 6. à Pompeio Hyrcanus restituitur: & partim solus, partim cum Antipatro Herodis patre, administrat: tandē ei aures dentibus præcidit Antigonus. Iose. lib. 14. ca. 1. & 22.

**ARISTOBVLVS** itaque regnat apud Iudæos anno mundi 3895. ante Christum natum 67. sed enim Hyrcanus tandem ad Pompeium Magnū confugiens, ab eodem iuuatur, cognita superbia ac iniuria Aristobuli: qui cū bellum Romanis inferre statueret, à Pompeio Ierosolymis præuētus, obsidetur: ad quē supplex egreditur, pecuniāq; promittit: quā cū primores dare recusarent, relicto Rege Aristobulo apud Pompeium, urbem claudūt, eosque introitu arcent. æstuās ira Pompeius, Aristobulum ligat: atq; urbē magnis viribus dum oppugnat, hæc ab iis qui Hyrcano fauebant, Pompeio traditur: templūq; tertio postquam obsederat mēse oppugnat Pompeius, M. Tullio Cicerone, & M. Antonio Romæ Coss. Hircanum summum Sacerdotē appellat: Aristobulum cum duabus filiabus filio vno (alter enim filius Alexāder effugerat) vinctos Romam abducit. tum primū Romanis subiiciūtur Iudæi. Ioseph. li. Anti. 14. à 1. cap. ad 9. & de bel. Iud. li. 1. cap. 5. Post annum aufugit Aristobulus à Roma in Iudæam, & regnū iterum affectans, à Gabinio captus, & secundò Romam vinctus missus est: tandem à Cæsare liberatus, præmissusq; in Iudæam, à Pompeianis veneno necatur. Ægesip. li. 1.



P. CLODIVS vir claris parentibus ortus, iuuenis quidē audax, incestuosus ac seditiosus, cū amore Pompeiæ Cæsaris coniugis flagraret, clam eius domū ingreditur, vestem ac habitum psaltriæ indutus: spēq; latēdi mulieres abductus ob adolescentiæ formam, genāq; nondū pubentes turbæ earum, quæ tum in æde Cæsaris sacrum inaccessum viris agebant, immistus, ad Pompeiam ingreditur: deprehensus ac agnitus, etiā Cicero-  
ne teste, accusatur: verū iudices tū metu, tum largitione, tum fauore eum absoluunt. fit deinde Tribunus plebis, & factione sua Ciceronē in exilium agit, anno à mundo cōdito 3906. ante Christum seruatorē natum 56. cuius domum ac villas incendit: reliqua bona hastæ subiicit: attamē emit nemo. Tandem à Milone Clodius occiditur, accusatur Milo, patronūque habet Ciceronē, iam antè ab exilio reuocatum. Vide Plutar. in Cice. & Cæs. item Appi. de ciui. Ro. bel. li. 2.

FVLVIA, vxor P. Clodij, quæ postea M. antonio nupsit, non muliebres artes, non familiam regere curabat, nec priuatum hominem superare contendebat, sed magistratus gerere, & imperātibus imperare, vt sibi magnas gratias deberet Cleopatra, quod institutum ab ea Antonium acceperit. hæc clam noctu profecta, Ciceroni Catilinæ detexit insidias, eūque cōmonefecit vt Cethegum, eiūsque comites præcaueret. Plur. in Cice. & Anto.





L. IVLIVS Cæsar, C. Iulij Cæsaris Dictatoris pater, Præ-  
tura perfunctus, nullis euidētibus causis obiit Pisfis, exanimatus  
derepēte, dum matutino calceatur. Vide Pli. li. 7. ca. 52. Fuit hic  
quoque L. Iulius Cæsar Consul cum Antonio, anno præcedēte  
Consulatum Ciceronis, qui erat annus à mundo condito 3900.  
ante verò Christum natum 62. Præturam gessit anno ab hinc  
quarto: Prætórque Iberos, hoc est Hispanos, ad Oceanū vsque  
subigit, ac paulò post emoritur. Vide Appi. li. 2.

A V R E L I A vxor L. Iulij Cæsaris, & mater C. Cæsaris  
Dictatoris fuit. Vide Sueto. in Cæsaris vita. Porrò Aurelia fami-  
lia, Romæ olim percelebris, à Sabinis, si Festo credimus, oriun-  
da, Aurelios nobiles Romanos tulit: qui primùm Aufelij dicti  
sunt: quemadmodum & Valesij & Papyfij, postea Valerij & Pa-  
pyrij sunt vocitati.

L I 5





C. IVLIVS Cæsar primus Romæ imperat anno mundi 3917. ante Christum natum 44. huic Consuli decreta est Gallia & Illyricum cum legionibus decem. Nam Asia Pompeij manibus subacta, reliqua quæ restabât in Europa, fortuna in hunc transtulit. Restabant autem immaniss. gentium, Galli, atque Germani: & quamvis toto orbe diuisa, habuit qui vinceret, Britannia. Primò vicit Heluetios: deinde vincendo per bella grauiss. vsque ad Oceanum Britannicum accessit. Domuit autem ferè annis nouem omnē Galliam quæ inter Alpes, flumē Rhodanum, Rhenum & Oceanum est. Britannos victos (hi Angli sunt) quibus antè ne nomen quidē Romanum cognitum erat, obsidibus acceptis stipendiarios fecit. Germanos etiam trans Rhenum aggressus, immaniss. præliis vicit. Inter tot successus ter, nec amplius, malè illi successum est: in Britannia (Anglia nunc dicitur) vi tēpestatis classe penè absumpta, & in Gallia ad Gergouiam legione fusa: & in Germanorū finibus legatis per insidias cæsis. E Gallia victor rediēs, poscit alterū consulatum, contradicitur ei à Marcello, à Bibulo, à Pompeio, à Catone, iubeturque dimisso exercitu Romā redire. Hinc manat bellum ciuile lachrymabile. Aduersum ille patriā cum exercitu venit: fugit ex vrbe cum Pōpeio Senatus omnis in Græciā. Pompeio duce contra Cæsarē bellum parat Senatus, primò prælio vincit Pompeius, deinde in Thessalia vincit Cæsar. rediens vincit Pharnacē Cæsar: item in Africa nobiles Rom. cum Iuba rege: & in Hispaniis filios Pompeij, vbi primo congressu in tantum discrimē venit, vt se voluerit occidere. Tandē omnium victor, dum Romæ insolentius agit, coniurant in eum 60. senatores, equitēsque. Senatus die in curia 24. vulneribus mactatur, post assumptum imperium an. 3. alij dicunt 4. vixit annos 56. Consulito Suetonio. in Cæsar. Plut. item in Cæsaris vita,





COSSVTIA, quæ familia equestri, admodum diues fuit, prætextato C. Iulio Cæsari nupsit, quam postea dimisit. Sueton. in Cæsa.

CORNELIA, Cinnæ quartum Cōsulis filia, secunda Cæsar's vxor fuit, ex qua mox Iuliam suscepit. hanc ut repudiaret cōpelli à Dictatore Sylla nullo modo potuit: quamuis & sacerdotio, & vxoris dote, & gentiliciis hæreditatibus mulctaretur. Quæstor Cæsar Iuliam amitam, vxorémque Corneliam defunctas, laudauit è more pro rostris.



POMPEIA, terttia Cæsar's vxor fuit, Q. Pompeij filia, L. Syllæ neptis, cum qua diuortium fecit, adulteratam opinatus à P. Clodio: dicebátque, *Cæsar's thorum non tantum crimine, sed & criminis suspitione carere debere.* Sueton. & Plutar. in Cæsar.

CALPHURNIA L. Pisonis filia, fuit quarta Cæsar's vxor, cum in Cōsulatu ei successurus esset ille L. Piso. hæc post viri necem omnē pecuniam ad M. Antoniū tulit. Suet. in Cæs.



POMPEIUS, parta ingenti felicitate, & celeritate de piratis victoria, mox bellum contra Mithridatem suscepit anno mundi 3897. ante Christum natum 65. quem in Armenia minore nocturno praelio vicit, ac 40000. eius militum occisis, 30. tantum de exercitu suo perdidit: Mithridates cum vxore & duobus ex suis fugit. Tigranes maioris Armeniæ rex Põpeio se dedit, ad genua eius procubuit, in cuius manus diadema collocauit, quod ei reposuit Pompeius. Orodë Albanorum regem vicit: rogatus, veniam ei ac pacem cõcessit. Iberiæ quoq; regem acie vicit. Armeniam minorem Deiotaro Galatiæ regi dedit, quòd opem tulisset ei aduersus Mithridatē. Attalo & Pylemeni Paphlagoniam tradidit. Aristarchum Colchis regem imposuit. Mox Ituræos & Arabes vicit. Seleuciã Antiochię vicinam, libertate donauit, quòd Tigranem non recepisset: Antiochēsi-bus obsides reddidit. Inde ad Iudæam transgressus, Ierosolymam tertio mense capit: 12000. Iudæorum occidit, reliquos in fidem accipit. Post aliquot annos exarsit bellū ciuile (commune potius, ac plus quàm bellum vocat Florus) omnium turbulentiss. ac pestilentiss. inter Pompeiū & Cæsarem. Primo congressu victus & fugatus Cæsar, euasit: quia nocte interueniente Pompeius sequi noluit: dixitque Cæsar, *nec Pompeium scire vincere: & illo tantum die se potuisse superari.* Deinde apud Pharsaliam pugnatur, vtrinque summa contentione: victus tamen Pompeius ad Ptolemæum, cui tutor à senatu datus fuerat, fugit. is fortunam magis quàm amicitia secutus, Pompeiū occidit anno mundi 3917. ante Christum natum 45. Vide Eutro. libr. 6. Plutar. in Pom. Appia li. 2. Iosep. lib. 14. cap. 8.

IVLIA C. Cæsaris & Corneliæ filia, Pompeij fuit vxor, quæ dum filiam parit, emoritur.





M. P O R. C A T O , cognominatus Vticensis , quòd post Pharfalicam pugnâ Vticæ seipsum interfecerit, Catonis maioris, qui Césorius dictus est, pronepos fuit. Hic relictus parétum orphanus, cum fratre Cæpione & sorore Portia , apud Liuium Drusum auunculum educatur. Romæ Tribunus plebis fuit anno mundi 3903. ante Christû natum 59. fuit quoque tribunus militum, item Prætor audacia, fortitudine ac decore, nihilo antiquo illo Catone proauo inferior apparuit. Consulatû petens, victus à competitoribus, non ægrè tulit repulsam, nec erubuit, erubescētibus interim amicis: quinimò sequēti die sine calceis & tunica in forû vt solebat , iuit: cum familiaribus ambulauit: sese adfuefaciens non nisi turpibus rebus erubescere. Tandem deuicto Pompeio, cuius partes securus fuerat, Vticæ, quæ vrbs in Africa est, gladio se trāsfixit, bis perlecto prius (vt ferūt) libro Platonis de animæ immortalitate. hic Cato minor dictus est: nam alter fuit dictus maior. Horum duorum Catonû innocentia, & sapientia in prouerbium abiit: vnde Iuuen.

*Tertius è cælo cecidit Cato.*

Huius cognita morte exclamauit Cæsar , *Inuideo morti tuæ Cato, nam & tu gloriæ meæ pro salute tuâ inuidisti*, filiûmque eius vita donauit. Vide Plutar. in eius vita. & Apoph. Eras. li. 5. & 8. item D. Augusti. li. de ciuitate Dei, 1. ca. 23.

I V B A Mauritaniæ Rex, Pōpeij partibus fauens, Curionem à Cæsare in Africam missum cum copiis deleuit, anno mundi 3916. ante Christum natum 46. hic victo Pompeio, cum Scipione copias iunxit. Victi à Cæsare Iuba & Petreius, cùm nec fugam nec salutem sperarēt, inedia vulneribûsque se adinuicem tandem confecere. Vide Appi. li. 2. & Plut. in Cæs.



P O R T I A Catonis Vticensis filia, vxórque Bruti fuit: hæc accepta viri morte, cùm ipsa quoque mori statuisset, nec diu superesse viro quem tantopere diligebat, nemo amicorum assentiebatur: quinimo diligenti cura cùm id prohiberent, hæc ex igne ardentibus prunas corripiens, in os sibi coniecit, deinde os, diémque clausit. Plutar. in vita Bruti. Vale. lib. 3. & 4. ca. 2. & 6. Appi. lib. 15. De hac sic scribit Martialis, lib. Epigrammatum primo:

*Coniugis audisset fatum cùm Portia Bruti,  
Et subtracta sibi quæreret arma dolor:  
Nondum scitis (ait) mortem non posse negari:  
Credideram satis hoc vos docuisse patrem.  
Dixit, & ardentibus auido bibit ore favillas:  
Inunc, & ferrum, turba molesta, nega.*

M A R T I A, Catonis filia minor fuit, quæ cùm interrogaretur, cur demortuo marito priore, alteri non nuberet, respōdit se non inuenire virū qui se magis vellet quàm sua. quo responso ostēdit diuitias magis in vxoribus eligi solere quàm pudiciam. Quæsitū est iterum ab ea quis esset illi extremus dies lugendi mariti: is (respondit hæc) qui & extremus vitæ dies mihi erit. Vide Eras. Apoph. li. 8.







CICERO, Ro. oratorum facilè princeps, obscuro satis loco natus, ingenio atq; eloquentia nobilè se præstitit. honorum desiderio forensibus causis se obtulit: in pronunciando primùm laborauit, sicut & Demosthenes: in iocando nimius, plerosque acriter offendit. Difficilem Roscij causam cum laude sustinuit: vnde & odiũ Syllæ conflauit: cui cedens in Græciã abiit: philosophos ac oratores Athenis audiuit. Vim opum parua licet, sed sumptibus suis cùm satis concinnam haberet, admirationi est habitus, quòd neque mercedes, neque nummorum quicquam in actionibus forensibus caperet. Catilinæ conatibus tam diligenter ac prudenter obstitit, vt *primus pater patriæ* diceretur. In P. Clodium testis fuit. Ab eodem Clodio Tribuno plebis aqua & igni interdictus est, ac in exiliũ actus: vnde post aliquot menses cum omniũ plausu, atq; etiã laudibus ornatus, rediit Proconsul, in Ciliciam exercitum 12000. peditum, 2600. equitum traiecit: munera à Regibus sibi oblata renuit. Tandem cùm Cæsari aduersus M. Antonium fauisset, ab hoc Antonio miserè cõtrucidari iubetur, anno mundi 3922. ante Christũ natum 40. Plutar. in Cice. Cæsarem post Pharsalicam victoriam pertimescebat (Pompeianarũ siquidẽ partium fuerat) Cicero, attamen Cæsar illi occurrens, eum præsalutauit, atque in honore habuit.

L. MVNATIVS Plancus Romæ Consul fuit eodẽ anno quo Cicero interfectus est. Is dum Galliã Comatã regit, Lugdunum cõdit, aut (vt alij volunt) instaurat: item Rauricam, quæ nunc est Basilea. Huius sentẽtia. Octauio Augusto, Augusti cognomen inditum est, cum alij Romulum potius dici cõserent. Sueto. in Aug. Volater. li. 18.



**PACORVS** Parthorum Rex, Antigono fauens, Hierusalem venit, prætextu cõponēdæ seditionis obortæ inter Iudæos, partim Phaselo & Hyrcano, partim Antigono fauentibus: re vera autē principatum Antigono traditurus: itaque per dolum Phaselum ad Barzafarnē, Persarum satrapam, mittit: Phaselus cum Hyrcano ligatus à Parthis est, quibus talēta mille, ac mulieres quingētas pollicitus erat Antigonus. hac via Iudææ Rex à Pacoro cõstitutus Antigonus, Hyrcano sibi à Parthis tradito, dentibus aures præscidit, ne quando summum obiret sacerdotium: nam lex integros tantum admittebat. Phaselus autē, cum se occidendum sciret, maluit præuenire, saxo que caput allidēs, emori: porrò Herodes Phaseli frater, fuga salutē quærit: atque à Senatu Ro. ob patris beneficia, Iudææ Rex declaratur. huius Pacori pater, Crassum Ro. dolo circumuētum interfecerat, quā maculam Ventidius Bassus, M. Antonij legatus, deleuit, Pacorum cum exercitu ad internecionē cædens. Vide Aegesip. li. i. & Iose. li. 14. ca. 22. & 23.

**ANTIGONVS** Aristobuli filius, Pacori, vt dixi, auxilio Iudæam occupat, anno mundi 3924. ante Christum natum 38. eodem ferè tempore. Herodes antipatri filius, ac Phaseli frater, qui cum Antigono, prius cõgressus, eum vicerat, nunc autem à Pacoro fugatus, Romam peruenerat, à Senatu Iudæorum Rex designatur: ac post an. 4. ipse cum Sosio Romano Hierusalem capit: Antigonom Sosius ad M. Antonium mittit, à quo securi percutitur. Vide Iose. li. 14. ca. vltimo.





**C. CASSIVS**, vir Bruto familiaris, sed tamen dissimili ingenio, ac varius & impurus fuit, omnisq; autoritatis, potestatis, ac tyrannidis adversarius: testis sit Faustus ab eo, adhuc adolescente, in maxillam percussus, quòd Syllam patrè nimis commendaret, taliq; patre gloriaretur. in summa ferus & truculentus ille, odia priuata cum Cæsare exercuit: priórq; super insidiis & parricidio in Cæsarem, Brutum conuenit, quem inflámauit, impulitque, priuatè neq; inimicus Cæsari, quàm publicæ tyrannidi. dicitur enim Brutus dominationem grauitè tulisse, sed Cassius odisse dominantem. Itaque conspiratione facta, Cassius comite Bruto, Cæsarem in curia opprimit. Cassius, deinde cum Bruto, ab Augusto & Antonio victus, desperata salute, eodem quo Cæsarem interfecerat gladio, seipsum interfecit anno mundi 3922. ante Christum natum, 40. Vide Plur. in Cæs. & Bruto.

**BRVTVS** bonarum artium disciplina & philosophiæ studiis imbutus, mores suos natura graues & humiles, ciuilibus negotiis excitans, ad bonum & æquum modestissimè ferri visus est. Pompeij partes secutus est, cuius causam quàm Cæsaris iustiores æstimabat. Valuit primò gratia apud Cæsarem, atque quātū voluit impetrabat, sed hinc eum sodales Cassij abstraxere, ipsumque planè in perniciem adduxere. nihilominus tamè bello ciuili Cæsar suis militibus iussit vt cauerèt eum occidere, sed eum volentem ad se adducerent, nolentem, liberum abire finerent. tandè multis ab eo acceptis beneficiis, cum parricidij illius conscius & cōfors cum Cassio fuisset, eodem quo Cassius fato periit. Plut. in Bru. & Appi. li. 2.



**HERODES** Magnus, dictus Ascalonita, Antipatri Iudææ Procuratoris filius, primus fuit Iudæorum Rex ex alienigenis (nam erat Idumæus) anno mundi 3927. ante Christum natum 35. iam aliquot ante annos à Ro. Senatu Iudæorum Rex fuerat designatus. hic diligebatur ab Augusto, qui regnum eius auxit, adiecta Samaria, atque aliquot aliis vrbibus ac castellis. Herodes vicissim in honorem eius templum atque vrbem extruxit, quam de nomine eius Cæsaream vocavit. Alexandrum atque Aristobulū filios, Romæ erudiēdos curavit. Arabes vicit. Templum funditus deposuit, summāq; magnificentia aliud secundum, figuram primi, construxit. Huius temporibus terrę motus in Iudæa, 30000. hominum peremit. Vide Iosep. de bel. Iud. li. i. ca. 14. Crudelis hic, vxorem, filios, amicos, occidit, legis etiam interpretes, ac statim post Christum natum Beth-lehemitas infantes puerulos, innocētes interfecit, non redeuntibus Magis, quibus abeundi potestatem fecerat, ad Christum seruatorem nuper natum disquirēdum, non tamen ex animo. Vide Matth. ca. 2. & Iose. li. Antiq. 14. 15. & 16.

**MARIAMNE**, filia Alexandræ, vxórque supradicti Herodis fuit, quam ille ob pulchritudinem valdè dilexit. hæc cū casta esset, animo tamen interim satis rigido ac præfracto, meridie quadam recusavit viri amplexus, quinetiam improperavit ei parricidium. Id ægerrimè tulit Rex: quod sentiens Regis soror Salome, pincernam regium instruit qui persuadeat Regi Mariamnem ei confecisse potionem. quare indignatus Rex, de vxore supplicium sumit. Vide Iosep. lib. Antiq. 15. ca. 3. & 9. item. lib. 18. cap. 11.





**C. MECOENAS** à regibus Thuscis originem trahens, iuuenis poemata scripsit. perfugium fuit Poëtarum atque oratorū: huius munificentia Vergiliū, Horatiū atq; alios cōplures ditauit, vnde Meccænates hodie quoq; vocamus qui Poëtis fauent. Ortos Romę habuit amœniss. vbi versari consuevit, & de liberalibus disciplinis cū amicis disceptare. ad hos sæpe diuertit Octavius, quodd à curis liberū haberet animū in eo quietis secessu. taciturnus fuit, nec tamē interim monere ac reprehēdere Augustū dubitauit. Hic vrbs custodiis præpositus, vbi res exigeret, sanè ex somniis, resurrecturi belli ciuilis restinxit initiū, oppresso M. Lepido iuvene, forma quàm mēte meliore, qui de Augusto interficiēdo cōsilia inierat. Vide Velleiū Pat. Cri. & Su.

**VERGILIUS** natus est in Vico Ande, nō procul à Mātua, parētibus sat obscuris anno mundi 3895. ante Christ. nat. 67. nec vagisse nascēdo ferūt. tam probus extitit, vt Parthenias dictus sit. valuit gratia apud Augustū, tū ob mores, tum ob poëma, vt nil vnquā ei denegarit petenti: quinimo bona cuiusdam exulis offerente Augusto recusauit Vergilius. Bucolica tribus an. Georgica 7. Aeneid. 10. an. cōscripsit. huius eclogā cū per cantores recitatā intellexisset Cicero, dixit, *magna spes altera Romæ*: quæ verba postea Aeneidi inseruit Verg. Ro. populus auditis aliquādo in theatro eius versibus, surrexit vniuersus, & spectāre Vergiliū, veneratus est sic quasi Augustū. Porro Aeneidos tāta fuit fama, vt scriberet Prop. *Cedite Rom. scriptores, cedite Graij:*

*Nescio quid maius nascitur Iliade.* Hanc tamen Aeneida vrere voluit, & testamēto mādauit: hoc tādē ipse sibi epitaphiū fecit:

*Mantua me genuit: Calabri rapuere: tenet nunc*

*Parthenope: cecini pascua, rura, duces.* Vide Cor. Tac. & Crini. Ex Augusti & amicorum munificentia possedit propè centies Sester. hoc est 250000. aureorum. Budæ. de Ass. li. 3.



SIBYLLA Phrygia, Ancyraë vaticinata dicitur: est autem Ancyra Asiæ minoris vrbs, inter Paphlagoniã & Galatiam. Vide Lactan. li. i. ca. 6. at verò de nominis Sibyllæ origine sic apud Cælium Rhodig. li. 14. ca. 1. scriptum reperit: Dardanus ex Samo profectus, Teucrorû Regis filiã, nomine Neso, duxit vxorem, ex qua nata illi filia vaticina, nomine Sibylla, ex qua in vaticinatrices omnes propagatum sit nomen, ob theophoriæ cognitionem quandã. Huius Sibyllæ Phrigiæ hæc fertur prophetia:

*Tuba de cælo vocem luctuosam emittet, tartarusque chaos ostendet de hiscentibus terra: veniẽt ad tribunal Dei Reges omnes: Deus ipse iudicabit pios simul, & impior: demum impios in ignem mittet: qui autẽ pietatem coluerunt, iterum viuent. Item: flagellabit Deus potentes terra ex olympo excelsus veniet.*

SIBYLLA Tyburtina, siue Tyburs, proprio nomine Albunea, Tyburi olim vt Dea culta est, iuxta ripas Anienis, in cuius gurgite simulachrum eius inuentũ esse dicitur, habens præ manibus librũ: cuius Sibyllæ sacra, Senatus Rom. in Capitoliũ trãstulerit. Vide Lactan. vt supra. Cæterũ Sibyllarum trium statuas iuxta rostra positas, ad suam vsque ætatẽ perdurasse, auctor est Pli. li. 34. ca. 5. quænam illæ sint, non constat: attamen liceat conicere hanc ex illis tribus vnã fuisse, cuius extaret effigies. Huic hæc tribuitur prophetia:

*Nascetur Christus in Beth-lehem, & annuntiabitur in Nazareth, regente Tauro pacifico fundatore quietis: O felix illa mater, cuius vbera ipsum lactabunt.*





**C. OCTAVIVS**, pater Augusti, à principio ætatis, & re & æstimatione magna fuit: amplis innutritus opibus; honores & adeptus est facile, & egregiè administrauit. Prætor Macedoniæ, fugitivos, reliquam Spartaci & Catilinæ manum, in itinere deleuit. Prouinciæ præfuit non minore iustitia quàm fortitudine: nam Bessis ac Thracibus magno prælio fufis, ita socios tractauit, vt epistolæ Ciceronis extet, quibus **Quintum** fratrè, eodem tempore parum secunda fama Procōsulatum Asiæ administrantem, hortatur & monet, vt imitetur in promerendis sociis, vicinum suum, hunc inquam, Octauium. Decedens Macedonia priusquam confiteri se cādidatum Consulatus posset, morte obiit repentina, superstitibus liberis, Octauia maiore, quæ ex Ancharia, & Octauia minore, item Octauio, nondum Augusto, quos ex Accia suscepit. Cōsulito **C. Suetonium Tranquillum** in Augusti vita.

**ACCIA**, **C. Octauij** patris Augusti vxor, **M. Accio Balbo**, & **Iulia**, sorore **C. Cæsaris**, genita est. Balbus paterna stirpe **Aricinus**, multis in familia Senatoriis imaginibus clarus, à matre **Magnum Pompeium** arctissimo contingebat gradu: functusque honore præturæ, inter 20. viros agrum Campanum plebi, **Iulia** lege, diuisit. Suet. in Aug. fuit hæc Accia imperatoris Augusti mater.

**M. Iulius** 3. m. i. v.





**OCTAVIVS** Augustus, C. Cæsaris auunculi hæres, Romæ imperat anno mundi 3921. ante Christum natum 41. Hic primùm cum M. Antonio, Marcóq; Lepido, dein tantùm cum Antonio 12. ferè annos, nouissimè verò 44. solus remp. tenuit. Antonium vicit nauali pugna apud Actium. Deinde Romano adiecit imperio Ægyptum, Cantabriam, Dalmatiam, sæpe antè victam, sed penitus tunc subactam: Pannoniam: Aquitaniã, Illyricum: Rhetiam, Vindelicos, & Salassos in Alpibus: omnesque Ponti maritimas ciuitates. Armeniã à Parthis recepit: obsides, quod nulli antea, Persæ ei dederunt: quin etiam signa Romana, quæ Crasso victo ademerant reddiderunt. Scythæ & Indi, quibus antea Romanorum nomen incognitum fuerat, munera & legatos ad eum miserunt. Galatia sub hoc prouincia facta est, cùm antea regnum fuisset. Multi Reges ad eum ex regnis suis venerunt, vt ei obsequeretur. Hic in bello felix, in pace moderatus, in cunctos liberalis, in amicos fidus extitit, quos tantis euexit honoribus vt penè fastigio suo æquaret. Nullo tempore res Romana magis floruit. Ab initio principatus eius ad finem vsque 56. anni numerantur: anno autem 42. imperij huius, natus est Dominus noster Iesus Christus. Vide Euang. Lucæ 2. cap. item Sueton. in August. & Eutro. li. 7.

**CLAVDIA** priuigna Antonij, Fuluiæ ex P. Clodio filia, vix dum nubilis, vxor fuit Augusti, quam dum sit intracta adhuc & virginẽ, exorta similitudine cum Fulvia socru: moxque Scriboniam accepit. Sueton. in Aug.





**SCRIBONIA** Imperatoris Augusti vxor fuit, postquàm ille dimisisset supradictā Claudiam, quæ illi in matrimonium pacta fuerat, sicuti diximus. Porro Scribonia hæc nupserat antè duobus Consularibus, & ex altero quoque mater fuerat: cum hac etiā diuortium fecit Augustus, pertæsus (vt scripsit) morum eius peruerfitatem: ex hac filiam Iuliam suscepit. Vide C. Suetonium Tranquillum in vita Octauij Augusti, Romanorum imperatoris secundi.

**LIVIA** Drusilla vxor quoque fuit Augusti, quam matrimonio Tiberij Neronis, Imperatoris Tiberij patris, & quidem prægnantem abduxit, dilexitque ac probauit vnice ac perseueranter. Ex hac nullos suscepit liberos, cùm maximè cuperet: infans (is est Drusus Tiberij Imperatoris frater, ac Claudij Cæsaris, qui Tiberio successit, pater) qui conceptus erat, immaturus est editus. in osculis Liuiæ, & in hac voce defecit Augustus: *Liua, nostri coniugij memor viue, ac vale: sortitus exitum facilem,* & qualem semper optauerat. Vide Suetonium Trāquillum in Octauio Augusto, & secūdi libri huius operis paginā quintam.

M m 4





**SIBYLLA** Europa, siue Europea, vulgò vndecima inter Sibyllas, hoc est fatidicas, & Deo plenas, consiliisque diuini participes mulieres annumeratur. De hac non memini me vsquam quidquam apud autores legisse, nisi quòd libellus ille vetus, qui de Sibyllarum vaticiniis est, Sibyllæ huic hanc tribuit prophetiam:

*Veniet ille, & transibit montes & colles, & latices Sylvarum olympi: regnabit in paupertate, & dominabitur in silentio: & egredietur de utero virginis.*

**SIBYLLA** Aegyptia, quam supradictus libellus Sibyllam Agrippā vocat, ab Æliano inter quatuor Sibyllas enumeratur: quæ sunt hoc ordine, Erythræa, Samia, Aegyptia, & Sardiana. Sibyllas porrò in iis quæ de Christo, aut aliis ad humanā salutem spectantibus, sunt vaticinatæ, probabile habet D. Augu. (seu bonæ fuerint seu malæ) à Deo edoctas fuisse: nā prophetiæ donum bonis esse commune ac malis. Vide S. August. de ciui. Dei li. 18. ca. 23. & Cæl. Rhodig. li. 21. ca. 37. nec me fugit de quadam Sibylla mentionem fecisse Diod. Sicu. lib. 5. Huius Aegyptiæ Sibyllæ hæc circumfertur prophetia:

*Inuisibile verbum palpabitur, & germinabit vt radix, & siccabitur vt folium, & non apparebit venustas eius. &c.*







M. AGRIPPA in pedes dicitur ex vtero matris egressus, vnde nomen auspicatus sit vnico felicitatis exēplo, quanquam ille plurima sit passus, duabus susceptis Agrippinis : quibus C. Caligula & Nero, principes, totidem generis humani faces geniti sunt. Hic gener fuit Augusti, coronaque nauali ab eo donari meruit bello Actiaco, anno mundi 3930. ante Christum natum 32. de quo Verg. lib. 8. Æne.

*Parte alia ventis, & Diis Agrippa secundis.*

Altera Agrippinarum, nempe filia Agrippæ huius, nupsit Germanico, quæ peperit C. Caligulā altera verò, neptis ex filia, Domitio Neroni primū nupsit, ex quo Neronē peperit, deinde Claudio Cæsari, quem postea boleto sustulit. Hic M. Agrippa aquam Marciam, omniū saluberrimā, Romæ restituit: complurāque alia præstitit, de quibus vide Plinium li. 31. ca. 3. atque aliis in locis, maximè li. 16. ca. 4. & lib. 7. ca. 8. Fuerunt alij Agrippæ, vt Menenius, item filius Aristobuli, à Tiberio coniectus in carcerem, & à C. Caligula liberatus, Rēxque Iudææ factus : de quo vide in 2. huius operis parte, pag. 14.

IVLIA Augusti & Scriboniæ filia, quæ primū pacta fuerat Marcello adulescenti vt is obiit, M. Agrippæ supradicto nupsit: quo defuncto, Tiberio, Augusti priuigno, nupsit, qui coactus est ab Augusto prægnātem vxorē, & ex qua iam pater erat, dimittere: vt in Tiberio dicemus. Hanc omnibus probris contaminatam, relegauit Augustus per quinquennium: vsum vini, & delictiorem cultum ei ademittit: neque adiri à quoquam nisi se consulto permisit. hæc Agrippinam peperit, quam Germanico vxoris suæ nepoti collocauit Augustus, ex quo Agrippina secundam alteram Agrippinam peperit, Neronis matrē. Sueto, in Augusto. Vide item secundam huius operis partem, pag. sexta & vndecima.



**M. ANTONIVS** Consul, partiū Cæsaris, ciuilibus bellis opprimere Cæsaris interfectores, quibus Senatus fauebat, conabatur: turbata hic rep. multaq; scelera cōmittēs, à Senatu hostis iudicatus est. missi sunt aduersus eum Cofs. Pāsa & Hircius & Augustus 18. annorum: vincitur, sed Lepido operā dāte, cum Augusto pacē facit: diuiditur respub. Antonius Asiam, Pōtum, orientē sortitur: deinde repudiata sorore Augusti, Cleopatram vxorem ducit, ex qua suscipit vnico partu Solē & Lunam: (sic enim vocauit gemellos, marem & femellam.) cōtra Persas pugnat, vincit. Cleopatra itaq; muliebri cupiditate optās Romæ quoque regnare, Antoniū ad suscipiendū bellum ciuile cogit: vincitur ab Augusto nauali pugna, apud Actium, in Epiro: fugit in Ægyptum, seipsum interimit. Cleopatra aspidem admittit, cuius veneno extinguitur, anno mundi 3934. ante Christum natum 28. Vide Eutr.li.7. Suet.in Octa.

**CLEOPATRA** Ægypti regina, non vsque adeo elegantis forma præstitit: verū moribus suauis. ac facundia, forma adiuta, omnes in admirationem trahebat. lingua sua velut instrumento plurium chordarum, apud quasuis gentes promptè utebatur: paucis nationibus per interpretem loquebatur. Hæc anno mundi 3923. ante Christum natum 39. ad Antonium incredibili pompa per Cydnum amnem nauigauit: erat enim aurea puppis, vela purpurea pandebantur, remi argentei ad fistulæ tibixque modos agitabantur: ipsa regina sub tentorio aurato requiescens, ad similitudinem Veneris ornata erat: pueri vtrinque collocati pictis Cupidinibus persimiles: puellæ insignes, Nereidum & Gratiarū stolis, gubernaculis incumbebāt, rudentibus annitebantur: ancillæ ornatis. omnes ripas fluuij complebant vaporibus. Plu.in. Anto.





**C. MARCELLVS**, Octaviæ, sororis Augusti vir, ex ea Marcellū suscepit, qui ab Augusto adoptatus est, anno 16. ætatis, inciditque in valetudinē, ac 18. obiit, cum ædilitatē gereret. huic tantum pueritiā egresso (vt inquit Suet.) Augustus Iuliam suam filiā ex Scribonia nuptui dedit, deinde, vt is obiit, Marco Agrippæ. Huius adolescentis generosam indolē describit Vergilius 6. Æneidos, deflens immaturū eius obitum aliquot versibus, quos recitauit coram Augusto & Octauia: sed vbi tandē ad nomē Marcelli ventū est, percussa dolore filij demortui mater, decidit, quasi intermortua, silētióq; imperato, iussit pro singulis versibus dena sestertia numerari, quæ valent ducentos aureos. in summa 5000. aureorum pro 18. versibus reportauit, qui sic incipiunt apud Verg. li. 6. Æne. ad calcem:

*Atque hic Aeneas (vnà namque ire videbat*

*Egregium forma iuuenem, & fulgentibus armis) &c.*

Multum sanè abest vt tam officiosos ac munificos se hodie in Musas præstet principes viri, quàm se erga Verg. præstitit Octauia, quæ etiam in filij memoriā ac decus, bibliothecā extruxit: Augustus verò theatrū huius Marcelli nomine inscripsit. Vide Sue. in Aug. & Plut. in M. Cl. Marcello, de quo diximus supra pag. 138. cuius progenies ad hunc C. Marcellum propagatur.

**OCTAVIA** Augusti soror, non ex eadē matre (hæc enim ex Ancharia, ille ex Tatia natus est) forma, moribus, ingenio præstans, nupsit Antonio (mortuo C. Marcello piore marito) quam susceptis etiam ille ex ea liberis, dimisit, superinducta Cleopatra. Vide Plutar. in Anto.



TAVRVS Cæsaris Augusti præfectus, totâ penè Siciliam ferro perterritam, in fidem recepit. 44. legiones sub vnus tunc imperio Augusti erât: milites multitudine ferociores quosdam pro ambiendis agris tumultus excitauerunt, sed Cæsar animo ingens, 20000. militum exautorauit, 30000. seruorum dominis restituit, 6000. quorum domini non extabant, in crucem egit. Vide Suet. in Augusto. Id factum est circa annum mundi 3932. ante Christum natum 30. Cæterùm de ratione legionum Romanarum Consule Vegetium, & Budæum de Assie, li. 3.

QVINTILIVS Varus nobilis Romanus fuit, qui Dux expeditionis Germanicæ (perfecerat siquidem illum tribus legionibus Augustus) ab Arminio dolo circumuentus, cum suis legionibus est interfectus: qua clade penè exitiali, vsque adeò cōsternatum ferunt Augustum, vt per cōtinuos menses, barba, capillóque summisso, caput interdum foribus illideret, vociferans, *Quintili Vare, legiones redde*: diémque cladis quotânis mœstum habuerit, ac lugubrẽ. Is Varus fuit Vergilij amicus, cuius meminit Ecloga 6. & 9. honorificè, his, atque aliis versibus.

*Vare tuum nomen superet modò Mantua nobis:*

*Mantua, vix misera, nimium vicina Cremona)*

*Cantantes sublimè ferent ad sýdera cygni.*

Cæsus est cum suis legionibus Varus à Germanis anno mundi 3972. decem annis post Christum natum. Sueto. in August. ipse Varus infelici dextera mortem sibi consciuit. Cor. Tacit. li. i.

*Hactenus huius operis pars prior: sequetur subinde posterior.*



# INDEX PRIORIS

## PARTIS HVIVS OPERIS,

Ordine alphabetico digestus.



<b>A</b> ro pag. 26	<i>Antigonus Gonatas</i>	<i>Brenno seu Brēnus</i> 125
<i>Abrahā</i> 19	<i>Demetrii filius</i> 136	<i>Brutus Ascanij nepos</i>
<i>Abisan</i> 52	<i>Antigonus Aristobuli</i>	58
<i>Abia, seu Abiā</i> 64	<i>filius</i> 160	<i>Brutus Rom.</i> 161
<i>Abimelech</i> 35	<i>Annibal</i> 140	<i>Bupalus</i> 06
<i>Accia</i> 165	<i>Aod, siue Ehud</i> 31	<b>C</b> <i>Admus</i> 29
<i>Achab</i> 67	<i>Archilocus</i> 91	<i>C. Cassius</i> 161
<i>Achas</i> 81	<i>Arphaxad</i> 8	<i>C. Iulius Caesar</i> 154
<i>Ach. lles</i> 50	<i>Aristoteles</i> 124	<i>C. Octavianus</i> 165
<i>Adam</i> 5	<i>Aristobulus filius Hir-</i>	<i>C. M. Coriolanus</i> 112
<i>Aegeria</i> 87	<i>cani</i> 144	<i>C. Mecænas</i> 163
<i>Aeneas</i> 54	<i>Aristobulus Iamnei fi-</i>	<i>C. Marius</i> 146
<i>Aesopus</i> 102	<i>lius</i> 151	<i>Calphurnia</i> 155
<i>Agamemnon</i> 47	<i>Artaxerxes</i> 116	<i>Cimbyſes</i> 108
<i>Agar</i> 20	<i>Artemisia</i> 126	<i>Candaules</i> 86
<i>Abias</i> 63	<i>Asa</i> 64	<i>Cassander</i> 134
<i>Alcibiades</i> 120	<i>Ascanius</i> 56	<i>Cato Uticensis</i> 157
<i>Alexāder Magnus</i> 131	<i>Ascatades Aff. rex</i> 25	<i>Cecrops</i> 25
<i>Alexander Pyr. fil.</i> 137	<i>Aseneth</i> 23	<i>Cham</i> 7
<i>Alexandra</i> 147	<i>Asspasia</i> 119	<i>Chilo</i> 98
<i>Altadas</i> 24	<i>Athalia</i> 71	<i>Cicero</i> 159
<i>Amasias</i> 73	<i>Atlas</i> 24	<i>Cimon</i> 114
<i>Amon</i> 88	<i>A. Posthumius Albi-</i>	<i>Claudia Metelli fil.</i> 150
<i>Amphion</i> 33	<i>nus</i> 138	<i>Claudia vxor Au.</i> 166
<i>Anri</i> 66	<i>Aurelia</i> 153	<i>Cleobulus</i> 100
<i>Ancus Martius</i> 89	<i>Axa, siue Acſa</i> 31	<i>Cleopatra</i> 170
<i>Androgeus</i> 36	<b>B</b> <i>Aaſa</i> 65	<i>Clælia</i> 113
<i>Andromache</i> 42	<i>Barac</i> 34	<i>Comerus Gallus</i> 10
<i>Andromeda</i> 28	<i>Baruch</i> 92	<i>Cornelia Caf. vxor</i> 155
<i>Anthermus</i> 106	<i>Belus Iuppiter</i> 10	<i>Cornelia Grac. vx.</i> 145
<i>Antigonus Alexandri</i>	<i>Berenice</i> 133	<i>Conon</i> 121
<i>Dux</i> 135	<i>Bias</i> 99	<i>Corax</i> 29
		<i>Coſſutia</i>

# I N D E X.

<i>Cossutia</i>	155	<i>Euander</i>	46	<i>Ieroboam fil. Ioas</i>	77
<i>Crates</i>	123	<i>Europa</i>	36	<i>Ieroboam filius Nabat</i>	
<i>Cræsus</i>	103	<i>Ezechias</i>	81	<i>Rex Israel</i>	63
<i>Curetes</i>	25	<i>Ezechiel</i>	95	<i>Iezabel</i>	67
<i>Cyrus</i>	104	<i>Fluina</i>	152	<i>Ignogne</i>	58
<b>D</b> <i>Alida, seu Dali-</i>		<b>E</b>		<i>Ioas Rex Iuda</i>	73
<i>la</i>	57	<b>G</b> <i>Edeon</i>	35	<i>Ioas Rex Israel</i>	75
<i>Daniel</i>	95	<i>Gyges</i>	86	<i>Ioachas</i>	75
<i>Darius</i>	110	<b>H</b> <i>Eber</i>	9	<i>Ioachim</i>	93
<i>David</i>	61	<i>Hector</i>	42	<i>Ioacim, seu Eliacim</i>	93
<i>Debora</i>	34	<i>Hecuba</i>	41	<i>Ioathan</i>	78
<i>Deianira</i>	37	<i>Helena</i>	48	<i>Ioiada</i>	72
<i>Demetrius</i>	135	<i>Hercules</i>	37	<i>Ionatas</i>	143
<i>Demoſthenes</i>	128	<i>Herodes Aſcalonita</i>		<i>Ioram Rex Iuda</i>	69
<i>Deucalion</i>	25	162		<i>Ioram Rex Israel</i>	70
<i>Dido</i>	74	<i>Hermione</i>	55	<i>Iofaphat</i>	69
<i>Diogenes</i>	123	<i>Hersilia</i>	81	<i>Ioseph filius Iacob</i>	23
<i>Dionysius Sicilia Ty-</i>		<i>Hesiodus</i>	59	<i>Iofias</i>	88
<i>rannus</i>	130	<i>Hippodamia</i>	32	<i>Iofue Israelitarū Dux</i>	
<i>Dionysius Hammonis</i>		<i>Hippolite Amaz.</i>	45	27	
<i>filius</i>	16	<i>Hipponax</i>	106	<i>Iſaac</i>	21
<i>Dionysius Baccus</i>	30	<i>Holofernes</i>	108	<i>Iſmael</i>	20
<i>Dionysius Sebaſis</i>	30	<i>Homerus</i>	59	<i>Iſis</i>	17
<i>Dirceus Poëta</i>	76	<i>Hoſea, seu Oſee</i>	81	<i>Iuba</i>	157
<b>E</b> <i>La</i>	66	<i>Hypſicratea</i>	148	<i>Iudas Machabeus</i>	142
<i>Eleazarus Onia</i>		<i>Hyrcanus Simonis fi-</i>		<i>Iugurtha</i>	146
<i>filius</i>	139	<i>lius</i>	144	<i>Iulia Iulij Caſar fil.</i>	156
<i>Eleazar Aaronis fi-</i>		<i>Hyrcanus fili. Iānei</i>	151	<i>Iulia Auguſti filia</i>	169
<i>lius</i>	27	<b>I</b> <i>Iacob</i>	22	<b>L</b> <i>Ais</i>	128
<i>Elias</i>	68	<i>Iair</i>	35	<i>Lampedo, seu Lā</i>	
<i>Eliacim, seu Ioacim</i>	93	<i>Ianneus</i>	147	<i>peto Amaz.</i>	44
<i>Elſeus</i>	68	<i>Ianus</i>	15	<i>Latinus</i>	53
<i>Epaminondas</i>	122	<i>Iaphet</i>	7	<i>Lauinia</i>	53
<i>Epicurus</i>	132	<i>Iaſius Ianigena</i>	25	<i>Lia uxor Iacob</i>	22
<i>Epimenides</i>	109	<i>Iehoſua</i>	105	<i>Luia Drufilla</i>	167
<i>Eſaias</i>	85	<i>Iehu</i>	72	<i>L. Iulius Caſar Impe-</i>	
<i>Eſdras</i>	116	<i>Iephte</i>	52	<i>ratoris pater</i>	153
<i>Eua</i>	5	<i>Ieremias</i>	92	<i>L. Munatius Plācus</i>	159




# I N D E X.

<i>L. Quintius Cincin-</i>	<i>Ninus</i>	12	<i>Pompeius</i>	156
<i>natus</i>	<i>Noe</i>	6	<i>Porfena</i>	113
<i>L. Tarquinius super-</i>	<i>Niobe</i>	33	<i>Portia</i>	158
<i>bus</i>	<i>Numa-Pompilius</i>	87	<i>Priamus</i>	41
<i>Lucretia</i>	<b>O</b> <i>Chofias Rex If-</i>		<i>Prometheus</i>	24
<i>Lycurgus</i>	<i>rael</i>	70	<i>Prusias</i>	140
<i>Lysander</i>	<i>Ochofias Rex Iuda</i>	71	<i>Ptolemaus Lag. fil.</i>	135
<i>Lisimachus</i>	<i>Ocriffa</i>	101	<i>Ptolemaus Philadel-</i>	
<b>M</b> <i>Anahen</i>	<i>Octavius Auguft.</i>	166	<i>phus</i>	139
<i>Manaffes</i>	<i>Octavia</i>	171	<i>P. Clodius</i>	152
<i>M. Agrippa</i>	<i>Olympias mater Alex.</i>		<i>P. Cornelius Scipio</i>	141
<i>M. Antonius</i>	<i>Mag.</i>	127	<i>Pythagoras</i>	109
<i>M. Clau. Marcellus</i>	<i>Orestes</i>	55	<i>Pyrrhus</i>	137
<i>Mariamne</i>	<i>Orithya Amaz.</i>	46	<b>Q</b> <i>Vintilius Varus</i>	
<i>Marius</i>	<i>Ofiris</i>	17		172
<i>M. Curius Dětatus</i>	<i>Othoniel</i>	31	<b>Q</b> <i>Metellus Pius</i>	150
<i>Marcellus Octaviae ma-</i>	<i>Ozias feu Azarias</i>	78	<b>R</b> <i>Achel</i>	22
<i>ritus</i>	<b>P</b> <i>Acorus</i>	160	<i>Rachilia</i>	117
<i>M. Furius Camillus</i>	<i>Palladon, dicta</i>		<i>Rebecca</i>	21
<i>M. Valer. Corvinus</i>	<i>Minerva</i>	16	<i>Ren, fivie Rhagan, fivie</i>	
<i>Martia</i>	<i>Palamedes</i>	51	<i>Regu</i>	11
<i>Marthefia, feu Marpe-</i>	<i>Panthea</i>	97	<i>Rhodope, feu Rhodopis</i>	
<i>fia Amaz.</i>	<i>Paris</i>	48		102
<i>Matathias</i>	<i>Pelops</i>	32	<i>Roboam</i>	62
<i>Mausolus</i>	<i>Penelope</i>	49	<i>Romulus</i>	82
<i>Menalippe</i>	<i>Periander</i>	100	<i>Romus Celtarū Rex</i>	29
<i>Menelaus</i>	<i>Pericles</i>	119	<b>S</b> <i>Ale</i>	8
<i>Minos</i>	<i>Penthesilea</i>	46	<i>Salomon</i>	61
<i>Minotaurus</i>	<i>Perfeus</i>	28	<i>Salmanafar</i>	84
<i>Mithridates</i>	<i>Phacea fil. Manahē</i>	79	<i>Samgar</i>	31
<i>Moyfes</i>	<i>Phacea fil. Romelia</i>	80	<i>Samotes</i>	13
<b>N</b> <i>Abuchodonofor</i>	<i>Phaleg</i>	9	<i>Samfon</i>	57
	<i>Phoenix</i>	29	<i>Samuel</i>	60
<i>Nachor</i>	<i>Philippus Macedo.</i>	127	<i>Sappho</i>	97
<i>Nadab</i>	<i>Pittacus</i>	99	<i>Sara</i>	19
<i>Nauplius</i>	<i>Plato</i>	124	<i>Sarug</i>	11
<i>Nemrod Saturnus</i>	<i>Polyxena</i>	50	<i>Saul</i>	60
<i>Nicoſtrata</i>	<i>Pompeia</i>	155	<i>Scribonia</i>	167
			<i>Sede</i>	

# I N D E X.

<i>Sedechias</i>	94	<i>Socrates</i>	118	<i>Tomyris</i>	104
<i>Seleucus</i>	134	<i>Solon</i>	103	<i>Tullia</i>	107
<i>Sem</i>	6	<i>Stesilea</i>	115	<i>Tullus Hostilius</i>	89
<i>Semiramis</i>	18	<i>Sylla</i>	149	<i>Turnus</i>	54
<i>Sennacherib</i>	84	<i>Sylvius Posthumus</i>	56	<i>Tuscon, qui &amp; Asce-</i>	
<i>Servius Tullius</i>	101	<b>T</b> <i>Anaquil</i>	96	<i>nas</i>	13
<i>Sesach</i>	62	<i>Tarquinus Col-</i>		<b>V</b> <i>Ergilius</i>	163
<i>Sibylla Persica</i>	38	<i>latinus</i>	111	<i>Vesta</i>	15
<i>Sibylla Libyca, seu Li-</i>		<i>Tarquinus Priscus</i>	96	<i>Veturia Coriolani ma-</i>	
<i>byssa,</i>	38	<i>Taurus</i>	162	<i>ter</i>	112
<i>Sibylla Delphica</i>	39	<i>Terentia Aemylia Cor.</i>		<i>Vlysses</i>	49
<i>Sibylla Cumæa</i>	39	<i>Scip. vxor</i>	141	<b>X</b> <i>Antippe</i>	118
<i>Sibylla Erythræa</i>	83	<i>Thales</i>	98	<i>Xenocrates</i>	132
<i>Sibylla Samia</i>	83	<i>Thalestris Amaz. aliter</i>		<i>Xerxes</i>	114
<i>Sibylla Cumana</i>	90	<i>dicta Minothea</i>	131	<b>Z</b> <i>Acharias Rex</i>	
<i>Sibylla Hells pontica</i>		<i>Thare</i>	14	<i>Israel</i>	77
90		<i>Themistocles</i>	115	<i>Zalencus pater &amp; fi-</i>	
<i>Sibylla Phrygia</i>	154	<i>Theseus</i>	43	<i>lius</i>	91
<i>Sibylla Tyburtina</i>	164	<i>Thola</i>	35	<i>Zameis Ninias</i>	18
<i>Sibylla Europa</i>	168	<i>Trasylbulus</i>	122	<i>Zopyrus</i>	110
<i>Sibylla Aegyptia</i>	168	<i>Timandra</i>	120	<i>Zoroastes</i>	12
<i>Sicheus</i>	74	<i>Tiberius Gracchus</i>	145	<i>Zorobabel</i>	105
<i>Simon Dux Ind.</i>	143	<i>Timoleon</i>	130		

F I N I S.





# PROMTVARII

ICONVM PARS

SECUNDA,



*Incipiens à Christo nato, & perpetuam ducens  
seriem ad usque Christianissimum Francia  
ac Polonia Regem HENRICVM hoc nomi-  
ne tertium, hodie feliciter regnantem.*

Hac secunda Editione valde aucta.

*Lex per Moſen data est: gratia & veritas per Ieſum  
Chriſtum facta est. Ioan. cap. I.*

N  
O  
X  
P  
R  
Æ  
C  
E  
S  
S  
I  
T:



D  
I  
E  
S  
S  
V  
C  
C  
E  
S  
S  
I  
T:

LVGDUNI,

APVD GVLIELMVM ROVILLIVM.

M. D. LXXXI.

## NATIVITAS D. NOSTRI

SALVATORIS IESV CHRISTI PLANE

est prænuntiata, ac prædicta ab ipsis

Prophetis, è quibus nonnulla

quæ sequuntur de-

cerpsimus.

*Non auferetur sceptrum de Iuda, nec Dux de femore eius, donec Veniat qui mittendus est: & ipse erit. expectatio Gentium. Genes. cap. 49.*

*Ecce Virgo concipiet, & pariet filium, & vocabitur nomen eius Emanuel: quod est interpretatum, nobiscum Deus. Isa. cap. 7. & Matthæi cap. 1.*

*Parvulus natus est nobis, & filius datus est nobis. Isa. 9. cap.*

*Exulta, & lauda habitatio Sion: quia magnus in medio tui Sanctus Israël. Isa. cap. 12.*

*Et tu Beth-leem terra Iuda, nequaquam minima es in principibus Iuda: ex te enim exiet Dux, qui regat populum meum Israël. Micheæ cap. 5. & Matth. 2.*

*Sic Deus dilexit mundum. Ut filium suum Unigenitum daret: Ut omnis qui credit in eum non pereat, sed habeat vitam æternam. Ioan. cap. 3.*

*Lauda, & letare filia Sion: quia ecce ego Venio, & habitabo in medio tui, ait Dominus. Zachariæ cap. 2.*





**SALVATOR** noster **IĒSVS CHRISTVS**, verus atque vnicus Dei filius secundum essentiam diuinam, natus est ex Maria virgine, quemadmodum ei in Nazareth Angelus Gabriel prædixerat, anno mundi 3962. imperij Augusti 42. ab vrbe Roma condita, 752. Olympiade 194. anno regni Herodis Ascalonitæ 35. Natus est autem cooperante Spiritu sancto, in Beth-leem, ciuitate Iudææ. Porro simulatque natus est Christus, pannis eum inuoluit virgo mater, & reclinauit in præsepio, quia non erat ei locus in diuersorio. Et pastores erant in regione eadem vigilantes, & custodientes vigilias noctis super gregem suum. Et ecce Angelus Domini stetit iuxta illos, & claritas Dei circumfulsit illos, & timuerunt timore magno: & dixit illis Angelus, Nolite timere: ecce enim euangelizo vobis gaudium magnum, quod erit omni populo: quia natus est vobis hodie Saluator qui est Christus Dominus, in ciuitate Dauid. & hoc vobis signum: Inuenietis (inquit) infantem pannis inuolutum, & positum in præsepio. finita legatione, subito facta est cum Angelo multitudo militiæ coelestis, laudantium Deum & dicentium, *Gloria in altissimis Deo, & in terra pax hominibus*. Porro vt discesserunt ab eis Angeli in cœlum, pastores locuti sunt adinuicem: *Transamus vsque Beth-leem & videamus quæ nuntiata sunt*: statim itaque profecti, inuenerunt puerum cum Maria matre positum in præsepio: & omnes qui hæc audierunt, mirati sunt. Maria autem conseruabat omnia verba hæc, conferens in corde suo. Et reuersi sunt pastores glorificantes & laudantes Deum. Luc. 1. & 2. cap. Hæc autem facta sunt anno 42. imperij Octauij Augusti, vt prædictum à me est.



**ARCHELAVS** magni Herodis Ascalonitæ filius, successit patri in regno Iudæorum anno mundi 3964. post Christum natum 2. Augustus imperator Archelaum Idumææ, Iudææ, & Samariæ: Antipam, qui & Herodes, Galilææ: Philippum Gaulanitidis, Trachonitidis, Bathaniæ, & Paneados Tetrarchas ex testamento Herodis designauit. Hic Archelaus in ipsis regni auspiciis modestus admodum, noluit Rex appellari, donec confirmaretur ab Imperatore, apud quem ab Antipatro fratre accusatus, absoluitur. Confirmatus Tetrarcha, malè administravit. Accusatus iterum apud Imperatorem, exilio damnatur, & relegatur in Galilæam: postea Cyrenius ac post eum Pilatus Romanorum nomine Iudæam administrant. Iose. lib. Antiq. 17. cap. 10. vsque ad finem 17. & lib. 2. de bel. Iuda. cap. 4. Regnavit Archelaus annis nouem, & desit regnum Iudæorum: nam Iudæa in prouinciam redacta, Syriæ tunc iuncta est. Iose. lib. 17. Antiq. ca. 19.

**GLAPHYRA** Alexãdri Cappadocum regis filia, nupsit primùm Alexandro fratri Archelai supradicti, deinde Iubæ Maurorum Regi, deinde ipsi etiam Archelao, qui contra legem Mariam priorem vxorem dimisit. præterea suscepit ex Glaphyra filios Alexander, huius Archelai frater: quare apparuit vxori in somnis exprobrans ei in hæc verba: Nunc confirmas prouerbum, fidem mulieribus non habendam: nonne mihi iureiurando constricta es, & iugali fœdere virgo sociata? post susceptos etiam filios (chara pignora) amoris nostri oblita es, iterum nubens, imò tertio, atque cum meo fratre: nunquam tamen ego tui obliuiscar: quin liberabo te opprobriis, & efficiam vt mea, sicut fuisti, in perpetuum sis. ac post paucos dies hæc obiit. Iose. lib. 17. ca. 19.





CL. TIBERIVS pater Tiberij Cæsaris, Quæstor sub C. Cæsare, Alexandrino bello classi præpositus, plurimum ad victoriam cōtulit: quare & pontifex in locum P. Scipionis substitutus, & ad deducēdas in Galliā colonias, in queis Narbona & Arelate erāt, missus est. Cæsare occiso, cunctis turbæ metu abolitionē factæ decernentibus, etiā de præmiis tyrānicidarum referendum cēsuit. Tandē indignè ferens nec statim se in conspectum Sexti Pompeij admissum, & fasciū vfu prohibitū, ad M. Antonium traiecit in Achaïam: cum quo breui, recōciliata inter omnes pace, Romam rediit, vxorēmq; Liuiam Drusillam, & tunc grauidā, & antè iam apud se Tiberium enixam, petenti Augusto concessit: nec multò post diem obiit, vtroq; liberorum superstitē, Tiberio, Drusóque Neronis. Sueto. in Tiber.

LIVIA Drusilla Cl. Tiberij supradicti vxor, Tiberij imperatoris mater fuit, de qua dictū à nobis est in fine prioris partis huius operis. hanc prægnantem abduxit Augustus: porrò qui cōceptus erat, infans, immaturus est editus: is est Drusus Tiberij Imperatoris frater minor natu, ac Claudij Cæsaris, qui Caligulæ successit, pater: fuit alter Drusus Agrippinæ & Tibe. Impe, filius. Cæterum in osculis Liuiæ, & in hac voce defecit Augustus, *Linia nostra coniugij memor viue, ac vale.*



**CL. TIBERIVS** Nero Imperator Romanorum tertius, succedens Augusto, imperavit anno mūdi 3977. post Christum natum, an. 15. Hic principatū diu recusavit impudentissimo animo, nunc adhortātes amicos increpans, vt ignaros quanta belua esset imperium: nunc precantē Senatū, & procumbentē sibi ad genua, ambiguis respōsis, & callida cunctatione suspendēs. Tandem quasi coactus, & querens miserā & onerosam sibi iungi seruitutē, habenas rerum suscepit: nec tamen aliter quā vt depositurū se quandoq; spem faceret. Ad Orientē exercitum duxit: regnū Armeniæ Tigrani restituit: signa quæ Crasso ademerant Parthi, recepit. Comatā Galliam anno ferè rexit: Reticum, Vindelicum, Pannonicum ac Germanicū bellum gessit, Germanico bello 40000. dediticiorum traiecit in Galliam, iuxtaq; ripā Rheni sedibus assignatis collocavit: quas ob res ouans Romæ antequam imperaret triumphavit. adulationes initio auersatus est: huius quoque vox illa est, *bonus pastor pecus tōdet, non deuorat*. Ipse demum ingenti socordia & tyrannide imperiū administravit: quosdā Reges per blandicias euocatos, non remisit. Luxuriæ itaq; ac cædibus vacans, Caligulæ nepotis astu periit, anno ætatis 78. imperij 23. huius imperij anno 18. Seruator noster Iesus Christus à Iudæis cruci affixus est. Sueton. in Tiber. Hic Christianorū persecutoribus periculum interminatus est.

**AGRIPPINA M.** Agrippæ filia, vxor fuit Tiberij Imperatoris, ex quo Drusum iuniore pependit: hāc rursus grauidam dimittere coactus est, ac Iuliam Augusti filiā vxorem ducere, quanquam Agrippinā valde amaret Tiberius maritus, & Iuliæ mores improbare. Sueton. in Tiber.





**CAIPHAS**, Iudæorum Pontifex fuit anno mundi 3983. post Christum natum 21. Aiunt hunc cum Anna socero Pontificatum emisse, atque eodem anno ambos rexisse: nam Cæsarū procuratores pro auaricia & libidine sacerdotiū tunc conferebant. hunc Vitellius Syriæ præfectus post 17. annos sacerdotio priuauit. Hic est ille Caiphas qui scidit vestimēta sua ad responsionem Christi: in cuius etiam domo illusus, consputus & colaphis cæsus est D. noster: vbi etiam Petrus Dominum negauit, ab vna atque altera ancilla conterritus. Mat. 26. cap. Iose. lib. Antiq. 18. cap. 8. hic cū esset Pontifex, prophetauit, *expedire ut vnus homo moriatur pro populo, quāmsi tota gens pereat.* Ioan. 21.

**PILATVS** Iudææ præfuit an. 9. incipientes anno mundi 3988. post Christū natum 26. Hic statuas Cæsaris Ierosolymis collocauit, mortem etiam cōminatus Iudæis nisi quieuiissent: at illi mortem se potius subituros quā legis suæ cōstitutiones transgressum iri, profitebātur. Tum Pilatus demiratus Iudæorū in sua lege obfirmationem, imagines auferri præcipit. de Christiano dogmate ad Tiberiū retulit: & Tiberius ad Senatū: sed Christianos vrbe eliminādos Senatus statuit: & Tiberius edicto, mortē accusatoribus Christianorū interminatus est. Tert. in Apolog. cap. 5. Oro. li. 7. ca. 4. Corā Pilato Christus criminatus est à Iudæis quòd populū auerteret, quòd tributū Cæsaris prohiberet, quòdque se regē faceret: quē cū aliquoties interrogasset, cupit: hoc se iudicio eximere, & absolutū dimittere: verū vbi Iudaica rabies inualuit, importunitate ac minis fractus Pilatus, Christū illis ad arbitriū vt crucifigerēt tradidit: præfatus tamē lotis quoque manibus, se innocētē esse à sanguine eius. Ios. li. ant. 18. c. 5. 6. 7. Vide etiā Euā. Hic tandē tēporibus Caligulæ sibi propria manu mortē cōsciuit. Euse. li. 2. c. 7. Pilatū scribit Phi. Berg. li. 7. è Lugduno ortū, vbi etiam exul seipsum interfecerit.



**HERODES** Antipas Tetrarcha Galilææ, superuixit fratri suo Archelao, de quo à nobis dictum est supra. Hic primùm vocabatur tantùm Antipas, sed mortuo fratre, nomē Herodis assumpsit. Hic Philippi fratris sui vxorem, fratre viuo, qui etiā ex ea liberos susceperat, abduxit, ac in matrimonium accepit: ex sapientibus Israelitis complures occidit. D. Ioan̄n̄ em Baptistam obtruncauit anno mundi 3993. post Christum natum 31. tum quòd eum flagitij coargueret, propter abductā fratris vxorem, tum quòd vereretur ne fortè doctrinæ eius persuasione, populi à suo regno deficerent: nam frequens populus ad Ioannem confluebat. Hic etiam Christum Dominum nostrū spreuit, ac illudit, indutūque veste alba remisit ad Pilatum. Tandem accusatus Antipas coram C. Cæsare Calicula, Lugdunum in exilium agitur: eiusque tetrarchia Agrippæ regno adiicitur. Ioseph. lib. Anti. 18. cap. 10. & 14. attamen idem Iose. lib. 2. de bel. Iuda. cap. 8. scribit hunc Herodem fugisse in Hispaniam, vbi etiam cum vxore ait decessisse.

**HERODIAS** filia Aristobuli, soror Agrippæ maioris, nupsit primùm Philippo Tetrarchæ patruo, cum quo diuortium fecit, adiunxitque se Herodi Antipæ, quem & in exilium secuta est: nec obstitit libertas sibi ab Imperatore cōcessa, quòd esset Agrippæ, quem Imp. diligebat, soror: hæc enim respondit Imperatori, non æquum esse, vt quem in prospera fortuna secuta esset, in aduersa relinqueret. Lugduni itaq; cum viro exul obiit: extatque etiam nunc memorabile horum sepulturæ monimentum, pyramis lapidea, quam vulgus duorum amantium Pyramidem vocat. Vide Comestorem, & 1. part. histo. D. Antonini Archie. 10. 6. cap. 21. §. 4. huius filia saltauit coram Herode, quæ caput D. Ioannis petiit. Marci 6. cap.





IESVS Christus Dominus noster, verus Deus ac verus homo, natus ex muliere virgine, factus sub lege, vt eos qui sub lege erant redimeret, passus est, mortemque in cruce pro vita & salute nostra oppetiit anno suæ ætatis 33. anno mundi 3994. anno imperij Tiberij 18. ac post tres dies resurrexit, nempe vt qui mortem nostram moriendo destuxerat, vitam quoque resurgendo repararet: mortuus est enim propter peccata nostra, & resurrexit propter iustificationem nostram: vt nos peccatis mortui, iustitiæ viuamus, per bona opera certam facientes vocationem nostram. Quadragesimo autem die à morte ascēdit in cœlum: quinquagesimo, misit spiritum sanctum, quemadmodum suis fuerat pollicitus: & venturus est iudicare viuos & mortuos in consummatione seculi: beati serui illi quos paratos & vigilantes offendet. Euangelia, epistolæ D. Pauli, Petri, Ioannis, Iacobi proponunt nobis ob oculos isthæc omnia, Christi vitam, mortem, resurrectionem, ascensionem, spiritus sancti missionem, mundi conflagrationem extremam, extremū quoque venturi eiusdem Christi iudicium, vitam æternam, & supplicium æternum.



**IUDAS** Iscariotes vnus ex duodecim Apostolis Domini fuit, qui cum loculos gestaret, fur & avarus erat: nec æquo potuit animo pati vnguenti pretiosi effusionem in corpus Christi. Hic Dominum suum, ac nostrum, pretio triginta denariorum prodidit, signo osculi dato Iudæis vt Christum cognoscerent. tandem pœnituit, & pecuniâ retulit, ex qua emptus est ager figuli in sepulturam peregrinorū: veruntamen amens & exspes laqueo se suspendit, mediūque crepuit, & diffusa sunt omnia viscera eius, cū desperaret de obtinenda venia à piissimo ac, vt ita dicam, misericordissimo Deo, ac in Iudæ locum subrogatus est Mathias. Porro quod attinet ad rationem denariorum, singuli valebāt tres asses, siue solidos, & dimidium (autore Budæo in libro de Assse) si quidem erant denarij Romani ac vulgares: cuiuscunque autem formæ aut metalli fuerint, feruntur fuisse similes huic qui vobis hic vtrinque effigiatus est, ac expressus. *Matt. 27. Ioan. 12. Act. 1.*







GERMANICVS C. Cæsaris Caligulæ pater, à Tiberio patruo adoptatus, quæsturam quinquennio ante quàm per leges liceret, ac post eam Consulatum statim gessit. Missus ad exercitum in Germaniam, excessu Augusti nûtiato, legiones vniuersas imperatorẽ Tiberiũ pertinacissimè recusantes, & sibi summam reip. deferentes, incertũ constãtia an pietate maiore compescuit: atque hoste mox deuicto triumphauit. Armeniæ Regẽ deuicit: Cappadociam in prouinciæ formam redegit. Diutino morbo Antiochiæ obiit anno ætatis 34. non sine veneni suspicionem, fraude Tiberij, ministerio & opera Cn. Pisonis, qui sub idem tempus Syriæ præpositus erat. Suero. in C. Cæsare Caligula. moritur hic Germanicus anno mundi 3981. post Christum natum 19.

AGRIPPINA M. Agrippæ & Iuliæ filia, Germanici supradicti vxor, C. Cæsare, qui Caligula dictus est, peperit, atque Agrippinam Neronis matrem, item alios complures liberos. Hæc virum in Syriam comitata est: Pisonem iudicio persecuta, ad spontaneam necem adegit. tandẽ apud Tiberiũ in inuidiam adducta, mortem sibi inedia cõsciuit. Vide Suet. vt supra. hanc Augustus vix anniculã Tiberio priuigno despondit, quã postea dimittere coëgit, vt Iuliam assumeret, sicuti supra in Tiberio diximus. Vide etiam Cor. Nepotem.



C. CÆSAR, Caligula cognominatus, Germanici filius, & Drusi, priuigni Augusti, & ipsius Tiberij nepos, Romæ imperauit anno mundi 4000. post Christum natum 38. Hic veneno Tiberium, cui successit, aggreffus esse dicitur, quinetiam manu sua spirantis adhuc fauces oppressisse liberto, qui ob atrocitatē facinoris exclamauerat, confestim in crucē acto. Initio imperij popularem se ostēdit, dein monstrum se exhibuit, luxu, incontinentia, atrocitate. Dictū est de eo, nec meliorē ab initio principem, nec peiorē postea fuisse. vnā ceruicē populo Romano optauit, quo facilius vno ictu abscindi posset: dixitq; *oderint dū metuant.* cum omnibus sororibus suis stupri consuetudinem fecit: has etiam sæpe exoletis suis prostrauit: quò facilius eas condēnauit, quasi adulteras, & infidiarū aduersus se conscias. Multos honesti ordinis, deformatos prius stigmatū notis, ad metalla & munitiones viarū, aut ad bestias condēnauit: aut bestiarū more quadrupedes cauea coercuit: aut medios ferra dissecuit: nec omnes grauib; ex causis: verū malè de munere suo opinatos, aut quòd nūquam per genium suū deierassent. Palam queri solebat nullis calamitatibus publicis tempora sua insigniri, tam flagitiosus ac funestus, vt etiam Tiberij dedecora purgauerit. Bellum cōtra Germanos suscepit: & ingressus Sueuiam, nihil strenuè gessit. Tandē cum aduersus cunctos ingenti auaricia, libidine, crudelitate sæuiret, intefectus est in palatio. Imperauit annos 4. vixit 29. Suet. in vita C. Cæ. Caligulæ. dictus est autem Caligula, vt inquit Aur. Victor, cognomentum calceamenti militaris, id est Caligulæ fortitus, quia natus in exercitu fuerat.

I V N I A Claudilla, M. Syllani nobilissimi viri filia, nupsit C. Cæsari Caligulæ, quam amisit ex partu, etiā antequā imperaret ipse, nēpe viuo Tiberio, cui successit. Sue. in C. Cæs. Cali.





LIVIA Horestilla C. Pisoni cùm nuberet, iussa est ad C. Cæsarem Caligulam deduci. hanc Caligula intra paucos dies repudiavit, ac biennio pòst relegavit, quod repetiisse vsum prioris mariti tempore medio videbatur. Suet. in Caligula.

LOLLIA Paulina, C. Memmij Consularis, ac exercitus Ducis vxor fuit. hanc quoque, facta mentione auix eius, vt quondam pulcherrimæ, subito ex prouincia euocauit C. Cæsar Caligula: ac perductam à marito iunxit sibi, breuique misfam fecit, interdicto cuiusquam in perpetuum coitu. Vide vt supra.



CAESONIA neque facie insigni, neque ætate integra, matérque iam ex alio viro trium filiarum, sed luxuriæ ac lasciuiæ perditæ, & ardentius & constanter amata est à C. Cæsare Caligula: quam sæpe chlamyde peltæque & galea armatam, & iuxta adequitantem militibus ostēdit, amicis verò etiam nudam, quam enixam vxorio nomine dignatus est, vno atque eodem die professus & maritum se eius, & patrem infantis ex ea natæ: nec vlllo firmiore indicio sui seminis esse credebat infantem hanc, quàm feritatis, quæ illi quoque tanta iam tunc erat, vt infestis digitis ora & oculos simul ludentium infantium incesceret. periit cum viro Cæsonia, gladio à Centurione confossa, cuius etiam filia parieti est illisa. Vide vt supra.



**HERODES** Agrippa Aristobuli filius, ac magni Herodis Ascalonitæ nepos ex filio, Romæ agens, Tiberij nepotis cui am suscipit: verum ab Eutycho liberto accusatus, iussu Tiberij in vincula coniicitur: quo Imperatore defuncto, statim è vinculis liberatur, diademateque regio à C. Caligula, cuius curam gesserat, donatur: nam Rex Tetrarchiæ Philippi ac Lyfaniæ designatur anno mundi 4000. à Christo nato 38. Quin etiam Claudius, qui Caligulæ successit, Agrippæ huius regnum rarum habuit, omne Herodis quoque Antipæ exulis Imperium addens: atque Herodem fratrem (nam Antipas patruus erat) Chalcidis Regem creat. Hic est Herodes ille qui Iacobum maiorem obtruncavit ac D. Petrum in carcerem trussit, & ab Angelo percussus, à vermibus post diem quintum erofus est. Vide Acta Apost. cap. 12. Sed ut ad Agrippam nostrum redeam, hic Herodiadem sororem, eiusque virum Antipam, contra ipsum nonnihil molientes, præuenit: exiliique eorum occasionem præbuit, misso ad Caligulæ Fortunato liberto cū literis. Vide Iose. li. 18. ca. 12. 13. & 14. Variat autem in hoc Agrippa & fratre prædicto, alij alia huic, alia illi tribuentes: sunt & qui vnum tantum ex his duobus faciant, quem Herodem Agrippam vocitant.

**AGRIPPA** iunior prædicti filius, seu nepos, defuncto Herode Chalcidis Rege prædicto, Chalcidis Rex designatur, à Cl. Tiberio, qui Caligulæ successit, nempe anno mundi 4011. à Christo nato 49. Fuit hic ultimus Iudææ Rex, prudens, Hebræa Larinaque lingua doctus. Hoc Rege Titus Hierusalem captam exussit 17. agebat annum, moriente patre, seu avo, cū Romæ à Cæsare aleretur. Porro Cæsar Cuspium Fadum huius immaturi loco, Iudææ præfecit: cui successit Felix, & huic rursus Portius Festus. Vide Ioseph. Hebr. diu. desi. lib. 5. cap. 46.





DRVSVS, Claudij Cæsaris pater, olim Decimus, mox Nero prænominē, ex Liuia Drusilla natus est, intra mensem tertium quā gravida abducta esset ab Augusto, ex contubernio ac matrimonio Tiberij patris Imperatoris: fuitque suspicio ex vitrico per adulterij consuetudinem procreatum Drusum. Is in Quæsturæ Præturæque honore, dux Rhetici, deinde Germanici belli, Oceanum Septentrionalem primus Romanorum ducum nauigavit: transque Rhenum fossas novi & immensi operis effecit, quæ Drusianæ vocatæ sunt: hostem frequenter cæsum in intimas solitudines egit. Inito consulatu, atque expeditione repetita, obiit diem in æstiuis castris, quæ ex eo scelerata sunt appellata. Hunc Augustus tantopere & viuum dilexit, vt cohæredem semper filiis instituerit: & defunctum ita pro concione laudauerit, vt deos precatus sit similes ei Cæsares suos facerent: sibi que tam honestum quandoque exitum darent quā illi dedissent. nec contentus elogium tumulo eius, versibus à se compositis insculpsisse, etiam vitæ memoriam prosa oratione composuit. Vide Suet. in C. Clau. Cæ.

ANTONIA minor, Drusi supradicti vxor fuit, ex qua liberos complures suscepit, verū tres omnino reliquit, nempe Germanicum, Liuillam, & Claudium, qui postea imperauit. Hæc Antonia M. Antonio, & Octauia genita est, quæ sororem habuit maiorem eiusdem nominis, Domitij Aenobarbi vxorem. Vide Plutar. in M. Antonio.



CLAVDIVS, Drusi Germanici ex minore Antonia filius, Liullæ & alterius Drusi frater, Romæ post Caligulam imperat anno mundi 4004. à Christo nato 42. Hic Lugduni natus est, quem mater portentum hominis dictitabat: auia Augusta pro despectis. semper habuit: soror Liulla, cum audisset imperaturum, tam iniquam sortem pop. Ro. palam detestata est. Fortunæ ludibrio ad imperium, cum latitaret extrema perterritescens, interfecto Caligula, venit: quod non minore socordia quàm crudelitate per annos ferè 14. vexauit. Britannæ bellum intulit, eamque in deditionem accepit. Orcades insulas Ro. imperio addidit. Hic Messalina vxore sua vixdum supplicio affecta, quòd C. Silio nupsisset, Agrippinam Germanici fratris filiam, nouo exemplo, liberis duobus nouercam superinduxit: cum paulò ante pro concione confirmasset, quatenus sibi malè cederent matrimonia, in cœlibatu se permanfurum, ac nisi permansisset, non recusaturum confodi manibus ipsorum. Præterea Britannico filio priuignum Neronem anteposuit: cuius insidiis, & Agrippinæ matris, veneno in boleto dato periit, anno ætatis 64. imperij 4. exortus crinitæ stellæ, tactumque de cœlo monumentum Drusi patris, præfagia mortis eius præcipua fuere: & in vltima cognitione pro tribunali accessisse se ad vitæ terminum semel atque iterum pronuntiavit. Vide Suet. in Claud. Cæs.

AEMILIA Lepida, Augusti proneptis, Pauli AEmilij Censoris filij, & Iulix, neptis Augusti, filia, prima omnium desponsata est Claudio: sed eam, quòd parentes eius Augustum offenderant, virginem adhuc repudiauit. Suet. in Clau.





LIVIA MEDVLLINA, cognomine Camilla, è genere antiquo Dictatoris M. Furij Camilli (cuius meminimus in priori huius operis parte pag. 125.) eo ipso die qui erat nuptiis Claudij Imp. atque huius Medullinæ destinatus, morbo periit. Vide Sueto. in Claud.

PLAVTIA HERCVLANILLA, triumphali patre nata, eidē Claud. Imp. nupsit, cum qua diuortiū ille fecit, ob libidinū probra, & homicidij in virum suspicionē. ex hac Claudiam suscepit, & Drusum, quem puberē amisit, pyro per lusum in sublime iactato, & haitu oris excepto strangulatum, cui & filiam Seiani despōderat. Vide vt supra. Cæterum de Seiano homine præpotente ac prædiuite, cui tandem fortuna nouercā se præstitit, vide Iuuenalem Satyra 10. nam huius exēplo nimias opes, potentiam ac fastum multis exitio esse ostēdit Iuuenalis, his versibus.

*Quosdam præcipitat subiecta potentia magna  
Inuidia, mergit longa, atque insignis honorum  
Pagina, descendunt statua, restemque sequuntur.  
Ipsas deinde rotas bigarum impacta securis  
Cedit, & immeritis franguntur crura caballis:  
Iam stridunt ignes, iam follibus atque caminis  
Ardet adoratum populo caput, & crepat ingens  
Seianus, deinde ex facie toto orbe secunda,  
Fiunt vrceoli, pelues, sartago, patella.  
Pone domi lauros, duc in capitolia magnum  
Cretatūque bouem, Seianus ducitur vnco  
Spectandus: gaudent omnes. &c.*



**ÆLIA** Petina Consulari patre nata, mox, repudiata Plautia Herculanilla, nupsit Claudio Imp. cum qua item diuortium fecit, ob leuiculas offensas. ex hac Antoniā suscepit quam Cneo Pompeio magno, deinde Fausto Syllæ collocauit, quorum alter à Pompeio magno, alter à Fausto Sylla, Syllæ Felicis filio originem trahebat. Vide Sueto. in Clau.

**VALERIA MESSALINA** Claud. quoque Imp. nupsit: hanc cum cōperisset vir, super cætera flagitia atq; dedecora, se absente, Caio Silio, iuuetutis Romanę pulcherrimo, etiam nupsisse, dote inter Auspices cōsignata, curauit interfici. Vide Cor. Tacit. li. ii. ad calcem. De hac item sic scribit Iuue. Saty. 6.

—dormire virum cum senserat vxor,  
 Ausa palatino tegetem præferre cubili:  
 Sumere nocturnos meretrix Augusta cucullos,  
 Linquebat comite ancilla non amplius vna,  
 Et nigrum flauo crinem abscondente galero,  
 Intranit calidum veteri centone lupanar,  
 Et cellam vacuam, atque suam: tunc nuda papillis  
 Constitit auratis, titulum mentita Lycisæ,  
 Ostenditque tuum generose Britannice ventrem.  
 Excepit blanda intrantes, atque æra poposcit:  
 Et lassata viris, nondum satiata recessit:  
 Obscuris que genis turpis fumoque lucerna  
 Fæda lupanaris tulit ad puluinar odorem.

ex hac Messalina Clau. Octauia, & quem primò Germanicum, mox Britannicum cognominauit, suscepit. Vide vt supra.





**FELIX** constitutus est ab Imperatore Claudio præses, siue procurator Iudææ, Samariæ quoq; & Galilææ, & regionis quæ dicitur trans Iordanē, anno mundi 4015. post Christū natum 53. Tertullus corā hoc præside Paulum accusauit, Paulus vicissim pro se contra Tertullū causam dixit: quibus auditis distulit iudicium Felix in aduentum tribuni Lysia. Hic Felix frequenter accersens Paulum, loquebatur cum eo, & audiuit ab eo fidē quæ est in Christū Iesum. Disputante autem Paulo de iudicio futuro, tremefactus Felix noluit vltra attendere, sed distulit in alium diē: simul sperabat quod pecunia ei daretur à Paulo. De huius auaritia, & factione cum Ventidio, qua, gliscēte pernicie, arsisset bello prouincia, ni Quadratus Syriæ rector subuenisset, vide Cor. Taci. li. Anna. 12. item quatenus ad alia, vide Act. 24. ca. Euse. li. 2. ca. 20 Iose. li. Antiq. 20. cap. 9.

**DRVSILLA** Agrippæ soror, Aziazi Emeforū siue Amazorū Regis vxor cū esset, & pulchritudine cæteris præstaret, Felix eam cōcupiuit: quare misso nuntio, eam in suam partem flexit: nam hæc spōte relicto priore marito, huius nuptias secuta est. Vide. Ioseph. li. Antiq. 20. cap. 9.

Bbb 2





**ANTONIA** Marci Antonij & Octaviæ sororis Augusti filia maior, Domitio Aenobarbo nupsit, ex quo matrimonio natus est Cneus Domitius Neronis pater, omni parte vitæ detestabilis, ut inquit Suetonius, in Nerono Imperatore Romanorum 6. de quo mox tractabimus.

**LEPIDA DOMITIA** Cnei Domitij Aenobarbi patris Neronis soror fuit. Consulito Caium Suetonium Tranquillum in Neronis Imperatoris 6. vita, si initium sumas à Caio Iulio Cæsare, quod ubique factitamus. Cæterum quod attinet ad Aenobarbi cognomentum, atque huius vocabuli (quod sub obscurum est) rationem siue interpretationem, visum est quod scriptum reperi edere. Cùm, itaque, Castor & Pollux Helenæ fratres, Domitio victoriam aliquando nuntiarent, ipsèq; narrantibus minimè crederet, malas, barbâque manibus attrectarunt, atq; eam contrectando (si credere dignum est) ex fusca flauam effecerunt: vnde à rutilo, æneóque barbæ colore, Aenobarbi cognomen accepit Domitius, quod postea in familiam transiit, virisque ex ea ortis peculiare id nominis fuit. Vide Ludouicum Cælium Rhodiginum, lib. antiquarum etionum le 29. cap. autem 8.







**CNEVS** Domitius Ænobarbus, Neronis pater, ex Antonia maiore, vti dictū est, natus, omni parte vitæ dere stabilis, primum occidit libertum, quod potare quātum iubebatur recusarat: deinde in viæ Appiæ vico, repentē puerum citatis iumētis haud ignarus obtruiuit: & Romæ medio foro cuidam equiti Ro. liberius iurgāti oculum eruit. Perfidia atque auaritiæ maximæ fuit: argentarios pretiis rerum coëmptarū, aurigarios mercede palmarum fraudauit. Maiestatis quoque, & adulteriorū, incestique cum sorore Lepida sub excessu Tiberij reus, mutatione temporū euasit. Decessit morbo aquæ intercutis, suscepto, ex Agrippina Germanico genita, Nerone, malo ouo ex malo coruo. Suet. in Nerone.

**AGRIPPINA** Germanici filia, ac Neronis mater, quem ex Domitio suscepit, nupsit secundò Claudio Cæsari patruo suo, quem blanditiis illexit, quēque tādē boleto sustulit, vt viam filio Neroni ad imperiū faceret. cæterum ipsa quoque ab eodē filio immixtis percussoribus occiditur, exclamans percussori, Feri ventrem qui tam ferum monstrum tulit. Suet. in Nerone Cor. Tac. li. 14.

Bb 3





**CLAV. DOMI.** Nero, Domitio & Agrippina Germanico genita, genitus est. Hic adoptatus à Claudio Imperatore, successit ei in imperio, anno mundi 4017. à Christo nato 55. Orsus à pietatis ostentatione, ex Augusti præscripto imperatorum se professus est: liberalitatis, clemētiæ, comitatis exhibendæ nullam omisit occasionem. grauiora vectigalia aut aboleuit, aut minuit. tandem Caligulæ nepotē se præstitit, auunculo suo simillimus: meritōq; fax orbis altera cum Claudio dictus est. Bonam partem Senatus interfecit, & præceptorē Senecam, bonis omnibus hostis. fratrem, vxorem, matrem denique interfecit, cuius etiam cōcubitum appetuisse dicitur. Primus Christianū sanguinem, Petro & Paulo interfectis, hausit. tāto se dedecore prostituit, vt saltaret & cantaret in sena. Romā incendit, vt spectaculi eius imaginē cerneret, quali olim Troia capta arserat. Hic Britanniam penē amisit. Armeniam Parthi sustulerūt. Duæ tamen prouinciæ sub eo factæ sunt, Pontus, & Alpes. In Achaia Isthmum perfodere aggressus, primus rastello humum effodit, & corbulæ congestam, humeris extulit. Tandē ab omnibus destitutus, & à Senatu hostis iudicatus, cum quæreretur ad pœnā, è palatio fugit, nec fortiter perire potuit, adiutus alterius, adigendo ferro, manu: anno ætatis 32. imperij 14. Sueton. in Clau. Eutr. lib. 7. Egna. lib. 1.


**OCTAVIA,** Claudij & Messalinæ filia, vxor fuit Neronis, cuius consuetudinē citò aspernatus est, occiditq; eam sub crimine falso adulterij: cū antea sæpe frustra strangulare meditatus, dimisisset eam vt sterilem, respondissetque corripientibus amicis, sufficere ei debere vxoria ornamenta.





P O P P Æ A Sabina, Tito Olio Quæstorio patre nata, Neronis vxor fuit, quam duodecimo die post diuortium Octauia in matrimonium accepit. hanc dilexit vnicè : & tamen ipsam quoque ictu calcis occidit, quòd se ex aurigatione serò reuerfum grauida & ægra conuiciis incesſerat. hæc antea nupſerat Ruſo Crispino Equiti Romano. huic Poppeæ omnia alia fuere præter honestum animum: sermo comis, nec absurdum ingenium: modestiam præferebat, & lasciuia tamen utebatur: famæ nunquam pepercit, maritos & adulteros non distinguens. Vide Sueton. in Nerone. hæc luxu supramodum difflebat, autore Plin. lib. 34. cap. 11. in hæc verba: *Nostra ætate Poppæa coniux Neronis principis, delicatioribus iumentis suis soleas ex auro quoque induere solebat.*

S T A T I L I A Messalina (altera quidem à Valeria illa Messalina Claudij vxore, de qua à nobis dictum est supra) vxor quoque fuit Neronis: hac vt potiretur, virum eius Atticū Vestinum Consulem in honore ipso trucidauit. Hæc erat Statilij Tauri bis Consulis, ac triumphalis, abneptis. Taurus hic temporibus Augusti amphitheatrum Romæ extruxerat. fuit alter eiusdem nominis, huius, vt opinor, Messalinæ frater, qui ob opes & hortos egregios, quibus Agrippina inhiabat, accusatus, vim viræ suæ attulit. Sueton. in Nerone.



S. P E T R V S inter Apostolos præcipuus, frater fuit Andreæ etiã Apostoli. Ambo ex vico Galilææ, Bethsaida, ambo à Christo simul vocati sunt, cùm iacerent rete in mare, erāt enim piscatores: quibus dixit, *Venite post me, & faciam vos fieri piscatores hominum, at illi continuo relictis retibus secuti sunt eum.* Matth. 4. huic Christus resurgens dixit, *Pasce oves meas.* Ioã 21. Antiochiæ præses fuit: euangelium dispersos Iudæos in Pōto, Galatia, Cappadocia, Asia & Bithynia docuit. Diony. Corynt. Epif. scripsit S. Petrum & Paulum eodem die Romæ iussu Neronis passos. Petrus capite ad terrā verso, fertur crucifixus, asserens se indignū vt crucifigeretur sicut Dominus suus. epistolas complures scripsere, quas habes in nouo testamēto. vide item Euse. li. 3. ca. 1. & 2. D. Iero. scripsit Petrum ad expugnādum Simonem Magum, Romæ perrexisse, ibique pōtificatum 25. annis tenuisse, vsq; ad vltimum Neronis annum.

S. P A V L V S de tribu Benjamin, & oppido Iudææ Giscalis fuit, quo à Romanis capto, cum parētibus suis Tarsum Cili-ciæ cōmigravit: à quibus ob studia legis missus Ierusalem, à Gamaliele eruditus est. Cùm autē interfuisset neci D. Stephani, & acceptis à Pōtifice tēpli epistolis, ad Christianos persequēdos, Damascum pergeret, reuelatione ad fidem, ac miraculo velut cōpulsus, vas electionis de persecutore factus est. Docuit gentes Euāgelium annos 21. duobus annis Cesareæ tantundēque Romæ in carcere fuit: at Romæ è carcere exhibat quò vellet, sub cussodia tamen. hinc liberatus atq; absolutus, cùm causam ipse suam coram Nerone egisset, liberè denuo docuit Euangelium decem annis. at, iterum in carcerem cōiectus, capite truncatur, anno mundi 4030. à Christo nato 68.





**SERGIVS** Galba, Galbæ Imperatoris pater, Romæ Consulatu functus, quamquam breui corpore, atque etiam gibber, modicæque in dicendo facultatis, causas tamen industriè actitavit. Hic vxores habuit Mummiam Achaïam, item Liuiam Ocellinam, ditem admodum & pulchram: à qua tamen nobilitatis causa appetitus vltro existimatur, & aliquanto enixius, postquàm subinde instanti, vitium corporis secretò posita veste detexit, ne quasi ignaram fallere videretur. Crati quoque Thebano idem contigit, cùm Hipparche eum maritum optaret. Vide quatenus ad Sergium, Suet. in Galba.

**MVMMIA** Achaïa neptis Catuli, proneptisque L. Mummij qui Corinthum excidit, vxor Sergij Galbæ fuit, ex qua Caius & Sergium procreauit: quorum maior Caius attritis facultatibus vrbe celsit, prohibitusque à Tiberio sortiri anno suo Proconsulatum, voluntaria morte obiit: Sergius verò post Neronem imperauit. Vide Suet. in Galba.

Bb 5





SER GIVS Sulpitius Galba, Romæ post Neronē imperat anno mundi 4030. à Christo nato 68. Hic nullo gradu Cæsares contingebat, nam horum familia, siue progenies in Nerone defecerat: nobilissimus tamen erat, magnâq; & vetere prosapia. Antequàm imperaret mula fertur peperisse. Hic cùm Prætor esset, elephantos funambulos edidit ludis Floralibus. Maiore ab initio fauore quàm læto successu, septimestre imperium tenuit annos natus circiter 80. priuata eius vita insignis fuerat militaribus & ciuilibus rebus. Tandem avarum, sæuum, pigrum se præstitit: atque inuisus omnibus, in medio foro, insidiis Othonis iugulatur: nam cùm subinde iactaret se legere militem, uon emere consueſſe, eo nomine omnes milites exacerbauit. sed maximè fremebat superioris Germaniæ exercitus fraudari se præmiis: quare statim legationem ad prætorianos cum mandatis destinant: displicere inquit Imperatorem in Hispania factum, eligerent ipsi quem cuncti exercitus probarent. quamobrem ascitus Otho eum trucidari curauit. Vide Sueto. in Galba, Eutro. lib. 7. Bap. Egna. lib. 1.

LEPIDA vxor fuit Galbæ Imperatoris, qua amissa, duobusque ex ea filiis, remansit in cœlibatu: neque sollicitari vlla conditione amplius potuit, ne Agrippinæ quidem matris Neronis, viduatæ morte Domitij Aenobarbi, quæ maritum quoq; adhuc, necdum cœlibem Galbam, ad eò omnibus sollicitauerat modis, vt in conuentu matronarum correpta iurgio, atq; etiam manu pullata sit à matre Lepidæ. Sueto. in Gal.





L. OTHO, Imperatoris Othonis pater, materno genere præclaro, multarumque & magnarum propinquitatum, tam charus, tamq; non absimilis facie Tiberio principi fuit, vt plerique procreatū ex eo crederent. Hic vrbano honores, Proconsulatum Africæ, & extraordinaria imperia seuerissimè administravit. Senatus hunc honore rarissimo, statua in palatio posita, prosecutus est: & Claudius allectum inter Patricios collaudās hunc amplissimis verbis, hæc quoq; adiecit: *Vir, quo meliores liberos habere ne opto quidem.* Sueton. in Othone.

ALBIA Terentia splendidissima scæmina, L. Othonis vxor fuit, quæ peperit illi L. Titianum, siue Terentianū, & minorem Marcum, cognominem patri, Othonemq; appellatum, qui post Galbam imperavit: peperit quoq; filiam, quam nondum nubilem Druso Germanici filio despōdit, Consulito Suetonium in Othone.





M A R C. S. Otho octauus, Galbæ succedens, Romanis imperat anno mundi 4031. à Christo nato 69. A prima adolescentia prodigus, procax, & mollis extitit, Neroni etiâ familiaris. die quem Nero necandæ matri destinarat, ad auertendas suspitiones cœnâ vtrique exquisitissimè comitatis dedit. Sperauerat fore vt adoptaretur à Galba: sed Pisonem prælato ad vim conuersus est, instigante, super animi dolorem, etiam magnitudine æris alieni. Neque enim dissimulabat, nisi principem se stare non posse, nihilque referre, ab hoste in acie, an in foro sub creditoribus caderet. Quare missis qui Galbam, & Pisonem trucidarent, ea ipsa die qua Galbâ manè salutarat, osculo etiam vt consueuerat exceptus, Imperator salutatur. Ad conciliandos pollicitationibus animos nihil magis pro cōcione testatus est, quàm id demum se habiturum quod sibi milites reliquissent. Dicitur noctu per quietem pauefactus, gemitus maximos edidisse, repertusque à concursantibus humi ante lectû iacens, à quo manes Galbæ eum deturbarant: quod fatebatur ipsemet vidisse. Hic leui prælio victus à Vitellij ducibus, sinistram sibi papillam pugione transfixit: cum tamen complures adhuc copias haberet, & petentibus militibus ne tam citò de belli euêtu desperaret, dixisset, *se tanti non esse, vt propter eum civile bellum oriretur.* Vixit annos 38. imperauit menses treis: adeò militibus charus vt multi ad eius exemplum, ante mortui pedes se interfecerint. Suet. in Othone.





L. VITELLIVS, A. Vitellij Imperatoris pater, Syriæ præpositus, Artabanum Parthorū Regem summis artibus non modò ad colloquium suum, sed etiam ad veneranda legionū Signa pellexit. Mox cum Claudio principe duos insuper ordinarios Consulatus, Censuramque gessit. Curam quoque Imperij sustinuit absente eo, expeditione Britannica: vir innocēs & industrius, sed amore libertinæ perinfamis. Idem miri in adu-  
lando ingenij, primus C. Cæsarem Caligulam adorari vt Deum instituit, primusq; adorauitq; non aliter adire ausus, quàm capite velato circumuertens se, deinde procumbens. Hic à Valeria Messalina petiit vt ei pedes præberet excalceandos: detractumque focculum dextrum inter togam tunicamque gestauit assidue, nonnunquam osculabundus, idque facitabat, vt nulla non via, atque arte, principem vxori addictū demeretur. Decepsit paralyfi altero die quàm correptus est. Sueton. in Vitellio.

SEXTILIA, probatissima, nec ignobilis fœmina, Lucij Vitellij prædicti vxor fuit, quæ ei peperit duos filios, quos eodem anno ambos Consules, cum maiori minor in sex menses successisset, vterque parens vidit. Alter ex his filius, Aulus Vitellius, post Othonem imperauit: cuius genituram, siue natiuitatem, aut natalis horæ inspectionem, à Mathematicis prædictam ira exhorruerunt parentes, vt pater magnopere contenderit ne qua ei prouincia viuo se cōmitteretur: mater & missum ad legiones, & appellatum Imperatorem, pro afflicto statim lamentata sit. Vide Sueton. in Vitel. prædixerant Mathematici Aulum Vitellium futurum quidem Imperatorem: sed in imperio per vim cruciabiliter perituum.



**A V L V S** Vitellius, à Galba in inferiorem Germaniã mis-  
sus est. Aduentantem, malè animatus erga principẽ exercitus,  
libens ac supinis manibus excipit, velut dono Deũ oblatum  
III. Conf. filiũ, ætate integra, facili ac prodigo animo. hãc de se  
veterẽ persuasionẽ auxerat, tota ipse via milites obuios exoscu-  
latus, pẽr q; diuersoria comis, manẽ singulos iãmne ientassent  
sciscitatus, scẽque fecisse, ructu quoque ostẽdens. nil cuiquã ne-  
gauit, atq; etiã vltro reis sordes, dãnatis supplicia dẽpsit: Quare  
vixdũ mense transacto, subitò à militibus è cubiculo raptus, vt  
erat, in veste domestica, Imperator consalutatur anno mundi  
4031. à Christo nato 69. Hic in ientacula, prãdia & cœnas, faci-  
lẽ omnibus sufficiebat vomitandi cõsuetudine. Cœna ei data  
est aduentitia à fratre, in qua, super ceteros sumptus, 2000. le-  
ctissimorũ pisciũ 7000. auium apposita sunt. hãc quoque exu-  
perauit ipse, dedicatione patinæ, quam *clipeum Mineruæ dictita-  
bat*. Sæuus fuit, nam & eius hæc vox est, *optimè olere occisum hostẽ,  
& melius ciuem*. Vespasiano principe declarato, cœno simóque  
iactatus, vestẽque discissa in forum tractus, subiecto ad mentũ  
gladio, tandem minutis, ictibus excarnificatus, vnco trahitur  
in Tyberim. Suet. in Vitell. vixit an. 57. rexit menses 8.

**P E T R O N I A** Consularis viri filia, Vitellij vxor prior, Pe-  
tronianũ altero captum oculo peperit, quem pater interemisse  
creditur, infimulatum parricidij, post  
matris obitum.



**G A L E R I A** Fundana, A. Vitellij  
vxor, Prætorio patre nata, liberos vtriũs-  
que sexus tulit, sed marem titubantia  
oris prope mutum. Suet. in Vitell.





T. FL A. Sabinus, Vespasiani imperatoris pater, Tit. Flau. Petronio munice Reatino natus est, eo, inquā, qui bello ciuili Pompeianarum partium Centurio fuit, ac ex acie Pharsalica domum se contulit, vbi venia, & missione impetrata, coactiones argentarias fecit. Porro Sabinus Vespasiani, vt dixi, pater (nā de auo Principis quæ prælibauimus, dicta sunt) expers militiæ (etsi quidam eum Primipilarē, nōnu lli cū adhuc ordines duceret, sacramēto solutū per causam valetudinis tradūt) publicanū quadragesimę in Asia egit, fueruntq; imagines à ciuitatibus ei sub hoc titulo posite, *Recte vectigalia exigēti*. postea scenus apud Heluetios exercuit, ibique diē obiit, superstibus vxore Vespasia Polla, & duobus ex ea liberis, Sabino videlicet, altero ab illo priore Principis patre, & Vespasiano: horum maior Sabinus, Principis frater, ad præfecturam vrbs, minor verò Vespasianus, ad imperium euectus est. Vide Suetonium in Vespasiano Imp.

VESPASIA Polla T. Flauij Sabini vxor, superstes fuit viro cum duobus ex eo liberis, quorum maior Sabinus ad præfecturam vrbs, minor Vespasianus ad principatū vsq; processit. Hæc Polla Nursiæ honesto genere orta patrem habuit Vespasium Pollionem, ter Tribunum militum, præfectūque castrorum, fratremque Senatorem prætoris dignitatis. Sueton. in Vespasiano.



FLA. VESPASIANVS natus est in Sabinis vltra Reaten, vico modico, cui nomen est Phalacrine, quinquēnio antequā Augustus obiret. Claudio principe, legatus legionis in Germaniam missus est: inde in Britannia translatus, tricies cum hoste conflixit. Duas validiss. gentes, superque 20. oppida, & insulam Vecten, Britannia proximam, in deditionē redegit. Missus ad comprimēdos Iudæos de Ierusalem cum filio triumphavit. Mortuo Othone hic à Mœsiaco exercitu Imperator creatur posthæc qui erat Ægypti præfectus primus in verba Vespasiani legiones adegit, post paucos dies Iudaicus exercitus apud ipsū iuravit anno mundi 4032. à Christo nato 70. Misso itaq; exercitu aduersus Vitellium, in Alexādrīam transiit, vt claustra Ægypti obtineret: statimq; venēre literæ fusas apud Cremonam Vitellij copias, ipsum in vrbe interfectum nuntiantes. Romam igitur reuersus Vespasianus, afflictam propè, nutantēq; remp. stabilīuit primò, deinde ornauit. Cum adolescens vnguēto fragrās pro impetrata præfectura gratias ei ageret, maluisse, inquit allium oboluisse, literasque reuocauit. Achaiam, Lyciam, Rhodum, Byzantium, Samū libertate adēpta, item Tracheam, Ciliciā, & Comagenē, ditionis regiae vsq; ad id tempus, in prouinciarum formā redegit. Modestiam retinuit & comitatem: iustis suppliciis illachrymauit, offensarū minimè memor: ingenia & artes maximè fouit: Sola culpatur avaritia. Tandē septuagenarius ac stans obiit inter manus subleuantium, *Imperatorem* dicens *stantem mori oportere*. imperauit annos 10. Sucto. in. Vespa.

FLAVIA DOMICILLA Vespasiani vxor, peperit ei Titum, Domitianum & Domicillam: vxorem & natam priuatus adhuc amisit Vespasianus. Vide vt supra.





**TITVS** Vespasianus Romæ post patrē imperat anno mundi 4042. à Christo nato 80. Hic amor & deliciae humani generis dictus est: facūdus, bellicosus, moderatus fuit, clemens ac liberalis: quas virtutes per totum principatū magis cōmendauit & vitæ antea cōlicētia, & sub initia luxuriæ & auaritię suspicio, vt Neronis tyrannidē pleriq; augurarētur. Sed mutatus, adepto imperio, in melius, declarauit eiusedē esse ingenij & pessima & optima interdū ferre. Amicos elegit reip. necessarios: Berenicē statim ab vrbe dimisit, inuitus inuitam. nulli ciuium quicquam ademit: ac ne confestas quidē, ac solitas collationes recepit, nec tamen eum quisquam munificētia præuertit: recordatūsq; aliquando super cœnam, se nil in quenquā toto die contulisse, dixit: *Amici, diem perdidisti.* huius etiā & hæc vox est, *Neminem oportere à sermone principis tristem discedere.* Dedit nauale prēlium, atque vno die 5000. omne genus ferarū exhibuit. Ad perdomandam Iudæā à patre relictus 12. propugnatores totidem sagittarū confecit ictibus, cepitque Ierusalē natali filia suæ, tāto militū gaudio, vt eum Imperatorem cōsalutarint. hic matres etiam filios in edulium pararunt. Fratrem insidiantem, nec occidit, nec relegauit: sed vt à primo imperij die, consortem successorēque testari perseuerauit. Cæterum obiit febre eadē qua pater villa, ætatis an. 41. impe rij 2. Vide Suetonium.

**ARRICIDIA**, Tertullo patre Equite Romano nata, Titi vxor fuit.



**MARTIA** Fulvia splēdidi generis, Tito quoque, mortua Arricidia, nupsit: cum qua, suscepta filia, diuortium fecit. Sucto. in Tito.



FLA. DOMITIANVS, post fratrem Titum Romæ imperat anno mundi 4044. à Christo nato 82. Adolescentiam cum infamia, & paupertate tranſegit. Expeditionē in Galliam & Germanias non neceſſariam inchoauit, tantū vt fratri ſe & operibus & dignatione adæquaret. Patre deſuncto, iactare non dubitauit, relictum ſe principem imperij, ſed fraudē teſtamento adhibitam. Initio principatus ſui, ſecretum horariū quotidie ſumebat, nec quicquā amplius quā muſcas captabat, ac ſtylo præacuto conſigebat: vt non abſurdè reſponderit Vibius Criſpus, *ne muſcam quidem cum Cæſare eſſe*. Varium ſe præſtitit aliquandiu, mixtura quadā inæquabili virtutum ac vitiorū: donec virtutes quoq; in vitia deſlexit, ſuper ingenij naturam, inopia rapax, metu ſæuus. De Cartis, Daciſq; poſt varia prælia duplicē triumphum egit: de Sarmatis lauream Capitolino Ioui retulit. Superbus hic, tandem Dominum & Deum ſe appellari coëgit: nullam ſibi niſi auream & argenteam ſtatuam poni paſſus eſt. crudelis etiam conſobrinos, item nobiliſs. ex Senatu interfecit. Per hæc terribilis cunctis & inuiſus, multis vulneribus cōfoditur, ſuorū, vxoris quoq; coniuratione, anno ætatis 45. imperij 15. Funus eius per veſpillones cum ingenti dedecore exportatur, & ignobiliter ſepelitur: radendū eius nomen Senatus decernit, omniāque eius acta reſcindit. Sueto. in Domiti. Eutr. li. 7.

DOMITIA Longina Ælio Lamix nupta, à Domitiano abducitur, ante quā imperaret. hanc Paridis hiſtrionis amore deperditam, repudiauit: intrāque breue tempus impatiēs diſſidij, quaſi efflagitante populo, reduxit.





COCCEIVS Nerua, Romæ post cadē Domitiani, Imperator designatur, anno mundi 4059. à Christo nato 97. Et hætenus Romæ seu per Italiam orti imperium rexere: hinc aduenæ. vnde compertum, urbem Romā externorum virtute creuisse: quod aurea gibba Domitiano post ceruicem in somnis enata, portēdit. Hic quicquid antea pœnæ nomine, tributis accesserat, indulgit: afflictas ciuitates releuauit: puellas, puerosq; natos parentibus egenis, sumptu publico per Italix oppida ali iussit. Quæ in aula reperta sunt, ex bonis quæ Domitianus per vim abstulerat, restitui curauit. Serui & libertorū plurimi, dominis atque patronis insidias fecerāt, hos ad vnū occidi imperauit. Ad sustentādā ciuium vitam plus 100000. aureorum erogauit, & quosdā Senatorij ordinis delegit qui agros emerēt, eosque egenis diuiderēt. Pecuniæ inops factus, vestes primū & vasa aurea & argentea, siue sua propria siue publica forent auctioni subiecit: agros, item ingētes domos, & omnia demum præter admodum necessaria vēdidit. Nihil vnquam de suo arbitrio statuit, sed primarios viros in cōsiliū semper adhibuit. Cū ob senectam contemptui esset, Traianum Hispanum, publicæ vtilitati societatem sanguinis postponens, præteritis cognatis propriis, adoptauit. in coniuratores clemens fuit. obiit ferè septuagenarius, sudore correptus dū voce quā maxima, cōtra quēdam inclamaret suggerēte ira, tunc Solis deliquium factum est. imperauit anno vno, & mēsis 4. Dion Cass. Aurel. Viēt. Bap. Egna. lib. i. Eutro. li. 8.



M. V L P I V S Traianus Hispanus, optimus omnium princeps, externorum primus, Romæ imperat anno mundi 4060. à Christo nato 98. Hic Daciam prouinciam fecit, victo rege Decebalo: lapideum pontem in Istro fecit, Parthos superauit, superatis Regē dedit. Transfigritanas prouincias imperio adiecit: Armeniam atque Arabiam peruastauit: Amicitias, simplicitas ac erudita ingenia coluit, ipse à literis & Musis non abhorrens. De hoc Cæsare scribit Iuuenalis Satyra 7.

*Et spes, & ratio studiorum in Cæsare tantum:*

*Solus enim tristes hac tempestate Camænas*

*Respexit, &c.*

Hic Armeniam, Assyriam, Mesopotamiam, postea Arabiam prouincias fecit. in mari rubro classem instituit, ut per eam Indiæ fines vastaret. Gloriam tamen militarem ciuilitate & moderatione superauit: liberalis in omnes fuit: immunitates ciuitatibus tribuit. amicis culpantibus quod nimis circa omnes comis esset, respondit, *Talem se Imperatorem esse priuatis, quales esse sibi Imperatores priuatus optasset.* in summa, Deo proximus habitus est. E Perfide rediens profluuio vêtis obiit anno ætatis 62. imperij ferè 20. Eutr. lib. 8. Aure. Vict. fuit paululum cibo, vinoque deditus.

P L O T I N A Traiani vxor fuit, quæ tam modestè & sanctè in summa se potestate gessit, ut de ea nullus iure conqueri potuerit. huius factione Tatianus Traiani Procurator, Adrianum Imperatorem declarauit, cum sine liberis excessisset Traianus, & hæc Adriani amore flagraret, qui vicinus & potens erat. Dion Cassius.





**ÆLIVS** Adrianus, cognomento Afer, Adriani Imperatoris pater fuit, ac Traiani consobrinus: huius origo vetustior à Picentibus, posterior ab Hispanensibus manat: siquidem Adria ortos maiores suos apud Italiam Scipionum temporibus residisse, in libris vitæ suæ Adrianus ipse cōmemorat. est autem Adria, seu Hadria, oppidum agri Piceni, quod etiā mari Adriatico nomen dedisse nonnulli censent: attamen huic refragatur opinioni Plin. li. 3. cap. 16. ab Atria Tuscorum oppido, Atriatium mare dictum censens, quod post mutatione vnius tantum literæ Adriaticum dici capit. Cæterum quatenus attinet ad Ælium Adrianum, vide Ælium Spartianum, & Sex. Aurelium Victor. Sunt qui Hadrianum cum H, scribant: sunt qui sine H. Porro quod ad Adriam attinet, vide Strabonem li. 5. & 7. Geographiæ, & Plinium lib. 3. cap. 16.

**DOMITIA** Paulina supradicti Ælij Adriani vxor, Imperatorisque Adriani mater fuit. erat hæc Gadibus orta. Vide Ælium Spartianum.

Ccc 3





**ÆLIVS** Adrianus Romæ post Traianum imperat anno mundi 4080. à Christo nato 118. hunc, quanquam cōsobrinæ filium, viuēs noluerat adoptare Traianus, subindicarātq; se talem nolle successorem habere: attamen Plotinæ Traiani vxoris opera, Imperator est designatus: vti iā in Plotina dixi. hic velut Traiani gloriæ inuidens, statim prouincias tres reliquit, quas Traianus addiderat, Assyriam, Mesopotamiam, & Armeniam: reuocauit exercitus, ac finē Imperij voluit esse Eufratem. Idem de Dacia facere conatū, amici deteruerunt, ne multi ciues Ro. barbaris traderentur: nam Traianus victa Dacia, eò infinitas Ro. copias transtulerat, ad agros & vrbes colendas. miserabili tandē fato consumptus est, vt in semetipsum sæuire potuerit, si per domesticos licuisset. Imperauit annos 21. vixit 62. inuisum cum fecere viri illustres, non pauci sub eius exitum exilio aut morte multati. Eutro. li. 8. Egnat. li. 1. Literas coluit, doctorum nunc irrisor, nunc fautor.

**SABINA** Adriani vxor fuit, quam si priuatus vixisset, vt morosam, & adulterij suspectā dimisisset: nec sine rumore dati ab eo veneni, obiit hæc. Vide Æl. Spartianum.



**ANTINVS** iuuenis formissus, ex Cithynide quā Claudiopolim vocarunt, vrbe Bithyniæ, ortus, in Nilo periit: hunc Adrianus muliebriter fleuit, ac coluit: vr-  
bem ad Nilum de nomine eius condidit: statuas ei per orbem terrarū erexit: templum quoq; & sacerdotes ei apud Mantineam instituit. Hunc Græci volente Adriano cōsecrarunt, oracula per eum dari asserētes, quæ Adrianus ipse edidisse iactatur. Vide Ælium Spar. & Dionē Cassium in Adriano: & Euse. li. 3. ca. 8. & li. 7. ca. 2.





**AVRELIVS** Fulvius Antonini Pij Imperatoris pater, è Gallia Trāſalpina fuit oriundus : Conſulatū gēſſit, homo triftis & æger. huius pater Titus Aurel. Fulvius, Imperatoris auus, per honores diuerſos ad ſecundum Conſulatum, & Præfecturam vrbiſ peruenit. Iulius Capitolin. in Antonino Pio.

**ARRIA** Fadilla Aurelij Fuluij vxor, & Antonini Pij Imperatoris mater extitit. huius Arriæ pater fuit Arrius Antoninus bis Conſul, homo ſanctus, & qui Neruam miſeratus eſſet, quòd imperare cœpiſſet. Iulius Capitolinus in Antonino Pio.

Ccc 4





TI. AV. FVL. BO. Antoninus Pius imperat post Adrianum anno mundi 4101. à Christo nato 139. fuit genere claro, sed non admodū vetere: vir insignis, & qui meritò Numæ Pompilio comparatur: Romulo item, & Traiano æquatur. Barbarorum plurimæ nationes depositis armis, ad eū cōtrouersias suas licēsque; deferētes, sententiæ eius paruerunt. Nullum sub eo bellum fuit. Amor ac timor gentium in eo certarunt: bellū mouere timebant aduersus principem, quē vt numen aliquod venerarentur: nec ille gloriæ ita cupidus, vt per aliorum damna, cædēsque eam appeteret. Nam & à coniuratis vim omnem abstinuit, & in conscios quæri vetuit, ne plures inuēti, odium auferrent. Hic ante Imperiū ditissimus opes suas stipēdiis militum, & liberalitate in amicos minuit: nihilominus tamen ærarium opulentū reliquit. febre obiit vitæ anno 78. Imperij. 22. Eutr. li. 8. hunc Adrianus adoptarat in locū demorruī Ceionij, hac conditione vt eiusdem filium cum M. Antonino adoptaret, quod & fecit: deinde ambo vnà adoptati, vnà item imperarunt.

ANNIA FAVSTINA, Annij Veri filia, vxor fuit Antonini Pij, ex qua duos mares, duāsque; femellas suscepit: harum maior Lamix Syllano, minor, M. Antonino Philosopho, qui postea imperat, nupsit. De Faustina hac multa dicta sunt ob nimiam libertatē, quæ Antoninus Pius cum animi dolore compressit. Iul. Capitolin. in Anto. Pio. obiit Faustina anno Imperij viri tertio.





**ANNIVS** Verus , pater Marci Antonini Philosophi Imperatoris, in Prætura decessit : cuius etiam pater , Imperatoris auus, iterû Consul & Præfectus vrbi , adscitus est in Patricios à principibus Vespasiano & Tito , Censoribus. Huius familia in originem recurrens, à Numa probatur originē trahere : vt Marius Maximus docet: item à rege Salentino Malennio, Dasummi filio, qui Lupias condidit. Iul. Capitolin.

**DOMITIA** Caluilla, Caluifij Tullibis Consulis filia, Annij Veri vxor , & M. Antonini Philosophi Imperatoris mater fuit. hic Antoninus Philosophus , de quo statim amplius dicemus , patrimonium paternum totû sorori cōcessit: ac vbi cumperit se ab Imperatore adoptatû, magis est deterritus quàm lætatus: iussusq; in Adriani priuatâ domum migrare , inuitus de maternis hortis recessit. Cûm ab eo domestici quærerēt cur tristis in adoptionem regiam transfiret , disputauit quæ mala in se cōtinet imperiû. Anno ætatis 18. adoptatus, in secundo Consulatu Antonini Pij, iam patris sui, per adoptionē, Adriano ferente, gratia seu dispēsatione ætatis facta, Quæstor est designatus. Posthæc Faustina duxit vxorem , relictâ filia Cæionij quæ illi pacta fuerat, sed impar ætate. Tribunitia potestate donatus est, suscepta filia ex Faustina, atq; Imperio extra urbem Proconsulari: tantûmq; apud Pium valuit, vt nunquâ quenquam sine eo facile promouerit. Iulius Capitolin. in M. Antonino Philosopho: de quo etiam pagina sequente, plura suo loco dicemus.



M A R C. Antoninus Verus Philosophus, post Antoninum Pium imperat, anno mundi 4123, à Christo nato 161. Is fratrem & generū L. Anto. Verum ad Imperij partem nouo beneuolētiæ genere asciuit: tum primū duo hi æquo iure Imperiū administrarunt. M. Antoninū mirari facilius quis, quàm laudare possit: à principio vitæ tranquillissimus fuit, adeò vt in infantia quoque vultum nec ex gaudio, nec ex mœrore mutaret. hic vita, moribus, & eruditione Philosophus, tantæ admirationis fuit adhuc iuuenis, vt eum successorē parauerit Adrianus relinquere: adoptato tamē Antonino Pio, generum eidem Antonino idcirco hunc esse voluit, vt hoc ordine ad Imperiū perueniret. Contra Germanos eo principe res feliciter gestæ sunt. Bellum ipse vnum gessit Marcomannicū, sed quantum nulla memoria fuit, adeò vt Punicis conferatur: quòd eò grauius est factum, quòd pestilentia, post victoriam Persicam, Italiam peruaserat, & maxima hominū pars, militum verò omnes ferè copiarum langore defecerant. Marcomannos igitur, & cum his Quados, Vádalos, Sarmatas, Sueuos fudit: multa millia interfecit. ærario exhausto pretiosam suam suppellectilē hastæ subiecit: Pánonias Marcománorum seruitio liberauit: Romæ cum filio triumphauit periit morbo, anno ætatis 61. Imperij 19. Eutro. li. 8.

F A V S T I N A Antonini Pij & Faustinae filia, M. Anton. Philosophi vxor fuit, ex quo Commodum, qui postea imperat, suscepit, non sine magna adulterij suspitione, & Lucillā filiam. Iulius Capitolin.





L. CEONIVS Commodus, qui & Ælius Verus, ab Adriano æuo iam ingrauescēte, morbisq; tristioribus presso, adopratus est, anno mundi 4098. à Christo nato 136. hic tantum Cæsar est appellatus, & ab Adriano in Æliorum familiam ascitus, hoc est in Adriani transcriptus: Prætor factus est, & Pannoniis dux ac rector impositus, mox etiã Consul creatus. hic solus omnia quæ cuperet, vel per literas, impetrabat ab Adriano: cui (vt aiunt) acceptior forma quàm moribus fuit: attamē reip. non omnino inutilis fuit, etsi delicatē vixurit. nam lectum mollem ac voluptarium extruxit: minuto reticulo vndique inclusum, eminentibus quatuor anaclynteris, eumque foliis rosæ, quibus demptum esset album, replebat, iacēnsque cum cōcubinis, velamine de liliis facto se tegebat, vinctus odoribus persicis: præterea accubationes ac mēsas de rosas ac liliis, & quidē purgatis fecit, quæ etsi non decora, non tamen ad publicam perniciem sunt. libros amorū Ovidij in lecto semper habuit: Martialem, Vergilium suum dixit. Cursoribus suis exemplo Cupidinum, alas sæpe apposuit, ventorumq; nominibus vocitavit, indefessē faciens eos cursitare. Vxori cōquerenti de extraneis voluptatibus, dixit: *Patere me per alias, exercere cupiditates meas, vxorem enim dignitatis nomen est, non voluptatis.* hic tandē valetudinarius obiit, superstite etiam Adriano: sepultusque est imperatorio funere Iuli. Capi, in Ceionio.

DOMITIA Caluilla vxor L. Ceionij, peperit L. Annium Antonin. qui cum M. Antonin. Philosopho imperauit.



L. ANNIVS, Antoninus, Verus, aliàs etiam dictus L. Ælius commodus, Verus, qui cum fratre & focero M. Anton. Philosopho, eiusdē fratris benignitate, imperavit, neque inter bonos, neq; inter malos principes ponitur. hic contra Parthos à fratre missus, qui tum primùm post victoriā Traiani rebellaerant, Antiochiæ & circa Armeniā agens, multa per duces, & ingentia patrauit. Seleuciam Assyriæ urbem nobilissimam cum 500000. hominum cepit: Parthicum triumphum reuexit: cum fratre, eodémq; focero, triūphauit. Deinde cum fratre ad Marcomannicum bellū profectus, in itinere periit apoplexia, sedēs cum fratre in vehiculo. Ingenij fuit parū ciuilis, reuerentia tamen fratris nihil vnquā atrox ausus. erat enim solus frater Imperator à Senatu dictus. obiit anno Imperij fratris, & sui, 11. tunc M. Antoninus solus tenuit Imperium: ij autem fratres dicuntur, non quòd sint iisdē parētibus prognati, sed, quatenus licet mihi ex autoribus historicis colligere, quòd M. Antoninus sorori huius primùm nupserit: tum etiā quòd ambos adoptarat Imperator Antoninus Pius: vel potius quòd ex eadem matre nati sint. Iul. Capi.

LVCILLA, filia M. Antonini Philosophi, nupsit L. Annio Antonino supradicto: quāquam ex voluntate Imperatoris Adriani debebat hic L. Annius Anto. in vxorē accipere Faustina, Antonini Pij filiam: verùm cū minimè congrueret amborum ætas, nupsit potius Faustina M. Antonino Philosopho. Iul. Cap. in vita Veri principis, qui vnus & idem est cum hoc L. An. Ant. Vero, cuius nunc meminimus: qui filius fuit L. Ceionij Commodi, de quo paulò ante tractauimus.





L. ANTONINVS, siue Aurelius Commodus, successit patri M. Antonino Philosopho: & quis talis Imperatoris filium reiecisset? ipse verò etiam patri non satis probatus, statim Caligulæ & Neronis simillimus euasit. cœpit post patrem imperare anno mundi 4142. à Christo nato 180. in scena sæpe aurigæ habitu prodiit. ludis gladiatoris & Dalmaticatus præfedit, & in amphitheatro gladiator dimicauit. athletarum etiã more publicè se exercuit. quæ omnia actis inferenda publicis curauit. Cùm à patre decrepito moneretur, vt ne attritos iam barbaros sineret vires recipere, respondit: *Ab incolumi, quamuis paulatim, negotia perfici posse, à mortuo nihil.* In summa, nihil paternum cùm referat, iure à multis nothus dicitur: nec caruit hac nota mater: adèd vt aliquando viro suo dictum sit, vt eam repudiaret, si non occideret: & dixisse fertur, *Si dimittimus, reddamus & dotem.* dotem intelligebat Imperium. Sed, vt ad Anto. Commodum reuertar, is tandem, aut oribus Læto & concubina Martia, strangulatur, anno ætatis 32. Imperij 13. tanta omnium execratione, vt hostis humani generis etiam mortuus iudicaretur. Eutr. li. 8. Egna. Vic. Iuli. Capi. Oro. li. 7. cap. 16.

CRISPINA huius supradicti vxor fuit, cuius dolo Lucilla, Imperatoris soror, quam idem ille compresserat, periit. Aelius Lampri. in L. Antonino, siue Aurelio commodo.





P. ÆLIVS, siue Heluius, Pertinax, Commodo succcessit, coactúsque imperavit Læti opera, ac decreto Senatus, anno mundi 4155. à Christo nato 193. hic dum renuit Imperium suscipere, tale Pertinacis cognomen sortitus est: quãvis Capitolinus aliam huius nominis originẽ tradat. Libertino fuit genitus patre apud Ligures, genere quidẽ humili, virtute autẽ atque innocẽtia summa. Militia clarus Pertinax, in ea ad summas dignitates euectus est, vnde & *Pila ludus est dictus*. Summã de se expectationem omnibus cùm daret, Læti insidiis, qui imperium illi astruxerat, & militari factione, Iuliano, qui ei succcessit, non inscio, imò conscio, periit, anno ætatis 71. Imperavit vix menses tres: cuius caput ab vrbe delatũ est in castra. Nam cùm omnia in pristinũ statũ reducere conatur, à prætoris cohortibus odio habitus, interimitur: acclamatũ est adusq; defectum, *Pertinace imperante securi viximus, neminem timuimus: patri pio, patri Senatus, patri omniũ bonorum*. hic ex Senatusconsulto imperare iussus fuerat. Eutro. li. 8. Bap. Egna. li. 1. Sex. Aure. Viçt. huius vitam vide fufius apud Iulium Capitolinum & Herodianum li. 2.

FLAVIA Titiana Ælij Pertinacis vxor fuit. hanc Senatus nomine Augustæ donauit: filiũque eius nomine Cæsaris, quostitulos etiã recusabat pater, tanta præditus erat modestia. porrò Flavia palàm cytharædũ amauit: Pertinax vicissim, cùm vxoris pudicitia non vsque adeò curaret, Cornificiam perditẽ, & ad infamiam vsque deperisse dicitur. Iulius Capitolinus.





**DIDIVS** Iulianus, qui & Saluius dictus est, Mediolanensis, imperium quod per scelus, necis imperatoris conscius ipse, primus etiam licitatus esse dicitur, intra tertium mensem à nece Pertinacis, cum vita simul amisit. Nam Seuero, ab exercitu Imperatore appellato, à Iuliano omnes defecerunt, qui ab eodem Seuero victus, tandē in palatio etiam iussu Senatus interficitur. neque enim militi gratus erat, ob non integrū donatium datum: & populo etiā inuisus erat, ob perfidiam in principē optimum. fuit Didius factiosus, præceps, regni auidus, nobilis, iure peritissimus, neposq; Saluij Iuliani, qui sub Adriano perpetuū cōposuit edictum. educatus est apud Domitiā Lucillam, Marci Anton. Philosophi matrem. Imperium illi iussu Senatus abrogatum est, paulò ante necem. Eutro. li. 8. Egna. li. i. Aure. Viç. & Hero. li. 2. Vixit annos 56.

**MALLIA** Scantilla vxor, & Didia Clara filia Didij Iuliani fuit. ambæ edicto Senatus Augustæ appellatæ, & in Palatium à viro & patre vocatæ, trepidæ, & quasi inuitæ introierūt, velut iam iam imminens exitium præsagirēt. Filiam, potitus imperio pater, dato patrimonio emāciparat, quod ei cum Augustæ nomine obtruncato patre, statim sublatum est. Vide Ælium Spartianum in Didio Iuliano.



L. SEPTIMIUS Seuerus post Iulianum imperat anno mundi 4156. à Christo nato 194. Hic primus Afer ad imperij fastigium euectus, ab Illyrico exercitu Imperator dicitur, hinc à Senatu. Pertinacem se appellari voluit in honorem eius qui à Iuliano fuerat occisus. Parcus fuit, sæuus, bellicosus. Pescenniū Nigrum in Oriente, Clodiū Albinum apud Lugdunū deuicit: erant siquidem hi Imperatores ab exercitibus dicti. Orientem, Parthis, Arabibus, Adiabenis deuictis, Romano restituit imperio: Britannos tumultuantes cōpescuit, vallo à mari ad mare per 32000. passuum ducto: vbi etiam septuagenarius morbo articulari decessit, anno imperij 18. Philosophiæ ac dicēdi studiis deditus, latronū ubiq; hostis, vitam suam priuatam, publicam que composuit ad fidem: solū tamen vitium crudelitatis excusauit. De hoc Senatus ita iudicauit, *aut non nasci debuisse, aut non mori.* Eutro. lib. 8. Eгна. lib. 1. Aur. Vict.

MARTIA, L. Septimij Seueri vxor fuit tum cū Tribu-  
natum plebis, Marco Imperatore decernēte, promeruit: de qua  
tacuit in historia vitæ priuatæ: ei tamen postea, cū imperaret  
ipse, statuas collacauit: ex hac Bafsianū, qui postea imperat, su-  
scepit. Deinde Iuliæ nupsit, quā, domi minus cautus, adulteriis  
famosam tenuit, etiam coniurationis consciam: ex Iulia Getam  
quoque filium suscepit. Ælius Spart. in Seuero.





M. AVREL. Antoninus Bassianus, dictus Caracalla, Severo patri succedit, imperatque anno mundi 4174. à Christio nato 212. hic Lugduni genitus est, dictusque Bassianus ex aui materni nomine: Caracalla autem, quod cum è Gallia vestem plurimam deuexisset, talarisq; caracallas fecisset, coëgerit plebem ad se salutandū talibus indutā caracallis. Antoninus porro dictus est in honorē M. Antonini Imperatoris. Hic simulatque imperavit, fratrem ex patre, Getam nomine, falsō criminatum occidit ipse in gremio matris eius. Papinianum etiā Iuriscōsultissimum occidi à militibus iussit, complurésque alios. In summa, nullo in pretio apud populū fuit, etiamsi vestes dedisset, & thermas nominis sui, id est Antonianas, eximiē fabrefactas, extruxisset. fuit patre duro crudelior, in eūmq; contumax, cibi & vini avidus, præter milites prætorianos omnibus castris exosus, Alexandri Magni admirator, quem, collo in læuum humerū detorto, reddere, & eius nomine vocari cuperet. Alexandrinorum dicacitatē vltus est ingenti eorum cæde: Persas dolo magis quàm virtute fudit. Cū Carris iter faceret, apud Edesam secedēs ad onus ventris leuandū, à milite, qui quasi ad custodiam sequebatur, occisus est anno imperij 6. ætatis 43. Herodian. lib. 4. Egna. li. 1. Eutr. lib. 9. Aurel. Viç. Ælius Spart.

IVLIA, quæ erat Caracallæ nouerca, eiusdem etiam vxor fuit. nam cū esset pulcherrima, & quasi per negligētiā se maxima corporis parte nudasset, dixit Caracalla, *Vellem, si liceret: at respondit hæc, Si libet, licet: an nescis te Imperatorem esse, & leges dare, non accipere?* tunc nuptias celebrat, eique copulatur, in cuius gremio, eiusdēque filium nuper confoderat. Æl. Spartian.

D d d



**OPILIVS** Macrinus obscuris parentibus ortus, Maurusij generis, proditor, & necis Caracallæ conscius, imperat anno mundi 4180. à Christo nato 218. vnà cum Diadumeno filio formosissimo. hic Artabano Parthorū Regi grauitè necē suorum ciuium vindicāti, quos occiderat Caracalla, primò restitit: postea missis legatis petiit pacē, eam libenti animo, interfecto Caracalla Parthus cōcessit. Inde cum se Antiochiam recepisset, ac luxuriæ operā daret, iustam causam necis suæ præbuit exercitui, ac Bassiani, vt putabatur, filium sequēdi, id est Heliogabalum. fugiēs itaque cum filio in vico quodā Bithiniæ occiditur: caput eius ablatū ad Heliogabalum perfertur. Iul. Capito. *Æl. Lam.* vixit annos 50. imperauit menses 14. cuius caput amputatum ad Heliogabalum est perlatum.

**M. AVRE.** Anto. Bassianus Varius, Heliogabalus, victo Opi. Macrino imperat anno mundi 4181. à Christo nato 219. fuit hic impurus, superbus, crudelis: honores & dignitates cōtulit in aurigas, mimos, histriones. cū omnia sordidè ageret, inireturque à viris, statim milites facti pœnituit: quare in Alexandrum, Heliogabali cōsobrinum inclinauere animos: tandēmq; Heliogabalum, cum matre & satellitibus, interficiunt, operam etiam dante Alexādri matre, quæ militibus clam pecunias dabat. tractum est cadauer per Circi spatia priusquam in Tiberim præcipitaretur. *Æl. Lamp.* in Helioga. Herodianus li. 5. vixit annos 18. imperauit 4.





A V R E L. Alexander Seuerus, ab Heliogabalo adoptatus, post eum imperauit anno mundi 4185. à natiui. Christi 223. à prima pueritia bonis artibus imbutus, pius, māsuetus & liberalis extitit: Christianis fauit: vetuit ne mulieres vulgato corpore matrem illius Mammeā salutarent. in pretio habuit Vlpianum, & tāquam tutorem. bonorum principū vitam versibus descripsit. Fures valde persecutus est, quos inimicos reipu. dictitabat. cum solus accumberet, librū ad mensam habebat: quādo conuiuias habebat, aderat Vlpianus atq; aliquot alij, quorum doctis sermonibus ac disceptionibus recreabatur inter epulas. aduersus Parthos, quos vicit, exercitū duxit, habēs milites tantæ grauitatis & modestiæ, vt quacūque iter facerēt, Senatores esse dicerentur, non milites. Ad Alexandri magni mores sese cōponebat, cū eiusdem nominis esset, imò & exuperare saragebat, inquiens *multum interesse debere inter Romanum Alexandrum, & Macedonē.* clamabat sæpe, atq; per præconē proclamari iubebat, cū aliquē emendaret, *Quod tibi fieri non vis, alteri ne feceris.* Tandem factione militari vnā cum matre in tentorio necatur. vixit annos 29. imperauit 13. Æl. Lampri. & Herodi. li. 6.

M A M M E A, mater Alexandri Seueri, à quibusdam dicitur Christiana fuisse, & ab Origene edocta. hæc filiū eò coegerat, vt quæ mensæ superessent edulia, quāuis permodica, altera vice apponerentur. Aurel. Viçt. Ab. Vrsper. Euse. li. 6. cap. 16.



**I V L I V S** Maximinus Thrax, è militaribus imperavit cum filio eiusdem nominis, coactus à militibus, post Aurel. Alexandrum anno mundi 4198. à Christo nato 236. altus fuit pedes 8. & digitum: tam validus ut Hercules, Achilles, Ajax, Milo, Antæus vocitaretur: tam ferox ut Cyclops, Busiris, Sciron, Phalaris, Typhon, Gyges diceretur. hūc vsq; adeò reformidavit Senatus, ut vota in templis publicè fierēt ne vnquam urbem ingrederetur. erat ei persuasum nisi crudelitate imperiū non teneri. simul verebatur ne propter humilitatē generis sperneretur (fuerat siquidem in prima pueritia pastor) quare ignobilitatis tegēdæ causa, omnes cōscios generis interemit. Aduersus hunc Senatus Pupienum & Balbinū Imperatores declaravit. Hic verò in Italiam statim cum exercitu descendit: Aquileiāq; frustra obfessa, à suis militibus penuria oppressis, cum filio discerpitur, conclamātibus cunctis militari ioco, *Ex pessimo genere ne catulum quidē habendum.* horū capita Romam perlata sunt. imperavit annos 3. vixit pater 50. filius 20. Herodi. li. 7. & 8. Iul. Cap. Aur. Vict.

**G O R D I A N V S** senior ab exercitu Africano, ipse Proconsul Africæ, Imperator factus vnà cum filio eiusdē nominis, à Senatu approbatus est: idque in odium Iulij Maximini anno mundi 4200. à Christo nato 238. At Capelianus, Mauritanix procurator, in gratiā Maximini bellum Gordiano mouet, vincit occumbit Gordiani filius: pater laqueo se suspēdit. imperarunt annum & sex menses, quo tempore etiam imperabat Iul. Maximinus. Vide Iulium Capir.





MAX. PVPIENVS, & Clodius Balbinus, siue Albinus, à Senatu Imperatores creati sunt, & Gordianus iunior Cæsar electus est: idq; aduersus Iulij Maximini innatâ crudelitatem. anno mundi 4201. à Christo nato 239. Albinus in vrbe manet ad componendam rempublicam, Pupienus foris Iulium Maximum vincit. tandem ambo Romæ à militibus occiduntur, cùm parum cõcordi inter se animo rempublicam administrarent: erât præterea odio militibus, quòd à Senatu Imperatores facti essent. Imperarunt annum vnum ab obitu Maximini. Iulius Capit. Bap. Egn.li.i.

GORDIANVS 13. annos natus Romæ cum supradictis Imperatoribus, Maximo Pupieno, & Clodio Albino, siue Albino, imperauit. hic Senatui, populo & militibus charus, tum ob claritatem generis, tum ob peculiare animi dotes, cùm bellum aduersus insolescentes Persas per Misitheum confecisset, Philippi præfecti dolo interficitur. nec tamen fuit inulta optimi principis cædes: quicunque in eum coniurauerant, crudelibus afflictis suppliciis interierunt. huius successibus cùm posset Persicum nomen deleri, Philippi insidiæ obstiterunt. fuit hic maioris Gordiani ex filia nepos. imperauit annos sex, quinque solus, vnum cum Pupieno & Albino. dixit aliquando, *miserum esse Imperatorem, nempe apud quem vera ferè reticeantur*. Consulito Iul. Capitol.



M. I V L. Philippus , occiso Gordiano iuniore, ab exercitu Imperator declaratus, ad Senatum scripsit de morte Gordiani (nêpe graui eum morbo periisse) & de suaipfius electione, postulans vt confirmaretur. Senatus , rem non planè intelligens, eum Imperatorem confirmat, anno mundi 4207. à Christo nato 245. fuit hic Arabs, humillimo ortus loco, patre nobiliss. latronum ductore. Misit heũ primũ veneno sustulerat, Gordiani focerũ, virum modestũ ac frugi, cuius consilio Imperium augebatur: deinde Gordianum occidit. Huius tempore Scythæ descuerunt, cõtra quos Marinum misit, qui à militib. Imperator factus, ab eisdẽ occiditur: atq; iterum ab iis Decius Imperator creatur. Aduersus quẽ Philippus furẽs tendit, atq; à militibus occiditur Veronæ, medio capite supra ordines dentiũ præciso: filius annorum 12. Romæ necatur, qui à quinquẽnio nunquam risisse dicitur. Imperarunt annis 5. sunt qui hunc primum Imperatorem Christianum fuisse tradant, at perfidi mores obstant. Bap. Egn. Capi. in Gordiano iuniore.

DE C I V S missus à Philippo ad cõprimendos motus Mæsiacos, vt primũ prouinciam attigit, Imperator omnium consensu dicitur anno mundi 4212. à Christo nato 250. Hic ciuiles in Gallia motus sedauit , prius quàm ad vrberem rediret. Aduersus Scythas ad liberãdas Thracias cum filio profectus, vnà cum filio perit, & loco, & fato aduersantibus, equo sedẽs ne in manus hostium veniret, in paludẽ infiliit: nec cadauer vsquam inuentum est. imperauit annis duobus. vixit quinquaginta. inter optimos annumeraretur, si à cruciatibus Christianorũ temperasset. Pompo. Letus, Euse. li. 6. ca. 29.





VIBIVS, seu Virius Gallus Hostilianus post Decium Imperator à militibus creatus est, anno mundi 4214. à Christo nato 252. hic cum Scythis foedus pepigit, non sine Romani nominis ignominia, tributum eis annuum pendens. tunc primum respublica Romana iugū Scythicæ seruitutis accepit. hinc Barbari insolentiores facti, nec tributo contenti, ingenti exercitu comparato, terra marique sæpius irrumpūt: & Dardaniā, Thraciam, Thessaliam, Macedoniā, & Helladam infestant. Scytharum exemplo alij hostes insurgunt: iam viscera Syriæ penetrāt Parthi, & Armenias fugato rege Tyridate occupāt. Interim pernitiosa pestis orbem peruasit, quæ ex Æthiopia orta, per annos 15. terras propè omnes exhaustit. prouenisse ex infelicibus Galli auspiciis visa est, vt qui proditione Imperium arripuisset, Christiani etiā dogmatis hostis erat. Ita Imperium Galli infaustum, rerum gestarum monimentis obscurum, clade generis humani memoriæ traditum est. Hic cū aduersus Æmilianum in Mœsia Imperatorē factum proficiscitur, prælio victus, à suis militibus vnà cum filio Volusiano occiditur, annos natus 47. imperauit annos 2. Pom. Læ. Bap. Egna. Eutro. li. 9. Orofi. li. 7. ca. 21.

VOLVSIANVS, Galli filius, à patre Imperij consors factus, mortis item consors & socius fuit.

D d d   4





**ÆMILIANVS** Libycus, dux limiti Sarmatico in Mœsia à Decio præpositus est, nec à Gallo submotus. is itaq; cum Scythæ, solertissimū latrocinandi genus, contenti tributo non essent, id pro cōcione suis militibus pollicitus est, si hostes vicissent. Præmio accensi vicerunt. reuersus in Mœsiam Æmilianus præmia persoluit. Hoc successu adeò gratus victori exercitui fuit, vt ab eo sit Imperator appellatus. ad hos motus opprimendos Gallus cum filio profectus non profecit. Æmilianus ad Senatum scribit se Imperatorem lectum, promittit se Mesopotamiam, & Armenias recuperaturum, depulsurū vndique hostes. At verò priusquàm opus aggrediretur, qui in Alpibus erāt milites Valerianum Imperatorem faciunt. tunc qui sub Æmiliano erant, ne ciuili bello, & cognato sanguine se inficerent, eum ob humilitatem generis trucidant: Valeriano, ob generis nobilitatem, & laudatiss. mores, sese dedunt. vixit Æmilianus annos 40. imperauit menses 3. Pom. Læ. Eutro. lib. 9. Bap. Egn. Aur. Viç.

**VALERIANVS**, maioris spei quàm fortunæ, imperauit anno mundi 4216. à Christo nato 254. hic duplici nomine calamitosissimus extitit: tum quòd à Sapore Persarū Rege victus acie (siue dolo suorum, siue eius imprudētia id acciderit) in captiuitate consenuit: tum quòd Gallienum filium reliquit, qui Caligulæ ac Viteliis simillimus, Imperium contaminauit. Vixit Valerianus annos 70. imperauit 4. ante captiuitatem suam vnà cum filio. Quandiu captiuus vixit, Rex Sapor incuruato eo, pedem ceruici eius imponens, equum ascēdere solitus est. Aurel. Viç.





**GALLIENVS** Romæ à Senatu Augustus creatus est, quando & pater Valerianus ab exercitu in Rhetia. Ab initio Imperium non infeliciter administravit : at postea in luxum & fœcordiam lapsus, mirum in modum afflixit : externis hostibus adeò insultantibus vt fœminæ Imperium in eius contemptum occuparint, & tyrāni 30. ex ipso & in ipsum quoq; insurrexerint Imperiū. Græcia, Macedonia, Pontus, Asia vastata est à Gothis: Pannonia à Sarmatis, Quadisq; depopulata est. Germani vsque ad Hispanias penetrarunt, & ciuitatem nobilem Tarraconem expugnauerunt, opulentissimam, vt inquit Pomponius Mela. Parthi Mesopotamia occupata, Syriā sibi cœperunt vendicare. Dacia, quæ à Traiano vltra Danubiū fuerat adiecta, tum amissa est: quòd si Posthumus in Occidente, Odenatus in Oriente Imperium non sustētassent, actum de Rom. Imperio esset. Gallienus nouissimè aduersus Aureolū profectus, à militibus suis, commento Aureoli, ad Mediolanum obsessi, vnà cum fratre Valeriano occiditur. Annos vixit 50. imperauit 15. tam cum patre quàm solus. Eutro. lib. 9. Aurel. Vict. Bap. Egna. li. i. Pom. Le Trebel. Pol.

**SALONINA** natione, & Pipa nomine, siue Pipara, Marcomannorum Regis filia fuit, quam per pactionē concessa parte superioris Pannoniæ, matrimonij specie accepit Gallienus: ex hac Salonianum alterum filium suscepit, quē in locum defuncti Cornelij filij sui, qui fuerat Cæsar creatus, subrogauit. Consulito Trebellium Pollionem, & Sextum Aurelium Victo.



**E** QVINTVR trīginta tyrannorum imagines, subiectis illorum vitis per compendium, ex Trebellio Polllione illis ferè contemporaneo. hi siquidē tyranni Imperium inuaserunt partim vi, partim dolo, temporibus Valeriani & Gallieni Imperatorum: quare & tyranni dicuntur, non quòd tyrannicè, hoc est iniquè, se gesserint, (nam nonnulli etiā inter eos optimi innocentem vitam duxerunt) sed quòd Imperium usurparint, nonnulli etiā coacti, seque Cæsares & Augustos appellari passi sint. Porro, dubium est magisne Ro. Imperium labefactarint, an asseruerint: ne, diffuēte luxu & lasciuia Gallieno, ac patre eius Valeriano, bello Persico occupato, quinetiā à Persis victo & capto, omnino illa ipse misera Ro. resp. pessum ireret: dum undiquaque ab ingruentibus hostibus premere-tur. Ceterum Titus & Censorinus, qui in hac tyrānorum serie ultimi duo habentur, extiterunt, alter Iulio Maximino, alter verò Fl. Claudio imperāte, qui Gallieno successit. Fuerunt alij vulgati 30. Athenis Tyranni, Lysandri temporibus, qui paulò post arreptam Tyrannidem à Thrasybulo victi sunt, & popularis status tunc restitutus est: sicuti diximus in priori huius operis parte, pagina 122. Porro eadem phrasi, imò iisdem pene verbis usus sum, quibus autor meus Trebellius Pollio: qui si haud ita purè latinè loquatur, ipse viderit: institutum meum fuit eius orationē ac mētem persequi: quemadmodum & aliorum quorum ego in hoc opere cito autoritates.





CYRIADES primus è 30. Tyrannorum numero fuit: eorum inquã qui temporibus Valeriani & Gallieni Imperatorum imperarunt. hic dum luxuria sua & moribus perditis sanctum senem eiusdem nominis patrem grauaret, direpta magna parte auri & argenti, Persas adiit: atq; Sapori regi coniunctus, hortator belli Romanis inferendi fuit. Antiochia capta & Cæsarea, Cæsarianũ nomen accepit: atque inde vocatus Augustus, cùm omnem Oriẽtem vel virium audacia, vel terrore quateret, patrem etiã interemit: ipse quoque per insidias suorũ, cùm Valerianus iam ad bellum Persicum iret, interemptus est. Cõsulito Trebellium Pollionem, in horum 30. Tyrannorum vitis, vt semel te candide lector, commonefaciam.

POSTHVMS vir fuit bello fortissimus, atque in pace constantissimus, in omni quoq; vita grauis, vsque adeo vt Saloninum filium suum eidẽ Gallienus in Gallia positum crederet, quasi custodi vitæ, morum, & actuum Imperialium institutori. Sed vt pleriq; asserunt (quod eius non conuenit moribus) postea fidẽ fregit, & occiso Salonino sumpsit Imperium. Vt autem verius plerique tradiderunt, cùm Galli vehemẽtissimẽ Gallienum odissent, puerũ autẽ apud se imperare ferre non possent, eum qui commissam regebat Prouinciam, Imperatorẽ appellarunt, misissque militibus adolescentẽ interfecerunt. Sic omnibus Gallis acceptissimus, Gallias per annos septem instaurauit, submotis omnibus Germanicis gẽtibus. Sed cùm se grauissimẽ gereret, Lolliani opera interemptus est.



POSTHVMS iunior, supradicti Posthumi filius, à patre appellatus est Cæsar, ac deinceps in eius honorẽ Augustus. Hic cum patre dicitur interẽptus, tum cum Lollianus in locum Posthumi subrogatus, delatũ sibi à Gallis sumpsisset Imperium. fuit ita in declamando disertus, vt eius controuersia & declamationes inter Quintiliani declamationes dicantur insertæ.

LOLLIANVS fuit quidem vir fortissimus, sed rebellio-  
nis gratia minorem apud Gallos autoritatẽ de suis viribus re-  
nuit. attamen nonnihil reip. profuit: nam plerasq; Gallia ciuita-  
tes, nonnulla etiam castra Posthumus per septem annos in solo  
barbarico ædificauerat, quæ ipso interfecto Posthumus, subita  
irruptione Germanorũ, & direpta fuerat, & incensa: hæc Lol-  
lianus instaurauit, deinde à suis militibus, quòd in labore ni-  
mius esset, occisus est: idque factione Victorini, Victorina, seu  
Victoria, filij quæ postea Mater castrorum appellata est, & Au-  
gusta nomine affecta, cùm ipsa per se fugiens tanti ponderis  
molem, primũ in Marium, deinde in Tetricum atque eius  
filium contulisset imperia. Ita Gallieno perdente rempub. in  
Gallia primũ Posthumus, deinde Lollianus, Victorinus deinceps,  
postremò Tetricus affectatores Romani nominis extite-  
runt. Lolliani autem vita in multis obscura est, vt & ipsius  
Posthumi: sed priuata virtute clari, non nobilitatis autoritate  
vixerunt. Vide Trebe. Pol.





VICTORINVS militaris industriæ vir à Posthumò seniore in partem vocatus est imperij, & cum eodem cõtra Galienum conflixit: cùmq; adhibitis non paucis Germanorum auxiliis, diu bella traxissent, victi sunt. Tunc, interfecto etiã Lolliano, Victorinus in Imperio remansit: qui & ipse, quod matrimonii militum & militarium corrumpendis operam daret, à quodam actuario, cuius vxorem stuprauerat, factione Agrippinæ, percussus est, Victorino filio Cæsare appellato, ab ipsa, auia Victorina, seu Victoria, quæ Mater castrorum dicta est: hic autem Victorinus filius, adhuc puerulus, statim est interemptus, cùm apud Agrippinam pater eius esset occisus. De hoc Victorino Iulius Aterianus sic scriptũ reliquit, *Victorino qui Gallias post iuniorem Posthumum rexit, neminẽ existimo præferendum: Non in virtute Traianũ, non Antoninum in clemẽtia, non in grauitate Neruam, non in gubernando arario Vespasianum, non in censura totius vitæ, ac seueritate militari Pertinacẽ, vel Seuerum. Sed omnia hac, libido in mulieres insana sic oblitterauit, vt nemo audeat virtutes eius literis mādare, quem constat omnium iudicio condignas voluptatis pœnas luisse.*

VICTORINVS iunior, Victoriæ nepos, Victorini supradicti filius fuit: hic & à patre & ab auia, sub eadem hora qua ipse pater Victorinus interemptus est, Cæsar est nuncupatus, ac statim à militibus occisus. diceres iram diuinã de paternis flagitiis etiam in hoc puero supplicium ac vindictam sumpsisse.



M A R I V S , interemptis Victorino , Lolliano & Posthummo, triduo tantum imperavit: vir quidem strenuus, ac militaribus vsq; ad Imperiũ gradibus euectus. Antea opifex fuerat ferrarius, cuius manus vel ad feriendum, vel ad impellendũ robustissimæ fuerunt: nam fortissimos quosq; vno digito sic afflixit, vt quasi ligni vel ferri ictu percussi dolerent. Huius concio prima fuit, *Scio, cõmiliones, posse mihi obiici artem pristinam, cuius omnes testes estis: sed dicat quisque quod vult, vtinam semper ferrum exerceam: Non vino, non floribus, nõ mulierculis, nõ popinis, vt facit Gallienus, indignus patre suo, & sui generis nobilitate, depereã. Ars mihi obiiciatur ferraria, dum me exteræ gentes ferrum attrectasse suis cladibus recognoscant.* Occisus est à quodã milite , quem dedignari ac spernere videbatur, cùm tamen eius quondam miles ille operarius in fabrilis officina fuisset, dixissetq; fertur inter occidẽdum, *Hic est gladius quem ipse cudiști.*

I N G E N V V S , qui Pannonias regebat, à Mœsiacis legionibus Imperator dictus est: neq; in quoquam melius cõsultum reip. à militibus videbatur, quàm quod instãtib; Sarmatis creatus est Imperator, qui fessis rebus mederi sua virtute posset. Sed Gallienus (vt erat nequam & perditus, ita etiam, vbi necessitas coëgisset, velox, fortis, vehemens & crudelis) Ingenuum bello vicit: eõq; occiso in omnes Mœsiacos tam milites quàm ciues, ita sæuiit, vt in plerisq; ciuitatibus viros à medio tolleret. fertur Ingenuus expugnata à Galliëno ciuitate, ne in tyranni veniret potestatem, domum intrasse, in qua se pugione transfodit.





REGILLIANVS Illyrico Præfectus, militari ioco ad imperiū vocatus est, autoribus Mœsiacis legionibus. Nam cum milites cum eo quidam cœnarēt, agitata est questio, vnde Regilliani nomē? cui responsum est, credimus quòd à regno. Tum aliquis cœpit quasi grāmaticaliter inflectere, rex, regis, regi, Regillianus. Milites itaque (vt est hominum genus proum ad ea quæ cogitant) hoc omine sumpto, postridie ipsum vt Imperatorem salutarunt. Fuit vir in re militari semper probatus, & Gallieno iam ante suspectus, quòd dignus videretur imperio: nec à Gallieno promorus erat, sed à patre eius Valeriano, quēadmodum & Claudius, Macrianus, Ingenius, Posthumus & Aureolus, qui omnes in imperio interempti sunt, cū mererētur imperium. Mirum sanè fuit in Valeriano, quòd omnes quoscunq; duces fecit, postea militū testimonio ad Imperiū peruenerunt. sed fortuna cum Valeriano & bonos principes tulit, & Gallienum diutius quàm oportebat, reip. reseruauit. Cæterum Regillianus cū multa fortiter contra Sarmatas gessisse, autoribus Roxolanis, consentientibúsque militibus, & timore prouincialium, ne iterum Gallienus grauiora faceret, interemptus est.

AVREOLVS quoque Illyricianos exercitus regens, in contemptum Gallieni, vt omnes eo tēpore, coactus à militibus, sumpsit Imperium: cūmq; Gallienus frustra tētasset eum expugnare, pacem cum eo, cōtra Posthumū pugnaturus, fecit. Hunc Claudius, interfecto iam Gallieno, conflictu habito, apud eum pontē interemit qui inde pons Aureoli dictus est. Trebel. Pol.



MACRIANVS, Gallieno & Aureolo vſurpâte imperium, factus eſt Imperator, cum duobus filiis ſuis, Macriano & Quintero: idque conſilio & opera ducis Baliftæ, ac omniũ militum aſſenſu. Hic cum ſtatim cõtra Gallienũ veniret, ac 45000. militũ ſecum duceret, in Illyrico, vel Thraciarum finibus, congreſſus cum Aureolo, victus & cum Macriano filio interẽptus eſt: triginta deniq; milia militũ in Aureoli poteſtatẽ conceſſere. Domitianus autẽ eum vicit, dux Aureoli fortiſſimus, & vehementiſſimus, qui ſe originẽ diceret à Domitiano Imperatore trahere, atq; à Domicilla. De hoc ſic ſcripſit Valerianus ad ſenatum è Perſidis finibus: *Ego P.C. bellum Perſicũ gerens Macriano totam rempub. credidi, quòd à parte militari ille vobis fidelis, ille mihi deuotus, illũ & amat & timet miles: nec noua vel inopinata nobis ſunt: pueri eius virtus in Italia, adoleſcẽtis in Gallia, iuuenis in Thracia, ſenſcentis denique in Illyrico & Dalmatia comprobata eſt, cum in diuerſis præliis ad exemplũ fortiter faceret: huc accedit quòd habet iuuenes filios Romano dignos collegio, noſtra dignos amicitia.*

MACRIANVS iunior vnà cum patre factus eſt Imperator, vnà itẽ cum patre cuius merito imperare cõperat, à Domitiano victus, triginta, vt ſuperius dictum eſt, milibus militum ſpoliatus eſt. De hoc multa dicuntur quæ ad fortitudinẽ pertinent iuuenilis ætatis. fuit matre nobili, patre tantũ forti & militia claro. Trebel. Pol.





**QVIETVS** cum patre & fratre, Balistæ iudicio, Imperator est factus. Sed vbi cōperit Odenatus, qui olim iam Orientem tenebat, ab Aureolo Macrianum patrē, Quietū & eius fratrem Macrianum victos, militēsque Macriani, in Aureoli potestatem concessisse, quasi Gallieni partes vindicaret, adolescentem Quietū cum Balista, præfecto dudum, interemit. Idē quoque adolescens, Ro. dignus Imperio fuit, vt vera Macriani proles. Porrò Macrianorum familia speciale semper habuit, vt viri in auro & argento, mulieres in reticulis & dextrocheriis, & in anulis, & in omni ornamentorū genere Alexandri magni effigiem gestarent. Trebel. Pollio.

**ODENATVS**, princeps Palmyrenorum, capto Valeriano, fessis reipub. viribus, nisi sumpsisset Imperium, in Oriēte res perditæ essent. Nam hic collecto exercitu cōtra Persas profectus est, cum vxore Zenobia & filio maiore, cui nomen erat Herodes. Nisibin primū & Oriētis pleraque cum omni Mesopotamia in potestātē recepit: deinde ipsum Regē, victum fugere coëgit, Saporem & eius liberos bello laceffuit, captis concubinis, capta etiam magna præda. Macriano interēpto, filium eius Quietū, interfecit. Cōposito itaq; magna ex parte Orientis statu, à consobрино suo Mazonio, qui & ipse Imperium sumpserat, interēptus est, cum filio suo Herode, qui & ipse post reditū è Perfide cum patre Imperator est appellatus, fuit Odenatus bellicosus: præterea capiēdis leonibus, pardis & vrsis à prima ætate assuefactus, iniuriarū cœli pertolerantiss. cuius etiam vxor non minus viro fortis extitisse perhibetur: huius vxoris postea meminerimus pagina 75.

Ecc



HERODES, non Zenobia matre, sed priore Odenati vxore genitus, cum patre accepit Imperiũ, homo omnium delicatissimus, ac prorsus Orientalis, & græcæ luxuriæ, cui erant sigillata tentoria, & aurati papiliones, & omnia Persica. Denique ingenio eius vsus Odenatus, regias Saporis cõcubinas, & quascunq; gemmas ac diuitias cepit, huic filio suo Herodi tradidit paterna motus indulgentia. Oderat illum Zenobia nouercali animo, quare cõmendabiliorem eum patri fecerat. Consulito Trebellium Pollionem.

MÆONIVS Odenati consobrinus inuidia extimulatus Imperatorem optimum, eundẽmque consobrinum suum interemit, cùm ei nihil aliud obiiceretur, præter filij Herodis delicias. Dicitur autem primũ cum Zenobia conspirasse, quæ ferre non poterat vt priuignus suus Herodes princeps diceretur, atque autoritate præiret eius filios, Herennianum & Timolaum. Hic spurcissimus fuit, quare Imperator appellatus per errorẽ, breui à militibus pro suæ luxuriæ meritis interemptus est. Videto vt supra.







**BALISTA** vtrum imperarit ambigitur: sunt qui dicant Quieto per Odenatum occiso, Balistæ veniam datam: attamen eum imperasse, quòd nec Gallieno, nec Aureolo, nec Odenato se crederet. Alij asserunt priuatum in agro suo interemptum. Multi & sumpsisse illū purpuram, & more Romano imperasse, ac exercitum duxisse. Fuit vir quidem insignis, valuit consilio: expeditionibus & prouisione annonaria singularis. Gratias egit Balistæ Valerianus per epistolā, in qua docet sibi præcepta gubernandæ reipub. ab hoc data, gaudens quòd eius consilio nullum adscriptitium, id est vacātem haberet, & Tribunū nullum stipatorem qui non verè pugnaret. Hic nihilominus in tētorio suo cubans, à quodā gregario milite Odenati, in Gallieni gratiam dicitur interemptus. Vide Treb. Pol.

**VALENS**, militaris vir, simul etiam ciuiliū virtutū gloria pollens, Proconsulatū Achaïæ, dato à Gallieno tunc honore administrabat: quem Macrianus vehementer reformidans, misso Pisone interfici præcepit. At valens sibi diligentissimè cauens, nec aliter sibi posse subueniri existimās, sumpsit Imperiū, & breuī à militibus interemptus est. Fuit & alter Valens, huius auunculus, sed par in ambobus fuit fortuna: nā & ille cū paucis diebus Illyrico imperasset, occisus est. Vide vt supra.

Ecc 2



PISO ad interficiendum Valentem missus, vbi eum prouidum futurorū imperare cognouit, in Thessaliam concessit, atq; illic paucis sibi cōsentiētibus sumpsit Imperiū, Thessalicusque appellatus, interemptus est, vir frugi, & summæ sanctitatis, dictus ducere originē ab illa Pisonū familia, cui se Cicero nobilitandi causa sociauerat. Ipse quoq; Valens, qui ad eum percussores misisse perhibetur, dixisse fertur, *Non sibi apud Deos inferos constare rationem, quòd quamuis hostem suum, Pisonem tamen iussisset occidi, virum cui similem Romana respublica non haberet.*

ÆMILIANVS coactus sumpsit Imperium, cū alioquin videret ob seditionē obortam vndecunque sibi pereundum. Consenserunt ei Ægyptiacus exercitus, maximè in Gallieni odium. Nec ei ad regendam rempublicam animus defuit. Nam Thebaidem, totāque Ægyptum peragrauit: & quatenus potuit, barbarorum gentes armis ac autoritate submouit. Denique Alexander, vel Alexandrinus, virtutum merito vocatus est. At cū contra Indos pararet expeditionem, misso Theodoto duce, Gallieno iubente, dedit pœnas: siquidem strangulatus in carcere, captiuorū veterum more, perhibetur. Vide Trebel. Pol.







SATVRNINVS, optimus ducum, à Valeriano dilectus fuit. hic cùm dissolutionē Gallieni pernoctantis in publico, ferre non posset, & milites non Imperatoris exemplo, sed suo regeret, ab exercitibus Imperator designatur: vir sanè prudens, grauis, omnibus gratus, atque adeò victoriarū barbararum insignis. qua die à militibus peplo Imperatorio est amictus, concione adhibita, dixisse fertur: *Commilitones bonum ducem perdidistis, & malum Imperatorem creastis.* Cùm multa strennuè in Imperio gessisset, eādem quòd esset seuerior, & grauior militibus, ab iis ipsis à quibus creatus Imperator fuerat, interemptus est. Vide Trebel. Pollio.

TETRICVS, senior, pop. Rom. Senator, cùm præses in Gallia esset, ad capeffendum Imperiū instigatus est à Victoria, siue Victorina. Augustum itaque eum appellari fecit, filiūque eius Cæsarē nuncupauit, mortuo Victorino eiusque filio. Tandem cùm multa feliciter gessisset, diūq; imperasset, ab Aureliano victus, militum suorum impudentiam & procacitatem vix ferēs, grauissimo principi, simul ac seuerissimo volens se dedit, Aureliano inquam: cui & statim scripsisse fertur,

*Eripe me his inuicte malis.*

Sed tamen seuerus ille Aurelianus hunc virum Senatorē, Consularem, Galliarum præsidē, in triumphum duxit, quo tempore & Zenobiam. pudore deinde victus, eum quem triumphauerat toti Italiæ præfecit, nec solū viuere, sed etiā in summa dignitate esse passus est, sæpe collegam, nonnunquā commilitonem, aliquando etiam Imperatorem eum nuncupans. Vide vt supra.



**TETRICVS** iunior, superioris Tetrici filius, appellatus est Cæsar (vt dixi) à Victoria, cum illa Mater castrorum ab exercitu nuncupata esset. hic vnà cum patre in triūpho ductus postea omnibus Senatoriis honoribus functus est illibato patrimonio, quod quidem ad suos posteros transmisit. Narrabat auus Trebellij Pollionis hunc sibi familiarem fuisse neq; quenquam illi ab Aureliano, aut Postea ab aliis principibus esse prælatum Vide Trebel. Pollionem.

**TREBELLIANVS** factus est in Isauria princeps, ipsis Isauris sibi ducem quærentibus: quem cum alij archipiratam vocassent, ipse se Imperatorem appellauit: monetâ etiam cudi iussit: in intima Isaurorum loca se contulit: munitusque locorum difficultatibus & montibus, aliquandiu apud Cilicas regnauit: sed per Gallieni ducem Causisoleum, natione Ægyptium, fratrem Theodoti, qui Æmilianum ceperat, in campum deductus, victus & occisus est. Neque tamen postea Isauri, timore ne in eos Gallienus sæuaret, ad obseruantiam, ac præstandam fidem quauis principum humanitate allici vnquam potuerunt. Denique post Trebellianum pro barbaris habentur. Non sunt statura decori, non virtute graues, non instructi armis, non consiliis valentes, sed hoc solo securi, quod in editis positi, adiri nequeunt. Vide vt supra.





HERENNIANVS, & Timolaüs, Odenato patre nati sunt, quos moriens superstites reliquit pater. horum nomine Zenobia mater vsurpauit Imperium, ac rempub. administravit diutius quàm fœminâ decuit: paruulos Ro. Imperatorio habitu ostendit purpuratos, eosdémque adhibuit concionibus quas illa quasi vir sæpe ad populum habuit, Didonẽ, Semiramidem, & Cleopatram sui generis principẽ inter cætera prædicans. De horum exitu incertũ est: aiunt nonnulli ab Aureliano interemptos, alij morte sua extinctos: nam & Zenobiæ posteri etiam Romæ inter nobiles agebant tempore Trebellij Pollionis, qui horum vitas descripsit.

TIMOLAVS, supradicti Herenniani frater, breui Grammaticam cõsecutus esse dicitur: fratri fuit haud absimilis, eum tamen ingenio longè anteuertit. nam potuisse Timolaüm summum etiam Latini sermonis Rhetorẽ instituere tradunt. Consulito quem supra citaui autorem.

Ecc 4





CELSVS seple deæ cœlestis ornatus, appellatus est Imperator ab Afris, autore Vibio Passieno Proconsule Africæ, & Fabio Pōponiano duce limitis Libyci. Hic priuatus ex Tribunis, in Africa positus, in agris suis degebat: sed ea iustitia & corporis magnitudine, vt dignus videretur Imperio. At verò per quandam mulierem Gallienam nomine, consobrinā Gallieni, 7. Imperij die interēptus, atq; adeò etiā inter obscuros principes vix relatus est. corpus eius à canibus laniatum est: nouóq; iniuriæ genere imago eius in crucem sublata est, persultante populo quasi patibulo ipse Celsus videretur affixus.

VICTORIA, seu Victorina, vbi filium ac nepotem ex filio Victorinos, inquā, à militibus vidit occisos, ac Posthumū, deinde Lollianum, Marium etiam, quem principē milites nuncuparant, interfectos, Tetricū, cuius supra memini, ad Imperiū adhortata est, vt virile semper facinus tētare auderet. insignita est præterea hoc titulo, castrorū mater, sicq; ab exercitu vocitabatur. Cusi sunt eius nummi ærei, aurei, & argentei. Non diu vixit: nam Tetrico imperāte, vt pleriq; aiunt, occisa, vt alij asserunt, fato suo extincta est. Itaque dum Gallienus popinatur, ac inter lenones & meretrices degit, partes Gallicanæ, orientales item, Ponti, Thraciarū & Illyrici occupātur: mulieres denique imperant, nempe Zenobia & Victoria: de Zenobia meminimus statim, quam cum Aureliano collocauimus: nam illam vicit, ac triumphauit.





**TITVS** Tribunus Maurorum, qui à Maximino inter priuatos relictus fuerat, inuitus, atq; à militibus coactus, imperauit: atque intra paucos dies, post vindicatam defectionē quam Magnus, vir consularis, Maximino parauerat, à suis militibus interemptus est. imperauit mēses 6. domi forisque fortunatus, sed Imperio parum felix. huic fuit vxor Calphurnia nomine, sancta & venerabilis fœmina, de genere Censorinorum, id est Pisonum. Hæc vniones Cleopatraz habuisse perhibetur, & lancem 100. librarum argenti, cuius plerique poetæ meminerunt, in qua maiorum eius expressa visebatur historia.

**CENSORINVS**, vir planè militaris, atq; antequam in curia autoritatis, cum post omnes honores (nam multis functus fuerat) in agro suo degeret senex (atque vno pede claudicans, eo vulnere quod bello Persico Valeriani temporibus acceperat) factus est Imperator, & scurrarū ioco Claudius quasi claudicans appellatus est. Hic cum se grauissimè gereret, neque à militibus ob disciplinam censoriam ferri posset, ab his ipsis à quibus Imperator fuerat designatus, interemptus est. extabat tempore Trebellij eius sepulchrum, in quo grandiusculis literis iuxta Bononiam incisi erant omnes eius honores, vltimo tamen versu adscripto.

*Felix ad omnia, infeliciſſimus Imperator.*

Haftenus de iis qui Imperiū vsurparūt à Gallieno ad Fla. Claudium: de quo mox tractabimus, persequentes ipsorū Rom. Imperatorum seriem.

Ecc 5



**FLA. CLAVDIVS** post Gallienum imperauit anno mundi 4231. à natiuitate Christi 269. Hic Sarmatas, Getas, Scythas, & Quados deuicit: Daciã recuperauit: Aureolum vicit, ac Imperio exiit. Alemannorũ tam multa millia cæcidit, vt vix media pars exercitus eorum superesset. Imperator optimus remp. bene administrauit. Senatus auream illi statuã in Capitolio posuit. A plerisque Gordiani, cuius supra meminimus, filius existimatus est. Hic Gallieni morientis sentẽtia Imperator designatus est, ad quem etiam regia misit ornamenta. bienniũ imperauit: & Diuus est appellatus: moriens Aurelianum cõmendauit, quasi suffragium ferẽs, vt post se ille imperaret. Consulito. Aur. Vict. Pomp. Læ. Bap. Egna. li. i. atque Eutro. li. 9.

**AVRELIVS** Quintillus Flauij Claudij frater fuit: hunc Senatus, nunciata Claudij morte, Cæsarem Augustum appellauit: at exercitus interea Aurelianum Imperatorem lëgit. Postquã nuntium ad vrbẽ peruẽnit, illius conatibus se imparem cùm videt, venas sibi soluit, & pòst paulò decessit, 17. Imperij die. fuit hic ante Imperium Italici præsidij dux. Videto Pomponium Latum, in Claudio.







VALE. AVRELIANVS imperavit post Quintillum anno mundi 4233. à Christo nato 271. Hic quanquam patre colono inter Daciam & Macedoniam genitus, haud dissimilis fuit Magno Alexandro, nam Ro. urbem triennio ab inuasoribus recepit, cum Alexander annis 13. ad Indiam peruenerit. Hic Sueuos & Sarmatas vicit: Marcomannos, qui Mediolanum vastarant, attriuit: Imperiū ad antiquos fines perduxit: validioribus muris urbem sepfit. Sæuus ac sanguinarius hic, etiā sororis filium interfecit: ipse itidem fraude serui, inter Constantinopolim & Heracleam occisus est. imperavit an. 5. menses 6. primus apud Ro. diadema capiti innexuit, gemmisque & aurata veste usus est. Vide Aure. Vict. Bap. Egna. lib. 1. & Eutro. lib. 9.

ZENO BIA, bellicosa mulier, quæ se de Cleopatrarum Ptolemæorumque gente iactabat, nomine filiorum an. 8. imperavit, vixque tandem ab Aureliano victa & triumphata, cōcessit iniura Romana. Cum illam Aurelianus cepisset, interrogavit exprobrās, *Quid, o Zenobia, ausa es insultare Romanis Imperatoribus?* at respondit hæc, *Imperatorē te esse agnosco, qui vincis.* fuit castis. vocem habuit claram & virilem, oculo nigros ac vigentes: dentes tam candidos ut plerique margaritas putarent: ingenium diuinum. venusta fuit, seuera, atque etiam clemens ubi oportuit: in triumphum ducta, sub gemmarum pondere anhelās sæpe restitit, alioqui fortissima: collum, manus, pedes aureis vinctis ac catenis, irretiebatur. huic agrum dedit Aurelianus: vixitque hæc more matronæ Ro. Vide Trebel. Pollio.



A N. T A C I T V S post Aurelianum imperauit anno à mundo condito 4238. à Christo nato 276. Siquidem Aureliano interempto, 7. menses vacauit Imperium: interim milites ad Senatum, Senatus ad milites Imperatoris eligendi prærogatiuam deferebant. Tandem Senatus hunc Senatorij ordinis Augustum dixit. Quàm verò amplissimi ordinis iudiciũ à militari tumultu distet, Taciti electio ostendit, cùm in curia testatum sit, *neminem aut iustius quàm grauem virum, aut prudētius quàm doctũ imperare posse*. Verùm hic tantus vir sexto imperij sui mēse obiit. Vide Oros. lib. 7. cap. 24. Hic ducentesimo Imperij die, vt inquit Aurelius Victor, apud Tarsum febre periit: at 6. mense postquā imperare cœperat, militari scelere periisse scribit Bap. Egna. lib. I. Aurel. Viç.

F L O R I A N V S, Taciti frater, cùm suo iudicio ad tantam velut hæreditatem mortuo fratre properaret, Imperium & inuasit, & arripuit. Itaque cùm vix duobus mensibus præfuiſſet, quasi per ludum Imperio vsus, & ad ludibriũ fortunæ euectus esset, à militibus occisus est, aut ad Probi imperantis nuntium, solutis sibi venis, expirauit. Consulito autores quos supra.







AVRE. PROBVS, verè probus, mortuo Tacito, ac Floriano fratre, ex alio patre, imperavit anno mundi 4239. à Christo nato 277. patrem habuit agrestem Dalmatici sanguinis: sed nec genus humile, nec qui præcesserat Florianus obstetit quominus omnium consensu Imperator diceretur, vir omnium amantiss. pacis, bellique artibus clarissimus. Hic Gallias à barbaris occupatas, ingenti præliorum felicitate asseruit: ita se & in toga & in militia gessit, ut res ipsa nomen sequeretur. Saturninum in Oriente, Proculum & Bonosum Agrippinæ Imperium vsurpantes oppressit: Sarmatas contudit: tyrannos omnes sustulit: pacem orbi restituit. Pace terra marique parta, dicere solebat *milites minimè necessarios fore, cum desunt hostes, quos nusquam virtute sua futuros, mox sibi promittebat*: quæ vox invidiam sibi apud milites conflavit. In Smirnenfi agro, natali suo dum moram trahit, tumultu militari occisus est, anno Imperij 6. Pompo. Læ. Eutro. lib. 9. Egna. li. 1.

CARVS Narbonæ genitus, ab exercitu Imperator dictus est anno mundi 4245. à Christo nato 283. filios suos, Carinum & Numerianum, Cæsares dixit. Hic dum bellum Sarmaticum gerit, nuntiato Persarum tumultu, ad Orientem profectus est cum filio Numeriano Cæsare, doctiss. iuvene: bellum itaq; Persicum, quod Probus parauerat, aggressus, Mesopotamiâ cepit, Ctesiphontē vsque peruēnit. quod si fulmina ictus non fuisset, dum ad Tigrim fluvium castrametaretur, regnum Persicū subuertisset. Aure. Vict. Oro. lib. 6. cap. 24. imperarunt hic, & duo proximè sequentes, annos duos.



CARINVS, Cæsar à patre dictus, omnibus se sceleribus inquinavit: plurimos innoxios fictis criminibus occidit: matrimonia nobilium corruptit. Ad extremũ trucidatur, eius præcipuè tribuni opera, & dextera, cuius dicebatur coniugẽ polluisse. Consulito Aur. viçt. Eutr. li. 9. imperavit annos duos.

NVMERIANVS Cæsar Carini frater, Carino tamen longè ab similis fuit. hic nempe adolescens tum probitatis, tum eruditionis eximiæ, maximè verò ad poëticen natus erat, atque etiam ad arma. hic itaque miles, orator, poëta, dum oculis æger in occlusa lectica ferretur, confecto bello Persico, vnà cū patre, ab Apro socero, Imperiũ inuadere cupiẽte occiditur. Nec eius mors inulta est, concionantẽ Aprũ Diocletianus manu propria confodit. Imperarunt hi tres, Carus, Carinus & Numerianus, annis duobus. Pomp. Lætus.







**DIOCLETIANVS** Dalmata , Amilini Senatoris Libertinus, matre atq; oppido nomine Dioclea, vnde & Diocles dictus, imperauit anno mundi 4247. à nat. Christi 285. hic Carinum omnibus odiosum prælio vicit: at 2. Imperij an. cum tãtam molẽ grauiorẽ animaduerneret quàm vt vnus esse vniuersæ par posset , Maximianũ Herculum Augustum creat, ac in confortem Imperij legit. anno 6. Constantium Chlorum, & Galerium Maximianũ siue Maximum, cognomento Armentariũ , Cæsares creat in Ægypto: Alexandriam 8. mensibus obsessam cepit: Achilleum Alexãdriæ imperiũ affectantem feris obiecit. anno Imperij 22. principatu se abdicat Nicomediæ, & Hercules Maximianus Mediolani eodem die: cumque in propriis agris confenscens, ab Hercutio atq; Galerio ad recipiẽdum Imperium rogaretur, tanquam pestem aliquã detestans, respondit: *Vtinam Saloniæ possetis visere olera nostris manibus insita, profecto nunquam istud tentandum iudicaretis*: sicque per decẽ annos priuatus, & Imperij mole exoneratus vixit. Atramen adorari aliquãdo voluit: Christianos etiã afflixit. vixit annos 78. imperauit 22. obiit vel alienatione mentis, vel hausto veneno, dum veretur Licinium ac Constantinum. Aure. Vict. Eutr. li. 9. & Bap. Egna. li. 1.

**MAXIMIANVS** Hercules in confortẽ Imperij à Diocletiano ascitus, tãquam filius patri obtemperauit: in Gallia & Africa exortos tumultus, armis repressit: Romę cum Diocletiano triũphauit: Dein à Diocletiano persuasus, se Imperio abdicauit: rem miram, vt sponte, nec grauãte senectã, vel rerũ mole (nam pacatus erat orbis) vterq; in ordinẽ se redegerit. At verò Imperium iterũ affectans Maximianus, dum insidias Constantino, genero suo ex Fausta, parat, Massiliæ captus, strangulatur. regnavit annos 21. vnà cum Diocletiano. Pom. Eutro. lib. 9.



**CONSTANTIVS** Chlorus & Galerius Maximinus filie Maximianus, ambo à Diocletiano & Maximiano Herculio, priusquã se imperio abdicarent, Cæsares facti ac adoptati sunt, propter varia bella in diuersis locis pullulantia. Constãtius natus patre Eutropio, qui genus ab Ænea deducebat, & matre Claudia, Claudij Augusti filia, Galliis, Hispaniis, Italiæ & Africæ præfuit: Galerius Illyrico, Græciæ & Oriënti. At verò hac diuisione Imperij facta, Constantius natura mitis, & diuitiarum spreto, Italiæ & Africæ Imperiũ recusat, quod putaret ab vno tantũ pòdus minimè sustineri posse: in Galliis & Hispaniis tantũ regnat, propensus ad promerendã Gallorum gratiam, nec à vera pietate abhorrēs. Vxores habuit duas, prior fuit Helena, ex qua Constantinũ magnum suscepit: posterior fuit Theodora, priuigna Maximiani Herculij: quã dimissa Helena, coactus est ducere. obiit Constantius Eboraci, quod est oppidũ in Britannia, anno 2. postquam Imperio se Diocletianus abdicauit: nam longè antea Cæsar factus, & à Diocletiano adoptatus fuerat. duos igitur veri Imperij annos Constãtio tribuo, ab ipsa abdicatione Imperij à Diocletiano, quæ facta est an. mun. 4269. à Christo nato 307. hoc regnante nulli motus in suis ditionibus extitere, hostes popu. Rom. ab armis cessauere. Dictus est Chlorus, à colore, quasi virens. Vide Pom. Læ. Egna. li. i.

**HELENA**, prior vxor Constantij, ac magni Constantini mater, annos nata 80. diuinitus monita, Ierusalẽ perrexit: crucem in qua Christus pependit, non sine labore reperit: Romæ diem obiit, superstitẽ filio, Deo hominibũsq; gratissima, anno mundi 4286. à Christo nato 324. Vide Euse. lib. 10. cap. 7. & Supple. Chro.





SEVERVS à Galerio Maximiano, siue M<sup>ax</sup>imino, adoptatus est, postquam Constantius Italiam & Af<sup>ric</sup>icam reliquit: adoptatum Italiae & Africae postea praefecit. Romae autē praetoriani Imperatorem fecere Maxentiū, non abnuente Senatu. Aberat tunc ab vrbe Seuerus, qui citò rediit: sed Maxērij vires statim creuerāt: quare impar viribus Seuerus, fugit, cupiēs adire Maximianum qui in Illyriis erat: at verò interim Rauennæ captus occisusque est. Vide Pom. Læ in Constantio.

MAXENTIVS Romae à Praetorianis Imperator factus, vt tyrānus imperauit. Porrò Maximianus sororis Galerij filius, relicto in Illyriis Licinio, quem adoptauit, mortuo Seuero, Romam proficiscitur, pugnaturus cōtra Maxentiū: in itinere certior fit de futura suorum militum defectione, si in praelium descenderet: quare in Illyriā reuertitur. Interea bona pars nobiliū Romanorum nuntium clam mittunt ad Constantinum, qui apud Gallos imperabat: exorant vti Romam, Imperij caput, tyrannide Maxentij liberet: tandē horum precibus cedens, Maxentium vincit: qui vnà cum equo in Tiberim insiluit, submersusque est, nec vsquam inuētus, periit anno mundi 4276. à nato Christo 315. imperauit an. 6. Constātino imperāte: hic haud fuit absimilis Maximiano Herculio, Domitiano, & Cōmodo: plebsque claros viros occidit, bona eorū diripuit, noua vectigalia excogitauit ac exegit: in occidendo & exigendo inexorabilis fuit, libidine item inexplēbilis. Vide Pompo. Læ. in Constantio & Galerio.

Fff



LICINIUS in Dacia natus, mortuo Seuerō, consors Imperij factus est à Maximiano Galerio, anno mundi 4270. à Christo nato 308 idque ob virtutem rei militaris. Prius Illyriis, post Oriēti præfuit: parentes habuit agricolas, ipse rusticus & barbarus rusticis & agrariis æquus, at crudelis etiā in Galerij liberos. literarum hostis fuit infensissimus, quas venenum ac pestem appellabat: quippe qui harū rudis ac expers adeo esset, vt ne nomen quidē suum decretis subscribere posset. Christianis aduersabatur, nec destitit, sæpius rogatus ab Constantino: quare Constantinus cōtra illum vires Gallicanas & Italicas iure expertus est. primis cōgressibus in Pannonia victus, concessit in Macedoniam Licinius: vbi vires reparantē, Constantinus iterum adoritur, fugat in Asiam. Tandē naualibus & terrestribus præliis victus, mittitur Thessalonicē, vt priuatus cum vxore degat. Sed cum rebelles adhuc animos homo ille vecors retineret, interfici iubetur. vixit an. 60. imperauit 14. Constantino imperante. laudatur quod aulicorum insolētiam mirè compefcuerit, tineas foricēsq̃ue palatinos eos appellans. Pomp. Læt.

CONSTANTIA, vxor fuit Licinij, ac soror Constantini, quæ (vt fertur) fratrem adiit, pro Imperio mariti rogauit, deinde pro titulo tātū, nec impetrauit: tandem pro salute rogans, impetrauit. Vide Pomp. Læt. hæc Licinium iuniore pepercit, quem Constantinus Magnus Cæsarem creauit.





CONSTANTINVS Magnus, Constantij & S. Helenæ filius, cæteris fratribus patris etiam testamēto, prælatus est. A Galerio Maximiano adhuc adolescens missus aduersus Sarmatas, præter opinionē hostes profligauit: Ducem catenatum ad Galerium duxit. veritus ex ea laude gliscētem Galerij inuidiam, Roma ad patrem in Angliam transfugit, qui paulò post moritur. Tum cunctis qui aderant annitentibus, sed præcipuè Eroco, Alemannorū rege, imperat Constantinus, anno mundi 4271. à Christo nato 309. Regnum Galliarum Hispaniarūque, & Alpiū Cortiarū testamento relictum accepit. veteranis militibus agros assignatos, vt ad filios suos trāsirent, primus instituit. Accersitus in Italiam ab iis qui Maxentij tyrānidem ferre non poterant, biēnio totam Italiam vrbemque Romam pristinae maiestati asseruit. hæc laurus Italiam ei adiecit & Africam: fuisseq; his cōtentus nisi Licinius qui Orientē regebat, vltimi belli civilis causam præbuisset, quem vicit. Tūcq; cognomen assumpsit Magni, quod antea soli Alexāder & Pōpeius acceperant. ita insolēs factus, plurimorum se nobiliū, suorūq; etiam cæde polluit. Attamen Christū amplexus est, bonāq; quamplurima in Ecclesiam contulit: Nicenā synodum 322. prælatorum, multis dissidētibus, indixit: literis impensè studuit, easq; fouit. Bizātiū instaurauit, imperatoriāq; vrbem, & nouā Romam appellauit. vixit annos 66. imperauit 31. Pomp. Læt. obiit Nicomediæ in qua baptizatus fuerat ab Euse. episc. huius mortē denuntiavit crinita stella. Eutro. li. 10. veneno aiunt periisse à domesticis parato, cū ille in Persas bellum pararet.

FAVSTA, Herculij filia, & Constantini vxor, peperit ei Constantinum, Constantem & Constantium, Helenāque & Constantiam. Faustam occidit Constantinus vir. Pomp. Læt.



**CONSTANTINVS**, natu maximus filiorum Constantini Magni, patre mortuo, anno mundi 4301. à Christo nato 338. imperat vnà cum fratribus Constante & Constantio. hi, siue ex testamēto patris, siue ex propria eorū voluntate, Imperium ita partiti sunt, vt Constātinus Gallias, Hispanias, Britanniamque insulam obtineret: Constans Italiam cum Illyrico & Græciam: Constantius Byzantiū cum Oriente, qui Dalmatium patuelē Imperij socium haberet, quē postea militari factione oppressit. Nec durat diu fratrum cōcordia: nam Constantinus Gallico exercitu frerus, Constāti bellum infert: quod dum cupidius quàm cautius gerit, exceptus insidiis, vulneribúsq; confossus perit, ad Aquileiam, anno ætatis suæ 25. Imperij 3. Consulito Pomp. Læt. & Bap. Egna. li. i.

**LICINIVS**, iunior, Constantini Magni ex sorore Constantia nepos, creatus est Cæsar vnà cum Crispo, eiusdem Constantini ex Mineruina concubina filio, anno mundi 4278. à Christo nato 316. verū hi factione infaustæ Faustæ interficiuntur. Aur. Viç. Pomponius Læt. hic Crispus à Lactantio fuit eruditus.







CONSTANS, deuicto fratre Constantino, omni conatu superatis Alpibus Galliam intrat, varióq; euétu biennio pugnans, patrē fratris in potestatem redigit. Primùm agit bonum principē, mox siue aduersa valetudinē, siue rerum prosperitate mutatus, ingratus omnibus esse cœpit, donec & ipse Magnentij dolo, quem etiam seruauerat, dormiēs intra tentorium, non longē ab Hispaniis, ad Helenam oppidum, opprimitur, anno ætatis 30. Imperij 13. Consulito Pomp. Lat. & Bap. Egna. li. i.

CONSTANTIVS, cædem fratris Constantis vlturus, magno exercitu aduersus Magnētium cōparato, ingenti illum prælio, & memorabili, ad Murtiū, siue Mursam, vicit, quo Romani vires Imperij penè cōcidēre, 53. millibus vtrinque desideratis. Mox cum Magnentius bellū reparasset, & ad Lugdunum iterum victus esset, gladio sibi latus aperuit. Cæterum Cōstantius, iterum in Persas cōtendens, dum ægrè fert Iulianum à militibus Augustū esse dictum, iuxta Tauri mōtis radices æstuantissima febre correptus, moritur, anno ætatis 40. Imperij 24. Hic orbis dominum se vocauit: Iulianum adoptauit. Consulito autores quos supra.

Fff 3





**MAGNENTIVS**, Comes duorum ordinum Augustæ (vrbs est Germaniæ) cōiuiiū militibus exhibuit, à mane ad vesperam, more gentis. inde in cubiculū ingressus, statim egressus est, indutus purpura, ac multis satellitibus cinctus: qui cōscij non erāt, coacti sunt assentiri: donatium dedit, posuītq; custodes ne quis rem aperiret. deinde cum lectissimis Gaïsonē mittit, qui Constantem in tentorio occidit, anno mundi 4313. à Christo nato 351. Hic Cæsarē facit Decentium fratrem, mittitq; cum exercitu vti Gallias tueatur iamq; tota Italia: & Africa Magnentij erant. Constātius tunc in Oriente aduersam fortunam cōtra Persas experiebatur: ad quē legatos misit cum literis, vti Oriēte & Thraciis cōtentus esset: qui nihil respondet, sed Gallum patrulem Cæsarē faciēs, eum in Oriēte relinquit: ipse Hesperios adit, vlturus fratris cædē. attamen ne sua Roma bello vexaretur ciuili Galliā Magnentio permittit, si arma deponat: Tyrānus sperans vincere, non paruit. pugnatur ad Mursam, magnis vtrunque viribus: vincitur Magnentius: bellū reparat: victus iterum, tandem gladio occultè prouiso mortem sibi consciscit. Pom. Læ. in Constāte. Aurel. Victo. Hic Desiderium fratrem per furorem vulnerauit, & quosdam ex amicis occidit, paulò ante quàm seipsum occideret.

**DECENTIVS** qui Gallias tuebatur, audito fratris sui Magnentij casu, laqueo apud Senonas vitam finiuit, sibi metuens. horum frater Desiderius Constantiū adiit, à quo humanissimè exceptus est anno mundi 4316. à Christo nato 354. Pomp. Læt. Aurel. Vict.





FL. CL. IVLIANVS natus Constantinopoli, patre Constantio, Constantini Magni fratre, matre Basilina, forma liberali fuit, ingenio callido, ad literas & ad arma apto. Huc Constantius patruelis, Magni filius Constantini, adopravit, Cæsare fecit, ad Gallias tuendas misit, hostes hinc profligat, Gallias Alemannorū incurfu vastatas, sub primū accessum, præter omniū spem asserit, regemq; Germanorū capit. Agrippinam (quæ nunc Colonia dicitur) recipit. Deinde assensu totius exercitus Parisiis Imperator & Augustus vocatur an. mun. 4325. à Christo nato 363. Ad Constantium literas mittit exorans ut qui licet repugnans, Imperator sit à militibus appellatus, in cōsortiū Imperij admittatur: renuit Constantius. Ad bellum ciuile parat se Iulianus, item & Constantius, qui nihilominus febre correptus, cum deficeret successorē statuit Iulianum. Adepto itaq; Imperio solus rerum summa potitus Iulianus, Persis bellū mouet: verū à transfuga quodā Persa in infidias deductus, cum eum hinc inde Parthi vrgerēt, ab vno ex hostibus, & quidē fugiente, conto percutitur: & cū Philosophis de immortalitate animæ tractās, paulò pōst moritur, anno ætatis 31. Imperij, mensibus 19. à morte Constantini patruelis. Hic aduersus fidem Christianam libros edidit. Egn. lib. 1. Pomp. Læ. Aure. Vict.

IVVIANVS, seu Iouianus, è Pannonia, mortuo Iuliano electus est princeps, & statim Antesignani Iuuiantum clamauerunt: tunc qui in medio, quique postremi erant milites, opinati Iulianum reuixisse, ingenti lætitia effusi, choreas ducebāt. Hic cum Persis fœdus icit, Trāstigritanas prouincias quinq; reddidit: atq; Arsaci Armeniæ regi, Ro. socio, & amico, opē ferre vetitus est. At è Perside rediēs hyeme aspera, ingressus cubiculum noui tectorij, positis etiam ibi prunis, ex cruditate insuper stomachi periit, anno ætatis 33. Imperij mensibus 7. Vide ut supia.



VALENTINIANVS Gratiani filius, è Pannonia ortus, quemadmodum & Iulianus, apud Niceā, quæ vrbs est Bithyniæ, Imperator à militibus post excessum Iuliani creatur, anno mundi 4328. à Christo nato 366. huic resistenti Imperium aggeritur: deinde Valentem fratrem consortem imperij facit. Hi Procopium imperium inuadentē Constantinopoli oppresfere. Inde Gothi, ac barbaræ nationes à Valentiniano Thracia exturbatæ: Septētrióq; omnis cum Saxonibus ad officiū, eiusdem opera redacti sunt. Parthi è Syria per legatos eiekti. Inquireta Germania sub eo pacata est, Theodosij maioris auspiciis. Ipse dum Quadorum legationē latrocinia excusantē audit, subita accensus ira incidit in morbū, quo arefcētibus venis, cum nihil sanguinis emitti posset, obiit anno ætatis 55. Imperij 11. Pomp. Læt. Bap. Egna. alij scribūt cum subita sanguinis eruptione, voce amissa, sensu integro expirasse: idque ob intemperatiam ciborum, quibus artus suos diffuderat. Aurel. Victor.

SEVERA, vxor fuit Valentiniani, ex qua suscepit ille filium nomine Gratianum, quem Augustū creauit pater Valentinianus. vnà cum Seuera, quinetiā ipsa operam dante, in vxorem accepit Iustinam, ex qua suscepit Valentinianū filium alterum ac filias tres, Iustam, Gratam, & Gallam: lata, priusquàm secundò nuberet, lege, vt qui veller, duas impunè vxores assumeret: sic populosas fore gentes prædicabat. Eutro. auctus li. 12.





V A L E N S , Valentiniani frater, qui cum eo , eiusdémque gratia & benignitate , imperavit in Oriēte, mortuo fratre cum Gratiano fratris filio imperat , anno mundi 4339. à Christo nato 377. hic post prædicti fratris obitū infeliciter cum Hunnis , Tartaris , Scythis & Gothis pugnavit : qui olim à regione trans Tanaim venerant, & superato nuper Istro ( qui limes regioniserat ) vagi Pannonias, Epirumque & Thessaliam, direptis & incensus aliquot urbibus, depopulabatur. Valens itaque propter ex Antiochia accitus, tantā pestē auertere non potuit, sed magna clade victus , terga dedit, & in fuga vulneratus decidit ex equo: deportatusq; in vile turgurium, ibidē, ab hostibus septus, concrematur anno Imperij ferē 14. post fratris mortem tertio. sic miserē interit, qui paulō ante terror Oriētis fuerat: sed enim Christianos post mortem fratris afflixit, Arrianæ factionis fautor: monachos pugnare coëgit, repugnātes occidit. Pomp. Læt. Egna. li. 1. Abbas Vrspergensis, Paulus Diaconus li. 1.

DOMINICA , Valentis vxor fuit, quæ Constantinopolim obsidione liberauit, magna vi pecuniæ data Hūnis, Alanisque & Gothis, qui victricibus signis, superato Valētio, eam obsidebant. Pompon. Lætus. in Fla. Val. Valentiniano. Claruerunt hoc tēpore Basilus magnus, Cyrillus, Ambrosius, Epiphanius, Gregorius Nazianzenus, Theologi.



GRATIANVS, Valentiniani filius, à patre factus Augustus, cum eo imperauit annos 8. cum patruo Valère 3. cū Theodosio 6. attamen post patrum Valentē tunc demū ipse imperat annos 6. auspicaturque anno mundi 4342. à Christo nato 380. Hic pietate in suos egregius. Valentinianū fratrem ex patre, Iustinæ filium, adhuc puerū, Augustū dixit, patre patruoque extinctis. Mox Theodosium Hispanum in consortem Imperij assumit (ad exemplum Neruæ, qui Traianū ex Hispania ascieuerat) eiq; Oriētem cōmittit vt esset velut vallum quoddam aduersus Gothos, & Hunnos, qui Thraciam & Daciam, tanquam naturale solum, occupabāt. Gratianus admodū iuuenis, bellum apud Argentoratū formidolosissimum ingenti felicitate confecit: nam plusquā 30000. Alemannorum interfecit. At verò dum tandē tantū spicula & arcus meditatur, & paucos ex Alanis, quos ingēti auro ad se vocarat, veteri ac Rom. militi præfert, Maximus qui apud Britanniam tyrannidem arripuerat, in Galliam traiciens, ab insensis Gratiano legionibus excipitur. Gratianum Parisiis fundit, & Lugduni ex improviso adortum, & in Italiam transire properantē, dolo circumuenit, & occidit. Eutro. auctus li. 12. Pom. Lat. Aure. Viçt. Egna. li. 1. Oro. li. 7. ca. 33.

VALENTINIANVS Gratiani supradicti frater, à Maximo ex Italia pulsus ad Theodosium, qui Orienti præerat, vnà cum Iustina matre adiit: à quo benignè susceptus, & particeps Imperij factus, cum eo 7. annos imperauit. tandem in occidentis regnum restitutus, dum Viennæ negligentius moratur, fraude Eugenij & Arbogastis, à cubiculariis noctu strangulatur, vt voluntariam sibi mortem consciuisse putaretur. Pom. Lat. Eutro. auctus lib. 13.





**THEODOSIVS**, patre Honorio & matre Therman-  
tia genitus, genere Hispanus, originem à Traiano principe tra-  
hens, accitus ex Hispania à Gratiano, Imperij confors lectus, ac  
Orienti præfectus est, eodẽ certè anno quo solus imperat Gra-  
tianus. à cuius obitu ipsum merũ Theodosij imperium incepit,  
anno mundi 4348. à Christo nato 386. Hic Hunnos & Go-  
thos diuersis præliis vicit. cum Persis quoq; pacem pepigit. Ma-  
ximum, tyrannum, qui Gratianum interfecerat, & sibi Gallias  
vêdicabat, vnà cum Andragatio præfecto, subito incurſu vicit,  
ac prostrauit. Valẽtiniano Imperium aſſeruit. Eugenium tyran-  
num atq; Arbogastem, in Valẽtiniani vltionẽ sustulit, non sine  
manifesto numinis auxilio, vt exclamat Claudian. his versibus:

*O nimium dilecte Deo, cui fundit ab antris*

*Aeolus armatas hyemes, cui militat æther,*

*Et coniurati veniunt ad classica venti.*

Aquileiã per inuias alpeis cùm raptim contendisset, deletis ad-  
uersariorum multis millibus, insignem reportauit victoriam.  
Quantum veterum scripta & picturæ docẽt, Traiano fuit simi-  
lis corpore, & moribus: nisi quòd vinolentiam, & triumphandi  
cupiditatẽ ita detestatus est, vt bella non mouerit, sed inuene-  
rit, prohibueritque lege, ministeria lasciua, psaltriasq; comessa-  
tionibus adhiberi: & consobrinarũ, tanquam sororum, nuptias  
vetuerit: tantum pudori & cõtinentiæ tribuebat. obiit Medio-  
lani, atatis anno 50. Imperij 17. nam 6. cum Gratiano, & 11. post  
Gratianum imperat. fuit pius, sagax, nec à literis alienus. Aurel.  
Viſt. Pomp. Læt. Bap. Egna. li. 1. Pau. Diac. li. 12.

**FLACILLA**, Theodosij vxor, Arcadium & Honorium,  
qui etiam cum patre imperarunt, peperit. Vide Pomp. Lætum.



A R C A D I V S & Honorius, Imperatoris Theodosij filij, imperarūt cum eo 3. annos: attamen post mortem patris ipsissimum eorum Imperium incipit, anno mundi 4359. à Christo nato 397. Arcadius Constantinopoli imperat, Honorius Romæ: sed cū per ætatē tantæ rerū moli impares essent, tres Imperij tutores testamēto sanxit pater: Arcadio Rufinū, Honorio Stiliconem cōmendauit: Africæ verò Gildonē præesse voluit. Quis autem animorū recessus intueri possit? sanctissimū legarij cupido regnādi violat. Rufinus, clam missis muneribus, Alarico Gothorum regi capere arma cōtra Arcadium, persuadet, vt eo metu imperiū ipse ab Arcadio extorqueat. Re intellecta, à militibus Italicis, perniciosus tutor obrūcatur. caput cū dextra ante Constātinopolis portas pendens, spectātibus ludibrio fit. Caianus Rufini sceleris æmulus, eundē vitæ exitum habet. Imperauit Arcadius an. 13. obiit Constantinopoli. Pom. Lx. Bap. Egna. lib. 1.

H O N O R I V S imperat Romæ eodē anno quo Arcadius Constantinopoli. post annos 3. Gildo, Africam sibi vendicat: Mascezelis fratris filios enecat, à quo superatus, strangulatur. Mascezelem insolescentem vicit Honorius. Stilico Honorij focer regnum filio suo affectans, Sueuos, Vandalos, Alemanos magna prædæ spe sollicitat: illi properant cum 200000. & Rege Radagafo, qui in Italiam irrumpens capitur, & in carcere strangulatur: in cuius locum hostes Alaricum Regem creant, qui Romam capit anno mundi 4373. à Christo nato 411. Tandē fraude cognita Stilico Vandalus vnà cum filio sublatu est. imperat Honorius annos 31. cum patre 2. cum fratre 3. cum fratris filio 16. obiit Romæ. Pau. Diaco. lib. 4. Pomp. Lx. Bap. Egna. lib. 2.





THEODOSIVS iunior, Arcadij filius, Orientale Imperium post patrem tenuit anno mundi 4372. à Christo nato 410. hunc puerū admodum, moriens pater reliquit sub tutela Isdigerdis Persarū Regis : quod bene cessit: nam barbarus Rex tutelam summa fide gessit, & pacē cum Romanis quoad vixit habuit. Honorio patruo defuncto Valentinianum Constantio & Placidia natum, Cæsarem facit, & peropportunè Romā mittit: nam Ioannem factione Castini Imperatorem factum, atque etiam Africam sibi vendicantē, nouus princeps oppressit. Gensericus, Vandalorum Rex, post insignē victoriam & magnam stragem, Carthaginē occupat. Ad Aquilonem Bleda & Attila, fratres, Hunnorum Reges, Illyricum & Thraciam Thermopylas vsque deprædantur: tamen omnia Theodosius magna gloria tutatus est. Vide Pom. Læ. & Bap. Egn. li. i. vixit, imperauitq; annos 48. cum Honorio 21. postea 27. obiit morbo apud Constantinopolim. Vide Pau. Diac. li. 4. Hoc principe Venetiæ felicibus auspiciis in aquis habitari cœpere. Nestorius cum hæresi nominis sui, & cum Pelagianis, synodo Ephesina damnatur: & Pharamundus apud Francos primus regnat.

EVDOKIA, Leonis Atheniensis Philosophi filia, Theodosij vxor fuit, quæ præter egregiam formam, singularemq; pudicitiam, etiam literis excelluit: hæc filiam eiusdē nominis peperit, quæ Valentiniano nupsit, quo Romæ occiso, vt viri mortem vlcisceretur Gensericum ex Africa vocauit: qui Romā venit, ac rediens Eudoxiam viduam abduxit.



**GENSERICVS**, Alanorum, Vandalorumque Rex ab Hispaniis euocatus à Bonifacio Africæ præfecto, in Libyam intromittitur, ut eidem Bonifacio aduersus Sigisuldū siue Suuldum opem ferat, nam Bonifacius ille Africā vsurpare conabatur. Gensericus itaque cum suis Alanis & Vandalis totā penè Africam ferro, flamma, rapinis crudelissimè deuastans, catholicam insuper fidem Arriana impietate subuertit: anno mundi 4390. à Christo nato 428. post treis annos Hipponen obsedit: mense 3. obsidionis D. Augustinus, in illa ipsa vrbe cuius erat Episcopus, obiit annos natus 76. nec vrbis suæ ruinam vidit. Pom. Læt. Paul. Diac. li. 14. Ab Vrsper.

**ATTILA** Hunnorum Rex omniumq; Septentrionalium penè nationum, fratrem suum occidit, eiusq; subditos sibi parere compulit. Hic Imperium Occidentale ambiens, ac Visigothis inuidēs, exercitum 500000. hominum comparauit: in Galliam irrupit: cum Ætio, Imperatoris vicē gerente, & cum Theodorico Visigothorum Rege, in campis Catalaunicis grauissimo prælio pugnavit: cæsa sunt 180000. (alii scribunt 200000.) vtrunque hominū, inter quos Theodoricus: tantūq; sanguinis effusum est, ut paruulus qui ibi labebatur riuulus, immodicus subito torrens effectus, cadauera secum traheret peremptorum. commissum est id prælium anno mundi 4414. post Christum natum 452. nullus pedē retulit, nullus retro vulnus accepit: tanta contentione pugnatum est. At superatus Attila, tandēq; resipiēs, Italiā peruasit furibundus, actūq; esset de ea, ni Papa supplex illum adiēs, totius Italiæ salutem reportasset. Vxorem exinde duxit Imperatoris Valentiniani filiam, aliàs minitatus Imperatori: dein alteram duxit: cūque nuptiarum die nimio se vino ingurgitasset, expirauit. Pau. Diac. li. 15. Ab Vrsper.





FAR AMVNDVS , primus Francorum Rex incepit apud eos imperare anno mundi 4383. à Christo nato 421. fuit hic Marcomiri Francorū Ducis filius , sed vt paulò altius rem repetam, Franci Troia oriundi (qua capta, Duce primùm Francione, ad Mœotim paludē se contulerant, nec procul ab ea urbem condiderant, quā ad Valentinianum vsque Valentiani filium ac Gratiani fratrem incoluerant) Duce Marcomiro, Faramundi patre, in eam Germaniæ regionem , quæ nunc Francia dicitur, concesserant tum cum ad vectigal pensitandum reuocati, Imperium, circa paludem Mœotidē agentēs, detrectassent. Sub Faramūdo primùm vñ sunt legibus Frāci: tunc enim quatuor ex primoribus qui cōtrouersias dirimerēt, elegerunt: tunc etiam lex Saliqua cōdita Regnat. Faramundus apud Francos annos 11. Robertus Gaguin. li. i. Paul. item Æmyl. li. i.

CLODIO , secundus Francorum Rex Faramundo patri succedit , anno mundi 4394. à Christo nato 432. Hic Thuringos subegit: Cameracum cepit: Romanos ad Rhenum prostravit: traiecto flumine, Tornacum etiam cepit, in Galliam traiecit, finitimos Reges vicit: Burgundiam , Tholosam , totāque Aquitaniam in potestatem redegit : comatos voluit esse Francos , libertatis indicium , comatus ipse dictus. Rexit annos 18. Vide vt supra.



**M E R O V E V S** tertius Francorum Rex, succedit Clodion anno mundi 4412. à Christo nato 450. siquidem occisus à Bonifacio in Africa pueris Valentiniani Cæsaris, aduersus eum à matre Placidia missis, ad tantæ cladis famam Franci, velut nouo classico exciti, hoc Rege in Galliam regressi sunt. Cogitur Aëtius, exercitus Romani dux, cū pristinis hostibus Francis, Burgundionibúsque; fœdus ferire: cui etiã opem tulerunt aduersus Attilã in campis Catalaunicis, vbi prostrata sunt vtrunque 200000. armatorum: tūc rediit Attila in suam Hungariam. Porrò Aëtius Francos cum eximiis laudibus dimittit. Franci longius spe promota, Senonum etiam, Parisiorumque ac Aurelianensium ciuitates occupauere. Quicquid in Gallia Meroueus Rex cum suis possedit, Frãcia dici cœpit. Expectatione autem magnorum nouorumque motuum cōsiliiorumque, Meroueus obiit, anno regni 10. Vide Paul. Æmy. li. i. Gag. li. i.

**CHILDERICVS**, Merouei filius, vir bello clarissimus, pacis artibus minus nobilis, successit patri anno mundi 4422. à nat. Christi 460. Hic cum pudicitiam illustrium fœminarum attentare diceretur, ob cōiurationem procerum, sibi fuga consulere coactus, in Thuringiam ad paternos amicos se contulit, expectaturus fortunam aliquam redeundi: datis prius occultis mandatis amico Vidomaro, acerrimi ingenij viro: nummumque aureum cum in duas partes Childericus diuississet, alteram sibi retinuit, alterã illi dedit, vt nulli nuntio fides haberetur, nisi qui partẽ nummi deferret. Sic itaque bello nil opus fuit ad recuperandum regnũ: plus amicitie necessitudo, quàm vlla arma, valuit. Rexit annos 26. Vide vt supra.





VALENTINIANVS tertius, Constantio & Placidia genitus, ab Honorio cum matre pulsus, in orientē proficiscitur, à Theodosio iuniore suscipitur: subinde mortuo ipso Honorio, Eudoxia Theodosij filia in vxorē accepta, Romam opportunē missus, Ioannem tyrannum obterit: à Theodosio Augustus appellatur, Romæque Imperat, anno mundi 4329. à Christo nato 427. cum Genferico statim fœdus init, parte Africæ, vt videri voluit, cōtento: & aduersus Attilam Aëtij ductu, feliciter conflict: quem Aëtium postea iussit occidi: à cuius militibus, in vltionē, ipse Imperator paulò post occiditur. Hoc principe Frāci Gallias, Angli & Scoti Britanniam occupant. Vandali Africam populantur. Hunni Europam vexant & Italiam: tunc imperium Romanum funditus est collapsum ad Carolum magnū vsque: nihilominus tamen interea Constantinopolitani Imperatores, Romanos se quoque Imperatores nuncupabant. imperauit annos 30. Pomp. Læ. Egna. Pau. Dic. lib. 5.

MARTIANVS humili loco natus, militia tamen clarus, Pulcheriæ Archadij filix opera, Constātinopoli, post Theodosium primum admodū senex imperauit. Cum Vandalis fœdus percussit: arma nunquam nisi prouocatus mouit: dicere solitus, *Non decere principē arma sumere, dum licet ei in pace viuere.* Is Talianum Iuliūmque (ambo fratres erant, qui cum olim ægrum hospitio susceperāt, & aquilæ superuolantis eius caput, auspicium retexerant, viaticōque 200. aureorū inopē & ægrum recrearāt) statim vt princeps est dictus, illum Constantinopoli, hunc Illyrico præfecit. Imperauit Martianus annis septem, auspicatus anno mundi 4413. à Christo nato 451. Vide vt supra.

Ggg



FL A. Vale. Leo, primus Græcanici sanguinis, Asparis Patri-  
cij factione, post Martianū Constātinopoli imperat anno mun-  
di 4420. à Christo nato 458. Aspar conuenerat cum Leone,  
vt factus Imperator, Ardaburiū eius filiū adoptaret: quod Leo  
præstitit: populus, vbi hæc nouit, Ardaburium cum patre inte-  
remit: vel vt alij sentiunt, insidiarū in se autores occidit: Anthe-  
mium Cæsare fecit Leo, Romamque misit: deinde Olybrium  
misit qui Anthemiū regno pelleret: at factione Richomeri iam  
iam fuerat Seuerus Lucanus Rauennæ Imperator electus. Leo  
Basiliſcum Patritiū aduersus Genſericū misit, qui eum propul-  
ſauit, cū iterum in Italiam irrumpere tētare. Cum Ostrogo-  
this fœdus pepigit, (nam Illyrium vastabant) eiſq; Pannoniam,  
acceptis obſidibus, incolendam concessit. Hic Leo paulò ante  
obitum Leonem, Ariadnæ filiæ suæ filium, consortem imperij  
fecit. Byzantium magna ex parte conflagrauit: præterquā quòd  
Italia in perpetuo motu fuit. Imperauit annos 17. Pomp. Læt.  
Egna. lib. 2. Pau. Diac. lib. 16.

LEO iunior, puer ab auo relictus, cum annum præfuiſſet,  
Zenoni patri, aut saltē vitrico, manibus suis diadema imposuit,  
patrēque pro se deinceps imperare iussit. Egna. lib. 2.





ZENO Constantinopoli imperat anno mundi 4437. à Christo nato 475. fuit ex Isauris Ciliciæ, obscuri sanguinis, facie deformis, moribus tyrannus, vt Isaurū agnoscas. Hic Theodoricum Ostrogothorum Regē cum vnicē diligeret, Cōsulem fecit, ac in Italiam aduersus Odoacrē misit: occurrētem Odoacrem Theodoricus prælio vicit, fugauit: fugiēs Odoacer, intra moenia vrbs non admissus, citissimè Rauēnam cōtendit. triennium ibi obsessus, tādēmq̃ à Theodorico in fidem receptus, contra fidem truculēter excarnificatur. Pellitur regno Zeno à Basilisco factione vxoris Augustæ, cū in Isauriam cōcessisset maritus Imperator: non multò pōst reuersus Zeno Basiliscū expulit, quē vnà cum filio inedia mori coëgit. Sunt qui viuum adhuc inclusum ab vxore sepulchro tradant. Hoc principe incendium odeò graue fuit, vt præter maximā vrbs partem conflagram, centum & viginti librorum millia combusta sint: inter quæ & Homeri poëma, intestino draconis 120. pedū, aureis literis descriptum. Pom. Læt. Pau. Diac. lib. 6. Egna. lib. 2.

ARIADNA, supradicti Zenonis vxor, fratrem Basiliscum Imperatorem fecit, filiūque eius Cæsarem, absente quidem viro suo, qui rediēs supplicium de patre & filio sumpsit, vti iam dictum est. Bap. Egna. lib. 2. Romanorum Principum.



F L A. Vale. Anastasius, Constantinopoli post Zenonem, Ariadnæ opera, imperat, anno mundi 4454. à Christo nato 492. Hic à Græcis cognominatus est Dicoros, à discoloribus oculorum pupillis, quarû dextra nigricâs, sinistra cœrulea fuit. inter bonos principes referendus veniret, quanquam humili loco ad imperiû sit euectus, nisi postea mutatus Eutychianæ hæresi adhæsisset: vnde illi aduersus orthodoxos graue diffidium conflatum. Legatos Indorum cum muneribus venientes, placidissimè audiuit. à mari ad Selymbriâ longum murum duxit, ne incursiones Myforum, Bulgarorû, & Scytharû obesse possent. Athenodorus Tyrânus in Cilicia pœnas luit: & Longinus tanquam fera dilaniatus est. Hunni, non cõtenti Armenorum spoliis, Cappadociâ vastauerunt, & vsque ad Lycæoniâ vrbes diripuerunt. Ad Aquilonem Vitalianus rebellauit: vt quiesceret nongêta pondo auri ab Imperatore accepit. Getæ Macedoniâ, Thessaliâ, Epirum diripuerunt: quibus, pro captiuis redimendis aurum eum misisset Anastasius, nec sufficeret hostiû votis, Barbari captiuos aut in domibus suffocarunt, aut pro mœnibus in cõspectu multitudinis trucidarunt. obiit octuagenario maior, subita morte, vel fulmine tactus, ob heresim vt aiunt, imperij anno 28. Pom. Læ. Egna. lib. 2.

I V S T I N V S Thrax, dolo imperiû adeptus est: nam mortuo Anastasio, accepta ab Amantio eunucho pecunia vt militi pro Theocritiano eligendo distribueret, in se cautè Thrax suffragia vertit. fuit primùm suûm custos, deinde boum, post lignarij cuiusdâ minister, postea miles, deinde princeps ordinis, hinc Comes, dein Imperator: annis 9. optimè præfuit, & feliciter. Vide vt supra.





AMALASIVNTHA Theodorici filia Athalaricique Gothorū Regis mater fuit, cum qua imperavit ipse filius octo annos, auspicatus anno mundi 4488. à Christo nato 526. hæc mortuo filio Athalarico Theodatum cognatum in consortem imperij legit: verum ingratus hic, ac perfidus, eam paulò post relegavit, tandē etiam obtruncari iussit: nec ita diu postea imperavit: quinetiā ipsum Optaris occidit: quare Gothi Virigem Regem crearunt: quē captū Belisarius Rauenna potitus, Constantinopolim duxit. Blondus lib.3. Deca. 1. Pau. Diac. lib.7. Ab. Vrsper. Pom. Læ. in Iustiniano. Pau. Emy. lib.1. de re. Franc.

ATHALARICVS Gothorum Rex, Theodorico avo materno, (qui Gothorum primus in Italia imperavit 34. annis) iuuenis admodū, nempe octo annorum, successit: huius immaturam ætatē mater rexit, erudiendāque ciuilibus, priusquam bellicis artibus curauit: nam pater Eutharicus obierat. hic ætatis anno 16. imperij 8. decessit. Vide vt supra.

Ggg 3





**CLODOVEVS** hoc nomine primus, Francorum Rex quintus, Francicæ vtique religionis conditor, successit patri Childerico anno mundi 4448. à Christo nato 486. Hic vxorem duxit Christianam Clotildem Burgundionem. Syagrius, Egidij Romani filius (eius qui, expulso Childerico, Francis præfuerat) à Sueffionibus expulsus, Tolosam confugit ad Alaricum Visigothorum Regem: à quo proditus, & Clodoueo redditus, securi percutitur. Sic desiere expulsi & cæsi in Galliis imperium habere Romani. Deinde Clodoueus Turingiam debellat: à Rheno ad Sequanam regnum ampliat: ad Ligerim vsque fines suos extendit. In bello quod ad Tolbiacum gessit, periculi magnitudine, idolorumque diffidentia, repente vouit se Christianum fore: voto facto Germanos hostes vicit, subegit, tributa imposuit: à D. Remigio Remensi Episcopo cum Francis omnibus baptizatur. Post hæc Gundebaldum Burgundiarum Regem regno & patria cedere coëgit: Alaricum Regem cum suis Visigothis fudit. Mœnia Engolismæ ruinosæ in cōspectu Clodouei urbem aggressuri ruunt: illinc Burdegalā vsq; hostes insecutus, iterum vicit. Omnes tum ferè Gallias, & vniuersam Alemanniā Rex sub ditione tenuit: ab Anastasio Imper. dona recepit, Patritiatus & Consulatus titulum, & insignia, coronā insuper auream, multis vnionibus distinctam, quam postea Romā D. Petro offerendam remisit. rexit an. 30. Hic Lutetiæ sepultus est in æde quā D. Petro & Paulo erexerat: hodie Fanū D. Genouefes vocatur. Æmy. li. i.

**CHILDEBERTVS** patri Clodoueo successit ann. mundi 4478. à Christo nato 516. Hic Almaricum fundit, occidit: Hispanias populatur: sororem, quod ab Arriana hæresi abhorreret, à viro Almarico Alarici filio duiè tractatā, reducit. Tādem obiit sine liberis anno regni 45. Sepelitur in æde D. Germani ad Parisios ab eo erecta, & dicata D. Vincentio.





IVSTINIANVS, Iustini ex sorore nepos, ab auunculo, paulò ante obitum successor instituitur, imperatq; anno mundi 4491. à Christo nato 529. Hic Romani imperij gloriam Plurimum ampliauit. Primùm Perses, Belisarij opera, intra suos fines cōtinuit, fudit, fugauit, trans Eufratē abire coëgit: iura imperij toto Oriēti posuit: Belisarium cum victoriaredeuntem, & aureo curru triumphantem Iustinianus magno plausu excepit. Inde eodem duce Romā à Gothorum seruitute asseruit: Africa quoque recuperata, Gelimerem, Vandalorum Regem, catenis vinctum Constantinopolim misit Belisarius: triumphus maior Persico fuit. Narsete duce, occupato aliunde Belisario, tandem Gothos deleuit Iustinianus. Leges, fusissimè antea dispersas, opera Triboniani cōtraxit: Institutionū libros quatuor edidit: Codicem inuulgauit. Maximus sanè princeps, nisi auariciæ, & delirij Eutychiani reus fuisset. Serici vsus è Persis ad Græcos hoc tempore trāsīit, iam pridē desitus. Moritur morbo, & mente captus, anno ætatis 82. imperij 38. Pom. Læt. Pau. Diaco. lib. 7. & 8. Egna. lib. 2. Eutr. auctus lib. 16. autor est, Iustinianum morte præuentum cū edictum vbiq; à pietate alienum transmisisset.

THEODORA vxor fuit Iustiniani, ex quo matrem Iustinæ suscepit Iustinianus. Hæc fraudē molita est in Syluerium Papam, quem Belisarius falsis testibus conuictū in exilium misit, vbi etiam mortuus est. consulito Eutropium auctum li. 16.



**CLOTARIVS** Francorum Rex septimus, atque huius nominis primus, succedit fratri Childeberto, imperatq; Francis anno mundi 4522. à Christo nato 560. Hic tertiam redituum ecclesiæ partem sibi dari iussit: cui dationi Turonum Archiepiscopus liberè & fortiter se opposuit, vaticinatus regno spoliatum iri Regem, si pauperum bona imminueret aut eriperet. Cranû filium bello subactum, cum vxore, liberis, & vniuersa familia exurendum curauit. is enim patri non obsecundans, multa Galliæ dâna intulerat, primùm à Childeberto patruo instigatus, deinde focero Aquitaniæ duce eius causam defendente. Conabus Britânus eum excepit, ac tutatus est. Socerum illum Rex ferè perdiderat. Britannum autem paulò ante filij necem interemerat. Rex Compendij obiit anno regni quinto. Pau. Æmy. lib. 1. Robertus Gaguinus lib. 2.

**CHEREBERTVS**, qui & Aribertus, patri Clotario succedit anno mundi 4527. à Christo nato 565. nam ei, diuisa inter fratres hæreditate paterna, parisij sorte obuenerunt: Chilperico Sueffionum regnum, Guntrano Aurelianensium, Sigiberto Metensium. Fertur Cherebertus paucos annos vixisse, muliere quauis corruptior, scortationi & luxui addictissimus: cõputantur tamen in chronicis anni nouem administrationis huius Childeberti. Pau. Æmy. lib. 1. Ro. Ga. lib. 2.





**IUSTINVS** Iunior, filius filiæ Iustiniani Imperatoris, post auum imperat Constantinopoli anno mundi 4529. à Christo nato 567. Hic æmulus Iustini, atque perinde ac filius à Iustiniano in regia semper enutritus, facili admodum ingenio fuit, atque ad promerendam, ex liberalitate, hominum gratiam accōmodo. Cum Persis fœdus pepigit, tributo, quod Romani annuum his penderent, sublato. Porro Narfes cum post Gothicam victoriā Italiæ præesset, accusatur apud Iustinum, malæ administrationis: hic per literas se purgat. Sophia Iustini vxor, scripsit ad Narsetem vt ad pensa muliebria rediret, eunuchus enim erat Narfes, quare eum oderat. tunc Lōgobardi, Germanica gens, qui in Pannonia erant, à Narsete indignato vocati, in Italiam irrumpunt, quā ab Alboino Rege ad Desiderium, per 204. annos in principatus diuisam tenuere: responderat vtique Sophiæ Narfes, se talem texturū telam, quam ipsa discutere & diuellere nequiret: obiit graui pedū dolore Iustinus anno imperij 11. Pom. Læ. Egn. lib. 2. Longinus, primus Rauennæ exarcha fuit anno mundi 4533. à Christo nato 571.

**TIBERIVS** Constantinus adoptatus à Iustino, rem per septennium satis feliciter administrat, Persas sæpe profligatos, intra suos fines compellit, recepta Mesopotamia. Longobardi rupto fœdere vrbē Romam graui obsidione premunt: sed eos iniuria decidētium imbrium depellit: nihil hoc principe fortunatius, si res vt in Oriente, ita in Occidente successisset. vixit summa cum pietatis & liberalitatis opinione. Pomp. Læt. Egn. lib. 2. Diac. lib. 8.



MAVRICIIVS, Cappadox, Tiberij Constantini gener fuit: à Socero successor declaratur, imperatque ann. mun. 4547. à Christo nato 585. Hic imperium sub initia Persis victis, Scythis afflictis, Longobardis repressis, ac Hunnis è patrio solo in solitudines pulsis, feliciter administravit. Mox tamen cum præ avaricia, stipendia aut nulla aut rara daret, cõiuratur in eum ab exercitu cui præerat Phocas imminēs Sarmatiæ. Tandem cum frustra Phocæ insidias, somnio etiã admonitus præcauet, cumque miles stipendio fraudatus, seditiosius agit, ab eodem Phoca imperio & vita priuatur Mauricius anno ætatis 66. imperij 20. vxor, liberi, omnisq; eius prosapia cum eo sublata est. Turcicum nomen tunc primùm Asiæ auditum. Pom. Læ. Egna. lib. 2. Hic Mauricius Childeberto Frâcorum Regi summam argenti misit vt Longobardos Italia exturbaret. Pau. Diac. li. 8. mirũ est sanè in hoc Imperatore opum cumularum cupiditatẽ eius oculos ita excæcasse, cum præsertim notarius primùm fuisset, deinde miles, postea præfectus vigilum, deinde Imperatoris gener, postea Augustus. Discant itaque Principes avaritiam non tãtũ illos dedecere, sed & damno & exitio interim illis esse: (exemplo sint Imperatores Pertinax & Mauricius) contrà verò maximum esse Principis ornamentum liberalitatem.

CONSTANTINA, Tiberij Imperatoris filia, Mauricij vxor fuit, ex quo liberos suscepit, qui vnà cum patre & matre cæsi sunt, vt dictum est. Vide autores quos supra.





CHILPERICVS, post fratrem Cherebertum apud Francos imperat anno mundi 4536. à Christo nato 574. Initio Chilpericus neque omnia tenebat, neque fortior erat. Inter fratres de regno lis est. Sigiberto in Germania trans Rhenum occupato, Remorum oppidum quod ditionis Sigiberti erat, nonnullaque in Campania loca Chilpericus adoritur: paratque bellum quantum potest maximum cum filio Theodeberto. Sigibertus redit: Suefsionum deditione facta, Theodebertum capit, quem statim ad Chilpericum remittit, iureiurando tamen prius astrictum, ut ne unquam bellum aduersus eum susciperet. Attamen iussu patris, violato iureiurando, contra patruum dimicans occiditur Theodebertus. Rebus accisis Chilpericus Tornacum se recipit. Sigibertus magna popula cum vxore Brunehilde Parisios ingreditur: atque post paucos dies cum statuisset fratri ne vitam quidem saluam iri, à duobus percussoribus, quos Fredegunda Chilperici vxor immiserat, trucidatur: Hæc tandem etiam cum adultero Landrico, virum, regem, noctu à venatione redeuntem, cædi curauit: ad Calam Parisiorum vicum. huius item imperio nouerca, puer regius Clodoueus, natus postremus, iam ante necatus fuerat. rexit annis 14. Sepultus est in æde D. Germani à Pratis, iuxta Lutetiam. Æmy. lib. 1. Gaguin lib. 2.

CLOTARIVS, huius nominis secundus, Francorum Rex 10. Chilperico patri puer admodum successit, anno mundi 4549. à Christo nato 587. Tutor à Guntrano patruo ei datur Landricus: apud matrem Fredegundam educatur. Cruentam de Saxonibus victoriam reportat Clotarius: rexit annos 44. in æde D. Germani sepultus est. Vide ut supra.



PHOCAS in eius Imperatoris, & Domini sui, locū succedit, quē nuper imperio & vita priuarat: nec tamen ipse ab auariciæ vicio tēperauit, cū causam ei auaricia Mauricij præbuisset coniurandi in caput illius: quin longē studiosius corradēdæ pecuniæ incubuit: & omnia ex Persicæ seruitutis instituto egit. Hic Romanum Pontificē primarium omnium declarauit sollicitatus à Bonifacio 3. Cætera adēd focors & ignauus, & frequentibus adulteriis infamis, vt cū Ro. imperium vndiq; barbari vastarent, starētque solūm eius nominis vmbra, conspiratum sit in illum ab Heracliona, Heraclio & Prisco, qui captum inertissimum hominem prius interfecere quàm ferre ei suppetias eius milites potuerint, omnēmq; stirpem impurissimi principis sustulēre. cœpit imperare anno mundi 4567. à Christo nato 605. imperātque annis 8. Egna. lib. 2.

HERACLIVS, qui in Phocam coniurarat, à militibus primūm Imperator pronuntiatur: populus dein & Senatus ingenti acclamatione probant: accepto itaq; diademate à Sergio Constantinopolitano patriarcha, Persicum bellum parat, legatis antea missis pro induciis impetrandis. Ludibrio habitus à Persis, adēd excaudit vt differre non potuerit: respondebant enim impij hostes non prius se Romanis pacem daturus, quàm Christum abnegasset Imperator. Perside igitur omni, in vltionem, igni ferrōque vastata, lignū salutiferæ crucis recepit. Celebris adhuc est nobis dies festus, argumentū victoriæ insignis: Tigris factus est inter vtrosque limes: nouo tandem morbi genere obiit Heraclius, anno imperij 30. Pom. Læ. Egna. li. 2. Tunc Mahomethes insanus emerfit.





**MAHOMETVS** ex stirpe Ismaëlis oriundus, in Arabia humili loco natus, inops, ac orphanus, captus est ac vëditus mercatori cuidā diuiti, qui eum mercimoniis præposuit. hero mortuo vxor eius vidua ac vetus nupsit Mahometo robusto iuueni: qui à Sergio monacho hæretico praua imbutus opinione, diuinitatem quādam inde sibi adstruxit, quam leuissimo hominum generi facilè persuasit: cūmq; epilepsia laboraret, cōspectum se Angeli Gabrielis minime ferre posse cōminiscebatur: sunt etiā qui prodant assuefactā columbam ei ad aurem aduolasse, grana in aure captaturā, mētītūmq; eum hanc esse spiritum sanctū. hic vinū lege prohibuit: plures vxores permisit: paradisum etiam voluptarium constituit: legem suam armis tutari sanxit. Hic itaque rerum successu elarus, Syriā, vastat, Damascum expugnat: in Persas mouet: à quibus victus Scenitas Arabes, Romanæ assuetos militiæ, ab Heraclio, ob negata stipēdia deficientes, adiungit. Sic stabilito paulatim imperio, an. ætatis 40. veneno, vt aiūt, à cognatis ad quos vxoris hæreditas spectabat, inter epulas immixto, interiit spurcissimus ille: cuius tādē superstitio Romanorum principū ignauia, eò creuit, vt iam non Asiam solum, & Africam, sed bonam Europæ partē infecerit. Vide Egn. lib. 2. Pom. Læt. Blon. lib. 9. Deca. 1. Chro. Antonini. titu. 13. cap. 3. hunc Turci vocant Mehemet, alij autem Muhamet.

**CADIGA**, seu Tadiga Mahometi hera, cū vidua esset quin quagenaria, ac diues nupsit seruo suo Mahometo, à Sergio monacho, vti censet Pom. Læ. persuasa. hic Mahometus primò Cadigæ camelis ad negotiādū utebatur: cūmq; veniret in Palæstinam cum Iudæis & Christianis versatus, religionēmq; eorum edoctus, ex his duabus doctrinis mixtis, vnam quandā tertiā ac nouā cōfinxit circa ann. mun. 4586. à Christo nato 624. Vide Ab. Vrsper. in Heraclio Imper. & Volater. lib. Geographiæ 12.



HERACLIVS, qui & Constantinus iunior, & notius Constantinus dictus est; Heraclij ex Fabia Eudoxia filius fuit: admodū adolescens erat tum cū à patre imperiali diademate donatus est. Hic veræ pietatis cultor, cū nondum annum imperasset, Martinæ nouercæ insidiis, quæ Heraclionæ filio imperium astrueret, veneno sublatu est. Vide Baptistam Egna. li. 2. Pom. Lat. Succedit Heraclionas Heraclio anno mundi 4604. à Christo nato 642.

HERACLION, siue Heraclionas, imperauit Constantinopoli cum Martina matre, quæ imperium inuaserat venefica: hæc cū esset filia fratris Heraclij prioris Imperatoris, fuit item illi Heraclio vxor, suscepitque ex eo hunc Heraclionē siue Heraclionam. Cum imperium male partum vix biennio tenuissent mater, & filius decennis, in exilium à Senatu in Cappadociam mittuntur: mulieri lingua præciditur, ne oratione, qua plurimū valebat, populos commoueret: puero nasus abscinditur, ne decor aut gratia vultus in miserationē populum flecteret. Senatus tunc sine militibus Imperatorem Constantem fecit, quod raro contigit, vel ante vel post Tacitum. Pomponius Latus, in progenie Heraclij.





DAGOBERTVS huius nominis primus, ac Francorum Rex vndecimus succedit patri Clotario, huius nominis secundo, anno mundi 4593. à Christo nato 631. Hic viuo adhuc patre, pædagogus barbam vulsit, virgisque eum cædi iussit: pro miraculo habetur, patris iram vitare potuisse. Fratri Ariberto Aquitanix regnum in partem hæreditariam dedit: Sclauos adhuc idololatrias debellauit. Effeminatus Dagobertus, scortorum & pellicum agmen secum traxit: & variis in locis formosarum collegia instituit, quæ vt Reginæ adornarentur: D. Amandus, id flagitij corripiens, in exilium mittitur. Rex Iudæos omnes qui Christum amplecti nollent, edicto expulit. Templum D. Dionysij, ad Parisios, à fundamētis erexit: ex aliis vnde quaque corrasit, quod id vnū ditaret, nec quisquā ante eum patrimonij redditus annuos templis tam profusè donauit. Vascones rebelles in fidem recepit. Tandem profluvio ventris obiit anno regni 14. Pau. Emyl. lib. 1. Gag. lib. 3.

CLODOVEVS, huius nominis secundus, Francorum Rex duodecimus, succedit patri Dagoberto anno mun. 4607. à Christo nato 645. cum Sigibertus natu maior Austrasia contentus esset. Clodoveus & Ludouicus idem nomē est Germanicè. Sigibertus, nulla prole suscepta, Ildebertum filium Grimoaldi adoptat: verum mox nascitur illi filius Dagobertus: quem Grimoaldus valde puerum, & tonsum, & monachum in Scotiā mittit, patre Sigiberto defuncto: & eundem Ildebertum Austrasix Regem creat. Clodoveus hanc perfidiā minimè fert. Ildeberto in bello occiso, Grimoaldus captus, Parisiis in carcere vitā miserè finiit. Fames maxima Galliā inuadit: cui vt succurrat Clodoveus, thesauros & opes, quibus ædem D. Dionysij Dagobertus pater ornat, aufert, obiitque anno regni 17.



**CONSTANS**, qui & Constantinus, Heraclij Constantini supradicti ex Gregoria, filia Nicetæ Patricij, filius, imperio potitur adnitente Senatu, vti dictū à me est, qui Martinæ scelus execrabatur. Hic dicitur etiam Constantinus tertius, qui valde dilectus ab auo Heraclio, Phocæ successore, magnisque honoribus functus, auitæ tandem impietatis hæres, Martinum Ro. Pontificem sibi aduersantem comprehendi iubet, in exilióque mori cogit. A Saracenis victus aufugit. Biennij ab eisdem induciis impetratis, Italiam petit, vt eam à Longobardis liberet: à quibus etiam victus, in suos conuertit iram, laminas argenteas, quibus Pantheon tegebatur, & alia quædam pretiosa, reliquias hostilium prædarum atque incendiorum aufert: plúsque ornamentorum intra quintū diem vrbi detrahit, quàm barbari per tot annos: quicquid Romæ antiqui operis, signorumue fuit, in Siciliam secum asportat: vbi cum sextū annum agit, & auarè ac crudeliter tributū exigit, in balneis, à ministris, autore Mazese, interficitur, anno imperij 27. cœpit anno mundi 4605. à Christo nato, 643. Pom. Læt. Diaco. lib. 8. Egna. lib. 2.

**CONSTANTINVS**, natu maximus Constantis prædicti, post patrem imperat. Hic in Siciliam venit, vltúsque Mizizium, siue Mazesen, tyrannum, & cædis paternæ conscios, bellum in Saracenos annos septem terra marique feliciter gessit: vnico congressu 30000. cæcidit: tributarios fecit. Ignis sub aqua ardet, Callinici inuentum: quo valde terrentur hostes Arabes. Bulgari trans Danubium derepente bellum ostentant: inhonesta pace, Mysia ad inhabitandum datur, cum annuo tributo. imperat annis 17. Pogonatus dictus, id est barbarus, quòd barbarus è Sicilia rediisset. Egn. lib. 2. Dia. lib. 8. hic è palatio præcipitatus interiit.





CLOTARIVS, huius nominis tertius, Francorum Rex decimus tertius, succedit patri Clodoueo secundo, tanquā maximus natu filius, anno mundi 4624. à Christo nato 662. Hic egregij nihil præstitit. Theodoricus huius frater Childerico minor, post hunc, Ebroini Magistri equitum opera regnat: sed ob incontinentiam & scelera regno pellitur: & cum suo Ebroino in cœnobium truditur Theodoricus. Childericus frater, qui in Austrasia imperabat accersitus, Rex creatur. Tunc inertes Reges toti se Magistris equitū permittebāt, in deliciis clam volutabantur: tātū in publicū prodibant Calēdis Maij, cum pompa & regio apparatu. Ferè Parisij & Neustriæ regnum erāt vniuersæ eorū ditiones: reliquum Gallix in cōtrouersia erat, quàm plurimis ab eorū imperio deficientibus, dum penes Magistros equitum summa rerū esset, apud quos stetit ad Pipinū vsque, id est annis ferè cētum: vixit, ex quo patri in regno successit Clotarius ann. 4. regio magis ornatus nomine, quàm Regem agēs, sicuti nec qui ad Pipinum vsque ferè sunt. Æmy. lib. 1. Gag. lib. 3. obiit nullis relictis liberis.

CHILDERICVS, huius nominis secundus accersitus ex Austrasia, vti dictum est, creatur Rex, in locum Theodorici prædicti anno mundi 4629. à Christo nato 667. Crudelis hic in suos, insignem virum Bodillum, palo alligatum flagris cædi iubet. Bodillus in vindictam inter venādum Regem adortus eum occidit 12. regnantē annum, atque vnā cum eo Reginam Blitildem, vterum ferētem. Sepultus est ad fanum D. Germani à pratis. Consulito autores quos supra.

Hhh



**THEODORICVS**, huius nominis primus, ac Francorum Rex decimus quintus, qui iam post Clotariū tertium, ferè annum regnat, & ob scelera in monasterium detrusus fuerat, perempto Childerico, è monastica vita reuocatus, à Francis in solium reponitur, anno mundi 4641. à Christo nato 679. Lendefius, Ercembaldi filius, Magister equitum creatur. Ebroinus, tandē relicto monachatu, ingenti sceleratorum manu collecta, inopinātes hostes magna celeritate opprimit. Gaza capta, Rex ægrè effugit initid: mōxq; se Ebroino cōmittit, Magistro equitum ab se dicto, & periculorū socio: medio in colloquio trucidatur Lendefius ab Ebroino. Ita sublato aduersario, Ebroinus vnus rebus, Regique præest: sœuītq; in eos quos sibi in calamitate insultasse sentit, nec dignitati, nec sanctitati cuiusquā parcit. Pipini dein, & Martini, fratrū, Austrasianorū Ducum acies fundit Ebroinus, contrāq; fidem datam Martinum occidit. tandēque occiditur ipse, ab Ermēfredo in Martini vltionē. Moritur Rex anno regni 14. qui à Pipino victus, fugatūque fuerat ante paucos annos: tum Pipinus Palatij curā suscipiēs, multum res Francorum auxit. Vide Gag. lib. 3. Æmy. lib. 1. Rex Atrebatibus sepelitur in D. Vedasti æde.

**CLODOVEVS**, huius nominis tertius, Francorum Rex 16. succedit patri Theodorico anno mundi 4655. à Christo nato 693. Hic brevis æui, moriens post annos quatuor, fratrem suum Childeberty regni successorē habuit. Claret venerabilis Beda. Frisij, Rabodo eorum Duce superato, in Christianismum à Pipino inducūtur: apud quos Vullibrotus, quem nonnulli Clementem Papam vocant, frequētes de Christi verbo conciones habuit, eosque instituit. Vide Chro. Reg. Fran.





**IUSTINIANVS** huius nominis secundus, qui etiā Iustinus quartus dicitur, Heraclianæ stirpis vltimus, imperat post patrem anno mundi 4648. à Christo nato 686. hunc pater Constantinus 4. imperij hæredē reliquerat, & fratribus minoribus, ne ad imperium aspirarent, nares absciderat. Praui hic ingenij, synodum aduersus sextam à patre celebratā indixit: aduersantem Papam cōprehendi iussit, quòd hanc synodū minimè probaret. Bellum in Arabas & Bulgaros cōtra fœdus mouit, vtrunque infelicitè gessit. Ammirathus Saracenorū Rex cum eo fœdus icit, Africāque restituit. Tum crudelitate in suos inuisor factus, imperio deturbatur anno imperij 10. & relegatur Chersonā, nare prius abscissa: opera Bulgarorum post annos sex restitutus in hostes sæuit: Tiberiū qui Leoncio successerat, fugat: Callinicum exoculat: ac quoties truncas nares mungit, vnū aliquem ex iis qui Leontio fauerāt trucidat. Post annos sex restitutionis, Chersonā euertere studens, à Philippico, quem exilio dānauerat cum Tiberio filio, bello superatur, & occiditur. Egn. lib. 2. Pau. Diac. lib. 8. Ab. Vrsper.

**LEONTIVS**, qui & Leo secundus, adnitente Callinico Patriarcha Constātinopolitano, Iustinianum imperium deturbat, imperiūque inuadit, anno mundi 4658. à Christo nato 696. itaque ab Heraclio, qui Phocā occidit, in vna gente imperatum est annis plus 80. quod vix vlli priorum contigit: fuit Iustinianus sextus continua serie ab Heraclio Imperator, traditūque est imperium velut per manus Heraclianæ stirpi, quæ defecit in hoc Iustiniano. Porro Leontius itidem cum infecta re ab expeditione Africana rediret imperio pellitur à Tiberio Abfimarō, post annos tres, nasóque mutilatur, & in carcerem truditur. Egn. lib. 2. Diac. lib. 8.



ABSIMARVS, qui & Tiberius tertius, ab exercitu Imperator eligitur, cum Leontius ingēti classe parata aduersus Arabas Africam occupantes, infecta re rediret, anno mundi 4661. à Christo nato 699. Hic Arabas, opera fratris, repressit. Philippicum nobilitatis præcipuæ Cherfonā relegauit, quòd aquila caput obumbrasse videbatur Philippico dormienti. Cæterum septimo post anno, reuerso tandem Iustiniano, qui pulsus fuerat, ab eóq; captus, vnà cum Leontio interimitur: calcato prius eorum collo, à Iustiniano in solio sedente, vniuersaque plebe clamante: *Super aspidem & basiliscum ambulasti, & leonem, draconemque conculcasti.* id etià fecit Papa Friderico primo, vt infra dicitur. Vide Ab. Vrsper. Egna. lib. 2. Diac. lib. 8.

PHILIPPICVS, cognomento Bardanes, quem acriter infectatus fuerat Iustinianus, quémque relegarat Absimar, vita & imperio Iustinianum, secundò imperantem priuat, prius à se victum: ab exercitu etià Iustiniani Imperator dicitur, anno mundi 4674. à Christo nato 712. Hic sextæ synodi decreta, altera synodo infirmare cõtendit, gratificaturus monacho, qui imperaturū illum prædixerat, id prædictionis præmium petenti. Huic cum sermonis multū, sapientiæ parum inesset, opésque imperij iam pridem congestas dissiparet, passus etiam Bulgaros Thraciā deprædari, post annos ferè duos, ab Anastasio in ordinem redigitur, oculisq; pridie Pentecostes priuatur, & sequenti die Arthemius Imperator designatur. Vide Pau. Diaco. lib. 8. Egna. lib. 2.





**CHILDEBERTVS** huius nominis secundus Franco-  
rum Rex 17. fratri Clodoueo tertio succedit anno mundi 4659.  
à Christo nato 697. De huius gestis, quasi nil commendatione  
vel memoria dignum gessisset, nil scriptum reperi. Pipinus re-  
gnum administrans, D. Lambertum Traiectetium Episcopum,  
ab Ebroino, virtutum hoste, sede pulsum, in pristinum locum  
restituit: qui cum non dubitat Pipinum adulterij arguere, à  
Dodone pellicis fratre interficitur. percussor & conscij intra  
annum pereunt. Obiit Pipinus crassus 27. Magisterij anno, cum  
iam instituisset Austrasianorum ducem Carolum, à viribus  
Martii cognomento Martellum, ex Alpaide concubina na-  
tum: quem Plectrudis Pipini vidua in carcerem coniicit, spe-  
rans cum Theobaldo nepote summa rerum potiri. Anni re-  
gni huius Childeberty numerantur 18. Sepultus est apud D.  
Stephanum in oppido Canciaco. Vide Guag. lib. 3.

**DAGOBERTVS**, huius nominis secundus, qui & Clo-  
doueus à Sigiberto dicitur, succedit patri Childeberty anno  
mundi 4677. à Christo nato 715 In Francia tunc maxima fuit  
rerum perturbatio, quousque genus hoc regum extingueretur,  
& regni administratio ad Martelli familiam deuolueretur.  
Theobaldus Magister equitum Dagoberty, & Ramanfredus  
Magister equitum Chilperici præliantur acerrimè ad syluam  
Cociam. Theobaldus multis suorum millibus prostratis effu-  
git. Interea obiit Dagobertus anno regni sui quarto: quo mor-  
tuo, à victoribus Rex salutatur Chilpericus, quem Austrasiani  
dicebant Danielelem vocatum monachum, in coenobio adoles-  
centiam egisse. Pau. Æmy. lib. 1.



**ARTEMIVS**, qui & Anastasius secundus, ab exercitu Imperator creatus, in Philippicum, vti dictum est, insurrexit, regno oculisque eum priuauit, nec tamen occidit. Hic imperium adeptus est anno mundi 4676. à Christo nato 714. Cum optimè quæ ad pietatem attinent instituisset, classẽ ingentẽ aduersus Arabes in Alexandriam misit. Verùm classarij quidam contumacius agentes, qui illum oderant, domũ reuersi, Theodosium ignobilem alioqui virum Imperatorem creant: captæque Constantinopoli, monasterio Anastasium includunt, annos tres Imperantem. Vide Pau. Diac. lib. 8. Egna. lib. 2. Ab. Vrsper.

**THEODOSIVS** Atramitenus coactus à militibus sumpsit imperium, anno mundi 4679. à Christo nato 717. Hic ad Niceam graui prælio Artemium vicit: obscuro licet loco natus, non poenitendum Imperatorem egisset, si diutius illi per Leonem & Cononem, Oriëntis præfectos, imperare licuisset. Verùm cum Leonem exercitus Imperatorem dixisset, pertractus belli civilis Theodosius cessit imperio, monasticam vitam amplexatus. Vide Diac. lib. 8. Egna. lib. 2. Ab Vrsper. hic annum imperat.

**LEO** Isaurus sceleratus, imperat post Theodosiũ, huius temporibus Saraceni triẽnali obsidione terra mariq; Constantinopolim obsident: verùm peste famẽque cõfecti, à Bulgaris etiam sæpe victi, classe magna ex parte igne sub aquis ardere cõsumpta, numinis iram sensere: nec minori interim clade in vrbe sæuitum, trecenta & amplius ciuium millia peste famẽque consumpta sunt. Hic, in gratiã duorum Iudæorum, imagines sanctorum deiecit atque incendit. imperauit annis 24. Vide Diac. lib. 8. Egna. lib. 2.





**CLOTARIVS**, huius nominis quartus, Francorum Rex 19. extitit. Nam cum Carolus Martellus è custodia nouerca Plectrudis elapsus esset, Chilpericum Danielē, Regem à morte Dagoberti statim creatum, persequitur, & magna tādē clade castigat ad Vinciācum Samarobrinēsiū : iterūque eundem cum Eudone Aquitanix duce, quem in auxilium aduocat Chilpericus, fugat : & Ramanfriedum Andegauī assequitur. Tunc Martellus Regem salutat Clotarium quendam (nonnulli scribunt fuisse Dagoberti secundi fratrem, alij autem auunculum aut patruum) qui annos duos regnat : sepultus Cāciaci cum Childeberto & Dagoberto.

**CHILPERICVS** huius nominis secundus, Francorum Rex vicesimus, qui antea & Daniel vocatus & monachus fuisse dicitur, siue vera Clodouei magni soboles, siue falsa, mortuo Clotario, ex Vasconia à Martello reuocatur : quē reddidit Eudo cum parte gazæ. Vt venit Chilpericus, Regem sibi facit eum Martellus anno mundi 4683. à Christo nato 721. regnat Chilpericus hic, qui & Daniel, annos quinque, deinde moritur, & sepelitur Nouioduni. Vide Chro. Regum Francorum.

H h h 4.





**CAROLVS** Martellus, gloriæ suæ augendæ, opibûsque Francorum tutandis incumbens, Saxones, arma parâtes finitimósque sollicitantes, antequâ maius exoriretur bellum, ad officium redire cogit, Bauaros debellat. Alemanis vi armorû perterritis recipit, reducitq; Plestrudem vnâ cum Sonichilde eius nepte, quæ profugerât illuc, sibi à Martello metuentes. Interea Eudo Aquitanix Dux multa hostilia in Frâcos ausus est. Celebrius omniû opinione reuersus Martellus, primû omniû conuentû vniuersæ Frâciæ habuit: ab eoq; iam non Magister equitum, sed altiore fastigio princeps Francorum salutatus est, anno mundi 4686. à Christo nato 724. Tum noua nominis nobilitate inclytus, Aquitanicum bellum suscipit, aduersus Eudonem qui Saracenos ex Africa exciuerat: quo in bello ad 370000. barbarorum cecidere: ex Frâcis 1500. tâtum. exteri rerû scriptores de nobis hoc literis prodiderû, cum magna læticiæ significatione quòd gens legis ac religionis tam impiæ, penè occidione occiderit. Obiit Martellus Carisiaci ad Isaram: conditus in Mausoleo Dionysiaci in ordine Regum. Clorarium quartum vt dixi, Martellus Regem creauit, deinde Danielẽ Chilpericum vocatum, postea Theodoricum secundum: Vide Æmy. li. 2. Gag. li. 3.

**THEODORICVS** secundus, Dagoberti item secundi filius, post Chilpericum qui & Daniel dictus est, apud Francos imperat anno mundi 4688. à Christo nato 726. Huic fuit cognomentum Cala, qui in cœnobio, educatus fuit: imperauit Martelli opera, nec præter nomen, regium quicquam habuit, cum summa rerum, penes vnicum principem Martellum esset: qui, hoc rege, Abdiramam, atque Arthinum, Saracenorum Reges, variis præliis strenuè debellauit. Obiit Theodoricus hic, anno regni 15. (eodem anno etiam obiit Martellus.) atque in æde D. Dionysij sepultus est. Vide vt supra.





CHILDERICVS, huius nominis tertius, dictus stupidus, ob ignaviã, fratri suo Theodorico secundo supradicto, succedit in regno Franciæ anno mundi 4703. à Christo nato 741. hoc principe, Gripho hæreditate Martelli patris priuatus, Laudunum arcẽ belli occupauerat, mox fratribus in fidẽ se permittere cogitur. Carolomanus eius frater Roma rediens, abiectis omnibus fortunis, in cœnobium secessit: deinde in montẽ Cassinum migravit, tonsu, habitũq; monachi. Childericus anno regni nono, cum regio nomine indignus ac solij dehonestamentum videretur, opera Pipini consilióque Zachariæ, Pontificis, regno pellitur: conuentu præterea habito, mira procerum consensione Pipinus ipse salutatur Rex: Childericus fit monachus. Vide Æmy. lib. 2. Chroni. Reg. Franc. Gag. lib. 3. defecit primũ in hoc Childerico mascula Regum Francorum progenies.

PIPINVS Breuis, Francorum Rex dicitur anno mundi 4712. à Christo nato 750. Pipini præsidium contra Aistulfum Longobardorum Regem Papa implorat: cõscripto exercitu Pipinus Italiã intrat: Aistulfum Papiæ obsidet, atque ad deditiõnem cogit. Papæ exarchatum Rauennatem dono dat, monitis etiã Constantini Copronymi Imperatoris neglectis. Vide Blon. lib. 1. Dec. 2. Æmy. li. 2. Aistulfus Longobardorum Rex inter venandum obiit. Rex Pipinus Parlamentũ in Frãcia instituit: Parisiis obiit anno regni 18. relictis filiis Regibus, Carolo Magno & Carolomano: succedit ei in Franciæ regno Carolus Magnus anno mundi 4730. à Christo nato 768. qui imperat Romæ anno mundi 4763. de quo, vt Imperatore, suo loco meminerimus: à Pharamundo ad Pipinum sunt anni 331. à Meroueo 302. à Clodoueo Christiano 252.



**CONSTANTINVS** huius nominis quintus Leonis Mauri filius, impio patri scelestissima proles succedit, imperatq; Constantinopoli anno mundi 4704. à Christo nato 742. Hic dictus est Copronymus, quòd infans dum baptizatur, ventrem purgat. Sanctorum imagines non tantum, sed & reliquias aut contemnit, aut comburit: nobilissimum quenq; è medio tollit. Constantinopolitanos antistites duos grauiter excruciatos capite plectit. Bulgaricū, variante fortuna, bellum, terra marique gerit. Artabasdum Imperatorem creatum oculorum vsu cum liberis priuat. Grauiissimam hyemem, vti Pontus, Bosphorúsq; Thracius perglaciauerit expertus, post infinita flagitia exquisitissimo cruciatu, nempe lepra consumptus, obiit anno imperij 35. Consulito Egna. lib. 2.

**LEO** quartus, succedit patri Constantino Copronymo anno mundi 4739. à Christo nato 777. Hic paterni sceleris atque imperij hæres exitit, idque minimè assentiente matre, pia quidem ac proba muliere. Coronam à Mauricio principe Deo dicatam, nefario capiti imponēs, captus gemmarū & auri splendore, breui pœnas luit. In Saracenos, Syriam inhabitātes, imperum fecit. Imperauit annos quinque, relinquens ex Irene coniuge, proba, & speciosa, filium. Constantinum, qui post patrem imperat. Vide Egna. lib. 2.







CONSTANTINVS, huius nominis sextus, succedit patri, Leoni quarto, imperatq; cum matre apud Constantino-  
polim, anno mundi 4744. à Christo nato 782. Hic & mater  
eius, persuasi consilio Therasij Patriarchæ Constantinopolitani,  
septimam synodum in Nicea vrbe 350. Episcoporum celebra-  
runt, in qua sanctorum imagines templis restitute sunt. Nec mul-  
tò post tamen, Constantinus iam adultus, matrem haud amplius  
passus imperare, imperio deiecit, eiectionemque in ordinem redigit.  
Nicephorum, in quæ suffragia multorum tacite inclinabant, oculorum  
& linguæ vsu priuat. Et ne quid sceleris deesset, Maria  
vxore monasterio obtrusa, quæ filia erat Caroli magni, Theo-  
doram concubinam superinducit: idque etiam matris consilio,  
vt filium inuisum omnibus faceret: vnde mox rerum sola potita,  
filium in potestatem redactum excæcat. Consulito Blondum  
& Baptistam Egna. lib. 2.

IRENE, Attici sanguinis mulier, Leonis quarti vxor, at-  
que huius Constantini mater imperauit cum filio puero admo-  
dum, annis nouem: deinde à filio deiecitur. Verum exacto circi-  
ter anno deiectionis septimo, iterum, sed sola quatuor annos  
imperat. Postea à Nicephoro pulsa, in Lesbum insulam relega-  
tur. Hac principe, Carolus Magnus à Leone tertio huius nomi-  
nis Romano Pontifice, Imperij Romani corona donatur, virtu-  
tis ac pietatis gratia. Vide Egna. lib. 2.



NICEPHORVS Patricius, relegata Irene, Constantinopolitanum imperiū inuadit anno mundi 4764. à Christo nato 802. Hic foedus cum Carolo magno icit. Nemo maiore opinione hominum ad imperium venit, dum singulos aut muliebris impotentiae, aut flagitiosi principis cædet: nemo tamen auarius aut crudelius administrauit: quorū scelerum mox poenas meritas luit. A Bulgaris enim paulò ante à se victis, improuiso noctis assultu oppressus, ipse cum toto exercitu ad internecionem cæditur. Stauracius filius: saucius euadit, qui cum patre imperarat, & post patrem Imperator ab amicis salutaris, non multò post à Michaële Curoplate, qui sororem eius in vxorem duxerat, imperio deturbatur, & monasterio includitur. Vide Blon. lib. 2. Egn. lib. 2. Stauracius in hac Imperatorum serie minimè à nobis inseritur, quòd paucis diebus post Nicephorum patrem imperitarit.

MICHAEL Curoplates, Rangabe cognomento, imperat, qua dixi via, Constantinopoli anno mundi 4773. à Christo nato 811. hic melior pacis artibus & pietate, quàm bellicis rebus administrandis, ad vnam aduersam cum Bulgaris pugnam, ita deiecit animū, vt accepto nuntio de Leonis imperio, qui post eum Constantinopoli imperat, monasterio sese abdidit: habenas imperij facile relinquens post annum alterum imperij. Hic quemadmodum Nicephorus, legatis ad Carolum magnum missis pacem fecit, hac conditione vt Veneti suis legibus ac iure viuerent: immunitate his seruata, quam ad eam diem retinuerant. Egn. lib. 2.





LEO Armenius, huius nominis Constantinopolis Imperator quintus, ac post Carolum magnū Romanorum Imperatorē, quartus à Nicephoro, dum in oriente Michaëlis supradicti Imperatoris Ducē agit, ad imperium aspirans seditionē in exercitu excitat, factusque est à militibus Imperator ann. mun. 4775. à Christo nato 813. hic vbi regiā Ingressus est, Michaëlis filium abscissis genitalibus in exiliū misit. victoriam de Bulgaris retulit, Thraciā recuperavit, quā plurimos hostes cepit, repressitque eorū audaces conatus, qui iam Adrianopoli potiti, in Constantinopolim arma meditabātur. Diuorum imagines quas sustulerat ipse, cum nollet restituere, noctu per insidias dū sacris operatur, in ipso templo ab imaginū cultoribus capite truncatur, ac multis confoditur vulneribus, anno imperij octauo: vxor in monasterium truditur, filij in exilium pelluntur. Vide Egn. lib. 2. ac Cosmographiam Munsteri lib. 4. & Blond.

MICHAEL Balbus prauissimis moribus imbutus, quique Leonē prædictum confoderat, imperat Constantinopoli anno mundi 4783. à Christo nato 821. Hic humili ac sordido loco natus, Thomam virum quidem obscurum, qui tyrannidē inuaserat, vario primū rerum euentu aggressus, tandem oppressit: cum prius eò desperationis deductus esset, vt ex arce Constantini ad Peram, oppidulum, ferream catenā produxisset. Itaque traditum sibi Thomā, qui Adrianopolim se receperat, manibus pedibusque truncavit, multisque cruciatibus affectum, tandē iugulauit. Saraceni hoc principe Cretam occupant, totāmq; ferē in ditionē redigunt, Græcos duplici vincunt prælio. Obiit Michaël vëtris profluuiio anno imperij nono. Vetus oraculum innotuit, tum rem Romanam ruiturā, cum & Balbus & auarissimus princeps imperaret. Vide vt supra.



CAROLVS-MAGNVS, Francorum Rex, vicesimus quartus, scito Romani populi, clerique rogatu, Romanorū Imperator dicitur, ob egregia in Christianum nomen, & Romanā sedem merita: inunctusque cūm Pipino filio à Papa Leone tertio Augustus consecratur, anno mundi 4762. à Christo nato 800. acclamatusque est ter à populo Romano: *Carolo Augusto à Deo coronato, Magno, & pacifico, vita & victoria.* Hic Pipini filius fuit (eius qui huius nominis primus Francorū Rex primus item Christianissimus vocatus est) filiumq; Pipinum alterum suscepit ex Hildegrāde. Carolus & Nicephorus diuiserūt imperium: hic Oriētis, ille Occidētis Imperator est dictus: sub regni initia bello defunctus Aquitanico, Longobardorum regnum, capto eorum Rege, Francico nomini subegit. Saxones sæpe rebellantes, tricēnali tandem bello vicit: & vera pietate imbuīt, Saracenos, Hispaniam ferè omnem vastantes, intra Beticæ angulum cōpulit. Sclauos, Danos, & Boiarios tumultuantes, in ditionem suam redegit. Hunnicum bellum octauo pōst anno feliciter cōfecit. Moritur anno ætatis 71. regni 46. imperij 13. obiit febre, atque Aquisgrani sepultus est: vocatus est Magnus à magnanimitate, sicut & ante eum Pompeius & Alexander hoc nomine, magni, donati sunt. Parisiense gymnasium & Papiense viris vndique doctis accersitis, instituit: templa diuis erexit: iniurias illatas ciuili animo tulit: in hostes rarò acerbè sæuiit. His meritis ad hæc vsque tempora à multis vt cœlitum vnus colitur. *Æmy. li. 2. Egn. lib. 3. Ab. Vrsper. lib. 4.* Hic synodos quinque pro statu ecclesiastico celebrauit.

HILDEGRANDIS Sueuæ nobilitatis princeps, Caroli-Magni vxor secunda fuit, ex qua Carolum, Pipinum, & Lo-  
doicum sustulit.





LVDOVICVS Pius, patri Carolo Magno succedit, imperatque Romæ & Franciæ anno mundi 4776. à Christo nato 814. à pietate, cognominatus est Pius. Dacicum bellum conficit: nec multò post Bernardû Pipini fratris filium, in Italia res novas molientê, capite plectit. Coniurarunt in eum filij eius, & optimates, maximè verò prælati, in quos non alia animadversione vsus est, quàm quòd in monasteria eos intrusit. Synodum habuit in qua vanitates vestium, luxumq; gemmarû, & auri & argenti nimia pompa ecclesiasticis sunt interdicta. A filiis tribus imperio præter spẽ deturbatur, & in cœnobiû truditur, imperiûque eiurare cogitur, tãquam in Carolum natu minimum propensior esset, sed tumultuâte optimo quoque, eodem anno restituitur. Lotarius filius in Italiam pedẽ refert: data fide ad patrem redit, reconciliatur: eiq; pater imperij dignitatẽ, regnique tribuit coronam. Obiit Ludouicus Maguntix anno ætatis 64. imperij 26. in Mediomatricibus sepultus est. Vide Gaguin. li. 4. Egna. lib. 3.

IVDITH Comitissæ Altorf filia, & Ludouici Pij vxor, suscepit ex eo Carolû Caluum: hanc Ludouicus Pius maritus repudiavit, ac postea recepit: inde concitati prioris vxoris filij, odiû in patrem aluerunt: eumque in monasterium intruserunt. Vide Chronica Regum Francicorum.



**THEOPHILVS** Michaëlis Balbi filius, post patrem imperat Constantinopoli anno mundi 4792. à Christo nato 830. Hic erga subditos iustum ac æquum se præstitit, diuorū autem imagines execratus est, eorūque cultores acriter puniuit, patrem imitatus. Cum Saracenis Asiæ prouincias vastantibus, bis congressus, bis victus est, castrisq; exutus. Amorium, vnde illi genus, ab iis obseßum, ac proditione captum, direptū est. inde ob animi mœrorē ab omni cibo ille abstinēs, solāque aquam frigidam potans, in dysenteriam incidit, qua periit post annum imperij decimumquintum. Vide vt supra, in huius Imperatoris patre.

**MICHAEL** Theophili filius, successit patri adhuc infans, & sub tutela matris Theodoræ, quæ pro filio imperiū administravit Constantinopolitanum anno mundi 4807. à Christo nato 845. Michaël autem adolescentiam vbi attigit, regni negocia tractare cœpit, cefsítq; ei mater. Hic auo quā patri similior, per ignauiam ac prodigalitatē rem afflixit: irruētibus subinde multis bellis, à cursu equorū in quem omne studium collocarat, auocari non potuit. Circēsis itaque ludis dum plus nimio indulget, Basilium Macedonē Barda interfecto consortem imperij asciiuit: à quo mox occisus est, cū imperasset annis tredecim. Vide Blondum lib.2. Deca.2. Baptist. Egna. lib. Ro. principum 2. & Cosmog. Mun. lib.4.





LOTARIVS post patrem Ludouicum Pium Romæ imperat anno mundi 4802. à Christo nato 840. hic paterna diuisione inter filios minimè contentus, omnia sibi, tanquam natu maximo, & Imperatori à patre declarato, vendicabat. Bellum inter fratres vtrunque atrox & cruentum die paschæ, dum vterque alteri infidias parat, committitur ad Fontoniacum in Altissiodorensibus: tot hominum millia vtrunque cecidere, vt conuulsæ prope sint imperij vires: victus tamen est Lotarius à Carolo Caluo: qui cùm bellum iterum repararent, iterum fusi, pacem petiere: quadraginta vtrunque dictis arbitris, fœdus ineunt: imperij titulo, Lotario Italia, cum Prouincia, & Lotaringia, ab se sic dicta, cessit: Ludouico Germania, Carolo Francia, quæ Britannicum Oceanum & Mosam terminos haberet. Huic Carolo Francici nominis primo, separatim contigit quod veræ Franciæ regnum nunc dicitur: nam Carolus Magnus, & qui præcesserant, Germanicum quiddam referebant. Lotarius Ludouicum filium in consortem imperij assumpsit: & post aliquot annos imperio se abdicans, monasticam vitam vixit, tædio (vt opinantur) rerum aduersarum. Imperat Lotarius annos 15. Vide Blond. Aemy. lib. 3. Egna. lib. 3.

LVDOVICVS Lotarij filius, post patrem Romæ imperat: inter eum, & Carolum Caluum patruum, minimè conueniebat, propter Austrasiam quæ Lotarij fuerat, quam tamen sibi Caluus vendicabat: sed compositis rebus, cum imperasset annos 21. moritur, superstiti filio Ludouico. Vide Egn. lib. 3.



**BASILIVS** Macedo, qui Michaëlem occiderat, eiusdem imperium occupavit Constantinopolitanum, anno mundi 4831. à Christo nato 869. Hic in pueritia captivus inter venales Constantinopolim adductus fuerat: præfuit tamen, & eo rerum successu, ut ad eius nepotes imperij maiestas transierit. Adepto imperio, Michaëlis largitiones ita reuocavit, ut dimidium eorum quæ quisque acceperat, ærario inferret. Treis liberos imperij hæredes instituit: deinde plurima cum Saracenis gessit bella, victoria plerunque potitus: multos Iudæos ac Scythas ad Christum perduxit. Anno imperij 17. à ceruo in venatione cornu ictus, mox periit, vir frugi, & quem principem non contempnas. Vide Liut. li. 1. Egna. lib. 2. Cosmog. Mun. lib. 4.

**LEO** Basilij filius, huius nominis Imperator sextus, Constantinopoli imperat anno mundi 4848. à Christo nato 886. Bulgaros desciscentes, Turcarum auxilio primò vicit: postea ab his per inanes inducias delusus, magna ipse clade affectus est: inde in Saracenos classe comparata, Nicetæ ductu insignem adeptus est victoriam. Philosophus fuit, literarum omnium, Astrologiæ in primis studiosus, qua etiam filium Constantinum imperaturum prædixit, ac diuinavit: in rep. moderanda, ac vrbe custodienda sollicitum ac solerem se præstitit. Huius providentiam ac vigilantiam pro Reipub. salute, describit Liuthprādus, qui à Basilio Imperatore ad Nicephorū Phocam, historiam rerum per Europam conscripsit. Hic Leo ut vigilum siue custodiarum vrbis fidem experiretur, noctu solus è regia mutato habitu sese proripuit: à primis custodibus numerata se liberat pecunia, ab aliis verò, pugnis, flagrisque cæsus, in carcerem truditur: hos postea muneribus donat, illos autem bonis exutos expellit. Vide ut supra.





CAROLVS Caluus Ludouici Pij filius, Francorum Rex vigesimus sextus, mortuo Ludouico secundo huius nominis, Imperatore, Lotarij filio, Italiam petit : à Ioanne Pontifice huius nominis octauo, corona imperij donatur, anno mundi 4838. à Christo nato 876. Hic antea cum Britonibus & Normanis varia fortuna dimicauerat : nam Normani Danis finitimi, qui à Carolo magno debellati fuerant, ditionem Caroli Calui infestauerunt, & piraticam exercentes, Nannetes vsque peruolarunt molestis incursionibus : contra quos Carolus annis ferè decem pugnavit. tandem fortiter apud Andegauum, quod ceperant, obsessi, pecunia se redimunt. Carolus in Seracenos mouens, facile conatus eorum repressit : inde in Galliam reuersus, breui Italiam reperit : aduersus quem dum Ludouici Imperatoris filij bellum parant, ipse curis confectus, & Mantuæ morbo correptus, veneno à Sedechia, medico Iudaici sanguinis, dato, moritur anno regni sui Francici tricesimo octauo, imperij verò, secundo. Nec tradunt autores quo sollicitatore, corruptorèque id sceleris perpetrarit Hebræus ille : neque an scuitum in eum sit, vt domesticis magis insidiis quàm externis petitus videatur Caluus : qui impotentia, superbiaque à suis insimulabatur : & quòd contemptis patriis moribus, cultu in externos ritus degenerasset : ita dum oculis hominum augustiorem se facit, pectoribus inuisus fuit. Paul. Æmyl. de rebus Francorum lib. 3. Bap. Egna. Rom. prin. lib. 3.



LVDOVICVS Balbus Caroli Calui filius, à Papa Ioanne huius nominis octauo, qui in Galliam se contulerat, coronam imperij accipit anno mundi 4840. à Christo nato 878. Hic Papa præter Italiæ multorum principum voluntatem solus titulum imperij Balbo asseruit: nam è custodia fugiens, cui Romani illum incluserant, & in Galliam contendens, ratum Balbo imperium suo assensu fecit: quod tamen valetudinarius princeps biennio vix obtinuit. Hic paruam expeditionem in Cenomanos fecit, ac Gotthofredi Cenomanensium comitis filios præfractos quidem, ac patri, ipsi denique Imperatori minus obsecundantes ad obseruantiam compulit: interminatus nisi ad officium redirent, vltima passuros. Obiit Compendij, quo die Christus passus est: vxorem reliquit grauidam, quæ Simplicem peperit: cui Odo Roberti Andium Ducis filius, in spem ventris, fuit à patre tutor designatus. Æmy. lib. 3. Egna. lib. 3. Chron. Reg. Franc.

LVDOVICVS Carolomanúsque fratres, Balbi ex pellice filij, Franciæ regnum obtinent anno mundi 4842. à Christo nato 880. Hi duo nothi initio feliciter rem gerunt aduersus Normanos & Danos, qui numerofo exercitu, igni ferróque Galliam per quinquennium vastabant. Carolomanus in equo ludibundus dum refugientem domum puellam insequitur, impetu equi intra humile ostium illatus, corporis compagem soluit, Lugdovicus aprum venabulo premens, intorto aliundè telo transfigitur: hic anno regni quarto, ille quinto: Porro Carolomanus, quòd natu maior esset, Rex præ altero censetur. Consulito Æmyl. lib. 3.





LVDOVICVS nihili, mortuo patre Carolomano coronam regni Franciæ suscipit, anno mundi 4846. à Christo nato 884. hunc non annumerat Paulus Æmylius in serie regū Franciæ, vel quòd eundem hunc puter cum Carolo Simplicem, Balbi posthumum cuius simplicitas hic, sub nomine Ludouici nihili, interposita sit: (nam etiam hic attentioribus turbata & confusa videtur historia) vel quòd huius Ludouici loco (si quidem alter sit ab illo Simplicem) ob ignauiam quasi reiecti, censeatur potius Carolus Crassus, qui Romæ tunc imperabat, Franciæ quoque Rex: nam & is Carolus regnum etiam optimè dicitur administrasse, ab Italia euocatus, vt statim dicitur. Fertur Ludouicus hic pulsus fuisse regno, anno quinto: cuius regni annos quinque in Carolum Crassum, ob eam quam diximus causam, transferimus. Gag. li. 5.

CAROLVS, cognomento grossus, siue crassus, Ludouici 2. Germaniæ regis filius, Romæ imperat post Balbū, anno mundi 4842. à Christo nato 880. hic cum subsidio opus esset Italis contra Saracenos, à Papa Ioanne octauo, necessitate compulso, è Germania accersitus, profligatis Saracenis, imperialem coronam accipit. Accersitus à Francis aduersus Normanos, Franciæ Rex appellatur. Neustrij publicè detrectabant imperiū: pacem cum eis composuit: idque Neustriæ, quod nunc Normania est, nomine à nouis incolis indito, incolendum eis dedit. Exin qui iuuenis mira indole fuerat, adeo degenerauit ab illa Caroli Magni stirpe, vt quòd rebus suis, publicisque superesse non posset, curator ei daretur, nouo exemplo fratris filius patruo: is est Arnulphus. Aemy. Egna. lib. 3. imperat annis 10.



**ODO**, Roberti Andium Ducis filius, alienus à Genere Caroli Magni, turòrque Caroli Simplicis, iussus regnat apud Francos post Carolum Craffum, anno mundi 4852. à Christo nato 890. nec obstitit Arnulphus Craffi curator, & Augustus Imperator salutatus, qui regnũ occupare satagebat. Is Odo aduersus Normanos præclare se gessit. Franci biennio postquã Odonem Regem salutarũt, in Aquitania omnino eum regnare iubent, assumpto Rege, ante tempus, Simplicem adolefcentulo: id æmulatione factũ putarim: multi enim pro vno tutores exorti sunt, atque armis in Odonem actum ac decertatum est: aduersus quem Arnulphus Augustus accersitus est: virtute tamen, opibus, fortunãque superior Odo euasit. Odo in Galliam attulit nobile illud signum innumeris sparsum liliis, quod ad Caroli sexti tempora durauit. numerantur anni regni huius nouem. Vide Aemy. lib. 3. & Gag. Chro. lib. 5. moriens Odo pupillo Simplicis regnum restitui iussit.

**CAROLVS Simplex**, Balbi filius, post Odonẽ tunc demum dicitur regnasse apud Francos, nempe anno mundi 4861. à Christo nato 899. huic pupillo coram proceribus regnũ iubet restitui Odo animam agens. hoc Rege finitum est bellum Normanicum: Rhollo primus Normanię Dux factus est. Tot rerum fluctus in Gallia extitere à Balbo ad Simplicem, vt vix certò sciri possit quis potissimum regnarit. Robertus Odonis frater, regni æmulus, aduersus Simplicẽ pugnans occiditur. Herbertus, cuius sororem in vxorem duxerat Robertus, Simplicem ad se in speciem rei componendã accersit, & in carcerem Peronã coniecit: vbi post annos tres moritur, ac Peronã sepelitur. Aemyl. lib. 3. regnat annis 27. fuitque iuxta nostram supputationem 32. Francorum Rex.





ARNVLPHVS, Carlomani filius, patruo Carolo crasso, cui curator datus fuerat (nempe nouo ac inusitato modo nepos patruo) succedit in imperio Romano anno mundi 4852. à Christo nato 890. eodem nempe anno quo Odo apud Francos regnat. Hic Normanos strenuè superat: mox in rapinas conuersus, iusta numinû ira plectitur: nam pediculari morbo confectus obiit, anno imperij 12. Vltimushic è Caroli Magni profapia imperat Romæ: in eoque imperij maiestas deficit ad Germanos, quæ per centum annos apud Francos steterat: sub quorum principatu Francorum, adeò floruit, vt vetera tēpora non desideres. imperat annis duodecim. Vide Baptistam Egn. libro Romanorum principum sexto.

LVDOVICVS à Gallis & Germanis successor Arnulpho patri creatur, anno mundi 4864. à Christo nato 902. imperat annis decem in Germania & Galliis, puta Lotaringiæ. aduersus Berengarium bellum mouit, quem primò vicit: deinde Veronæ victus, luminibus priuatur. Imperat annis decem. Hic grauitè prostrauit Hungaros Germaniam vastantes. Sed ab illis postea vicissim victus est, coronam accepisse nusquam legitur. Vide Chron. Imperatorum, & Carionem lib. 3.





**BERENGARIVS** hoc nomine primus, Foroiulij Princeps, ex genere Longobardorum, Arnulpho successor in imperio ab Italis creatur, eodem anno quo Ludouicus, de quo proxime, à Gallis & Germanis. Itali siquidem assiduis barbarorū incursionibus vexati, ius antiquum, & veterē imperij gloriā amittere nolentes, hunc sibi præfecerūt: fuit ingenio & re bellica potens. Guidonem Spoletinum Ducem interfecit. imperat annos ferè quinque. Videto Chro. Impe. Scribit Ioannes Carion lib. 3. hunc Berengarium collectis ingentibus copiis aduersus Hungaros quanquàm infelicitè pugnasset, attamen ex ea expeditione tantā nominis exultationem consecutū esse, vt postea Cæsarem se voluerit nominari. Chronica Phry. referunt hunc Berengarium ad Arnolphi Imperatoris Romani tēpora. Cæterum imperij Romani maiestas in Arnulpho defecit, quæ tanta indole à Carolo magno quæsitæ fuerat, & ad Germanos translata est. terra certè Itala sub Gallorum principatu adeò floruit, vt vetera Romanorum principum tempora minimè desiderares: sed & anni sexaginta vsque ad Othonem primum Saxonū Regem, quibus nullū non calamitatis genus sensit Rom. imperium, ac terra Itala, effecere vt Gallicum nomen desiderabilius foret. Vide Egn. li. 3.

**BERENGARIVS** secundus priori succedit anno mundi 4868. à Christo nato 906. Hic post tertium aut quartum annum à Rudolpho Burgundo Rege pellitur. Vide vt supra.





**ALEXANDER** Leonis supradicti Imperatoris frater, eidē in imperio Constātinopolitano successit, anno mun. 4866. à Christo nato 904. Hic & Basilio patri, & Leoni fratri dissimilis, luxu & delitiis perditus, annum & mēsem imperavit: turpissimum quēque rebus præfecit: erumpēte tandē è naribus & pudendis toto die sanguine, ob crapulam ac ludum pilæ intempestiuū, obiit. Vide vt supra, vbi de patre ac fratre huius memini.

**CONSTANTINVS** Leonis supradicti filius, septennis à patre sub matris tutela relictus est. imperavit Constātinopoli post patrum Alexandrum prædictum anno mundi 4867. à Christo nato 905. Huic Romanus quidā Lecapenus insidias tetendit, vt quē eū omnino imperio deturbaret, nullū non lapidē mouit: frustratus tamen spe sua, à propriis filiis captus, ac in monasterium trusus est, qui antea matrē Constantini Zoen, in monasterium truserat. Cū autē hi Romani Lecapeni filij idē Constantino facere tentarēt, capti ipsimet, & tonsi in monasteriū detrusi sunt. Constantinus itaque qui à Romano vitrico multis annis oppressus fuerat, monarchiam sic recuperat, solusque prudenter satis administrat, tyrannis quibusdam oppressis, Turcarumq; principibus aliquot, Christianam amplectentibus pietatem. Hic literas penē extinctas ab interitu vindicauit. Librum filio Romano, qui alter est à Romano Lecapeno, reliquit: in quo totius imperij summam, sociorum fœdera, hostium vires rationes, & consilia aperuit, quem Veneti in bibliotheca vt thesaurum adseruant: nam & multa de Venetorum rebus differit liber ille. Vide vt supra. Imperavit Constantinus hic, tam solus, quàm cum Romano Lecapeno annos 55.



**CUNRADVS** Ludouici, Arnulphi filij, ex fratre nepos, ultimus ex nobilissima posteritate Caroli Magni, Germaniæ Rex, Cæsar designatur anno mundi 4873. à Christo nato 911. nec tamen à Pontifice coronatur. Hic Hūgaros, quos instigarat Berengarius (quī Imperatoris sibi nomen in Italia vsurpabat) vt iterum Germaniam depopularentur, superauit, Othonis Saxonū ducis præsidio: cuius filius Henricus à Cunrado morituro Imperator declaratur. Consulito Chron.

**HENRICVS** Saxonum Dux, supradicti Othonis filius, in Germanorum imperio succedit, defuncto Cunrado anno mundi 4881. à Christo nato 919. tūc imperium à Caroli magni posteris ad Saxones translatum est: Hic Hungaros vicit, Sclathos subegit; Dalmatas tributarios fecit: Boemos imperij legibus subiecit, quadragintamillia Hungarorum apud Meresburgum prostrauit: Brādeburgum cepit: Vandalos subegit ad mare vsque ( Hi Christianā religionem tunc amplexi sunt ) toti Germaniæ summam tranquillitatē peperit: hic cognomēto auceps, iam morti proximus successorem imperij instituit Othonem filium suum, cū ipse imperasset annos octodecim. Vide Liuthp. lib. 2. ca. 9. Vuitich. lib. 1.







**BERENGARIVS** tertius, in Italiam accersitus anno mundi 4872. à Christo nato 910. vnà cum filio Adalberto Italiæ regnum administravit. Sed cùm tyrannū verius quàm principem ageret, accersitur à Romanis Otho, cuius tunc nomē ac pietas celebris erat, qui Berengarium cum filio Italia expulit. Vide Bapt. Eгна. lib.3. & Carionem lib.item tertio.

**OTHO** Henrici supradicti Saxonum Ducis filius, in Italiā accersitus, cum quinquaginta millibus armatorum venit: Berengarium, eiusque filium ad obsequium retrahit: quos, data venia, magna Galliæ Cisalpinæ parte donat. Romam inde profectus, à populo Imperator & Augustus salutatur, à Pontifice coronatur anno mundi 4923. à Christo nato 961. iāmque annos 25. Rex Germaniæ extiterat, succedens Henrico patri. Hic Otho conscripto exercitu Franciam intrauit, cuius Regem Ludouicum à Normanis proditum, & in carcerem coniectum, liberrati regnóque restituit. Berengarium cum filio res novas iterum molientes, facile vicit: captosque alterum Bizantij, alterum in Austriam relegauit. Huic, cum administrasset annos 36. successit eiusdem nominis filius, quem etiam pater Romam vocatum, Imperatorem designarat. Vide Egn.lib.3. Aemy.lib.3. Vuit.lib.2. Luithpr.lib.6.ca.6.





**R O M A N V S** Lecapenus obscuro genere natus, infidias Constantino parauit, imperiique Constantinopolitani socius ac particeps ab eodem necessariò adscitus est eodem quo regnare cœpit Constantinus anno, vti supra videre est: Helenamque Constantini filiam, pulsa matre Zoë uxorem habuit. Nec tamen iusiurandum sanctissimum quod præstiterat Lecapenus nec gener Constantinus obstitit, quo minus imperium & sibi & Christophoro filio idem Lecapenus assereret. Cum autem aduersus Bulgaros, Simeonemque eorum ducem, infelicitè congressus esset, à Stephano & Constantino, filiis suis captus, imperio exuitur, & in vicinam insulam in monasterium ad Philosophandum relegatur. At cum iidem ipsi aduersus Constantinum Leonis filium idem molirentur, in laqueum quem teterant incidunt, nam & ipsimet, Lecapeni inquam filij, monasterio mancipantur. Imperauit Romanus Lecapenus annos 39. Vide Liuthprandum lib. 5. ca. 9. 10. & 11. Egna. lib. 2. Cosmog. Munst. lib. 4.

**R O M A N V S** Constantini, Leonis filij, filius iunior, post patrem imperium suscepit Constantinopolitanum, quod tamen alieno rexit arbitrio, nempe Nicephori Phocæ, de quo statim meminerimus, vbi & annorum supputationem inferam, non hîc ne bis id faciam. Fuit Romanus hic foris aduersus Saracenos Cretam occupantes, & Turcas Asiam vastantes, Nicephori ductu felix: domi in matrem ac sorores impius, vt regia eiectæ, ob mœrorem quòd regio essent exutæ vestitu, quæstum fecerint meretricium: ipse ludis ac crapulæ deditus, anno imperij decimo, veneno potionatur. Vide vt supra.





RODVLPHVS post Carolum Simplicem Franciæ trigessimus tertius Rex imperat, anno mundi 4888. à Christo nato 926. Nam dum anceps fertur Carolus Simplex in potestatem Herberti Veromandui, Peronam profectus, præsidio custodibûsque circumfusus, adducitur, & velut cogitur vt regni iure cedere se in procerum concilio profiteatur, illudque dono dare huic Rodolpho Burgundiæ Regi, Richardi filio, post Ludouicum in Italia captum, luminibûsque orbatum. Hic imperij veluti vagi ac in medio positi spem affectans, in Italiam transcedit, Berengarioque victo, rerum illarum magna ex parte triennium potitur. At verò mortuo in custodia Simplicis, cùm Italos iam eius pœniteret, in Galliam rediit. Continuo Hugo Arelatensium Rex, in Italiam tanquam vacuum possessionem, spe imperij se contulit: quòd Prouinciæ Regibus Italiam deberi diceret, Gallis, Germanisque ac Italis de imperio decertantibus. Regnat in Francia Rudolphus Burgundio, annos duos: alij dicunt 12. Ad fanum D. Columbæ apud Senonas sepultus est. Vide Chro. Reg. Franc.

LVDVICVS, huius nominis quartus, Simplicis filius, ex Anglia, quo se ad auunculum Regem cum Ogenia seu Ogenia matre post comprehensum ab Herberto patrem, cõtulerat, reuocatur: inde huic Transmarino cognomen est: regnatque apud Francos anno mundi 4890. à Christo nato 928. De regno fuit inter ipsum & Rodolphum controuersia: Rodolphus moritur anno regni huius nono. Rex aduersus Othonem Cæsarem, in Lotaringiam bellum mouet: Gerberga Gisleberti vidua Othonis soror nubit Regi. Hugo Roberti filius, Regi facessit negocium: cuius opera quidam aiunt Regem à Normanis captum, & Laudunum in carcerem ductum, vnde eum liberat Otho. Regnat Ludouicus annis 27. Apud Remos sepultus est. Vide vt supra



**LOTARIUS**, Ludouici transmarini filius, post patrem apud Francos regnat anno mundi 4917. à Christo nato 955. Hic Imperatorem Othonem huius nominis secundum, bello adortus, penè opprimit: is vicissim ab octobri ad decembrem Regem persecutus, præter templa, resque sacras nihil non funditus euertit Lutetiam vsque: sed pedem cum suis referre coactus, eruptione ciuium ac præsidij, fortissimos suorum, & nobilissimos amisit. Mox ad colloquium cōgressis Rege & Cæsare, in possessione Lotaringiæ Carolus Regis frater perseuerauit, sed angustioribus finibus descripta quàm ante fuisset. Mortuo Othone secundo, imperij anno decimo, successit Otho tertius. Tunc Francus repetito Lotaringico bello, Viriduum, eiúsque oppidi Comitem Gothofredum capit: sed supremis suis diebus Cæsari Comitem, Comiti opes restituit. Regnat Lotarius hic annos 31. Obiit, sepultusque est Remis. Vide Æmy. lib. 3. & chro. Reg. Francicorum.

**LVDOVICVS** huius nominis quintus, supradicti Lotarij filius, mortuo patre, apud Francos regnat anno mun. 4948. à Christo nato 986. vltimus hic ex agnatione Caroli magni regnat: nam cum is annum omnino regnasset, veneno periit, Compendiique sepultus est, cui Capetus subrogatur. Ita tertium stemma in folio locatur, haudquaquam Francis pœnitendum: nempe Pipini, Martelli, & Capeti. Vide Æmy. lib. 3. huius Capeti agnatio ad hæc vsque nostra tempora feliciter perdurat. Cæterum à Faramundo ad vsque Hugonem Capetum anni sunt 568. à Clodoueo Christiano 487. à Pipino 237. Vide vt supra.





**NICEPHORVS** Phocas Constantinopoli imperat anno mundi 4922. à Christo nato 960. Cum Saracenis saepe ac feliciter congressus est, qui Calabriam, Siciliam, Candiam, Cili-  
ciâ & Cyprum occuparant: in Sicilia res haud ita bene per du-  
ces acta est: ipse Ciliciam, & bonam Asiae partem latis recepit  
auspiciis: mox Antiochiam noctu aggressus, pulsus Saracenis  
imperio eam adiecit. Inuisus omnibus fuit, quòd bellorum præ-  
textu nouis tributis & exactionibus populum expilaret, numis-  
mata adulteraret, ac pondus imminueret: quare odiosus ciui-  
bus, facile à Ioanne Zimisce, noctu dormiens in cubili occidi-  
tur: intromittente etiam sicarios, Theophania Nicephori vxore.  
imperat annos decem. Vide Egnat. Ro. prin. lib. 2. & Cosino-  
grap. Mun. de Græcia lib. 4.

**IOANNES** Zimisces occiso, vt dixi, Nicephoro, post eum  
imperat Constantinopoli, an. mun. 4932. à Christo nato 970.  
Hic clarus antea militari laude, in Roxolanos feliciter mouet,  
Bulgariamque totam, quam sibi Roxolani vendicabant, impe-  
rio subiicit, Sphendoslaue eorum Rege ad deditionem coacto.  
Basilium & Constantinum fratres, Romani secundi supradicti  
filios, Cæsares facit, ac imperij consortes creat: Nicephoro de-  
ditos è medio tollit: & damnatos exilio ab eodem, reducit. At  
mox parta de Roxolanis victoria, cum triumphantis specie Con-  
stantinopolim ingressus esset, veneno potatur, post annum im-  
perij sextum. Vide vt supra.



OTHO iunior, siue Otho huius nominis secundus, superioris Othonis filius, patri Romanorum Imperatori succedit anno mundi 4935. à Christo nato 973. attamen à patre iam ante sex annos fuerat Imperator creatus: cuius etiam opera Saracenos, Græcôsque Calabria expulerat. Hic mortuo patre Henricum Bauariæ Ducem nouis rebus studentem, debellauit: atque aduersus Lotarium Francorum Regem, qui sibi Lotaringiam asserebat, Galliam ingressus, fœdis populationibus eam vastauit. At dum reuertitur, in Axonæ fluij transitu graui incommodo à Frâcis afficitur, quibusdam ex suis militibus vorticibus absorptis, pluribus ab insequente hoste interfectis. Dum in Italiam festinat ad famam Græcorum principum, qui Saraceno etiam milite instructi Italiam sibi vendicabant, vincitur: ac scapha conscensa, à piratis captus, in Siciliam ducitur: liberatus, omnem in Beneuentanos iram, quòd signa deseruissent, effundit: ciuitatem capit, spoliât, incendit. Tandem fato concessit, cum imperasset solus post patrem annos decem. Consulito Blond. lib. 3. Deca. 2. Egna lib. 3. Ab. Vrsper.

THEOPHANIA vxor huius Othonis secundi filia fuit Nicephori Græcorum Imperatoris, quem regno pulsum, restituit, & confirmauit Otho. Vide Sup. Chro. lib. 12.







**BASILIVS** & Constantinus fratres, Romani iunioris filij, post Ioannē Zimisken Constātinopoli imperant anno mundi 4938. à Christo nato 976. nullique diuturnius imperarunt, nam annos 53. præfuerunt: ille 50. hic treis etiam solus, post fratrem: & ne sine ciuili bello rem transigerent Baldæ Scleri ambitio effecit, quem imperiū inuadentem, victum ad Persas fugarunt: postea Phocam, agrè ferentem se contemni post rem in Sclerum se duce egregie nauatam, in acie cæsum, ac tyrannidem vsurpantem superarunt. Inde Bulgari victi sunt præliis aliquot: horum 15. milibus captis oculos eruit Basilius, vno tantum incolumi, qui ad Samuelem eorū Ducem præiret: idq; ad compescendam eorum perfidiam, qui Thraciam, Macedoniam & Græciam flammis & ferro vastarāt. Tunc demum Bulgaria tota subditur imperio Constantinopolitano, quæ in illū vsque diē semper rebellarat: mœrore ob id confectus Samuel, nō ita diu vixit. Obiit autem septuagenario maior Basilius, cui per treis annos successit Constātinus frater, qui cum eo dignitatis potius quàm potentix particeps fuerat: hic totus deliciis diffuens, gulæ, veneri ac ludis operam dedit. Vide Egna. lib. 2. Cosmog. Munst. lib. 4.

**ROMANVS** Argyropylus Constantini, de quo hīc memini, gener, eidem vitrico successit in imperio, anno mundi 4991. à Christo nato 1029. hic sub initia, liberalis fuit: verum cū parum ex sententia illi cefsisset in Saracenos expeditio, statim ignauix ac pecunię corradendæ se totum tradidit. Zoæ vxoris salacissimæ ac sterilis infidiis, & Michaelis Paphlagonis adulteri, dolo intra balneas immerfus obiit, anno imperij sexto. Vide vt supra.



O T H O tertius, secundi Othonis supradicti filius, post patrem imperat anno mundi 4945. à Christo nato 983. ætate puer erat vixdum annum duodecimum egressus, cum moretetur pater: quare Henricus Bauariæ Dux, cognatus eius, feruandum eum Romæ curauit, & iterum cœpit imperij dignitatem sibi vsurpare. Itali plerique Crescentium declarandū Cæsarem censebant, vt ad Italos imperij maiestas rediret: sed fideles erga dominū suum Germani, hunc Othonem Cæsarem creant: hic iam natus annos 28. eo fuit ingenio præditus, vt mirabilia mundi vocaretur. hic Brunonem Saxonem cognatum suum, Gregorium quintum appellatum, Pontificem creat, qui à populo Romano minis & maledictis ex vrbe pellitur. Crescentius Numentanus Consulem se Romanum titulo præferens, vrbs dominium ante cœperat: Romam itaque ingentibus copiis accintus aduolat Otho. Papa Ioannes 18. quem Romani designarant, cū Crescentio fugit. Crescentius captus interficitur, prius naso & auribus truncis retrorsum asino impositus. Ioannes Papa exoculatur: sedi Gregorius pristina restituitur: qui statim sanctionem eam tulit, quæ in hunc vsque diem durat, in hæc verba: *Imperatorum nullus hereditariam dignitatem vendicato. Principes sex, sacri ordinis tres, profani totidem eum delingunt: hi si discordes fuerint, Bohemia Regem coaptanto.* Egna. lib 3. Blon. lib. 3. decade 2. Imperauit hic Otho tertius, annos 19. vixit 30. missoque per insidias à Crescentij vxore veneno, necatus est, ac Augustæ sepultus.

M A R I A, Regis Arragonum filia, vxor fuit huius Othonis tertij, intemperans quidem mulier, vti autorū scripta testantur.





HUGO Capetus Parisiorum Comes, mortuo sine liberis Ludouico huius nominis quinto Francorum Rege, Lotaringie Ducem ac Lotarij Regis fratrem, Franciæ regno inhiantem, repressit, atque ex insidiis cepit: deinde vi & militum fauore, Hugo primùm Nouioduni Rex saluatur, mox Remis consecratur, anno mundi 4949. à Christo nato 987. Hic cum annum solus regnasset, Robertum filium, liberalioribus literis institutum, Aureliani coronandum curauit. Nam ipse Hugo neque diademate, neque regiis insignibus vnquam, sed tantum vi & armis vsus est. Regnat, tam solus quàm cum filio Roberto, annis nouem. Vide Æmy. lib. 3. Chron. Reg. Franc. Sabaudia domus apud Allobrogas, hoc Rege in Comitatum primùm erigitur. Gag. lib. 5.

ROBERTVS, Hugonis Capeti filius, succedit patri, & solus apud Francos regnat anno mundi 4958. à Christo nato 996. Henricus Dux Burgundiæ, quod liberos nullos suscepisset, Ducatum suum Regi testamento legat: quem confestim Rex Hugonis filio eiusdem nominis Roberti, tradit: eumque mittit aduersus Landricum Niuernensem Comitem Burgundionibus acceptissimum. Senonum vrbs ob Comitris Reginaldi scelus, Regis patrimonio adiicitur. Rex cum Ricardo Normaniæ Duce Valentianas proficiscitur, opem laturus Balduino Flandriæ Comiti, quas is contra Henricum Imperatorem occupauerat. Aduentu Francorum Cæsar soluere obsidionem cogitur: sequitur exinde incredibilis fames & pestis. Pace terris, veniæque à numine reddita, Henricus Cæsar, Robertusq; Rex, ad Charum fluuium conueniunt, ac pacem firmant. Regnat annis 34. Vide Æmy. lib. 3.



**HENRICVS** huius nominis secundus, Bauarus, dictus Claudus Othonis primi vel filius, vel ex filio nepos (nā id ambigitur) designatus est Imperator Romanus, anno à mundo condito 4964. à Christo nato 1002. Romæ post aliquot annos coronatur. Principio Bohemos & Vandalos bello fatigatos tributarios ac subditos fecit: Metas & Gandauū obsedit: Lotaringiam ac Flandriā debellauit: post hæc accepta Romæ imperiali corona, in Capuam mouit: Saracenos ex Italia expulit. Constantinopolitani Imperatoris Ducem Bubaganum, Saracenis fauentem, bello infecutus est acerrimo. Troiam in Apuliæ finibus, vbi olim Annibalis castra fuere, à Græcis ædificatam obsedit, & per deditionem accepit. Hic Episcopatus Bambergensis fundator, Bambergæ sepultus est. Hungaros debellatos ad fidem Christianam pertraxit, data sorore Hungarorum Regi in matrimonium. Cunradum Francum, hoc nomine secundum, Cæsarem creauit, addito legitimo Electorum suffragio. Hunc cum vxore Cunegunda virginitatem perpetuam obseruasse sunt qui scribant, ac post mortem miraculis claruisse. Primus Electorum principum suffragiis Cæsar, iuxta Gregorij formulam designatur: imperâtque annis 22. Vide Blon. lib. 3. deca. 2. Egna. lib. 3.

**CVNEGUNDA** Henrici secundi supradicti Imperatoris vxor fuit: quam castissimam fuisse, quinimo virginitatem perpetuam vnà cum viro obseruasse, memoriæ proditum est. Vide autores quos supra.





CONRADVS Francus , huius nominis secundus , successit Henrico proximè supradicto , Imperatôrque designatus est , anno mundi 4986. à Christo nato 1024. Hic sub initium imperij , cum videret turbari passim omnia , effecit vt in consortium imperij filius suus eligeretur. Catulos Sueuos , cum Ernesto Sueuiæ Duce , compescuit : ad domandos Hungaros , Hungariam cum exercitu intrauit : res composuit. Burgundi ad eum defecerunt : vnde Burgundia diuisa , altera quæ Campaniam attingit Francis , altera quæ Bisantinos spectat , Imperatori fuit subiecta. Lugdunum , & regnum Arelatense cepit , & subiectum suo imperio administrauit. Mediolanum obsedit , cùmque exitium vrbi minaretur , deterritus oraculo recessit. Inde Romam veniens , à Pontifice coronam accepit : insurgunt Romani , quos reprimat. Ernestus Sueuiæ Dux , novos iterum motus concitans , à Conrado , in regressu , fugatur , & confoditur : Ducatum donat Hermannò , Ernesti fratri. Imperauit Conradus annos quindecim : dicitur fuisse Othonis ex filia nepos , eius inquam qui Henrico Imperatori successit. Gag. lib. 5. sub finem. Æmyl. lib. 3. Hic magnis sumptibus extruxit Basilicam Spirensẽ , in qua cum vxore sua Gisela , seu Gisla sepultus est. Vide Carionis Chron. lib. 3.

GISLA , siue Gisela , Regina fuit Burgundica , ex posteritate Caroli , de qua magnæ laudes feruntur , maritum primò hæc habuit Ernestum Sueuiæ Ducem , ex quo duos suscepit filios , Ernestum , qui pulsus est , & Hermannum : postea in matrimonium accepit Conradum. Vide autores quos supra.



**HENRICVS** huius nominis primus, Roberti Francorum Regis filius, succedit patri, regnatque apud Francos anno mundi 4992. à Christo nato 1030. Contendit Henricus hic (minor natu, vt aiunt, sed à patre hæres nuncupatus) cum Roberto fratre, cuius partes Odo Campaniæ, & Balduinus Flandriæ Comites sequuntur: Henrici verò partes Robertus Normaniæ Dux sequitur: priores ab Henrico vincuntur: frater Robertus Ducatu Burgundiæ cōtentatur. Rodolphus Translurenſis Burgundiæ Rex, regnum Imperatori Conrado dat: Odo Campanus suum iure cenſet, armisque inuadit: tunc in Comitatum qui ad imperij ditionem, & in Ducatum, qui ad regiam pertineret ditionem, diuiditur Burgundia. Henricus Philippum filium Regem creandum, coronandumque Remis curat: moriens Balduinum Flandriæ Comitem filiis suis tutorem dat. Vide Aemi. lib. 3. Gag. lib. 5. Regnat Henricus annos triginta, & ſepelitur in æde Diui Dionyſij ad Pariſios,

**PHILIPPVS** Henrici ſupradicti filius aduleſcens, ſuccedit patri in regno Franciæ anno mundi 5022. à Christo nato 1060. Balduinus Regis tutor, ſimulat in Saracenos bellum, quo audaces nobilium animos reprimat. Hoc Rege è Galliis dux illuſtres prodire familiæ, quæ apud exteros duo potentiſſima regna erexerunt. Gulielmus nothus, Normanorum Dux, Angliam Rege cæſo occupat: Gothofredus Bulionius terram ſanctam, & Ieruſalem poſtea obtinet 39. obſidionis die, anno mundi 5060. à Christo nato 1098. Obiit Philippus Meleduni, anno regni ſui 49. Ad ædem Benedicti prope Ligerim ſepelitur. Vide Gaguin. lib. 6.





MEL LVSINA, quæ olim apud Mellam & Lusignanum dominabatur (vnde fortè Mellusina nomen accepit) Comitis cuiusdam Pietauiensis soror, aut (vt alij volunt) filia fuit: hæc Raimondo, Comitis cuiusdam filio, seu nepoti, nupsit, ex quo Gotfridum Magni dentis suscepit, atque alios fortissimos milites: idque circiter annum à mundo condito 5040. à Christo nato 1078. regnante apud Francos Philippo huius nominis primo, Roberti, Capeti filij, aut (vt alij censent) Henrici, Roberti filij, filio: non autem regnante Philippo illo secundo, qui Ludouici filius, fuit: vt malè quidem, Aquitanix Annales ferunt. Quod autem fingitur fuisse Mellusina semiserpens, id fortasse non absurdū fuerit sortilegio tribuere, cuius peritissima esset, sicuti etiam tunc temporis ars magica erat vulgarissima: vel quòd pro insigni tale etiam monstrum ipsa gestaret. Vide Annales Aquitanix.

GOTFRIDVS Magni dentis, Mellusina supradictæ filius, vnà cum fratre, Gotfridum Bolionium, siue Bilonensem, in expeditione Ierosolimitana secutus est, vbi strenuum se militem præstitit. Ab hoc Gotfrido Magni dentis originem traxere Cypri insulæ Reges complures, cognominis Lusignani. Videto Annalium Aquitanix, partem tertiam: nam in partes quatuor digestus est liber 15.

Kkk 4





MICHAEL Paphlago, Zoës adulter, quique eius virum Romanū Argyropyllum intra balneas immerferat, ab eadem Imperatrice Zoë Imperator instituitur Constantinopoli, anno mundi 4996. à Christo nato 1034. Fuit hic mancipium barbarum, nulla re nisi forma commendatum, mente etiam commotum, labénsque ad singula momenta, spuma insuper oris fœda. Quis non effrenem in quinquagenaria muliere Zoë libidinē, amorémque fœdissimum excretur, aut fortunæ aleam in hoc principe non admiretur? asciuit primū illa omnem sibi potestatem, Michaële velut ministro vsa, sed non diu duravit hæc obseruantia: nam Michaël imperij habenas retinuit, nec malè rexit. Tricēnales inducias cum Ægyptio Rege percussit: Edesam obsidione liberauit: domi in suos facilis, vni Zoë, propter expertam libidinem, parum æquus fuit. Intercutis morbo laborans, Michaëlem Calaphaten hæredē imperij dixit. imperauit annos ferè septem. Vide Egna. lib. 2. Cosmo. Mun. lib. 4.

MICHAEL Calaphates à Zoë adoptatus, eius pedibus aduolutus iurat se titulo tenus imperaturum, potestatem penes eam mansuram: his blandiciis ad imperium euehitur Constantinopolitanum, anno mundi 5004. à Christo nato 1042. paulò post in Zoën machinatur, fingēs ab ea sibi structas viræ insidias, ac venenum positum, à quibus innocens erat: relegat itaq; eam in insulam, detondet, ac monacham facit: interim genio ipse indulget. Id inique ferens plebs, Theodorā Zoës sororē, Imperatricem creant: Zoën reuocant: Michaëlem fugientē, capiunt, exoculant, vnà cum fratre: quæ familiaris Græcis pœna est. Sic præter sordes parentū, qui naues apud Paphlagonas pice obli-nerent, vnde Calaphates etiam dictus, auarè, perfidē, ac crudeliter imperat Michaël hic, menses quatuor. Vide vt supra.





**HENRICVS**, huius nominis tertius, dictus Niger, post Conradum 2. Romæ imperat anno mundi 5001. à Christo nato 1039. Hic Conradi Franci filius siue gener, primùm Bohemos bello inuasit, sed ab his Hungarorum præsidio adiutis, vincitur: sequente anno ad eò illos bello fatigat, vt Regem eorum tributarium fecerit. Lotaringiæ Ducem parere imperio conpulit: apud Capuam Saracenos vicit. Cæterum pertæsus eorum quæ Romæ circa Pontifices per summum scelus ageretur, Romam contendens, abdicatis adulterinis Pontificibus aliquot, Clementem secundum Pontificiæ sedi præfecit: & vt caueret in posterum Pontificum securitati, iureiurando Romanos adegit, neminem creationi eorum interfuturum sine eius permisso. Petrum Regem ab Hungaris eiectum, regno restituit: Capuam aduersus Saracenos nouo præsidio firmavit. Henricum filium annos quinque natum, Cæsarem eligi, & Aquisgrani coronari curauit: qui sub matris Agnetis tutela aliquandiu fuit. Imperat Henricus Niger ann. 17. Egna. lib. 3.

**AGNES** Gulielmi Aquitaniæ principis filia, nata in Pictorum Comitatu in Gallia, vxor fuit huius Henrici tertij, quæ suscepit ex eo Henricum quartum huius nominis Imperatorem: hæc non sine laude imperio præfuit annos quinque, dum adulesceret filius: sed Coloniensis Episcopus Otho, clam abducto puero, imperio eam deturbat. Vide Chron.

Kkk 5





ZOE, ab exilio & monasterio assentiente vniuersa plebe (vt dictum à me est) reuocata, & Michaële Calaphate exoculato, imperij faces suscipit Constantinopolitani, vnà cum sorore Theodora. anno mundi eodem quo Michaël Calaphates quatuor menses imperauit: itaque flagitia Imperatorum efficere vt muliebri æquius videretur imperium. At verò, cùm sit *varium, ac mutabile semper Fœmina*, vt inquit poëta, Zoë sexagenaria, ardens tamen adhuc libidine, Constantinum Monomachum ab exilio reuocat, sibi que eum maritum adiungit: curatque vt sceptrum imperij illi tradatur, cùm fœminarum vix treis menses durasset imperium. Vide Egna, lib. 2. Cosmog. Munst, lib. 4.

CONSTANTINVS Monomachus, imperatorij quidem & ipse stemmatis, quem sibi in virum asciiuit Zoë, Constantinopoli imperat anno mundi 5005. à Christo nato 1043. Hic ignauus, & luxu totus diffuens, concubinam, egregia alioqui forma, iustæ vxoris loco habuit, quam efflictim deperiit. Sustinuit tamen duo grauissima bella ciuilia, alterum à Maniace Georgio, alterum à Leone Tornicio, illata: & multa externa. Turcarum arma tunc primū per Asiam latius sunt euagata: victi tamen Roxolani, & Patzinacæ, Scythicum genus hominum. Zoë vxore septuagenaria fato mox functa, & ipse tandem podagricus, & pleuritide correptus obiit, anno imperij ferè 13. Vide vt supra.





THEODORA Zoës soror, quæ iam etiam cum ea menses circiter treis imperium tenuerat Constantinopolitanū (vti in Zoë dixi) nunc denuo, sed sola, post Constantinum Monomachum imperat, anno mundi 5017. à Christo nato 1055. Nec verò est quodd pudeat hanc in ordine ac serie Imperatorum inferere, cum non muliebriter se gesserit: quinimo tanta domi, forisque hac imperante quies & ocium fuit, tanta rerum omnium vbertas, vt foeminei imperij neminem pœniteret. Verum ingrauescente cum ætate morbo, illecebris Eunuchorum adducta, Michaëlem iam senem imperij ac curæ participem fecit: nec ita diu superuixit: annos propè duos imperauit. Vide Egna. lib. 2. Rom. prin. & Cosmo. Munst. vbi de Græcia tractat, libro quarto.

MICHAEL senior, post Theodoram supradictam, qua dixi via, Constantinopoli imperat, anno mundi 5019. à Christi natiuitate 1057. Fuit quidem hic Michaël genere & opibus clarus: cætera minus ad imperij fasces ac administrationem suscipiendam, aut exequendam, idoneus, vel propter ætatem decrepitam & prægrauantem. Quare cum vix etiam annum imperitasset, Isaacij Comneni factio eum imperio deturbauit, & in ordinem redegit: priuatus itaque factus, paulò post fatis ac naturæ concessit. Videro vt supra.





HENRICVS quartus (tertium facit Egnatius) Henrici Nigri filius, Romanus Imperator patri Romanorum Imperatori succedit anno mundi 5018. à Christo nato 1056. Hic dicitur M. Marcellum & Iulium Cæsarem supergressus, bis & sexagies pugnasse. In hoc huius generis Imperatorum virtus defecit: & totius Germaniæ imperium adeò corruere cœpit, vt postea in veterem statum redigi nunquam potuerit. Tragœdiæ huius autor Papa Hildebrandus fuit: qui statuit Pontificatus confirmationem à Cæsare non esse petendam, contra sanctionem Henrici Nigri, quam patris constitutionem ratam haberi voluit: quamobrem non tantum à Papa excommunicatur, sed & principibus potentioribus mandat Papa, vt Imperatorem alterum creent: Rudolfus creatur, aduersus quem mouet Henricus, & multis præliis tandem vincit. Deinde Romam venit, & vrbe per vim capta, Papam cepit. Obiit Henricus Leodij, carcere detentus à filio, ab Episcopis sollicitato, quem etiam Imperatorem delegerat pater: imperat Henricus quartus annos 50. Rodulfo misit Hildebrandus coronam cum hac inscriptione,

*Petra dedit Petro, Petrus diadema Rodulfo.*

HENRICVS quintus, Henrici quarti filius, qui patrem bello & carcere est infectatus, post eum imperat anno mundi 5068. à Christo nato 1106. Recusat eum coronare Papa, nisi prius statuatur Pontificem & Episcopos sine Cæsaris consensu creandos: Romam & Papam capit, coronam extorquet, & inuestituram. Tertiò Italiâ intrans Gelasium Papam vrbe pepulit. Obiit nullis relictis liberis anno imperij 20. Vide Chron. Egnat. lib. 3.





**ISAACIVS** Comnenus post Michaëlem seniore[m] imperat Constantinopoli, anno mundi 5020. à Christo nato 1058. Hic Michaëlem Seniore[m] in ordinem redegit: fuit tamen vir alioqui strenuus, pace ac bello clarus, ac infractus, moribusque arrogantioribus. Cooperante Patriarcha Imperium sumpsit, in quem tamen postea ingratus, ac velut collati beneficij immemor, ipsum cum suis in exilium misit. Comnena hic gente nobili ortus, in negociis obeundis expeditus fuit. Cæterum lateris morbo inter venandum subitò correptus, cum de salute desperat, cucullam induit, atque imperio se abdicat. Constantinus Ducas de Senatus populique consensu ei successor declaratur. Tanta continentia fuisse perhibetur Isaacius, vti nec uxorem cognoscere vellet post prolem semel ex ea susceptam, cum tamen ad morbi subleuationē medici in primis consulerent vt coitu vteretur frequentiore. Imperavit annos 4. Vide Egna. lib. 2.

**CONSTANTINVS** Ducas Constantinopoli imperat post Isaacium, anno mundi 5024. à Christo nato 1062. hunc conspiratio sub initia grauis excepit, quam non sine discrimine compressit: pietatem coluit, æquitatem obseruauit: sed auariciæ supra modum operam dedit, hinc suis odiosus, hostibus etiam ludibrio, res imperij vndique vexantibus, fuit. Ad externa mala familiaris Constantinopoli clades accessit, nempe grauis terræ motus, quo templa, ædēsque multæ pessum iere. Obiit sexagenarius, anno imperij sexto, Eudociæ vxori & liberis tribus imperium tradens. Vide vt supra, & Chron. Phry.



**EVDOCIA** cum filiis imperat Constantinopoli post Constantinum Ducam, anno mundi 5031. à Christo nato 1069. Poterat muliebri fortasse prudentia hæc, si foris cessassent bella, imperiū domi administrare: sed laceffentibus vndique imperium barbaris, vicit eorum sententia, qui rebus præficiendū virum appositum ac idoneum contendebāt. Quare iurisiurandi oblita, quo marito Ducæ, moriēti, se obstrinxerat, non superinducturam se virum, etiam si coacta esset, Romanū cognomine Diogenem, post menses imperij septem, in virum Eudocia assumit, qui républ. prudentia ac fortitudine tueretur: at pœnituit statim Eudociam, quòd vir hic insolens rem ad se totam traheret. Vide Egna. lib. 2. Cosmog. Mun. lib. 4.

**ROMANVS** Diogenes Eudociæ vir, imperat Constantinopoli, anno mundi 5032. à Christo nato 1070. duas hic suscepit expeditiones vario rerum successū: prior quidē optimè cefsit, posterior autem pessimè: nam vel fugatis vel cæsis militibus suis ipse Imperator Constantinopolitanus capitur: quod ad eam diem nunquā contigerat. Ferunt tamen Turcam nomine Azan, ad primū huius euentus nuncium, vix credentem constituisse: mox ad se adductum Ro. Diogenem, & cognitū, in precio habuisse: ac amplis donatum muneribus, pace inita, dimisisse. Sed ad primum aduersæ cladis nuncium, vt ferè fit, omnia Cōstantinopoli iam mutata erāt: Eudocia nempe relegata est: Romano abdicatum est imperium: Michaël Imperator creatus, Romanum Diogenē victum, deditūque, contra iusiurandū exoculat, ac in insulam deportat, vbi ab vxore Eudocia sepelitur, post annos imperij ferè quatuor. Vide vt supra.





**MICHAEL** Constantini Ducæ filius, Parapinaceus à fame, quæ sub eo inualuit, dictus, imperauit Constantinopoli anno mundi 5036. à Christo nato 1074. post Romanum Diogenem vitricum suum. Hic ad imperium administrandū inēptus, studiis tantum literarum intentus, ac sub Psello præceptore versus factitans, à Turcis interim vndecunque premebatur, maximè ab Orientalibus regionibus: quare præfecti etiam, velut coacti, alterum sibi delegerunt Impetatores: putà Nicephorum, sanè nobilissimum, quem, in principis ignaui inuidiam, facile ciues admiserunt: Michaële prius, cum vxore & filio, in monasteriū detruso, ac monacho facto. Imperauit Michael annos sex. Vide Egna. lib. 2. & Gosmogra. Mun. lib. 4.

**NICEPHORVS** Botaniates, à Phoca imperatore originem trahens, tanquam omniū nobilissimus, facile Michaële deturbato, imperium obtinuit Constantinopolitanum, anno mundi 5042. à Christo nato 1080. Hic Constantinum Constantini Ducæ filium, imperium sibi asserere contendentem, cepit: totondit, ac in sacerdotem inunxit. Paulò pòst Nicephorus qui Comnenorum fratrum forti, fidelique opera vsus fuerat (nam hi Bryennium & Basilatium imperij inuasores sustulerant) ab illis deiicitur, anno imperij tertio, in cœnobiūque cōiicitur, vbi aliquamdiu vixit. Post hunc Alexius Comnenus, natu minor, militibus acceptior, imperat: qui die ipso Paschæ Bizantium clam ingressus, hostilem in modum urbem diripit. Vide vt supra.



**GOTFRIDVS** Bolionius, seu Billionensis, Lotaringæ Dux, Bulionis Ducatum Sperto Eburonum Episcopo magna vi auri vendidit: primusque Dux huius expeditionis in Iudæam aduersus Saracenos exitit: quem illustrissimi ac præstantissimi è Gallia principes comitati sunt, diuenditis vel oppigneratis bonis suis. Habuerat siquidem orationem Pontifex Urbanus secundus, super hac re in cōcilio Claromontano, qua huiusmodi primores ad suscipiendā hāc expeditionē extimularat: id ipsum suaserat Petrus heremita, qui apud Iudæam peregrinatus Christianos à Saracenis valde opprimi renunciarat. Itaque tercenum hominum milibus cruce signatis comitatus Bolionius, Ierusalē ipsam trigesimonono obsidionis die cepit, idibus Iulij, nempe ann. mūn. 5060. à Christo nato 1098. Corbana Persa victo, cæsa sunt infidelium centum milia: ipse Gotfridus Rex Ierosolimitanus designatus est: attamē auream recusauit coronam, quod eò loci, corona spinis contexta capiti Christi imposita fuisset. Contigit id post annos ferè quingentos quàm Persæ Ierusalem etiam cœperant, atque ad centum Christianorum milia occiderant: quam urbem exactis decem annis Heraclius receperat, Saraceni quoque post annos 16. expugnarant. At verò dux Bolionius, anno post quàm rex creatus fuerat, febre correptus obiit, sepultusq; est ad nobile illud Christi sepulchrū. Regnatū est Ierosolymis à Christianis Regibus septem, spacio annorū 88. Vide Blondum lib. 4. decade 2. & Chro. Chronicorū.

**BALDVINVS** Gotfrido Bolionio fratri in regno Ierosolimitano succedit die natalitio Christi, anno mundi 5061. à Christo nato 1099. atque post suscepta, ac confecta multa bella, in hostes nominis Christiani, mortuus est anno regni 18. Vide vt supra.





**ALEXIVS** Comnenus Isaacij Imperatoris filius, Constantinopoli post Nicephorum Botaniatem imperat, anno mūdi 5045. à Christo nato 1083. Hic Roberto Guiscardo cum Venetis occurrens, victus, fugatusque est. præterea memorabilem illam Gallorum in terra sancta recuperanda expeditionē turbare conatus est: sed Bohemundus Apuliæ Dux, exercitum aduersus eum duxit, ac Dyrachium obsedit. Alexius, eius potentiam reformidans, cum eo foedus init, comeatusque, & aliis rebus adiuturum se Gallos pollicetur. Inde ad pacis artes conuersus orphanotropheion, & Musæum erigit: in altero pueros, puellasque parentibus orbos, alendos, in altero instituentos curat, sumptus ex regio vectigali suppeditat. ad supplicia minimè præceps, moribusque moderatus fuit. Longo tandem pressus morbo, obiit anno ætatis 70 imperij 33. Vide Aemy. li. 5. Egna. lib. 2. Cos. Mun. lib. 4. & Platinam. fauit omnibus qui egregias artes, virtutēque amplexarentur, quos & euexit.

**CALOIOANNES** Alexij filius, post patrem imperat anno mūdi 5078. à Christo nato 1116. Variis hic expeditionibus in Asiam vsus, Turcas, Persasque aliquot præliis vicit, vrbesque illis non paucas ademit. Gallis & Venetis infestus fuit, qui sociā arma iunxerant. Dux tamē Venetus Rhodum, Samum, Lesbum, Andrūmque cepit. Perit Caloioannes manum sauciū, telo à seipso intoxicato, quod in aprum tendebat, anno imperij 25. Hic initio imperij sui dignitatibus suos omnes consanguineos ornauit: Manuelem fratrem natu minorem imperij heredē dixit, cum alterū minus aptum sentiret. Vide vt supra.



**LVD OVICVS** Crassus mortuo Philippo patre, continuo Aureliani inungitur à Gilberto Senonum Archiepiscopo, causante Remensia sacra expectari, nimis longum: nempe anno à mundo condito 5071. à Christo nato 1109. Nobiles & Principes ab Anglo Rege adiuti in Regem seditionem mouent, quem diu multumque vexarunt: tandem tamen superior euadit Rex. Tunc cœpit initium belli Anglici, quod sexcentis fœderibus compositum semper renouatur. Gelasius Papa in Galliam venit, opem implorans aduersus Cæsarem. Henricus Cæsar ab Anglo socero impulsus Galliam inuadit: timore perculsus, Regis potentia cognita, domum reuertitur: paulò post in amicitiam cum Rege rediit, re cum Papa composita. Ludovicus iunior Remis presente patre, à Papa Innocentio vngitur in Regem. post sex annos Parisiis obit pater Crassus, anno regni 28.

**LVD OVICVS** iunior, proximè supradicti filius, succedit patri in regno Franciæ anno mundi 5099. à Christo nato 1137. Hic D. Bernardi consilio, Conradum Imperatorem secutus, exercitum in Saracenos duxit, atque vnà cum vxore per Germaniam & Hungariam, Constantinopolim se contulit: deinde Ierosolymam. ipse & Conradus, cladem cum vterque accepisset, Regem Balduinum adeunt. tunc coniunctis viribus Damascum oppugnant, sed dissidio ac dolo obfessionem relinquere coguntur. Redit ad suos Conradus. Galli in Syria multa mala patiuntur: Rex in reditu penè captus, Georgij Siculi Regis Prætoris ope euadit. multæ ingentes pugnæ à nostris in Asia & Ierusalem ante reditum commissæ. Acmyl. lib. 5. Regnat an. 43.





**LOTARIVS**, huius nominis secundus, Saxoniz Dux, ab Electoribus Cæsar creatus est anno mundi 5088. à Christo nato 1126. fuit huic cum Conrado tertio de imperio controuersia, qui cum esset nepos ex sorore, Henrici quinti, ut Lotarium anteuenteret, Italiam ingressus, Longobardiam occupauit, ubi & ferrea corona insignitus est. Interea à Lotario obsessa sunt & captae vrbes Spira, Vlma, & Norimberga: exinde persequitur Conradum in Italiam: at ubi resciiuit Conradus vrbes Germanicas amissas, nilque sibi præsidij expectandum è Germania, pacis conditiones Diui Bernardi opera, cum Lotario pactus est, atque vltro imperio cessit: post Lotarium tamen etiam imperauit. bis in Italiam profectus est Lotarius, primùm ad compescendos motus contra Innocentium, alio Pontifice electo, Romæ coortos: deinde contra Rogerium, qui Campaniam & Apuliam inuaserat. Imperat Lotarius hic annos vndecim.

**CONRADVS** tertius Lotario succedit, imperatque Romæ anno mundi 5099. à Christo nato 1137. hic mouit in Saracenos, uti iam dictum est in Carolo iuniore. postea in bello cum Catulis gesto, urbem quandam cum cepisset, mulieribus abire permittit cum tanta bonorum sarcina, quantam ferre possent. hæ verò relictis rebus, nobiles pueros omnes asportare malunt: quos cum quidam captiuos retinere vellent (bonorum non puerorum asportandorum copiam causati) adeò delectatus est Cæsar nobilium scæminarum virtute, ut eis non solum puerorum, sed & omnium opum copiam fecerit.



MANVEL, siue Emanuel, Caloioannis, vt quidā putant, filius, vt alij volunt, frater, post eum Constantinopoli imperat, anno mūdi 5103. à Christo nato 1141. Ab hoc Conradus Germanus Ro. Imperator, sollicitatus est vt opem ei ferret, siue aduersus Rogerium, vtriusque inuasorem imperij, siue vt in Turcas Conradus ipse moueret: sed mutatus Manuel, fame laborantibus Conradi militibus, gypsum contusum farinæ immiscet: nec sat illi fuit semel id sceleris perpetrasse: simili fraude Ludouicum Francorum Regem, impius ille, decipit: sic breui magna militum nostrorum vis consumpta est: inde Manuelis nomen Francis odiosum. Rogertus Siciliæ Rex, omnē Græciæ oram vastauit: Byzantium etiam per suos duces adedò oppressit, vt sagittas argenteas, aureasque hortis regiis immiserit. Contra ius gentium Manuel legatum violat. Venerūm: negotiatores, quos simulata pace euocarat, vno die comprehendit: quare armis pressus Venetis, æquis pensionibus pacem impetrat. Prælium cum Turcis gessit funestissimū, in quo penè captus est. Imperauit annos 38. quibus exactis, monasticam securus vitam, morbo periit. Vide Blon. lib. 5. Deca. 2. Egna. lib. 2. Cos. Mun. lib. 4.

ALEXIVS, Manuelis filius, puer adhuc, patri successit: Andronico Comneno à patre commissus fuit, qui primò tutorem egit, dein imperij conforrem, demum Alexium cognatum quindecim annos natum, cum treis à patris morte annos rerum esset potitus, clam miserè necat, capitéque truncato, reliquum cadauer sacco inclusum in mare proiicit. Vide vt supra.





FRIDERICVS, huius nominis primus, natione Sueuus, cognomento Aenobarbus, à colore barbæ ruffæ, nepos Conradi ex fratre, post eundem Conradum tertium Romæ imperat anno mundi 5114. à Christo nato 1152. Hic Dertonam (nunc Tortonom vocant) portas sibi claudere aufam, obsesam capit: inde Romam contendens ab Adriano coronatur. Euerfa Dertona quæ in partibus Alexandri stabat, in cuius locum Octavianum Pontificem crearat, Mediolanum inde solo æquat: Galliâque omnem Cispalinam eadem sentientem vastat: tertio & quarto Italiam intrans Alexandrum fugat. Tandem Friderici filio, nauali prælio victo, vitur Fridericus summa humilitate: nam pro templi foribus humi prostratus ante Pontificem, pedibus eius se opprimi permittit. Pontifex clamari præcipit, *Super aspidem & basiliscum ambulabis, & concubabis leonem, & draconem*, ac tum eum absoluit. Fridericus eam à se exhiberi humilitatem Petro, non Alexandro, dixit: respondit Alexander, *& mihi & Petro*. Hic deinde Saracenos ac Turcas prostrauit, Sultanum in Aegyptum fugauit: verum captiam Armenia, cum in equo rapidum amnem ingreditur, strenuissimus heros perit, anno imperij 37. Egna. lib. 3.

HENRICVS Friderici filius post patrem imperat anno mundi 5151. à Christo nato 1189. huic Papa Clemens tertius Constantiam virginem sacram, Rogerij Normani filiam, vxorem dedit. Siciliam obtinuit, Tancredo spurio expugnato. Philippum fratrem, qui postea imperat, cum exercitu in Syriam misit: ducibus etiam Archiepiscopo Maguntino, & Saxoniarum Duce existentibus. Aemy. lib. 6. Blond. lib. 6. Egna. lib. 3. imperat ann. 10.



**PHILIPPVS** à Deo datus hoc nomine secūdus, Ludovici iunioris filius, apud Francos regnat anno mundi 5142. à Christo nato 1180. Hic *Ædiles*, quos *Scabinos* appellant, *Parisiis* creandos curat: bonam urbis partem muro cingit, forum venale, *Hallas* vocāt, reādicat. Saltum *Vicenarum* mœnibus cingit. cū *Ricardo Angliæ Regis* filio ad recuperandā *Ierusalem*, quæ victori *Saladino* reddita fuerat, expeditionē suscipit: *Ptolemaida* expugnat. Deinde grassante per exercitum peste, in *Galliam* reuertitur. Totam *Normaniam* & *Aquitaniam* iure belli recipit 260. an. postquā *Rolloni* data fuerat *Normania*. Galli *Græcorum* imperium, *Byzantio* recepto, tenēt, à *Venetis*, & quibusdam aliis adiuti, quibus impensas refundunt. *Otho* quintus, *Saxonum* Dux, qui post *Philippum* *Henrici sexti* fratrem imperat, à rege victus in pugna *Bouinenſi*, fugatur: *Ferdinandus*, siue *Ferrandus*, *Lusitanus*, *Flandriæ* Comes, in arcem *Luparam* recens ædificatam, captivus ducitur. *Ioannes Brenus* Rex *Ierusalem*, *Philippum* inuisit, moribundum, à quo 60000. librarum ex testamento accipit. regnat an. 43. quartana febre *Medunte* interiit: ad fanum *D. Dionysij* sepultus est. *Æmyl.* lib. 6.

**LUDOVICVS** Octauus, *Philippi* filius, post patrem apud Francos regnat anno mundi 5185. à Christo nato 1223. Hic cum *Anglo Rege* fortiter cōfligit, quo tempore pater cum *Othone*. Cum *Friderico* Imperatore colloquitur: fœdere inito, fraternal nomen inter Francos & Germanos redintegratur. *Albigensium* errorem extirpavit Rex, *Auenione* capta, & muris deiectis. Regnat an. 3. obiit *Montisperi*: sepultus est in æde *D. Dionysij*. *Gagui.* lib. 7. *Æmyl.* lib. 7. huic succedit *D. Ludovicus*.





LIBVSSA, Craci, secundi Bohemiæ Regis filia, aliquot annos principatum tenuit: tandem cum litem aliquam, quam iure ac rectè definiisset, attamen qui causa ceciderat, humi procumbens, clamauit, indignè viros à fœmina gubernari: accurrens multitudo Regem postulat. Quare hæc Primislao agricolæ, nescio quo modo (vel quòd sic collibuerit, vel sorte quadam) nupsit, qui Bohemos rexit, & Pragam primus aggere & muro cinxit circiter annum mundi 5165. à Christo nato 1123. Videto Chronographiam Ioannis Naucleri, generatione trigesimanona.

VALASCA, vna quidem ex puellis Libussæ, ingentis animi & generosi, Amazonicæ gentis virgo, mortua Libussa, accersuit mulieres ac virgines, quas his verbis compellauit: *Heram perdidimus, quæ non passa est nos viris subiici: adeste mihi, & ego vobis imperium polliceor: coniurant in viros singulæ, quos obuios habent ex improuiso trucidant: armatæ postea, bella multa feliciter conficiunt, virorum semper victrices: & more Amazonum viuere statuunt. Tandem verò Primislai dolo & insidiis captæ, omnes ad internecionē vsque mactantur. Vide vt supra.*

LII 4





**ANDRONICVS** Cōnenus, Isacio , Caloioannis fratre natu maiore, natus, post Alexium cognatum, quem crudeliter necarat, Constantinopoli imperat anno mundi 5144. à Christo nato 1182. huic Gulielmus Siciliae rex , bellum intulit, Alexij mortem vindicaturus, à quo cū vndique premeretur, tandem ab Isacio Angelo præter suam, omniumque opinionem, prælio victus, imperio deiicitur, capitur, ignominiosè occiditur. Nam altero effosso oculo, asinae præposterè imponitur: caput alliorum recte, diadematis loco præcingitur: cauda manibus sceptri vice alligatur: per urbem sic ornatus circumuehitur: vulgi turbæque tumultu lacer, perit fœdissimè: quippe in cuius faciem pueri, puellæ, viri, fœminæ, præter probra, lutum, stercus, & fœdissima quæque coniciunt ac cōgerunt: deinde laqueo suspensus, vncis à mulieribus frustillarim discerpitur, anno imperij altero. Vide Eg.lib.2. Cos.Mun.lib.4.

**ISACIVS** Angelus post Andronicum, Comnenorum stirpe sublata è medio, Constantinopoli imperat anno mundi 5146. à Christo nato 1184. Hic varias multorum tyrannides oppressit: Fridericum Aenobarbum Ro. Imperatorem in Syriam properante m magnificè excepit. Alexium fratrem natu minorem, à Turcis captum, magno redemit: à quo postea, ingratisimo homine, per summum scelus imperio oculisque priuatus, in carcerem truditur: donec filius Isacij, Alexius alter, & longè ab illo dispar, à Francis ac Venetis opem implorans, patrem lachrymis obtinuit. Sed carcere post longam captiuitatem eductus, morbo ex aëre contracto, non diu superuixit. Imperauit annos 16. Vide vt supra.





**PHILIPPVS** Henrici sexti (Friderici primi filij) frater, mortuo ipso eodē fratre Romanis imperat anno mundi 5161. à Christo nato 1199. huic fuit de imperio contentio cū Othone, cui Innocentius, terrius huius nominis Papa, præterea Angliæ Rex fauebat: Sed Galliæ Rex eiusdem nominis, Philippi, Philippo opem tulit, qui fugato sæpius Othone, rem tandem potitur. Hic cū annos nonem imperasset, ab Othone Comite Palatino (cuius genus celebre & clarum fecerat Fridericus primus) occiditur, die quodam cū esset ei à medico vena incisa, & nihil iam ab aduersariis suspicaretur optimus princeps. Credo Othonorum nomen illi fatale fuisse. Imperauit annis nouem. Vide Aemyl. 5. Egna. lib. 3. & Carionem lib. 3. Philippus Bambergæ occisus, Bambergæ sepelitur: cuius corpus humatum postea Spiram, iubente Friderico secundo, translatum est.

**OTHO** Saxonum Dux (Comitem Palatinum vocat Aemylus) quem Imperatorem elegerat Innocentius aduersatus Philippo, eidem Philippo mactato surrogatur, & à Papa, omnium consensu, ad tollendam discordiam coronatur anno mundi 5170. à Christo nato 1208. Sed cum hic Pontificiæ dirionis oppida quædam caperet, & Friderici iunioris inuadere cuperet regnum, diris Pontificiis petitus, imperio priuatur anno imperij 3. Fridericusque Henrici sexti filius, adnitente etiam Innocentio, Imperator creatur: qui cum Philippo Francorum Rege in Othonem arma sumpsit: nec sine manifesta vi numinis, & Gallorū virtute, clade memorabili affectus Otho, etiam ab Anglo adiutus, in patriam inglorius se recipit. neque verò suo tandem supplicio caruit, nam & ipse non multo post trucidatus periit. Vide Aem. lib. 5. Egn. lib. 3. Carionem lib. 3.



ALEXIVS Angelus fraticida, post Ifacium Angelum fratrem, Constantinopoli imperat, anno mundi 5162. à Christo nato 1200. Hic planè impius, maiori fratri imperium per scelus ademit: & Alexium Ifacij filium, nepotem suum, voluit perdere: qui fugiens, in Dalmatiâmq; delatus, Francorum proceres, Balduinum & Venetos in patrum movit, paciscendo 30000. marcarum auri, & cōmeatum, si eorum ope, vel solus, vel cum patre, qui in carcere agebat, imperio restitueretur. Quare hi proceres classe parata, Byzantium versus nauigant, expugnant, fracta prius catena, que ab vrbe ad Peram tensa erat. Fratricida fuga salutis suæ consulit: Ifacius carcere liberatur: & Alexius iunior, post subitam patris liberati mortem, imperat. Vide Egna. lib.2. Cosmo. Munst. lib.4.

ALEXIVS iunior, Ifacij filius, qua dixi ope, imperio restituitur Constantinopolitano, anno eodem quo supra imperasse dicitur Alexius Angelus. In foedere fanciendo inter hunc, & Gallos, ac Venetos, cautum est vt Patriarcha Constantinopolitanus Romano subesset Pontifici, & damna Francis, Venerisq; à Manuele illata compensaret: at mense post restitutionem vix exacto, cum rerū quas promiserat satageret, à Murziphlo. quodam ignobili, quem tamen ad summū dignitatis gradū euexerat, iuuenis admodum necatur. Murziphlus frustra se hostibus opponens, vrbe Byzantio amissa, noctu cum vxore, pellicibus ac thesauro fugit: paulò post in Peloponneso captus, ac Byzantium retractus, miserè perit. Vrbs Fracis, Venerisq; dedita cum omni milite, ab eis est possessa: & res imperij deinde ad Fracos translata: è quibus primus fuit Græcorum Imperator Balduinus. Vide vt supra.





BALDVINVS, Flandriæ Comes, ab omni milite, & exercitu, Flandrensi scilicet, Montis-ferratenſi, Allobrogum & Venedorum, Imperator Constantinopolitanus creatur poſt Alexium iuniorem anno mundi 5162. à Chriſto nato 1200. hac conditione vt ſi ex Francis designaretur Imperator, Veneti Patriarcham darent: quod & euenit. Balduinus cuncta præter Adrianopolim recepit: in qua imperauit Theodorus, Alexij Imperatoris peſſimi gener, quam & nomine dotis accepit. Cum Franci eam obſiderent ac propè expugnarent, captus & mortuus eſt Balduinus, qui annum imperio vix præfuerat. Vide Egna. lib. 2. Ro. prin. & Coſm. Mun. lib. 4.

HENRICVS Balduini frater, Imperator poſt eius mortem creatur, anno mundi 5163. à Chriſto nato 1201. Hic expugnationem Adrianopolitanam perſequitur, ac reperit: ſed irruentibus Saracenis, obſidionem ſoluit: Constantinopolim rediit, quam & munit. Fœdere cum Valachis firmato, & filia Ducis eorum in vxorem ducta, domi, foriſque cum prudenter ſe Henricus gereret, Gulielmum Bonifacij filium, Regem Theſſaliæ designat. mox moriens, Iolantem filiam, Petro Altiſiodorenſi nuptam, hæredem relinquit, anno imperij 13. Vide vt ſupra.





FRIDERICVS, secundus huius nominis, deturbato Othone quarto, imperat anno mundi 5173. à Christo nato 1211. Viguere in hoc principe corporis animique dotes, auo simillimus Aenobarbo, militaris laudis appetentiss. fuit: Græcam, Latinam, Germanicam & Saracenicam linguam calluit: bonarum artium disciplinas promouit: Sed has virtutes animi calliditas ac perfidia, & in Guelphum nomen sæuitia, neque non in Pontifices odium obscurarunt. Guelphos ac Gibellinos, perniciosissima Italiæ nomina, primus inuexit: hi Imperatori, illi Papæ fauebant. Mediolanenses, qui stabant à Pontifice, vicit. A Papa Innocentio quarto, imperio priuatur, ac excommunicatur. Henricus Thuringiæ, dictus Lanthgravius, Imperator dicitur: bona Italiæ pars in Fridericum armatur: Parma ei adimitur: Victoria quoque, vrbs quam condiderat, & multis ornamentis decorarat, diripitur. Hic Ierosolymam profectus, ita negotium confecit, vt à Sultano non solum Ierosolyma, sed & multæ aliæ vrbes ei sint redditæ, coronatusque est Ierosolymæ, quam muniuit, & Ioppen item aduersus hostium vim. Panormum profectus, Manfredi filij nothi dolo necatur: sunt qui veneno extinctum scribunt, conscio Pontifice. imperauit an. 35. Vide Egn. lib. 3. & Carionem lib. 3. & Chr. Phry.

IOLE Ioannis Ierosolymorum Regis filia, nupsit huic Friderico secundo, cui pater in dotem omne ius in Ierosolymæ regnum dedit. inde etiam hodie Siciliæ Reges, Ierosolymitanos se Reges vocitant: Nam erat Fridericus Siciliæ Rex, & Sueviæ Dux. Ex hac vxore filium nomine Conradum sustulit Fridericus, quem regnorum hæredem reliquit: & Manfredum nothum Tarentinum principem instituit. Aemy. lib. 7. Blon. lib. 7. deca. 2.





PETRVS, Altisiodorensis Comes, vxorio innixus iure, Henrico vitrico (quando mascula supererat nulla proles) succedit, imperioque Constantinopolitano præest, anno mundi 5176. à Christo nato 1214. Hic Roma rediens, vbi imperij insignia sumpserat, Dyrachium in Venetorum gratiam cum frustra tentasset, à Theodore Lascare, qui se Adrionopolitanum, ac Græcorum Imperatorem dicebat, ac pro tali se gerebat, per assumptionem pacis, præter iurisiurandi religionem & fidem, medio conuiuium obtruncatur. Scribunt alij Lascarem in nemorosis Thessaliæ locis (Tempe ea vocant) insidias collocasse, captumque Petrum abduxisse: tandemque eum in vincula coniectum, occidisse. Vide Eгна. lib. 2. Cosmo. Mun. lib. 4. Imperavit Petrus Altisiodorensis annos quinque.

ROBERTVS, Petri supradicti filius, ex Galliis accersitus, ad paternæ calamitatis nuntium, Byzantium aduolans, Imperator dicitur, anno mundi 5181. à Christo nato 1219. Puellam hic nobili cuidam Burgundo pactam, matrimonio sibi copulauit: quare Burgundus animi impotens, in regiam irrupit, nares puellæ abscidit: matrem, quæ noui erat connubij conciliatrix, proximum in mare proiecit. Nec est ausus ad iniuriam hanc vel mutire quidem Imperator, Romam adiens pro diademate impetrando: at inde rediens iniuriâ ulturus, in Achaia morbo decessit, anno imperij 7. Vide vt supra.



BALDVINVS secundus, Roberti Constantinopolitani Imperatoris prædicti, filius, post patrē Imperator creatur anno mundi 5188. à Christo nato 1226. sed cū per ætatem haud esset idoneus, Ioannes Brennius Ierosolymitanus quidem nomine solum Rex, Italia euocatus, adiutor ei datur: cuius filiam in vxorem duxit, spreta quæ illi offerebatur Regis Pontici filia: vnde bellum atrox obortū. Balduinus multis bellis exhaustus, ac pressus filium, & crucis dominicæ partem Venetis oppignerat, templorum omnium donaria aufert, exercitum ingentem ad Bosphori fauces obiicit: interim Byzantium proditione amittit: profugus cū patriarcha, naui in Euboëam delatus est: ita dum externam vim timeret, à domestica opprimitur, anno imperij 33. tunc Græci imperium recipiunt Cōstantinopolitanum, quod Franci annos 58. tenuerant. Vide Blon. lib. 7. deca. 2. Egna. lib. 2. Volater. lib. 23. Aem. lib. 7. Cosm. Mun. lib. 4.

MICHAEL Palæologus pulso Balduino, Byzantium capit, imperat quo anno mundi 5221. à Christo nato 1259. Hic Ioanni Lascari tutor datus à patre Theodoro moriēte, puerum interemit: imperium sibi ac suis destinans, primum Achaïæ regno Guillelmum spoliatur, Genuensium classe frusus: deinde Balduini opes frangit, urbem (vt dixi) capit. Bellum cum Venetis diu gessit, quem facile imperio deturbassent, nisi Genuenses obstitissent. induciis factis Lugdunum ad concilium quod Gregorius decimus indixerat, venit: facilēque illi cum Pontifice conuenit: vnde tantam suæ gentis inuidiam contraxit, vt mortuo sepulturā negarint. mansit tamen imperium in familia eius annis 193. donec in Turcarū manus deuenit, Mahomete, vi capto Byzantio, Constantinum obtruncante, anno mundi 5414. à Christo nato 1452. Vide vt supra. regnat an. 34.





**D. LVDOVICVS** post patrem Ludouicum octauum, Philippi secundi filium, apud Frācos regnat anno mūdi 5188. à Christo nato 1226. huius mater Blancha reſtrix testamento relicta, moderata & sapiens, partim obſcuras, partim apertas inimicitias, initio regni exortas ſedat, tum vi, tum beneuolētia cōcilians ſibi principes, aliōsque qui ſeceſſerant, facta in filium cōiuratione. Innocētius quartus Fridericum metuens cū in Galliā fugiſſet, Lugduni cōcilium habuit, in quo ruber pileus & purpura primū Cardinal. data ſunt. Spinea corona, & ſacroſancta Chriſti monimēta, q̄ Balduinus Venetis oppignerauerat, D. Ludouicus redemit: hæc apud ſacrū palatij ſacellū quod Lutetiæ erigebat, aſſeruāda cōmiſit. Ad iuuandas res Chriſtianas cū ingēti exercitu in Aſiam nauigauit: Aegyptū ingreſſus, Damiatā expugnauit. Chriſtianos barbarorū ſeruos gregatim vndique cogēs, redemit. Paſtores, ingēs manus perditorū hominum, cū Regē captum eſſe audiſſent, arma capiūt, ſed à Biturigibus, Aurelianenſibūſque delentur. Robertus Regis frater, Lutetiæ Sorbonā inſtituit. Rex hiſtriones & paraſitos ab Aula exegit: Magiſtratum ambitū coercuit: honorū dignitates non erāt tūc venales, nec auſi fuiſſent toto iuriſdictionis tractu aut fundos emere, aut ſacerdotia liberis accipere: blaſphemis in frōte cauteriū inuſſit. Rex in Africā traiecit, Carthaginē expugnauit, Tunetū obſedit: peſtilentia graſſante obiit ex profluuiio anno regni 44. ſepultus eſt in æde D. Diony. Gag. & Aem. lib. 7.

**PHILIPPVS** D. Ludouici filius, mortuo patre Rex in caſtris ſalutatur, poſtea Remis inungitur anno mundi 5232. à Chriſto nato 1270. Hoc Rege geſta ſunt bella Fluſſatium, Hiſpanicum Caſtulonenſe, & Tarraconēſe. Siculi, die Paſchæ, ingenti Gallorum cæde facta, à Carolo Regis patruo deficiunt. Obiit Rex Perpeniani, ſepultus eſt in templo D. Dionyſij.



**RUDOLPHVS**, Comes Habsburgensis seu Habispurgius, Imperator eligitur anno mundi 5234. à Christo nato 1272. Interregnum imperij à deturbato Friderico per 26. annos duravit. Hic Othocarum Bohemiæ Regem acie victū occidit: Pseudofridericum qui se in Suevis erexerat, combussit. In Italiam non est profectus Rudolphus, solitus Æsopi fabulâ recitare de Vulpe, & Leone in spelunca ægrotante, apud se reputans maiores suos ingressos quidem sæpe magnis copiis Italiam, sed male acceptos demum plerunque rediisse. Hic redacta sub ditionem Austria, constituit in ea Ducem filium suum Albertum, à quo originem trahunt Austriaci principes, ad Carolum quintum vsque, & Ferdinandum eius fratrem. Vuenceslao Othocari filio, Bohemiæ regnū, humanitate summa vsus Rudolphus, reliquit, deditque ei in vxorē filiā suam. Imperat annis 19.

**ADOLPHVS** post Rudolphum imperat anno mundi 5253. à Christo nato 1291. Hic Comes de Nassau cū esset, Imperator eligitur. Sed ab electoribus pertæsis eius sordes ac ambitionem, imperio destituitur, in cuius locum subrogatur Albertus Austriæ Dux, ac Rudolphi frater: cum quo dum congregitur Adolphus, occumbit anno imperij 7. Consulito Aem. lib. 8. Egna. lib. 3.







**PHILIPPVS** Pulcher, post patrem Philippū apud Francos regnat anno mundi 5247. à Christo nato 1285. Hic Palatium in insula quam Sequana Lutetiæ facit, extruxit magnificentum : vbi forum est quod Parlamentum vocant. Vniuersam Flandriam Rex, opera Caroli Valesij subigit: Vido Comes cum liberis Lutetiam captiuus adducitur. Rex à Flandris magnificè excipitur. Comes cum filio Hilermo Regi data fide, in patriam ad tumultus sedandos proficiscitur : qui vbi nil promouet, ad Regem redit, obítque Compendij. tribus deinde præliis plus 20000. Flandrorum cæsa sunt. Certis tandem conditionibus Roberto Vidonis filio maximo, Comitatus Flandriæ redditur. Hoc Rege, Clemens quintus Lugduni in Papam coronatur: sedes Papalis Roma Auenionem transfertur, vbi 70. constitit annos, tribus Cardinalibus missis cum potestate Senatoria, quorum auspiciis Roma & Italia regeretur. Turcis expulsis, D. Ioannis Hospitalarij Rhodum capiunt : qui ob id ipsum postea vocari cœperunt Equites Rhodij. Templariorum nomen Papa abolet, quorum reditus D. Ioannis Hospitalariis conceduntur. Obiit Philippus Pulcher ad fontem Blandi locum natiuitatis, anno regni 28. in æde D. Dionysij sepultus. Gagui. lib. 7. Æmy. lib. 8.

**LVDOVICVS** Hutinus Puchi filius, patri succedit, atque apud Francos regnat anno mundi 5275. à Christo nato 1313. Hic iam ante matris Ioanæ in regno Nauarræ successerat. Engerranus Marinius suspenditur, eius statua è summis palatij gradibus deiicitur. Regnat Hutinus annos fere duos : ad Vicenarum saltum moritur, ad fanum Dionysij sepultus. Vide vt supra.



ANDRONICVS, ex tribus maribus, filiis Michaëlis Paleologi, natus maximus, patri in imperio Constantinopolitano succedit, anno mundi 5255. à Christo nato 1293. Andronicus Michaëlem quendam, matre natum Hungarica, generum ac imperij cōsortem assumpsit: quo mox defuncto, Andronicū Constantinum Despotem iuniorem, ad imperij successionem inuitat: id Michaëlis prædicti filius Andronicus, molestè ferēs, in autum insurgit, Genuēsium ope fretus, ius omne ad se trahit. At Veneti seniore cum restituisent Andronicum, tandem prægrauantibus Bulgaris & Genuensibus, Venetos destituit, partēsque Ligusticas, à nepōte coactus, amplectitur: & septuagenario maior tandem moritur, anno postquam imperare cœperat decimo octauo. Vide Egna. lib. 2. Cosmo. Munst. lib. 4.

ANDRONICVS iunior, Michaëlis filius ex superioris Andronici filia, sex & amplius annis cum Andronico auo prædicto, varium ac anceps bellum gessit, sæpe tamen reconciliatis animis, amicorum opera; & gratia malè sarta non coeunte. Byzantium tandem clam ingressus, in auum nil molitur: quin illum quoad vixit, secum imperare permisit: quo mortuo, cum aduersus hostes fortem se præstitisset, quinquagenarius obiit, febre capitisque dolore intra quattriduum confectus, anno imperij circiter 16. cœpit imperare anno mundi 5273. à Christo nato 1311. Vide vt. supra, & Chron. Phry. De hoc Andronico, sequentibusque Imperatoribus ad Constantinum vsque, qui à Mahomete, capto Byzantio, est obtruncatus, quot annis imperarint, ac quo anno definito singuli cœperint, nil certi statuunt auctores: ordine tamen vniuscuiusque imago, ac vita, descriptæ sequuntur.





ALBERTVS Rudolphi filius, & Austriæ Dux, uti dictum est, deuicto, ac occiso Adolpho, imperat anno mundi 5260. à Christo nato 1298. Noluit primò Bonifacius Papa ratum habere imperium Alberti: postea tamen ultro confirmavit in odium Philippi Pulchri Gallorum Regis: quinetiam donatum Albertū titulo regni Gallici, extimulauit eum aduersus eūdem Franciæ Regem. At Philippus data filia in vxorem filio Alberti, placauit Albertum. Porro Albertus filium suum Bohemiæ Regem cōstituit: Bauaros & Maguntinos hostilia fœdera ineūtes, ita domuit vt parèrent imperio. Tandem à Ioanne fratris filio prope Renum interficitur, anno imperij 10. Consulito Aemyl. lib.8. Egna. li. 3.

HENRICVS Lucelburgensis, mortuo Alberto Imperator creatur anno mundi 5270. à Christo nato 1308. Hic Comitē Vuirtembergensem, quod Imperatori parère nollet, iugūq; detrectaret, fortunis omnibus exuit. Deinde in Italiam penetrans, Longobardiam capit, & Mediolani fe. rea insignitur corona. inde Romam profectus, post diadema acceptum, ab Vrsinis expellitur. Tandem graui obsidione Florentiam premens, veneno in Eucharistia dato, opera Dominici cuiusdam, è medio tollitur, anno imperij 5. Hic Ioāni filio suo Regis Bohemici filiam vxorem dedit: éstque ac occasione princeps Lucelburgensis Caroli quarti pater, Rex Bohemiæ factus. Vide Aemy. lib.8. Egna. lib.3.



**OTHOMANNVS** regnat apud Turcas anno mundi 5261. à Christo nato 1299. Hic primus in ea gente hoc nomen tulit, à castello Galatiæ à se capto : primusque veterem gentis gloriam asserere ausus est : nam gens, ea Ierosolymam ceperat anno mundi 4970. à Christo nato 1008. Sed à Christianis Gothofredo Bolione duce victi, ac pugna non incruenta, fusi, fugatique ad Niceam Turcæ, nullum dehinc Ducem cuius extet memoria præcipuum habuere, ad hunc vsque Othomannum, qui primus neglecta paucorum potentia, Monarchiam inuasit, primumque in Turcica historia inter Imperatores locum tenet. Hic cum esset obscuriore loco natus, atamen ingenio felix, cautus, diligens, ambitiosus regna semper meditabatur : cui etiam impense fauit fortuna : nam magnam Bithyniæ partem, plurimæque loca munita Ponto adiacentia subegit : sed egregias suas victorias maximè nobilitauit, expugnata Siua, quæ olim Sebastia dicebatur. Regnat annos 28. obiit affecta ætate anno primo Philippi Valesij Regis. Pau. Iouius, & Munst. in Cosm.

**ORCHANNVS** Othomanni supradicti filius, post patrem imperat anno mundi 5289. à Christo nato 1327. Hic noua dignitate auctus, nihil mutatus, nec patri absimilis, quin etiam militaris disciplinæ peritior, liberalitate, facilitate, & dexteritate fauorem & multitudinem vndique comparans, rem à patre inchoatam industria, studio, & prudentia auxit, Mysiam, Lycaoniam, Phrygiam & Cariam domuit : Prusiam (quæ nunc Bursia) Regum olim Bithyniæ sedem vi cepit, accepto ibi graui vulnere, quo postea interiit, anno primo Ioannis Francorum Regis. Regnat anno 22. Pau. Io. Christoph. Recherius lib. 1.





LVDOVICVS Bauariæ Dux, Rudolphi Imperatoris ex filia nepos, & Fridericus Austriæ Dux, variantibus Electorum suffragiis, ambo Imperatores eliguntur anno mundi 5276. à Christo nato 1314. His varia fortuna sæpe congressis, tandem anno 8. victor Ludouicus, capto Friderico rerum potitur: sed cùm se Imperatorem citra Papæ assensum scriberet, excommunicatur. nihilominus Mediolanum venit, vbi ferream accipit coronam: deinde Romæ summo acceptus honore à Stephano Columnio coronatur. Petrum Corbariensem in Pontificem creat: & oppidis iuris Pontificij alios dedit præfectos, Pontificem æmulatus, qui & ipse Galliæ Cisalpinæ multos autoritate sua Regulos præfecerat. Imperauit Ludouicus annos 33. fumen do initium imperij eius ab excessu, & fato venenato Henrici Lucelburgensis. Aemyl. lib. 8. Egna. lib. 3.

CAROLVS quartus Bohemus, Ioannis Lucelburgensis Bohemiæ Regis, de quo dictum est supra in Henrico, filius, post Edoardum Anglum & Guntherum Cæsares electos, Cæsar quoque designatur: ad hunc Carolum res deuenit, altero subinde post alterum vita functo. Romæ itaque coronam hac conditione accepit, vt confestim Italia excederet. laudem meruit ob Auream bullam, in qua multa quæ ad pacem publicam pertinent, complexus est. Rerum Bohemicarum imprimis studiosus fuit: Pragæ gymnasium publicum instituit. obiit anno imperij 32. Venceslao filio prius Cæsare creato, promissa Electoribus pecunia, vtiq; aliq; imperij illis obligato. Vide vt supra.



**DANTES** Aligerus, Florentinus, cum humanioribus tum diuinis literis instructissimus, Philosophus ac Poëta, nulli suo seculo secundus, pulsus patria, in Gallia aliquandiu maximè Parisiis, postea apud Arragonum Regem exulans, de sua calamitate varia edidit opera. Tandem exul etiam apud Rauennam obiit, Ludouico Bauaro Imperante, anno mundi 5283. à Christo nato 1321. Videto Trithemium de Scriptoribus Ecclesiasticis, & Supplementum Chronicorum lib. 13.

**CANIS** Scaliger, à rebus gestis, cognomento Magnus, Veronæ urbis dominium sibi vendicans, rexit eam annos ferè 20. quam etiam variis ac superbis ædificiis ornauit. Picenum & Romandiola omni sua potius virtute ac liberali humanitate, quàm armis subegit. Princeps hic eloquens, comis, liberalis, oratoribus, historicis, poëtis, omnibus denique doctis fauēs, Dantem Florentinum ad se accersiuit, & præmiis ac honoribus eum donauit. Hic sine virili prole moriens, duobus nepotibus, Alberto inquam & Mastino fratribus, urbis tantæ dominium reliquit: obiit Veronæ, atque inibi maxima funeris pompa sepultus est, anno à mundo condito 5291. atque à Christo nato 1329. Videto Chronicorum Supplementum lib. 13.







**PHILIPPVS** Longus Ludouici Hutini Francorum Regis frater, successit ei in regno Franciæ anno mundi 5277. à Christo nato 1315. Hic Longus dictus est ob corporis proceritatem ac gracilitatem: id vnum mirum est, quòd neque ab ecclesia, neque à populo quæ petebat tributa & vectigalia impetrare potuerit. Puteos elephantiaci à Iudæis persuasi, veneno infecerunt: quæ res occasionem vt pestis grassaretur præbuit: sed vtrique miserè, dato supplicio, perierunt. Constituerat Rex efficere vt vbique ponderis, mensuræ & pecuniæ ratio eadem esset: sed morte præuentus id præstare non potuit. obiit anno regni, quod per Saliquam legem adeptus erat, quinto, nullis confectis bellis: nam festa pax vndique ridebat, in æde D. Dionysij conditus est. Vide Paulum Æmylium de rebus Frâcorum lib.8. Gaguin. lib.7. & Carionem lib.3.

**CAROLVS** huius nominis quartus, cognominatus Pulcher, Philippi Longi frater, Nauarræ Rex, quemadmodum & tres Francorum Reges superiores, succedit fratri in Franciæ regno anno mundi 5282. à Christo nato 1320. Hic in scelera seuerissimè animaduertit, iustitiæ & æquitatis cultor fuit. Aquitaniam ingressus, Regum hic primus Papæ decimas permisit, vt quæstus particeps fieret. has autem colligebat Papa, vt bello lacefferet Ludouicum Bauarum Imperatorem, quem hostem scilicet ecclesiæ iudicauerat. Regnat annos septem: moritur ad saltum Vicenarum, sepultus in æde D. Dionysij, relicta vxore grauida. Vide autores quos supra.



PHILIPPVS Valesius trium superiorū Franciæ Regum patrueis, Carolo Pulchro succedens, regnat apud Frācos anno mundi 5289. à Christo nato 1327. Flandri à Gallis profligantur: Casletum capitur, spoliatur, incenditur. Ad Ambianos Regum Franci, Angli, Bohemi, & Balearici fit cōuentus, Anglus clientem se Franci Regis proficitur. Sacra arma Valesius induit contra fidei Christianæ aduersarios. Petrus Cunerius frustra conatur temporalem Episcopis auferre iurisdictionem. Incipit maximum bellum Anglicū. Iacobus Arteuilla plebeius multas in Flandria excitat turbas contra Flandrensem Comitē, qui se in Franciam recipit. Galli & Angli Regum acies in conspectū ferē sine conflictu veniūt. Anglus quando Francus prælio abstinet, Flandriam repetit, vbi Arteuillæ consilio, lilia & Regis Franciæ titulum adsumit: quæ hucusq; sibi arrogat. Ad Cresciacum pugnatur tandem à nostris infelicitur. Calitium Anglis deditur, à quibus recuperari nunquā potuit. Trapezitē Lōgobardi & Itali capti, pulsi, ac proscripti sunt ex Francia ob immanes vsuras. Rex sortē accipit, inter usurio relicto. Humbertus Princeps vili Delphinatum vendit, ea lege vt primus Regis filius Delphinus vocaretur, & Delphinatum obtineret: itaque Dominicanum Humbertus proficitur. Initio regni immanes exactiones fuere, ac primū ex sale vectigal institutum. Regnat annis 22. obit ad Nogentum regium, sepultus ad D. Dionysium. Æmy. lib. 8. & 9.

IOANNES Philippi Valesij filius, patri in regno succedit anno mundi 5311. à Christo nato 1349. Hic ab Anglo, capitur, ad quartum lapidem ab vrbe Pictonum, ac post annos 4. liberatur: nec multo post iterum in Angliam traicit vt de suis obsidibus liberandis transigat: at morbo ante reditum præuentus, Londini moritur anno regni 14. ad D. Diony. Carolus quintus patris Ioannis cadauer transtulit. Æmy. lib. 9.





IOANNES Palæologus, dictus etiam Calo-joannes, patri Andronico iuniori succedit, licet Ioannes Cantacuzenus, tutor prudens, imperium administret Constantinopolitanum circa annum mundi 5290. à Christo nato 1328. Tutor itaque Cantacuzenus, ac imperij consors Apocauci fraude (viri quidem obscuri, sed solertis & callidi, ac inter principis amicos ob eius modi mores, præcipuæ dignationis) & Patriarchæ ambitione, in exilium truditur. iniuriæ impatiens bellum quinquennale aduersus Reginam & Ioannem Cantacuzenum Imperatorem, Andronici filium gerit, Turcarum arma Europæ primus infert. Huic tandem proditur Byzantium: quod cum occupasset, nulli molestus fuit, imperij tantum consortem egit, filia in vxorem Ioanni tradita. Inde in Genuenses, sociis Venetis & Arragoniis, varia fortuna bellum gerit Cantacuzenus: cui & statim ab Ioanne Palæologo exule prædicto bellum indictum, Turcarum in primis ope geritur, quibus etiam in Europa locum primus inhabitandum tradidit. Cum autem improuisus Byzantium, ex Tenedo soluens, ingressus esset Palæologus, tandem Cantacuzenus imperio relicto, monachum egit. Palæologus Matthæum Cantacuzeni filium participem imperij agere volentem, imperium deponere coëgit. & cum multa bella confecisset Palæologus, moriens filio Manueli imperiū reliquit. Vide Egnat. lib. 2. & Cosm. Mun. lib. 4.

MANVEL prædicti Ioannis Palæologi filius, post patrem imperat Constantinopoli: septem mares filios hic reliquit, quorum Ioannes natus maximus, morienti successit. Vide vt supra.



**AMVRATHES** huius nominis primus, Orchanis filius, mortuo patre, apud Turcas imperat anno mundi 5311. à Christo nato 1349. Is auitam paternamque felicitatem æmulatus est: at vero in Caramanum auum maternum non minus infestus quàm pater fuit, qui socerum occiso eius filio adolescente non minima Ciliciæ parte exuerat. Cæterum à Constantinopolitano Imperatore Ioanne Palæologo sollicitatus Amurathes 12000. Turcarum ei in auxilium mittit: idque initium ac origo ruinæ imperij Constantinopolitani fuit. Nam Europeis opibus illectus Amurathes, opis denuo adferendæ simulatione, potius tamen Græciæ animo, Genuensium nauibus vsus Amurathes, Thurcarum 60000. in Græciam transportat: Hellespontum ad Abydum superat: Callipolim cum aliis oppidis occupat: in ipsum quoque Imperatorem inexpectatè grauem impetum facit. Postea Seruiam, Bulgariamque ingressus, Lazarum Seruiæ, & Marcum Bulgariæ principes, cum paratissimis copiis ei occurrentes, ingenti cæde profligat, prius occupata Adrianopoli: sed Lazaro cæso, mox à seruo in domini vindictam Amurathes occiditur, anno regni 23. Vide Egna. lib. 2. Pau. Io. & Christop. Richerium de rebus Turcarum lib. 1.

**SOLIMANVS** Amurathis filius, patri in imperio succedens, confestim hæreditariæ dignitati eripitur, atque per insidias occiditur à fratre æmulo Baiazete: quamobrem à nonnullis inter Turcicos Imperatores minimè annumeratur. Vide ut supra.





CAROLVS quintus, Ioannis Francorum Regis filius, patri in regno succedit anno mundi 5325. à Christo nato 1363. Hic sapiens cognominatur ob morum probitatem, & egregiam regni administrationem: literas, & literatos coluit: Bibliorum libros syncerè transferri iussit: ius ex æquo vt diceretur in primis curauit, iudiciisq; frequenter adfuit. togatus omnino fuit, nec arma vnquã induit: tantum loca Lutetiæ vicina peragrans, longinqua & graui negotia, & bella, per fratres ac præfectos suos administrauit: per quos quicquid patri ab Anglis ablatum erat, id omne ferè recuperauit. vt belli impensis sufficeret, vectigal sali, ac promercali vino imposuit. Aduersus Anglos exercitus quinque potentissimos habuit. Carolus quartus, Imperator ac Venceslaus filius Cæsar, in Franciã veniunt, vt inter Anglos & Francos pacem componant: sed re infecta redeunt ob Regi-  
næ, ac Isabellæ filiæ interitum. Lex Regis in Senatu promulgatur, vt Regum Franciæ filij anno 14. inungantur, & coronentur. Bastildæ fundamēta iaciuntur Lutetiæ, Regis sumptibus. obiit an. regni 16. in castro pulchritudinis ad saltum Vicenarum: sepultus ad D. Dionysium. Turlupini, qui se paupertatis societatem vocitabant, delentur. Æmyl. lib. 9.

CAROLVS sextus, Caroli quinti filius, adhuc adolescēs, in Regem Franciæ consecratur, anno mundi 5342. à Christo nato 1380. Hic Rextres tantum Liliorum flores pro insigni Regum Franciæ gestare instituit. huic pater duodeuicies 100000. aureorum reliquit: initio tamē regni filij, magnæ fisci angustia fuerunt: huius adolescentia & crebra gubernantium mutatio, tantam vim pecuniæ dissiparat. Armeniæ Rex à Turcis pulsus in Franciam venit. Africum bellum conficitur. Regnat an. 42. ad D. Dionysium sepultus. Vide vt supra.



**FRANCISCVS** Petrarca, natione Hetruscus, vir doctissimus, Philosophus, Rhetor, & Poëta celeberrimus, literas velut intermortuas quasi ab inferis reuocauit: nec minus sancta conuersatione quàm sciëntia claruit, multa opera tam in lingua Latina, quàm in sua vernacula conscripsit. Amore Christi & Philosophiæ salutaris vitam solitariam elegit, in qua Philosophando, orando & scribendo perseuerans, moritur in Eremitorio suo agri Patauini, sub Carolo Imperatore huius nominis quarto, & Gregorio Papa huius nominis vndecimo, anno à mundo condito 5536. à Christo nato 1374. Videto Trithemium.

**IOANNES** Boccatus Florentinus itidem Poëta, Philosophus, & Astronomus eruditissimus, multa præclara volumina tum Latino, tum vulgari suo idiomate conscripsit. moritur statim post Petrarcam. Videto etiam Trithemium.







IO. GALEATIVS Vicecomes, Galeatij Mariæ filius, anno mundi 5333. à Christo nato 1371. postquam more patrum suorum, annos 17. Mediolani imperauerat, à Ladislao Cæsare, Dux Mediolani creatur. Vt autem à suis inciperet, Barnaba patruo occiso, opes eius & imperium occupauit. Hinc Veronam, Vicentiam, & Paduam subiugauit. ad Occidentem, Vercellas, Albam, atque Astam subegit. ad meridiem debellauit Aquas, Alexandriam, Tortonam, Bubbium, Placentiam, Parmam, Regium, Bononiam, Pisas, Massam, Senas, Grossetum, atque Clusium. & reuertens Perusium, Assisium, Noccam, Ciuitatem, Bellonam cepit & Feltrum: & (vt velut circulum absolueret) Brixiam, Bergamum, Laudem, Cremonam, atque Cremam, subegit. Lucenses in deditionem accepit. tota ipsum Italia reformidauit. Ticini ædificauit arcem superbam, ad quartum verò lapidem, septum admodum ingens, ad feras omnis generis asseruandas, cum cænobio magnifico extruxit. fuit pulcher, doctus, & eloquens: sed imprimis sagax. Tandem 55. ætatis anno, post 24. imperij obiit, relicta Valentina, Caroli Regis Franciæ postea vxore. Paul. Iouius, & Supplementum Chro.

IO. MARIA Vicecomes, adhuc paruulus, & sub materna custodia, anno Salutis 1402. feliciss. patri successit. Hic cum adoleuisset, multos innocentes occidit, & non paucos inimicos canibus viuos deuorandos tradidit. Piam matrem detrusit in carcerem, ibique eam sæuissimè mori coëgit. Verùm mox quasi Deo vindice, nudatus ampliss. bonis paternis, à domesticis, post decem annorum tyrannidem, in templo trucidatur. Paul. Iou. & Supplementum.



**BAIAZETES** Turcarum Rex quartus, siue Pazaites, huius nominis primus, mortuo patre Amurathe Solimanum fratrem per insidias occidit, solusq; imperio potitur anno mundi 5335. à Christo nato 1373. Hic Marcum Bulgariae principem praelio superatum trucidat, patris mortem ulturus: bonamque Bulgariae partem debellat: neque ita multò post, crudelissimas in Hungaria, Albania, & Valachia excursiones fecit: Christianos quamplurimos ligatos in Thraciam duxit. In negotiis exequendis tanta usus est celeritate, ut Baiazetes Hildrin, id est coeli fulgur cognominaretur. Animi itaq; ac corporis doribus adiutus totam ferè Græciâ subegit. Constantinopolim obsedit annis 8. cuius Imperator in Galliam nauigat, auxilium imploraturus, quod & obtinet. Baiazetes autem Gallos, Hungaros, Germanos ac Seruianos, siue Mysios, semel ac strenuè superat: atque ad obsidionem Constantinopolitanam reuertitur: neque vlla ratione imperij caput illud seruari poterat, ni Tamberlanes, Orientalis Scythiæ Rex, ei occurrisset, qui Baiazetem ad Stellam montē, ubi cum Mithridate Pompeius pugnat, vicit, catenisq; aureis ligatum, atque in ferream caueam detrusum, per totam Asiam ac Syriam circunduxit, donec etiam in fata concederet. Vide Egna. lib. 3. Pau. Iouium, de re. Turc.

**TAMBERLANES** Zagataiæ Orientalis Scythiæ regionis, versus Parthiam ac Sogodianam princeps, peditum ac equitum infinita penè multitudine fretus, Turcarum 200000. vnico congressu cecidit, Regemque eorum Baiazetem, uti dictum est, cepit, circa annum Domini 1397. Vide ut supra.





VENCESLAVS succedit Carolo patri Imperatori huius nominis quarto, imperatq; post eum anno mundi 5340. à Christo nato 1378. hic nec patri, nec auo similis fuit: cum patre tamen annos 8. regnarat: tandem solus ignauissimè rem administrat annis 22. Cæterùm à Sigismundo fratre captus est, moxque Electores ei imperium abrogant, in cuius locum Robertum Bauarum sufficiunt. Porrò Galeatius Vicecomes Mediolanensis bonam Italiæ partem suo dominio adiicit, atque à Venceslao, pro Vicecomite, Dux Mediolanensis dicitur. tunc igitur in Ducatum erectus est primùm Vicecomitatus Mediolanensis. Apud fratrem in carcere apoplexia obiit Venceslaus. Blond.lib.10.deca.2.Egna.lib.3.

ROBERTVS, qui & Rupertus, Bauariæ Dux, deiecto Venceslao, imperat anno mundi 5362. à Christo nato 1400. Hic vt Florentinis gratum faceret, ad comprimendam Galeatij potentiam, in Italiam traicit: verùm cum eo ad Benacum congressus, facilè repellitur: vnde mox ad Venetos deflexit: & incassum Florentinis adnitētibus ne Italia exiret, in Germaniam retro abiit, paci, religionique vacaturus, Florentinos interim in magno relinquens discrimine. Obiit post annos ex quo imperauit decem. Vide vt supra.





CYRISCELEBES, quem alij falsò Calapinum dicunt, Baiazetis filius natu maximus, cū fratribus post patris cladem fugiens, Asiāque à Tamberlane spoliatus, & ad Imperatorem Constantinopolitanum pro singulari præda deductus, regiēq; apud eum educatus, postea summa Imperatoris clementia solutus est: in Asiāque discedens, paternum imperium recuperat. Instauratis itaq; imperij viribus, aduentanti Sigismundo Hungariæ Regi fortiter se opposuit, qui Salumbezene campos occuparat, sperans vires non resumpturos Turcas post tantam à Tamberlane acceptam cladem: sed non magis sibi fauente fortuna quàm, cū ad Nicopolim pugnās cum Baiazete, fauerat, fugere cogitur Sigismundus: cuius pedires ante sagittis cōfossi sunt, quàm in phalangē dispositi cominus congregi cū hoste potuerint: equites verò ad primum statim aduentantis hostis impetum terga verterunt. Victor Cyriscelebes cum Despotam bello laceffere inciperet, morbo præuentus in ipso ætatis flore obiit anno regni 6. Pau. Iouius de rebus Turcicis.

ORCHANE patri Cyriscelebæ, tenella adhuc ætate adolescentulus, ac vnicus imperij hæres, ad imperium cū conaretur paucorum studio atque opera admitti, à Mose patruo interficitur. Moses statim dignum illo parricidio exitium tulit, à fratre Mahomete vita bonisque priuatus. Sunt qui hunc Mahometem, nulla prorsus facta de Cyriscelebe, Orchane, & Mose mentione, à morte Baiazetis statim imperasse tradant: quare nullam hīc supputationis annorum rationem habuimus, sicuti nec Chronici. Vide vt supra.





MOSES Orchanem nepotem, cui erat patruus interfecit, ipse quoque à fratre Mahometo vicissim interfectus est. nec connumeratur ambo in serie Turcicorum Imperatorum, quòd paucis admodum diebus imperitarint. Vide Richerium de rebus Turcicis lib. i.

MAHOMETES huius nominis primus, Mustaphæ & Mosis, eius inquam qui Orchanem ex fratre nepotem è medio sustulerat, frater, post Baiazetem Turcis imperat anno mundi 5359. à Christo nato 1397. Sunt qui ea quæ de Cyriscelebe feruntur, huic vni tribuant. Is itaque Bulgaros & Valachos prædis & cladibus afflixit, tributumque magnum imposuit. Arma deinde in Satrapas Asiæ vertit, loca omnia quæ Tamberlanes occupauerat recepit: nihil generis propinquitate commotus, Turcicæ nationis complures principes ex Galatia, Ponto & Cappadocia pulsos extirpauit: alios autem integros atque incolumes seruauit. Reuersus in Græciam, Adrianopolim, quæ caput est Thraciæ, sedis imperatoriæ loco habuit, pulsus illinc Christianis. Obiit anno imperij sui 17. regni verò Caroli hoc nomine sexti Francorum Regis 35. Vide Richer. lib. i. & Cosm. Munst. lib. 4.

Nnn





SIGISMVNDVS, Hungariæ & Bohemiæ Rex, Vencellai frater, mortuo Alberto communi omnium assensu Imperator creatur anno mundi 5372. à Christo nato 1410. Hic Imperatoriæ planè indolis, sapientia, eruditione, probitate ac liberalitate clarus, doctos fouit, ac dignitatibus ornauit. Attamen ab Amurathe Turcarum principe graui prælio victus, castris etiam exiit. Hic per triënum magnam Europæ partem peragrauit, quò schisma Christiano nomini calamitosissimum extirparet: quare effecit vt reiectis adulterinis tribus Pontificibus qui Barionæ sedem inuaserāt, Odo Columnius omnium consensu Pontifex declararetur. obiit Sigismundus nulla relicta virili prole, cum annos 27. imperasset. Vide Egna. li. 3.

ALBERTVS Dux Austriacus, post Sigismundi obitum Imperator designatur anno mundi 5399. à Christo nato 1437. Hic Sigismūdi gener cū esset, post eius obitum hæres regnorum Bohemiæ & Hungariæ factus est. Morauos ac Sarmatas intra suos fines quiescere compulit. Bohemiæ factiones compefcuit: Amurathē Turcam, qui Hungariā inuaserat, fugauit: Synderouiam in deditionem accepit: inde in Græciam contendēs, Thessalonicam expugnauit. Austriam repetens, moritur anno imperij sui (proh dura fata) secundo. Vide vt supra.







**PHILIPPVS** Maria, obtruncato Ioanne fratre supradicto, armis paternum Mediolanensem inquam ducatum repetit anno mundi 5379. à Christo nato 1417. Callidus hic in bello pacem, in pace bellū poscere visus est. Discendi audius semper fuit, callidus, sagax, liberalis, in iniuriis relaxandis facillimus, statura procerus, vultu formidabilis, maturo consilio, arte, ac validissimis armis, tyrannos qui suæ ditionis ciuitates occuparant, è medio sustulit. Recuperauit Comum, Tricium, Bergamum, Brissiam, Placentiam, Laudem, Cremonam quoque subegit. Io. Iacobus Marchio ferrati Marchio, veritus huius potentiam, Vercellas, Alexandriam, Astamque sponte Philippo restituit. Suo præterea dominio Genuam maritimam urbem potentissimam adiecit. Genuenses itaque subacti, ac eius subditi, Alphonsum Neapoli, & Io. Nauarræ Reges, & magnum magistrum S. Iacobi Compostellani fratres, cum aliis primoribus supra 100. & equitibus clarissimis vltra 200. prælio nauali ceperunt: quos ad se perductos humanissimè excepit: ac multis donatos muneribus dimisit: cum illorum regnū ac ditionem totam sibi vindicare, aut occupare faciliè potuerit. Tandem fœdissima libidine infaniuit, & mutata fortuna, nulla relicta virili prole, obiit ventris profluuiio anno salutis 1447. Vide Paul. Ioui. & Supplem. Chro. lib. 14.

**BEATRICINA**, antea Facini Canis vxor, iam vetula, nupsit prædicto Philippo, & numerauit dotē aureorū 400000. hanc postea vt suspectam interfecit. Deinde Mariam Amidei Sabaudia Ducis filiam in coniugem ductam, præuentus morte, intactam dimisit. Vide autores quos supra.



AMVRATHES, hoc nomine secundus, Mahometis su-  
pradiſti filius, patri in Turcarum imperio ſuccedit anno mun-  
di 5378. à Chriſto nato 1414. Hic cognita patris morte, ex  
Aſia in Thraciam cupiens traicere, Muſtapham patrum cui  
Græci fauebant, auxiliũque ferebant, fundit, ac delet. Primus  
pro tuitione corporis, Ianizaros, Chriſtũ abnegantes, inſtituit,  
quorum viribus & ipſe, & qui ipſi ſucceſſere, totum penè de-  
bellarunt Orientem. Is Hungariam, Boſinam, Albaniam, Vala-  
chiam & Græciam inſeſtauit: Venetis Theſſalonicam adimir.  
Ladiſlaum Poloniæ Regem, & Iulianum Cardinalem, ac Hu-  
niadem vicit. Regnat annos 34. Vide Riche. lib. 1. Paul. Iou. &  
Coſm. Munſt. lib. 4.

SCANDEBEGVS, ſive Scanderbechus, ſic dictus à  
Turcis inter circuncidendum: antea enim vocabatur Georgius  
Caſtriotus, is inquam à patre, Epiri atque Albanæ, ſeu Mace-  
doniæ, principe, datur obſes Amurathi Turcarum Regi ſepti-  
mo: qui eum tandem poſt multa egregia facinora, expeditioni,  
quam aduerſus Hungaros parabat, præſcit: porrò ad hos cùm  
res malè Turciſ cederet, deſciſcit Scanderbegus, atque à ſecre-  
tario Baſſa literas ad Croiæ magiſtratus extorquet, in quibus  
nomine Amurathis, ciuitas ac præſectura ſibi tradatur. ſic Cro-  
iam patriam recipit circiter annum mundi 5409. à Chriſto nato  
1447. Cæterum Amurathes Epirum cum ingenti exercitũ repe-  
tit: at Croia fruſtra per aliquot menſes oppugnata, mœrore ani-  
mi obiit. Vide vt ſupra. & Marinum Barletium lib. 1.





CAROLVS huius nominis septimus Francorum Rex, vnicus Caroli sexti filius, patri in regno succedit anno mundi 5384. à Christo nato 1422. Tunc regnum Francicum turbulentissimum fuit, nam Anglorum Burgundionumque bello petitus Carolus, omnibus penè regni finibus amissis, ad Bituricenses se contulit, apud quos mansit: quare ab hoste Bituricensium Rex per iocum dictus est. Henricus sororis Caroli filius inter titulos, Angliæ, Franciæq; Regem se scribebat: qui etiam Parisiis in Franciæ Regem coronatus est. Ioanna puella, armis instructa, militis subit munus: obsessos Aurelianenses iuuat, hostes cogit obsidionem soluere: per loca ab hostibus occupata Regem Carolum Remis consecrandum ducit, multasque in itinere vrbes recipit: tandem ab hostibus capta, Rothomagi exurit. Lutetia Francorum Armis Angli pelluntur. Pragmatica sanctio in concilio Basiliensi ædita, à Rege probatur, & in Senatu Lutetiæ promulgatur. Vniuersam Normaniam Carolus recuperat: Angli expulsi, præter Calitium & vicina aliquot loca nil in Gallia possident. Delphinus secundo à patre deficit, aduersus quem pater bellum mouet, & spoliatum rebus omnibus, ne à quoquam excipiat inhihet: porro ad Burgundiæ Ducem ille profugit. Regnat Carolus an. 38. Vide Gaguin. li. 9. & 10. & Æmy. lib. 10.

LVDVICVS Caroli septimi filius, apud Burgundiones agens, nuntio paternæ mortis accepto, in Galliam cōfestim transit, ac Francorum Rex creatur anno mundi 5422. à Christo nato 1460. Bellum geritur, bonum publicum, vulgò dictum, de quo fusissimè tractat Philippus Cominius, & syncerissimè: nam huic bello interfuit. Regat Ludo. an. 23.



**IOANNES**, Manuelis Palæologi filij, filius natu maior, post mortem patris in imperio succedit Constantinopolitano, circiter annum mundi 5395. à Christo nato 1433. Paci hic ac concordie magis quàm bello studens, comitatus totius Græcie comitibus, cùm sacris, tum profanis, atque Eugenij huius nominis quarti Pontificis auctoritatem secutus, Ferrariensi, quod deinde Florentiam translatum est, concilio interfuit: susceptusque est ab Eugenio Imperatorum more: atque ex duabus, nempe Græcorum ac Latinorum Ecclesiis, vna facta est. Tunc à Græcis ac Latinis de processione Spiritus sancti damnatus est error. Reuersus Imperator, haud ita diu superuixit. Vide Egna. lib.2.& Cosmog.Munst.lib.4.Plati.& Volater.

**CONSTANTINVS**, septimus Manuelis filius, mortuo sine liberis fratre Ioanne supradicto, Constantinopoli imperat, circiter annum mundi 5406. à Christo nato 1447. hic ab initio Peloponnesi Rex, Draconis cognomen inditum accipit, ob eam quam in Turcas exercebat ferocitatem. At verò à Mahomete Amurathis secundi filio capta Constantinopoli, ipse Constantinus ad portam trepidus se recipiens, fugientium trepidatione oppressus obiit: cuius caput pilo affixum, totis castris ad ludibrium hostis gestauit: anno mundi 5414. à Christo nato 1452. Id mirum, atque in fatis quasi habendum, nempe quòd à Constantino Magno Helenæ filio Constantinopolis, vrbs Romæ semper æmula, condita aut instaurata sit, ac sub Constantino, qui eiusdem nominis matrem haberet, capta, Turcarumque iugo ad hanc diem sit subdita. Vide vt supra.





CAROLVS, Philippi Burgundiæ Ducis filius, patri succedens, bellicosus ac strenuus, bellum gessit aduersus Ludouicum Francorum Regem, huius nominis vndecimum, cum quo postea fœdere inito, in Leodienses bellum mouit, quos & debellauit. Nouesium quod alij Nussiam vocant, agri Coloniensis oppidum, diu obsedit, hoc est annum integrum. Huc autem maximè spectabat Carolus, vt imperio Diocesim Coloniensem adimeret: aduersus hunc expeditionem parat Fridericus Imperator: Tandem fœdus hac conditione ineunt, vt Maximilianus Friderici filius, Mariam Caroli Ducis filiam vnicam, in vxorem accipiat. Pugnavit Carolus semel atque iterum, infeliciter quidem, cum Heluetiis. Cæterum ad Nansen contra Argentinensium Helueticorumque auxiliares copias dimicans, à Renato Lotaringo victus miserè occubuit, anno mundi 5437. à Christo nato 1475. Hic antequam pater moreretur, bellum etiam Gandauis intulerat. Vide Chron. Philippi Cominij, & rerum memorabilium Paraleipomena.

BARTOLOMÆVS Coglio siue Coleo, Bergoma, clarissima ortus familia, Dux exercitus Venetorum creatus est, atque à Carolo Duce Burgundionum supradicto, & Ioanne Andegauenfi Duce, per priuilegia autentica in familiis eorum ascriptus. Hic bellicis artibus instructus, consilio item, prudentia, ac humanitate maximè pollebat: huius etiam aulæ amplitudo, pompa & gloria, omnium ferè principum aulas æquabat. Videto Supplementum Chronicorum lib. 16.



**CALIXTVS** Papa huius nominis secundus, in Pontificem eligitur post Gelasium huius nominis secundum, anno mundi 5080. à Christo nato 1118. fuit hic natione Burgundus, frater Ducis Burgundiæ, prius Archiepiscopus Viēensis, dininarum scripturarum peritissimus, nec ab humanioribus literis abhorrens. Sanctum Iacobum Apostolum coluit: in cuius honorem Compostellanam ecclesiam in Archiepiscopatum erexit. Videto Trithemium. præfuit Ecclesiæ in summo Pontificatu annos ferè sex.

**PIVS**, huius nominis Papa secundus, creatur Pontifex anno mundi 5419. à Christo nato 1457. Hic Æneas Syluius antea vocatus, natione Tuscus, patria Senensis, vir vndecunque doctissimus, Philosophus, Orator, & Poëta insignis, multa doctrinæ ac ingenij sui monumenta posteris reliquit. In concilio Basiliensi Prælato cuidam minister fuit: deinde in Scribâ Cancellariæ Friderici Imperatoris, huius nominis tertij, assumptus, & Poëta ab eo, Laurea recepta creatus, primò Episcopus, postea Cardinalis, tandem Papa omnium suffragio electus est. Obiit Anconæ, Friderico, huius nominis tertio, imperante. Videto vt supra. Pontificatum gessit annos sex.







**PAVLVS**, hoc nomine Papa secundus, Pio supradicto in Pontificatu successit, anno mundi 5425. à Christo nato 1463. Hic Petrus Barbarus antea dictus, Eugenij huius nominis quarti Pontificis ex sorore nepos, sedit annis ferè 7. corpore fuit amplo, & maiestatis Pontificiæ digno. Duo bella toto suo Pontificatu in Italia suscepit. Robertum Sigismundi Malatestæ filium aggressus est. Cæterum pauperum curam gessisse perhibetur, imperiosus tamen ac fastu plenus cum esset, odiosus omnibus fuit. Eius prima cura fuit, vt quæ victui essent necessaria, vrbi non deessent. Die quadam cum iucundissimè cœnasset, apoplexia correptus obiit. Vide Chronicorum Supplementum.

**SIXTVS** huius nominis Papa quartus in locum Pauli supradicti successit, Pontificatumque obtinuit anno mundi 5432. à Christo nato 1470. Hic natione Ligur, ordinis Minorum generalis antea minister, sedit annis tredecim. Hic cum alioqui fuisset vitæ pietissimæ, ac in pauperes & religiosos munificentissimus, attamen suos nimis amavit, eis diuina & humana contribuens, id est ecclesiastica & temporalia bona, præter Dei & Romanæ Ecclesiæ dignitatem ac honestatem : & quædam bella iudicio multorum præter æquum suscepit : imprimis contra Laurentium Medicen, & Florentinos, quibus multa damna intulit : & contra Ferdinandum Apuliæ Regem, dein contra Venetos. Tandem febre correptus, cum audisset foedus ictum inter Venetos & reliquos principes, expirauit. Hic festa seraphici Francisci, conceptionis & præsentationis D. Mariæ, & S. Annæ & Ioseph celebrari iussit. Vide vt suprà.



ALEXANDER Targinus de Imola, siue Imolensis, Iurreconsultus doctissimus claruit temporibus Friderici Imperatoris huius nominis tertij, & Sixti Papæ, huius nominis quarti, de quibus supra mentionem fecimus. Hic Alexander, in vsum eorum qui iuris peritiæ operam dant aliquot libros conscripsit, quos nominatim descriptos habes apud Ioannē Trithemium.

ANDREAS Barbatias legum peritissimus, multa præclara in iure edidit opuscula, quorum nomenclaturam potes etiam apud Trithemium legere.







FRIDERICVS Austriæ Dux, post Albertum imperat anno mundi 5401. à Christo nato 1439. hic pacis atque otij studiosissimus fuit: seditionem mouentes Austriacos facile compescuit. bellum à Matthia Pannoniæ inferioris Rege illatum, composuit: in Flandros mouēs, qui filium Maximilianum ceperant, & asseruabant, recepto filio paucorum pœna contentus, omnem discordiarum fomitem sustulit. Romæ vnà cum vxore Heleonora, siue Leonora, Lusitani Regis filia, coronatus, inde Neapolim ad Alphonsum vxoris necessarium ac sanguine cognatum, diuertit, à quo, & ab ipsis postea Venetis, summo honore, & apparatu excipitur. Iterum Romam voti reus petit, priuati more, atque humili veste indutus: quo voto damnatus ad suos redit: & quiescente Germania, moritur anno imperij 53. Maximiliano prius Cæsare designato. Vide Baptistam Egnatium, Romanorum principum lib.3.

HELEONORA, siue Leonora, supradicta, Lusitaniæ Regis filia, vxorque Friderici Imperatoris, Romæ cum marito Imperij corona insignitur anno mundi 5412. à Christo nato 1450. Ex hac Maximilianum, qui postea imperat, sustulit Fridericus. Vide Egnatium ad calcem libri tertij, in Friderici Imperatoris supradicti vita.





**RENATVS** Lotaringiæ Dux, Apuliæ Regis ex filia nepos, à Venetis sollicitatus spe regni Apuliæ obtinendi, quod sibi hæreditate materna debebatur, Venetias iuit. Fœdere cum Venetis percusso, in Ferrariensem agrum bellum mouet, atque vrbis ipsius, Ferrariæ inquam, oppugnationem adgreditur. Verùm ab Alphonso Aragonum Rege fortiter pulsus, cum exercitum viribus eneruari, ac se ob aëris intemperiem mala valetudine affici sentiret, inglorius in patriã rediit, circiter annum à mundo condito 5404. à Christi natiuitate 1442. hunc prohibent fuisse probitatis eximię principem, nec à maioribus degenerasse, qui verè pij, & synceræ fidei cultores semper sunt habiti. Videto Supplem. Chronicorum lib.16.

**IOANNES**, Calabriae ac Lotaringiæ Dux, primogenitus Siciliae Regis filius, magnanimus, bellicosus, & æquitatis amantissimus extitit. Videto vt supra.







FRANCISCVS Sforza, Sforzæ à Cutiniola filius, Philippi Mariæ Vicecomitis gener, ab eodẽ adoptatus est, & angue, insigni familiæ donatus, anno salutis 1430. socero defuncto, proximo statim anno, ob singularem virtutem Mediolani principatum adeptus est. Hic Sforzæ cognomen à Sforza patre bellicoso traxit: qui humilis & abiectus, cum se militiæ tradidisset, per vim ab aliis quicquid cuperet extorquebat, sicque Sforzæ cognomen assecutus, vt propriũ nomen semper postea habuir, & ad posteros cognomen trãsmissit. Hic per cunctos gradus, ad summum militiæ culmen conscendit. Contra Eugeniũ Papam, contra Florentinos, Venetos, Mediolanẽses, non semel victor, Guelforum, ac Gibellinorum nomen ferè è medio tulit, Italiæ vniuersæ propemodum factus terror. Composita cum Venetis pace, multæ Italiæ ciuitates eius exẽpla secute, arma deposuere. Intus forisq̃ue pacatis omnibus, à fundamentis denuò crexit castrũ Mediolani, quod Iouis dicitur, à populo antea dirutum. Magnum illud hospitale, ægrotis recipiendis, ædificauit, quod regali censu ditauit, opus in orbe rarum. Vt diui Ambr. tẽplum erigeret, multum auri expendit. Tandem verò hic tantus vir, adeò libidine exarsit, vt adolescentum flagitia superarit. rexit an. 16. obiit, sex filiis duabũsque filiabus relictis, anno salutis 1466. Vide Supplem. lib. 15. & Archie. Antonium.

GALEATIVS Maria, Francisco Sforzæ patri defuncto, statim in Mediolani principatu succedit, pulsa matre quæ rem cum eo administrabat: multis hic se inquinauit flagitiis: quamobrem adulteriis, homicidiis, incestibus, sacrilegiisq̃ue pollutus anno administrationis 9. liberis 4. relictis, in æde Diui Stephani vulneribus est confossus. Vide Supplem. Chron.



**MAHOMETES**, hoc nomine secundus, Turcaiū verò Rex octauus, Amurathi, etiam huius nominis secūdo, succedit anno mundi 5411. à Christo nato 1449. Hic regnum à patricidio auspicatur. fratrem paruulum, ne pater solus sepeliretur, opera Mosis interficit. Impiissimus nullum Deum credidit: Mahometem suum, Pseudoprophetaui similem dixit: Prophetas ac Patriarchas risit, ac nugas duxit: huic tametsi impio, fauit aliquando fortuna. Nam magni cognomentum Othomannice familiæ quæsiuit. Duo Christianorum imperia Constantinopolitanum & Trapezuntinum subuertit: regna 12. ademit: ducentas vrbes Christianas cepit: Ipse colico dolore correptus, quarto demum die moritur, anno ætatis 58. regni 31. Richer. lib. 1. Paul. Iou. Egna. lib. 2. Cosm. Munst. lib. 4.

**BAIAZETES** hoc nomine secundus, Mahometis supradicti filius Ianizarorū opera Turcis imperat anno mundi 5442. à Christo nato 1480. Hic minorem fratrem Zizimum, quem primores Imperatorem exposcebāt, vincit ac fugat: qui à Rhodi præfecto ad Carolum octauum in Galliam mittitur. Porro Baiazetes Caramanno fuso, quæcunque is eis & trans Taurum Turcis ademerat, recepit: Valachiam subegit: In Sultanum Ægyptium mouit: Sed is potentior, utpote qui Mamaluchos, post Caramanni cædem fugitiuos exceperat, ac Arabum maximas copias ad sui tuitionem alebat, Baiazetē sæpe debilitat, ac profligat: postea Cerauniorum montium accolās subdit. Venetis Methonem, nunc Modonem, Nepāthum, olim Naupactum, & Dyrrachium ademit. Acomathem primogenitum decrepitus Baiazetes absentem in locū suum substituit: Sed, Ianizaris Zelimo suffragantibus, cogitur patēr Zelimum pro Acomathe substituere. paulò post imperio deturbatus à filio Zelimo, ab eodē filio veneno necatur, anno regni 30. Vide vt supra.





**SIGISMVNDVS** Malatesta Arimini princeps, Pandulphi Malatestæ filius spurius, bëllicosus admodum, splendidus & liberalis fuisse perhibetur: interim tamen multis flagitiis inquinatus turpi nota nomen suum inussit: ideóque diris & armis Pontificum obnoxius fuit. Hic tres duxit vxores, primam Crimignolæ comitis filiam, quam mortuo patre repudiavit: cùm tamen dotem ex ea amplissimam percepisset: Secundam Nicolai Estensis, Ferrariæ principis filiam, generosam ac probam: hanc nihilominus paulò post veneno sustulit: tertiam Francisci Sfortiæ filiam, præclaram & modestam, quam tandem propriis etiam manibus, vt mensuram scelerum suorum impleret, apprehenso ac fortiter presso iugulo suffocauit. Vide Supplem. Chron. lib. 15.

**ROBERTVS** Malatesta Sigismundi filius, etiam nothus, patri in principatu Ariminensi succedit, anno mundi 5428. à Christo nato 1466. Fuit hic moribus patri dissimilis, belli etiam artibus, & præclaris rebus gestis ornatissimus. pro Venetis, sub quorum stipendiis diu militauit, varia mortis pericula adiit. Cum Galeatio Mediolanensium Duce, & Florentinis suas coniunxit copias, & oppida omnia quæ Pontifex patri in Ariminensi agro ademerat recepit. Hic Alfonso Calabriæ Ducem, alioqui fortissimum vicit, ac fugauit: quo in bello, præ ardore pugnæ nimio, in dysenteriam incidit, nec ita diu, hoc dolore correptus, superuixit. habuit in vxorem Elisabetam, Urbini Ducis filiam. Vide vt supra.



**I O. M A R I A**, patre, ab Andrea à Lāpognano, interempto, à Senatu populòq; adhuc paruulus Mediolanensium Dux creatus est anno mundi 5438. à Christo nato 1476. Bonæ ipsius matri & confanguineis quibusdam, atque primoribus, regiminis cura commissa. Hic inter viuendum ac moriendum infelicitissimus fuit. Nam tutores breui Bonam à gubernatione repellunt : & Ludouicus patruus atque tutor, arte & astu principatum innadit, permittens adolescentem à virtutibus deflectere, & voluptatibus operam dare. Nec prius hic tantum suum malum aduertit, quàm cum morti esset vicinus, hausto iam veneno quod ei pararat patruus. Itaque hoc pacto, cum annos 26. mensēsque 9. Ducem nomine tantum egisset, inglorius diem clausit extremum, Francisco Sforza secundo, filio relicto, ex Isabella Ferdinaldi Neapolis Regis filia suscepto. Morti eius ac funebri pompæ Christianissimus Carolus Gallix Rex, qui Neapolim tunc petebat, interfuit. Vide Supplem. lib. 16. & Archie. Antoni.

**B O N A**, Sabaudix Ducis filia, inter omnes Heroides laudatissima, Galeatij Mariæ olim vxor, peperit illi quatuor liberos, duos mares, toridémque fœmellas. Hæc Io. Gal. Mariæ filio adhuc paruulo tutrix à viro moriente relicta, parùm admodum in administratione perseuerauit, à Ludouico Sforza, Mauro vocato, adolescentis patruo, & tutore deturbata, ac in ordinem redacta. Vide autores quos supra.





**FRANCISCVS** Aretinus Iurifconsultus excellens multa scripsit studiosis mirum in modum vtilia, super Digesta, Codicem, & Decretales. Scripsit etiam Consilia, de Differentia inter sententiam interlocutoriam & definitiuam. Magnum nomen adeptus est per vniuersam Italiam, presertim in florētibus Academiis, vt Pataui, Bononiæ, & aliis. Erat valde amatus à suis Discipulis, qui cum in quamvis Academiam migrantem, eius studio incensi, semper sequebantur, vt in Iure magis proficerēt. Florebat anno salutis humanæ 1469. Vide Conradum Gesnerum, in sua Bibliotheca.

**BARTHOLOMEVS** Cepolla Veronensis doctissimus Iurifconsultus fuit, numero celebriorū sui temporis ascriptus, maximè in practica Iuris, vt videre licet ex magno volumine ab eo conscripto & hoc titulo nominato, Cautelæ causarum Ciuilium. Scripsit etiam volumen consiliorum criminalium: Tractatum de seruitutibus: alium, De Aedilitio edicto, de Prædiis vrbanis, De prædiis Rusticorum, De re militari, De furtis, De Imperatore militum, De simulatis Contractibus, & plures alios, si per ius ciuile & criminale. Floruit anno salutis 1477. Vide Conradum Gesnerum, in sua Bibliotheca.

Ooo





**MARCILIVS** Ficinus, Patria Florentinus diuinę Philosophię amore incēsus, Platonis vniuersum opus, maxima diligētia trāstulit. Erat corpore admodū pusillo, vixque semihominem æquare videbatur, sed tamen acuto ingenio erat præditus, & vtriusq; linguę admirabili facultate. Vnde Plotinū, Iamblicū, Synesium, & Psellum Platonice sectę nobiles authores, Latinos effecit, hortante Cosmo Medice, & suffragantibus his qui Cosmo successerunt, à quibus, multis numeribus sese adauctū & cumulatè ornatū sensit. Fuit lætus & ad tuēdā valetudinē exactus. Scripsit plures libros, qui feruntur Theologię naturalis lib. 1. de intellectu & intelligentia lib. 1. in conuiuīū Platonis lib. 1. Epistolarū lib. plures, de triplici vita lib. tres, Apologiā, in qua agitur de Medicina & Astrologia, quod ad sacerdotes pertineant: & de vita mūdi, deque Magia & Magis, qui Christū statim natū salutarunt. Antidotū Epidemiorū & præseruationē secūde valetudinis, è Græco transtulit in Latinū, lib. Xenocratis Platonici, de morte, Speusippi Alcinoi, & Pythagorę opuscula traduxit, & multa alia. Claruit anno 1490. Tandem in Caregiana ipsius villa septuagenario prouectior febricula interiit.

**ANGELVS** Politianus à iuuentute admirabilis ingenij nomen adeptus est, quū nouo, illustrique Poëmate Iuliani Medicis equestres ludos celebrasset, Luca Pulcio nobili Poëta omnī cōfessione superato. Post editā Miscellaneorū cēturiā, publicatāq; Latina Poëmata, immatura mors eū oppressit, vix qua dragesimū quartū ætatis annū excedētē. Scripsit Epistolarū lib. 12. miscellaneorū cēturiā 1. Transtulit in Latinā linguā Herodianū historicū, Enchiridion Epicteti, cum defensione ad Barthol. Scalam. Alexandri Aphrodisæi, super nonnullis Physicis dubitationibus, solutionum libr. 1. Plutarchi Chæronei amatorias narrationes: & multa alia, quę excusa reperiuntur Lugduni apud Sebastianum Gryphium. Floruit circiter annum salutis humanæ 1483.





MICHAEL Angelus Florentinus Pictor maximé egregius, natus in Cōsentino, anno Christi 1474. matre nobili & patre Ludouico Leonardo Buonarruoti ortus, quem quidē dicūt originē ducere è nobilissima & antiquissima familia Comitum ex Canossa. Hic Michael Angelus, puer, magnā de se parētibus & amicis expectationem dedit, quod semper videretur occupatus in his quæ ad picturæ industriā spectarent. Reuera pictor omnium non solum suæ ætatis, sed & eorum qui præcesserant, & post fuerunt consummatissimus & perfectissimus extitit, & stupendas picturas tam scitè designauit, vt spectantium oculos in earum admirationē traheret. Vixit satis senex, eiusque mortui omnium pictorum numerus ingens, amici, populusque ferè omnis, prosequutus est exequias.

RAPHAEL Vrbinas pictor clarissimus, natus est in Vrbinò ciuitate notissima in Italia, anno salutis humanæ 1483. Patrem habuit nomine Ioannem, pictorem quoque eum sed non admodū excellentem, qui tamen optimo fuit ingenio, curauitque vt Raphael à matre ipsa lactaretur, non ignarus, quantum materna educatio liberis prodesset, optimè temperata. Quam multis ingenij dotibus, hic vrbinas fuerit ornatus, non opus est hīc pluribus recensere, nullus est enim qui non sciat eum diuinis illius superioris Michaëlis Angeli vestigiis insistentem, in picturæ arte fuisse excellentem, multosque longo post se intervallo, reliquisse. Obiit anno ætatis suæ 37. si plura quis desideret, videat eius & superioris vitam Italico idiomate à Georgio Vasari Italò pictore eleganter scriptam in libro cui titulus, est, *Vite de pittori.*



PICVS Mirandula Phoenix appellabatur, quòd in eum Dij superi supra familiæ claritatem omnis corporis, ac animi vel rarissima dona contulerint. Decorus fuit, moribus lectissimis, incomparabili facundia, qua omnes eius seculi sapientes in admirationem sui facilè conuertit. Astrologos infectatus est eo grauiſſimo opere, nec dum absoluto quo totius diuinationis vanitatem confutauit. Scripsit doctissimè de re Theologica, & Philosophia: huiusque opera sunt impressa Basileæ, vno volumine. Excessit è vita, trium & triginta annorum iuuenis, eo die quo Carolus Gallix Rex Octauus, Napolim est ingressus, anno salutis 1483. Nepotem habuit Franciscum Picum Mirandulam, virum doctissimum, qui interfectus fuit cum Alberto filio, à Galeotto fratris filio.

GEORGIVS Agricola, insignis Medicus, propter eius magnam diuersamque eruditionem, dignus est ad primè qui eorum catalogo ascribatur, quorum memoria monumentis scriptisque est percelebris: quam vt magis decoremus, eius figuram nō nolimus hīc inserere. Conscripsit quinque libros, de pōderibus & mēsuris quinque alios, de pōderibus & mēsuris Romanorū & Græcorū: duos, de pōderibus & mēsuris exterarū nationum: tres, de pretio metallorum & monetarum: vnum, de animalibus subterraneis: duodecim, de re metallica, in quibus ad amussim expressæ sunt imagines officiorum, instrumentorum, machinarum, omniumque aliarum rerum, quæ ad rem metallicam pertinent, lectu & memoria dignissimæ.





**INNOCENTIVS**, huius nominis Papa octauus, Pontificatum obtinet anno mundi 5445. à Christo nato 1483. Hic patria Genuensis, in rebus gerendis prudens, magnanimus ac constans, merito Innocentius dictus est, ob morum sanctimoniam, sedit annis octo. Pluribus de hoc Innocentio tractat Iacobus Philippus Bergoma, qui eum, dum Cardinalis esset Innocentius, nouit, & cum eo aliquando verba fecit. Vide Supplem. Chron. lib. 16.

**LAURENTIVS** Medices inter Florentiæ nobiles & primores facile primus (tamen non Princeps) summa prudentia, ac singulari virtute, omnia suo arbitrio, in patria administravit. Angelus Politianus & Marsilius Ficinus, viri vndeque doctissimi, huius alumni fuere. Hic sapientissimus fuit, literarum, literatorumque, amantissimus, in quo probitas, iustitia, atque fides domicilium elegisse visæ sunt. Præterea fortis etiã atque magnanimus cum esset, pericula sæpe à suorum ceruicibus bello propulsauit: nomen Thuscum ad barbaras gentes protulit, ampliata etiam ditioe sua multis vrbibus ac oppidis. Quinetiam huic Reges atque respublicæ, Sultanus denique ipse legatos & munera, tanquam alteri Octauio Cæsari miserunt. Sixtus & Innocentius Pontifices hunc tanquam dilectissimum filium in pretio habuerunt. Hic in funere suo, ad aui Cosmæ exemplum, nullam peragi pompam mandauit, quod & obseruatum est. Videto vt suprâ.



CAROLVS, huius nominis octauus Frācorum Rex succedit patri Ludouico, anno mundi 5445. à Christo nato 1483. annum ferè attingens 14. Hic bellum aduersus Britones mouit: ad fanum Aibini insignem de Britannis, seu Britonibus victoriam reportauit, vix siquidē dimidia pars exercitus aduersariorum superfuit. Rex religiosè nimis Hispano Regi Ruscinonis, & Perpiniani Comitatus reddidit. Regnum Neapolitanum recuperat, principibus & nobilibus militantibus suis sumptibus: Romæ à Papa Imperator Constantinopolitanus pronuntiatur. Alphonsus Portugalliæ Rex, cum filio Ferdinando in Siciliam fugit. Neapolim cum pompa, & triumpho ingreditur Rex. Vniuersi Italiæ principes & ciuitates coeunt vt obsessis itineribus Regem intercludāt, qui nobilem & ingentem victoriā Fornouiensem reportans (cū tamen perquàm modicas copias haberet) victor in Franciam rediit. Sed Neapolis ad Ferdinādū post annū defecit. Rex repentina morte obiit Ambœsiæ, nullis relictis liberis, anno regni 14. sepultus est in æde Diui Dionysij ad Parisios. Vixit annos ferè 27. porrò mortuus est, dum animi laxandi gratia ex ambulacro cum vxore pila ludentes aspicit. Vide Rober. Gaguin. lib. 10. & 11. & Paul. Aemyl. lib. 10. & vltimo. Latine scire Carolum pater vetuerat, præter hoc vnū, Qui nescit simulare, nescit regnare. Collegium prostittutarum pœnitētium, hoc Rege, Lutetiæ instituitur: & conuentus trium ordinum in vrbe Turonum fit.

ANNA, Francisci Britanniae Ducis maior natu filia, patre mortuo nupsit Carolo octauo reconciliatis Britonibus, complurēsque liberos ex eo peperit, quibus tamen omnibus superuixit pater. Cæterum repudiata Margareta Maximiliani Imperatoris filia, Annam hanc, prius eidem Maximiliano per legatum nuptam, in vxorē duxit Carolus octauus anno salutis 1489.





ALEXANDER, Papa huius nominis sextus, Pontifex creatur anno mundi 5453. à Christo nato 1491. Hic Calixti, huius nominis Papæ tertij, ex fratre nepos fuit, apud eum à puero educatus, atque institutus. Hunc valde terruit Francorum Rex Carolus, huius nominis octauus, quē postea acceptis conditionibus in vrbe excepit, parauitque ei palatiū Diui Martini: ipse verò Pōtifex timidus in arcem se recipit vsque in proximū diē: subiugata itaque à Carolo Roma, Papa, licet inuitus, eidem Carolo Turcarū Imperatoris fratré tradidit: atque Valentinum Cardinalem filiū (vt aiunt) obsidem dedit, vrbēque Neapolitano regno proximas. Hic etiam Carolo Neapoli redeūti, frustrā tetendit insidias, inito nouo fœdere cum Hispaniæ Rege, cum Venetis, ac cum Ludouico Sfortia, quorum ope fretus Regem Carolum in reditu intercludere tentabat Papa. Mortuo autem Carolo, pacem pepigit Papa cum Ludouico duodecimo, qui Carolo in regno Franciæ successit: sedit Alexander hic, annis vndecim. Vide Supple. Chro. lib. 15.

CÆS. Borgia, dictus Valentinus, Alexādrī supradicti filius, Flaminiam prouinciam, & Vmbriam sibi subiecit: verū ciues, principis qui fugatus erat, amantissimi, eum hoc Valentino exasto, reuocarunt: hæc sub mortem Alexandri patris eius acta sunt. Videto vt suprà. Hic relicto Cardinalitio pileo, galeam assumpsit.

Ooo 4





**MAXIMILIANVS**, Friderici Imperatoris huius nominis tertij filius, post patrem solus imperat anno mūdi 5454, à Christo nato 1492. Hic antequam imperaret, exercitum in Flandriam duxit, & Mariam Burgundam in vxorem accepit: nec multò post cum Ludouico Frácorum Rege, huius nominis vndecimo, graui prælio propter principatum Burgundæ concreditur, postea cum eo in annos 7. inducias facit. Austriam, quam Matthias Hungariæ Rex occuparat, Maximilianus recuperat. Priore vxore defuncta, Blancam Mariam Galeatij Insubriæ Ducis filiam, vxorem duxit: Burgūdiam statim inuasit, variè pugnatum est, tandèmq; pax inita. Sfortia Mediolanū recipit, Gallis pulsi, quosdam insequitur, incautus capitur, & in Galliam ducitur, anno Domini 1500. Imperauit Maximilianus annos 27. literas, & literatos coluit, profitebatúrque eos se in precio habere qui aliis præstarent. Vide Baptistam Egnatium li. Romanorum principum tertio, & Paul. Aemy. in Ludouico supradicto: item Chro. Reg. Franc. & Chro. Carion. li. 3.

**MARIA**, Caroli Burgundiæ Ducis filia vnica, Maximiliano antequam imperaret nupsit: ac post annos quinque, relictis Philippo & Margareta liberis, ex equo decidēs, fracta ceruice, obiit anno mundi 5443. à Christo nato 1481. Vide vt suprà.







I A S O N Maynus, nobilis Mediolanēſium Patricius , abſolutiſſimus Iuriſconſultus, ac orator facundiſſimus, Eques auratus, & Ducalis Senator , claruit tēporibus Friderici & Maximiliani, Imperatorū, apud quos legationes obiit nomine Ludouici Sfortiæ Mediolanēſium Ducis: atq; legationis munere egregiè deſunctus, ab iſdem dona varia cum ſummis priuilegiis reportauit. Hic intra Oratores ab omnibus Chriſtianis principibus ad Alexandrum ſextū hoc nomine Papam miſſis , dū Pontificatum auſpicaretur, palmam faciliè retulit: facundia, necnon interim facetiis ornatus fuit. Papię, Piſę, ac Paduę ius interpretatus eſt annis 50. ex omnibus Europę finibus clariſſimos ac nobiliſſimos alliciens auditores: tanti enim erat nominis , tārāque ſcientia percelebris , vt in eius commendationem Ludouicus Cerrus medicus ac Poëta clariſſimus, ſic cecinerit:

*Te quondam in terris hominem nouere priores,*

*Dum leges aperis , ſcitāque docta patrum:*

*At nunc, more Deūm, cūm deſ reſponſa petenti,*

*Eſ Deus , oraculi Numen ad inſtar habens.*

In Iure complures libros edidit. Orationes habuit ad Pōtiffices, & ad Imperatores ſupradictos: Cæterū feliciter obiit anno ætatis 84. Vide Supplem. Chro. lib. 16.

B A R T O L O M Œ V S Socinus Senenſis, domini Mariani legum interpretis celeberrimi filius , Iuriſconſultus eximius inter legis interpretes in Hetruria extitit: doctrina ſiquidem & ingenio plurimum valuiſſe teſtantur adhuc plurima eius conſilia quę extāt. Claruit eodem tempore quo Iason ſupradictus. Videto Supplem. Chro. lib. 16.

O o o



**LVDOVICVS** Sfortia, cognomento Maurus, Franc. Sfor. filius, tutor nepoti Ioanni Galeatio à Senatu vnà cum Bona, adolescentis matre, atque aliis primoribus datus est. Fuit ingenio astuto ac callido: Bonam, tutorésque alios à principatu itatim deturbauit: adolescentem principem vt genio indulgeret permisit: ne administrationi intenderet, dum voluptatibus ac deliciis irretitur: id etiã fortè eo astu fecit, vt inuisum iuuenem populo redderet. Porro cùm adoleuisset Galeatius, atque administrationi esset idoneus, veneno eum præuenit Ludouicus: arripuitque principatum, & in suam etiam sententiã arte vel maxima Senatũ ac primates traxit, omniumque suffragia sibi cõparauit. Ducem itaque aut potius tyrãnum, enecato adolescente annis 5. egit, ac mensibus 6. Quare ab exercitu Gallorũ territus, in Germaniam aufugit: ac post annum reuersus, & cũ aliquot Heluetiorum copiis per Nouarram Mediolanum petens, an. D. 1500. à suis proditus est, atque à Gallis caprus, in Galliam perductus est, vbi quasi scelerum pœnas luens, priuatus & victus interiit. Vide Pau. Iou. Supplem. Chro. lib. 16.

**MAXIMILIANVS** Sfortia Ludouici prædicti filius, in Flãdria cum Frãcisco fratre educatus, post varias rerũ mutationes circa principatũ suũ, à Carolo quinto tandẽ reuocatus, Mediolano præficitur, eo nomine vt Imperatoris res agat, ac pecuniã ei corradat. Verũ huic fatale fuit, fortè ob scelera paternã, priuatum ac extorrem viuere. Nã vix principatũ, ac naturale solum attigerat, cùm à Francisco Valefio, qui ius suũ armis repetebat, Mediolanũ vnà cum Maximiliano capitur, an. D. 1515. atramen tanquam ab humaniss. & Christianiss. Rege, ac cõsanguineo, datur illi pẽsio annua 36000. aureorum: facta potestate vt liberam in Francia vitam ducat: in qua etiam obiit, princeps alioqui non contemnendus. Vide vt suprã.





**PHILIBERTVS** Sabaudia Dux octauus, succedit patri Philippo anno mundi 5457. à Christo nato 1495. Hic pietatem summopere coluit, magnanimus, speciosissimus, atque omnibus acceptissimus fuit, pulcher etiam ob elegantiâ cognominatus. Margaretâ coniugem accepit, quam ex Maria Caroli Burgundie Ducis filia susceperat Maximilianus, obiit multa commendatione dignus, nullis interim relictis liberis: quare ei Carolus frater successit. Vide Allobrogum, siue Sabaudia Chro.

**MARGARETA** Imperatoris Maximiliani filia, ut dictum est, ac Philiberti supradicti relictâ, animum pudicâ atque amorem erga virum castissimum testata est, tum quod nullum superinduxerit coniugem, vitâ perpetuè celiem ac laudatissimam ducēs: tum quod in vrbe quam vulgo Burgum in Bressia vocât, templû nobile ac celebratissimum extruxerit, quod inter Europæ nuper structa ædificia, tanquâ opus rarum ac percelebre prædicatur: nec id quidem ob templi amplitudinem, sed potius ob artis ornamenta ac splendorem, ut omnium conspicientium oculos in admirationem trahat. Verum ædificij decus ac splendorem longè superat sepulchrû candidissimo marmore extructum: vbi extat amantissimi coniugis effigies ad viuum expressa: in quod signum quicquid ars sculpendi vnquam valuit, contulisse, ac deprompsisse videtur: hæc Ducis effigies hinc & inde habet duarum Margaretarum marmorea simulachra ad viuum etiam formata: nempe Margaretæ vxoris prædictæ, & Margaretæ alterius, quæ Ducis mater extitit. Vide ut supra.




MARCVS Antonius Coccius Sabellicus ad vicum Var-  
ronis in via Valeria iuxta Anienem. Fabro ferrario patre gentus,  
ingentem vim attulit ad perdiscendas literas: tamque citò in  
his profecit, vt plane imberbis apud Tiburtes dum aperiret. In-  
de collecta mercede, & togula cærulea excultus nobilioris do-  
ctrinæ cupiditate in urbem ad Pomponium se contulit, à quo  
vberrimi ingenij merito, in collegium sodalium solemnem cere-  
monia coaptatus, Sabellici cognomen tulit, mutabat enim no-  
men qui in Quirinali sacra lauro coronabatur. Euocatus fuit à  
senatu Veneto ea conditione vt ciuitatis res gestas à fine Iusti-  
niani conscriberet, & trecentis aureis in gymnasio profiteretur.  
In hoc munere perutilem iuuentuti operâ præstitit, & scriben-  
do ad septuagesimū fermè annum peruenit, lue venerea con-  
sumptus. Scripsit de se viuens & incolumis hoc elogium, quod  
sepulchro insculperetur.

*Quem non res hominum, non omnis ceperat atas,  
Scribentem capit hæc Coccion urna brevis.*

Floruit circiter annum salutis humanæ 1498.

ANTONIVS Nebrissenfis, post Punicum nomē, virtute  
Ferdinādi Regis, Hispania pulsum, ingenij acumine claruit, cū  
illud regnum, per mille amplius annos, Vandalicis, Punicisque  
armis occupantibus, Latinarum literarum splendore caruisset.  
Iste fuit par antiquis Grāmaticis, si par fortuna seculi ei respon-  
disset. Multa scripsit, & docendo iuuentutem, multorum ani-  
mos, ad antiquum decus literarum vehementer erexit, vtrius-  
que vel etiam triplicis linguæ cognitione clarus. Fatis cessit re-  
pentina paralyfi, quum ad septuagesimum ætatis annum per-  
uenisset.





**HIERONYMVS** Sauonarola Ferrariensis ex ordine diui Dominici cucullatus, vsque adeo austeram vitę disciplinam, ac erudito subtilique ingenio, & in sacris concionibus admirabili facundia valuit, vt populum instaurandis religionibus deditum, & tū nouo receptę libertatis gaudio gestientē, quod vellet facillē impelleret, priuatisque familiariū, ac ipsis quoque summi magistratus cōsilijs misceretur. Scripsit quadragesimale vnū lib. i. super Psalmos pœnitentiales cōmentū: super prophetas multos cōmētatus est. Prophetiā quoque emisit, qua multa de hoc nostro æuo, regnorumque cōmōtione prędixit. Alia quoque multa scripsit. Futura prędicere, veluti diuino ad flatū numine credebant: sed ambitione non caruit & capitale iudiciū de suspectis nobilissimis septem ciuibus, sęua sententia pręcipitauit: vnde, cū mores Alexandri summi Pontificis acerbē reprehēderet, sacrosanctam potestatem in dubiū deuocauit: tandem reus maiestatis, deposcēte Pontifice, cōprehensus miserabili supplicio affectus est, anno salutis humanę 1499.

**THOMAS** Morus, natione Anglus vir doctus & clarus, Cantuariēsis Archiepiscopus, exilio primū à rege Anglię damnatus, post etiam capitali supplicio affectus fuit circa annū salutis, 1535. quod furentis regis Henrici octauī (qui eū paulō ante ad summos honores extulerat, tanquam virtutis eximię admirator) nefarię libidini, adulari noluisse. Iani vitalis de eo extat epitaphium quod sequitur.

*Dum Morus immeritę submittit colla securi,*

*Et fluit occasum, pignora chara suum,*

*Immo, ait, infandę vitę deflete tyranni,*

*Non moritur, facinus qui graue, morte fugis.*

Hic clarus literarum Gręcarum & Latinarum cognitione, Dialogos aliquot Luciani transtulit. Fecit Vtopiam, & multa egregia epigrammata scripsit.



**PHILIPPVS** Archidux Austrię, Maximiliani filius, ex Maria, vnica Caroli Burgūdię Ducis filia, vxorē duxit Ioānam, vnicā Ferdinādi Arragonū Regis filiā. Cuius nomine, post mortem Isabellę focrus suę, classe in Hispaniam profectus, Castellę regnum hæreditario iure obtinuit. Post hæc ad cōpescendum vetus inter Brabantos & Sicambros bellum, anno 1505. in Flandriam reuersus, multas Gueldrię vrbes partim vi expugnauit, partim ad dēditionem cōpulit: ducēmq; ipsum nomine Carolum pueritiam vixdum egressum, captiuum abduxit, vnāque cū liberis suis in aula sua liberaliter educauit. Flādrię & Artesiæ comitatus Ludouico duodecimo iure feudi acceptos retulit: idque Atrebatī, delegatis ad id munus Guidone à Rupeforti, Galliæ Cancellario, & Ludouico à Lutzemburgo Ligniaci Comite. Rebūsq; ita compositis, cū denuo instructa classe in Hispaniam contenderet, vi tempestatis in Anglię littus eiectus, ab Henrico Septimo Anglorum Rege summo honore est exceptus: ita tamen vt exitus ei non patuerit, donec Suffortij ducem qui ex Albę rosę familia proximus Anglię heres esse putabatur, quēmq; Henrici metu patria profugum in Sicambria receperat, Anglo tradidisset. Post hæc in Hispaniam profectus, non multò pōst supremum diem obiit, anno à Christo nato 1506. die 27. Septembris, ætatis 28. Vide Genealogiam Imperatorum, & Chronica Chronicorum.

**IOANNA** Ferdinandi Hispaniæ Regis & Elisabetę filia, vxor fuit Philippi supradicti, quæ peperit ei Carolum quintum Romanorum Imperatorem, & Ferdinādum Bohemię ac Hungarię Regem, filios: & filias Leonoram, Isabellam, Mariam & Catharinam, Reginas Lusitanię, Gallię, Danię & Hungarię. Vide vt suprà, & Paralip. rerum memorabil.





**LVDOVICVS** duodecimus Carolo octauo in regno Franciæ succedit anno domini 1497. atque ann. 1499. ducibus Io. Iac. Triuultio & Albiniaco, expeditionem in Insubriam fecit. Hi cum Alexandriam ac Papiam cepissent, timore perculsus Ludouicus Sfortia, in Germaniam sese proripuit, Mediolanum illis tanquam bolum relinquens: hoc nuntio accepto Rex in Italiam penetrat, atque ouans Mediolanum ingreditur: inde exiens præfectum reliquit Triuultium. Porro Sfortia è Germania rediēs, Mediolanum recipit: statimque armis Fracis egredi cogitur: itaque Nouarram se confert, vbi à Francis capitur. Anno. 1502. regno Rex potitur Neapolitano, Duce Albiniaco: Fridericus regnū prius occupans, cum vxore ac filio in Galliam captiuus ducitur. Bononiam Rex à Bentiuolo occupatam, Pape reddit. Præterea ad Aignadellum insignem de Venetis reportat victoriam, capto etiam Bartolomeo d'Aluiano copiis Venetis præfecto, quem in Galliam perduxit: omnem ditionē quæ tum Pape, tum Mediolanēsi Ducatui adempta fuerat, recuperauit: quæ ad Pontificem spectabant, ei reddidit. Tandem ann. 1512. Venetos, Hispanos, Papalēsque ad Rauēnam debellauit. Hęc victoria maximū principum numerū captiuorū illi cum Rauenna vrbe tradidit. Obiit anno Regni 17. Vide Chro. Reg. Fran.

**ANNA**, Caroli octaui relicta, nupsit Ludouico duodecimo, ex quo suscepit Claudiam, quæ data est in vxorem Francisco Valesio, tunc Angolismensium Duci: & Renatam, Ferrarię Ducis nunc vxorem. Vide vt supra.



**IOANNES** Iacobus Triuulsus Mediolanensis, Franciæ Mareschalus seu Tribunus, ac præfectus militum Fracię in Italia, deuicta Alexādria Ludouicum Sfortiam Mediolano expulit, ac deinde Nouarra: quamobrem à Frācorum Rege cui erat addictissimus, Mediolano præficitur anno Domini 1499. Postea Lugdunum Galliæ rexit, vbi diligētissimē, atque accuratissimē præfuit anno Domini 1514. Ceterum Carnuti obiit non sine omnium planctu, ob synceram eius administrationē, anno ætatis 80. iussitque corpus suum Mediolani sepeliendum deferri.

**THEODORVS** Trinulsus Marchio Picichitoni, præfectus militū Regis Neapolitani, deinde Dux exercitus Venetorum ac Florentinorum. postea Eques ordinis à Francisco Valesio creatus, Mediolano præficitur: tandēq; Mareschalus, siue Tribunus militum ab eodem designatus, Lugduni præest: vbi summa fide, ac vigilantia, re administrata, eodē quo natus fuerat die obiit septuagenario maior, anno à Christo nato 1533.







**PIVS** Papa huius nominis tertius, Pontifex creatur anno mundi 5464. à Christo nato 1502. hic natione Hetruscus, Senis oriundus, Pij secundi ex Laodamia sorore nepos, ingenio ac literis claruit, laboris & inedia patientissimus fuit. Sed Pij auunculi exemplo in Gallos cōiuravit, quod ægrè ferret Apuliam & non modicam Italię partem eos subegisse: obiit mense 1. quo in Alexandri Pontificis locum suffectus fuerat. Vide Platinam.

**IVLIVS** Papa huius nominis secundus, eodem anno Pontificatum obtinet quo Papa Pius supradictus, cui successit. Fuit hic patria Sauonenfis, quæ vrbs est Genuę subdita, parentibus natus obscuris, verùm cū fortunę beneficio, tū sua industria ad Pōtificatum euectus est: acri & versuto ingenio fuit, animoque minimè abiecto. Patrimonium Petri nemo animosius tutatus est, neque calidiùs quisquam amplificare instituit. Gallis sub initium Pontificatus fauit: quare à Ludouico duodecimo adiutus, Bononiam Ioanni Bentiuolo eripuit: ingratum tamen Gallis postea se præstitit. Rauennam à Venetis occupatam obsedit, ac expugnaui. Seruiam, Imolam, Fauentiam, Foroliuium à Venetis quoque eripuit, atque alia non pauca loca: fuit equidem vt laborum patientissimus, sic iniuriarum impatientissimus, ac animo iracundo, quod vitium etiam generosissimos vrget ac rapit. Sedit annis 10. Vide vt suprà.



**PHILIPPVS** Decius Mediolanensis, Iureconsultus in professione humani, diuinique præsertim iuris floruit, Mayni Iasonis æmulus, ac ætate simul æqualis, sed qui docendo & scribendo, in omnibus Italiæ gymnasiis superior censeretur. Enarrabat enim subtilissimè & omniū acerrimè disputabat. A Pisis, vbi vxorem duxerat, Ticinum à Gallo præfide optimis stipendiis euocatus, vnde belli violentia egressus, maximo incommodo accepto ab hostibus, qui domum eius, in expugnatione vrbis diripuerant, in Galliam fugit, & apud Bituriges sese recepit: vbi Ius diuinum edocuit per duos fermè annos. Et cum reuersus esset in Italiam, Senenses eum conduxerunt, apud quos, octogenario maior, interijt, post quam vnica eius filia senensi patritio nupsisset. Reliquit in vtroque iure scripta doctissima, & præterea Consiliorum lib. 4. Lecturas eius super Decretales & super ff. & Cod. Commētarium de Regulis iuris, impressum Lugduni apud Paganum. Citantur ab eo scripta Consiliorum, volumina 4. repetition. in 1. ff. vet. de rei venditione. Item alibi Commentarios, super prima & secunda ff. vet. & prima & 2. Codicis. Claruit anno 1535. quo etiam Senis mortuus est. Vide librum, de vita Iurisconsultorum.

**HIERONYMVS** Buticella Patavinus, vir doctus in Iuris professione, scripsit vnum volumen de Repetitionibus, plurimisque lecturas in Digesta & Codicē, quarum quidem pars in lucem edita est, alia minimè. Docuit Ius cum maxima grauitate & celebritate, Pataui & Papiæ, & in aliis celeberrimis Italiæ Academiis, ita vt ex eius schola, doctissimi adolescentes prodierint. Florebat anno salutis humanæ 1504. Vide Conradum Gesnerum, & librum de vita Iurisconsultorum.





LEO Papa huius nominis decimus, in demortui supradicti Iulij locum suffectus est anno mundi 5474. à Christo nato 1512. Hic non obscuro loco natus (nempe ex clarissima apud Florentinos Medicum domo) educatus liberaliter fuit, bonisq; à prima ætate literis institutus: præceptoribus vsus cū aliis, tum maximè Angelo Politiano: quē Medices familia, sicut & alios complures eruditos, indulgentissimè fouit. Fuit itaque Leo vt natura, ita disciplina ac consuetudine mansuetus. Doctos amauit, nimirum ipse eleganter doctus. Ducem Vrbinatem, quandam ob causam, Ducatu priuauit, atque in eius locum, quem habebat ex fratre nepotem, Laurentium Reginæ Francorum parentem substituit. In Ducem Ferrariensem idem tentauit, sed frustra. Sedit annos 9. Vide Platinam.

ADRIANVS huius nominis Papa sextus, Caroli, qui etiā nunc imperat, olim præceptor, Leoni prædicto absens substituitur anno mundi 5483. à Christo nato 1521. Hic summus Theologus doctrinam & grauitatem blanda quadam morum grauitate cōdiit: vt eius scripta testātur: cuius vita cū frugalis esset, parum placuit Romanis non paucis. In conferendis sacerdotiis perquā parcus fuit: quòd nullis ea nisi idoneis & doctis dāda iudicaret: fuit natione Teutho, è Traiecto, inferioris Germaniæ ciuitate. Pontificem egit annum vnum. Vide vt supra.



FRANCISCVS Valeſius, deſuncto Ludouico huius nominis duodecimo, nulla relicta prole maſculea, vt ſanguine propior in Regem inungitur anno mundi 5476. à Chriſto nato 1514. Hic Mediolanum ſtatim recuperat. Ducē Maximilianum Sfortiam capit: de Heluetiis victoriam reportat inſignem. Poſt-hæc in Flandriam Imperatorem Carolum quintum fugat anno Domini 1521. Hiſdinum eodem anno Bourbonio Duce expugnatur, cuius arx tormentis bellicis per aliquot dies concuſſa, in deditionem regiæ venit. Anno ſequentē Fōtarabia, in confinio Hiſpaniæ capitur, ac præſidio munitur, poſtea Angli cum Cæſarianis Hiſdinenſem arcem duobus menſibus fruſtrâ obſident: extremâque Picardiæ oram latè populâtur. At verò, poſt annum vnum atque alterum, dum Papiam obſidet Franciſcus Valeſius, ſubiugata iam tota ferè Lombardia, à transfugis, qui fidem Imperatori dederant (ô ſortem iniquâ, ac in re bellica, ſi uſquam alibi dominâtē!) in ipſo pugnæ calore, fortiter ſe gerēs ac dimicās, nihilominus capitur, mēſe Februario anni à Chriſto nato 1524. fœdus tādē initur apud Cameracum, illuſtrium ac prudētiffimarum Heroinarum Gallicarum opera, anno à Chriſto nato 1529. videlicet inter Franciſcum Valeſium, Carolum Imperatorē, & Papā Clemētem 7. Videto Chro. Reg. Fran. Ioānem Cario. li. 3. & Paralipomena rerum memorabilium.


CLAVDIA, maior natu filia Ludouici, huius nominis duodecimi, Francorum Regis, mēſe Maio anni mundi 5475. & à Chriſto nato 1513. Franciſco Valeſio, qui paulò poſt regnat, nupſit: erat tunc temporis Franciſcus ille Valeſius Angoliſmorum Dux: qui ex ea complures liberos ſuſtulit: inter quos præcipui duo ſuperſtites hodie ſunt, nempe Henricus Francorum Rex nobiliſſimus ac potētiffimus, & Margareta eius ſoror illuſtriſſima ſimul ac pientiſſima. Vide vt ſuprà.





CAROLVS quintus, Philippi Austriae Archiducis filius, post auum Maximilianum imperat anno mundi 5481. à Christo nato 1519. postea Bononiae à Clemente Pontifice imperiali diademate coronatus est anno D. 1529. porro anno sequente ingentem exercitum per Germaniam in Hungariam duxit aduersus Turcam Viennam obsidentem. Inde victoriam reportans in Hispaniam rediit. Anno autem 1535. in Tunetum expeditionem parans, quae olim Carthago erat, eam Solimano Turcae extorquet: Gouletam arcem expugnat: regnumque Tunitum totum recipit, & Regem Altzachenum ante pulsum restituit, multis Christianis captiuis liberatis. Fraciam bis tetrauit, sed Fracii milites validissimis armis eius impetum forti animo sustinuerunt. Semel in Francia tanquam amicus summo apparatu exceptus est, ex Hispania in Fladriam per Galliam iter sibi faciens. At enim an. 1543. cum potentissimo exercitu Germaniam tandem ingressus, eam ferè totam in suam vertit sententiam, captis etiam aliquot Germanorum Ducibus ac primoribus: à quibus atque ab urbibus Germaniae olim liberis, ingentem auri vim corrasit. Anno verò 1551. in Africam Libyae ciuitatem exercitum traiecit, principe Doria praefecto, quam feliciter expugnauit, solutis non paucis captiuis Christianis. An. 1552. Confederatis aliquot Germanorum Principibus cum Henrico Christianis, Francorum Rege, ea gratia ut eos ab Imperatoris iugo excuteret, pedem in Villam cum Carolus quasi coactus retulit: sed intra paucos dies re cum aliquot Germanis primoribus composita, comparato maximo Germanorum exercitu, ipse Mediomatricum, urbem prius ab Henrico Rege captam, ac Francicis armis munitam obsedit: ubi nouercam fortunam expertus, obsidionem soluere cogitur, cum non modica suorum strage ac damno, partim ob temporis inclementiam, partim ob Francorum robur ac vigilantiam.

ISABELLA Portugalliae Regis filia, Caroli praedicti uxor peperit ei liberos quatuor, atque in partu ultimo emoritur.



**CAROLVS** Ruinus, Regiensis Iurisconsultus inter alios celebris & magni nominis, qui ius Bononię docuit, tanto iudicio, vt æqualem aliis doctioribus Iuris professoribus, gloriã comparauerit. Indefessus fuit in obeundo munere, & plures discipulos habuit, à quibus & amatus est & summè reueritus. Scripsit super prima & secunda Digesti noui. Item Consiliorum volumina quinque impressa Venetiis & Lugduni. Floruit anno reparatę salutis humanę 1520. Vide Conradum Gesnerum, & librum, De vita Iurisconsultorum.

**FRANCISCVS** Curtius Iurisconsultus clarissimus extitit, qui de iure itidem multa scripsit ad communem eorum vtilitatem qui legibus dant operam. Scripsit super C. in tit. de iura. calumnię. Fecit additiones ad Practicam Ioannis Petri de Ferrariis. De moneta super 2. ff. veteris, si certum petatur, l. cum quid. Super 1. C. de prohib. seq. pecun. lege prima, Quoties. De sequestris. De testibus. Cōsiliorum volumen vnum. Et plurima alia vsui forensi accommodata. Franciscus Curtius Iunior, Papiensis ius etiam professus est, vt scriptis declarauit plurimis. Scripsit enim super 1. & 2. ff. veteris. De feudis. Consiliorum volumen. &c. Florebant anno. 1533. Vide Conradum Gesnerum, in sua Bibliotheca, & librum, De vita Iurisconsultorum.







ERASMV S Roterodamus, maximo honore, propter multiplicem eruditionem extollendus videtur: superauit enim omnes suę etatis, ingenij fertilitate, scriptores. Is ab adolescentia, religiosa voluntate motus, ad cucullatos sacerdotes se contulit, quod humana despiceret: sed paulo post vestem cucullatorum deposuit, & septa ordinis pertransiliit, vt ad excolendum ingenium planè liber, per omnia Europę gymnasia vagaretur. Contendebat enim ingenti cura, ad summę glorię fastigiũ ad quod literarum omnium cognitione, perueniri posse intelligebat, vt peruenit, quemadmodũ eius infinita scripta tam humana quàm diuina testantur, quę sigillatim recensere non opus est, cũ eorũ titulos vix hęc pagina capere posset. Obiit apud Heluetios Basileę, septuagesimum excedens etatis annum, quum Carolus Cęsar in Prouinciam irrumpens, ad aquas Sextias, Francisco Galliarum Regi graue bellum intulisset.

GVLLIELMV S Budęus Parisiensis, vtriusque lingüę perfecta cognitione ita excelluit, vt non Gallię modò, sed totius etiam Europę longè doctissimus certò haberetur. Perennem semper spectauit laudem: & rei familiaris fortunas honorésque ingenio suo & sperata glória viliores arbitratus, sexaginta amplius etatis annos, in studiis consumpsit: ita vt summę eruditionis libro de Assē, alteróque in Pandectas edito, ac infinita demũ lectione confectis Commētariis, quibus Gręcę & Latine facultatis ornamenta comparantur, nulli communicata laude, equales omnes, doctriņę auctoritate superarit. Huius optimi viri otium Rex Franciscus ita fouit, vt eum supplicibus libellis preposuerit. Febre oppressus est cũ septuagesimum tertium annum ageret, & vita excedens, condito testamēto, omnes honores funeris & tumuli penitus abdicauit, ita vt noctu sepultus fuerit. Floruit anno salutis 1535.



**SE L I M V S** itaque pulso patre imperat Turcis anno mundi 5472. à Christo nato 1510. Is ad parricidium adiecit fratrum cædem, nepotumque strangulationē. Sophim vicit ac fugauit: & Sultanos duos, Campsonem & Tomōbeium, multis deleuit præliis. Ægyptum Arabiamque suo adiecit imperio. Reuersus Constantinopolim vlcus in renibus contraxit, quod canceris in morem serpens eum extinxit, anno regni 7. Vide Cosm. Munst. li. 4. Paul. Iou. & Riche. liu. 1.

**S O L I M A N V S** Selimi, siue Zelimi filius vnicus, Imperat Turcis post patrem anno mudi 5480. à Christo nato 1518. eodem ferè tempore quo Carolus, qui nunc imperat, creatus est. Hic Solimanus qui etiam nunc regnat, Belgradum, Christianorum propugnaculum anno regni 3. expugnat, atque anno 6. Rhodum, cum 400. nauibus ac 200000. Turcarum capit. Anno octauo Hungariam inuadit, igne ferròque deuastat: Ludouicū Regem Hungariæ vincit, Budam in deditionem accipit. Anno verò 14. maximo exercitu Viennam oppugnans, auxilio Dei ac Germanorum virtute, fugatur. Hic natura gloriæ cupidus, atque ob victorias quàm plurimas imperiique magnitudinē elatus, Romæ, totiúsque occidentis imperium ad se spectare contendit, cùm Imperatoris Constantini, qui imperium transtulit Constantinopolim, legitimum successorem se profiteatur: sexagies centena aureorum millia quotannis habet: quoties populos censere libet, ex bellis plus lucratur quàm in damno sit, plus gemmarum ac thesaurorum possidet, quàm cæteri omnes orbis principes simul possideant. Vide Pau. Iou. qui etiam Papæ negligentia Rhodum Turcis deditam fuisse scribit.





**CHRISTIERNVS** Ioannis Daniæ Regis filius , post patris obitum Danorum Rex , nullum non lapidem mouit quo regnum Suecię suo regno adiiceret:quod & tandem partim vi armorum , partim dolo affecutus est:sed tamẽ non diu administravit:quinimo tantum abest vt retinere potuerit, vt etiam patrio ac peculiari suo regno Daniæ ob tyrānidem deturbaretur, atque exul in Angliam vnā cū vxore profugeret,anno à mundo condito 5484. à Christo nato 1522. Cæterum cū Daniā recuperare tentaret, à Christiano, patruo suo, captus est, atque in carcerem cōiectus, vbi diem clausit extremum. Vide Cosmog. Mun.li.4. de regnis Septentrionalibus:item nouam temporum continuationem Germani cuiusdam, ad Euse. Chro. adiectam: præterea Carionis Chro. li.3. qui loco Daniæ scribit Regẽ Christiernum Daciæ:vnde colligendum Daniā, & Daciā, interim confundi, nam & Volater. li. 7. sic inquit:Nunc sanẽ Cimbricam Chersonesum Daciā vocant, cui Rex præest qui Sueciam & Noruegiam, peninsulas, in eodem mari obtinet, Ptolemæo & antiquis minimè positas, quòd ignotæ atque incognitæ tunc essent.

**ISABELLA** Caroli Imperatoris huius nominis quinti soror, nupsit Christierno Danię Regi supradicto, qui ex ea liberos sustulit, Dorotheam Friderici Palatini vxorem, & Christianam, Lotharingiæ Ducissam. Vide vt suprà,



**F E R D I N A N D V S** Philippi Austriæ Archiducis ac Castellæ Regis minor natus filius, Caroli hoc nomine Imperatoris quinti frater, uxorem accepit Annam Vladislaj Hûgarîæ ac Bohemiæ Regis filiam vnicam, sororémq; eâdem Ludouici Hungariæ ac Bohemiæ Regis vltimi per cuius obitû iure hæreditario hæc regna possedit. Posthæc in Romanorum Regem Coloniæ creatus est anno D. 1530. atque anno proximè sequente Aquisgrani coronatus est. Porro an. 1540. expeditionem in Budam suscepit aduersus Georgium Monachû, Vaiuodæ filij tutorem, qui Budam occupabat. Verumenimvero Georgius hic implorato à Solymanô auxilio, Ferdinandû pedem referre coegit: qui salutis suæ cõsulês in trãsitu Danubij, vt sunt belli euentus varij, bonam exercitus partem amisit: quamobrè hac victoria potitus Solymanus, Budam ipsam occupauit, ac prædictum Georgium Monachum, vnà cum Vaiuodæ filio in Transsylvaniam expulit. Vide Chron. Carionis lib. 3. & Paralip. re. memo. Imperauit annos 6. menses 4. dies 13. & primo anno sui imperij, Carolus Quintus Augustus præclarissimæ memoriæ Imperator obiit xi. kalendas Octobris, in cænobio monachorû Hieronymianorum S. Iusti, Toletanæ Diocesis. Fuit iste Ferdinandus multis virtutibus ornatus, & tam iustè imperauit, vt eius memoria non minus colatur, quàm Philippi patris, & Caroli fratris inuictissimi & bellicosissimi. Viennæ obiit octauo Kalèdas Augusti, anno Domini 1563.

**A N N A** Hungariæ Regis filia, prædicti Ferdinandi vxor, speciosa quidem, proba & viro gratissima fuit: ex quo etiam liberos complures, chara coniugalis amicitie pignora, suscepit. Vide vt suprà.






**CAROLVS** Sabaudie Dux, ex antiqua ac illustri Saxonia familia oriundus, fratri suo Philiberto cognomine pulchro, qui nulla relicta stirpe obierat, successit. Porro anno à Christo nato 1535. Carolus hic Allobrogum Ducatu, ac maxima Pedemontij parte deturbatus est: nam vrbes atque arces quamplurimas partim expugnat, partim in deditionem accepit Frâciscus Valesius: tum quòd Gallicanis expeditionibus infestissima semper hæc gēs esset, tum quòd ius suum persequeretur in hæc ipsa Sabaudia territoria. Vide Chro. Sabaudie, & Supplem. Chro.

**BEATRIX** Portugallia Regis filia, sororque vxoris ipsius Imperatoris Caroli quinti, liberali ac eleganti forma Princeps, Carolo supradicto Duci nupsit, ex eoque Philibertū, qui Princeps Sabaudia vocatur, suscepit. Ceterum hæc cum deploratę sibi in Sabaudia & Pedemontio res essent, Niciam concessit, ac post paucos annos decessit. Vide Chron.





CLEMENS, huius nominis Papa septimus, Adriano supradicto in Pontificatu successit anno mundi 5484. à Christo nato 1522. Hic antea Iulius vocabatur, sed Cardinalium quorundam suasu, Clementis nomen assumpsit. Fuit Leo decimus huic patruelis. Dicitur Clemens fuisse Francorum Regi Francisco etiam capto, aduersus Cæsarem Carolū: ideòq; Romā ab exercitu Cæsaris, cui præerat Carolus Borbonius, direptā ac expilatam, nihilominus tamen ab hoc coronā accepit Carolus imperialem, præterea sacram vnctionem: fuit rarissimi ac callidissimi ingenij. Frãcisci Valesij partes iterum secutus, ad Massiliam cum eo conuenit, initumque est matrimoniū proneptis suę Catharinę Laurentij Medices Ducis Vrbinatis filię: cum Henrico Duce Aurelianensi, nunc autem Francorum Rege. Florētiam urbem patriam obsedit, quā post annum obsidionis cepit: Ducemque in ea constituit Alexādrū Medices, prædicti Laurentij Medices filium naturalem. Aiunt prouocatum à Florentinis id bellum gessisse, qui in cognatos ac necessarios huius Clementis infesti essent, atque etiā in ipsum Pontificem infensi: vitio ramen illi interim vertitur, quod in patriam ita saeuierit, quam etiam velut sub iugum miserit: sedit annis 12. Vide Iouium, Supplem. Chro. & Platinam.

ODETVS de Foix, dictus Lautretius, Mediolani sub Frãcisco Valesio præfectus, deinde exercitus Gallici in Italia Dux, Papiā & Alexādrīā expugnauit: Neapolim exercitū duxit: quodū tēderet, Clemēti, quē Aurasiēsis Princeps sub custodia tenebat, opē attulit: Porro vbi Neapolim peruenit, arridētis fortunę occasionē captare nesciuit: nā cominus si urbē aggressus esset, hāc facilē cepisset: sed interim dū eminus nimis cūctatur, Neapolis auxiliares Hispanos milites recipit: tandē tum ob aeris intemperantiam, tum ob aquas veneno infectas cum multis aliis Gallorū primoribus periit an. D. 1528. Vide Suppl. & Iouium.





CAROLVS Borbonij Dux, Comititis Gilberti à Montepeserio filius, Ianam Ducatus Borbonij heredem vnicam, duxit uxorem: hunc Gilbertum præfectum Neapoli reliquit Carolus octauus. Porro Carolus eius filius Magister equitum, seu Conestabilis, à Francisco Valesio creatus est anno à Christo nato 1516. Fuit quidem princeps hic magnanimus ac bellicosus, sed qui ob factionem quandam ad Imperatorem deficiens, cladem patriæ non minimam attulit: tandemque in expugnatione Romæ occisus est. Nam ipsi stanti in scalis, globus æneæ tormenti parum cautè à suis emissus (vt est plena periculi eius generis armorum tractatio) crus alterū sub femore perfregit, quo ex vulnere post vnum atque alterum diem, animam exhalauit. Vide Chron. Regum Franc. & re. memor. Paral.

ANTONIVS Leua, Mediolano primū, deinde expeditioni Cæsarianæ præfectus, cū paralyti laboraret, in cathedra sedens circumferebatur: industrius quidē ille, ac in rebus bellicis arte Pelasga, quasi alter Sinon instructissimus. Moritur præ dolore vani ac cassi in Massiliam conatus: cū eius spe potiundæ, à Melforum Principe ad eam recipiendā ex Italia prudenter ac callidè euocatus esset: nempe ea arte vt in Taurinū susceptam ab ipso expeditionem auerteret, anno à Christo Seruatore nato 1535.





**ANDREAS** Doria, nobili apud Genuentes ortus familia, ineunte etate nō vno sub principe stipēdia meruit. Verū cū se terrestri Marte laudē inuenturū diffideret, ad suū rediit elemētū: quatuorque triremibus à ciuibus suis præfectus, Gallorum primū, mox Pōtificis partes fouit: à quo duabus auctus triremibus, denuo sese ad Gallos cōuertit. Nec multò pōst vniuersę regię classi præfectus, & insigni equitum D. Michaëlis torque exornatus, strenuam aliquandiu Regi operā nauauit. Post hæc Marchione Vasti, aliisq; nōnullis Cæsarianarū partiū ducibus, Philippini nepotis sui opera non procul à Neapoli captis, cū Rex eos ad se mitti identidem inberet, iustūmq; redemptionis pretiū eorum nomine offerret, Doria tantarū rerū successu elatior factus, constanter id recusauit: tādēmq; Marchionis Vasti suasu ad Cæsarem defecit: qui ob singularem rei naualis peritiam, tātum honoris ei detulit, vt non alio, quā Patris nomine, eum vnquam salutauerit. Ciuibus quoque suis tam charus extitit, vt marmoream illi statuam in foro posuerint, Patrísque patrię appellatione exornarint. Vide Paulum Iouium, & Supplem. Chron.

**PHILIPPINVS** Doria, edito sub Vrbinatiū Duce singularis suę virtutis specimine, Comitís dignitatē & prouentum est adeptus. Rebúsq; deinde plurimis præclarissimè gestis, tandem Andrę patrui, Gallicę classis præfecti, vice fungens, cum Cæsarianis non procul à Neapoli nauali prælio congressus, insigni victoria potitus est, anno 1527. capto Marchione Vasti, aliisque non paucis tū Italarū tū Hispanorū proceribus, triremibusque aliquor, partim captis, partim depressis. Et Biennio pōst incredibili pōpa copiarū Genuēsū Dux adoptatus, post res plurimas Caroli Cæsaris auspiciis feliciter gestas, fatis concessit.





HERCVLES Estensis, Alphonsi Ferrariæ Ducis filius, non tam parentis gloria aut stabili illius, pacatôque Principatus statu, quàm singulari sua virtute, ac moribus planè heroïcis, Renatę Ludouici duodecimi Gallorũ Regis filię coniugio est positus: quam incredibili apparatu, pŏpâque prorsus regia vxorem duxit Lutetię Parisiorũ anno 1528. Post hæc Alphonsio patre è viuis sublato, in Principatu ei successit anno 1534. multâque heroïcarum, non modò specimina, verùm etiam exempla edidit. Ditionem singulari prudētia administrauit, & inter tot belli tumultus, quibus tota propemodum concussa est Italia, trāquillā incolumēmque conseruauit. Ius seuerè & integrè imprimis dicendum curauit: Academiam celeberrimā, disciplinarum omnium altricem, Ferrariæ instituit, eāmque accitis vndique maximi nominis professoribus, singulari studio ac liberalitate fouit. Sub huius Principatu cū alij propemodum innumeri, tum singulare illud Itahcorum Poëtarum decus, Ludouicus Ariostus emicuit,

RENATA, è regia Gallorum stirpe Princeps prudentissima, Ludouici duodecimi filia natu minor, Regisq̃ue Henrici, qui hodie florētissimi Galliarum regni gubernacula tenet, matertera, Herculi Estēsi Principi clarissimo nupsit: cui & multos sexus vtriusque, & generosissimæ indolis liberos peperit: è quibus filia natu maxima, Aumaliæ Principi, Guisę Ducis filio nupsit: qui deinde patri è viuis sublato in Principatu successit.



**LUDOVICA** Ex clarissima Sabaudie Ducū familia, illustrissimo Angolismorū Duci nupsit: cui & duo præcipua nostræ ætatis lumina peperit, Franciscū Valesiū, qui post Ludouici 12. mortem Gallici regni habenas tenuit, & Margaretā postea Hērici inclyti Navarræ Regis vxorem. Hęc tanto ingenio mulier, tantæque in arduis rebus obeūdis dexteritate fuit, vt nō immeritō filius lōginq̃uore expeditione suscepta, regni totius administrationem amplissima cū potestate ei semper crediderit. Ex præclarissimis eius in rem Christianam promeritis, illud præcipuè memoria dignum est, quòd anno 1529. mense Augusto, inito Cameraci cū Margareta Maximiliani filia colloquio, pacem stabilierit, liberósque regios, Franciscum Delphinū, & Hēricū Aurelianorum id temporis Ducem, paternorum pactorum in Hispania obsides, parētis patrięque desiderio restituerit. Supremum diem clausit 11. Cal. Octob. anno 1531. singularis quandiu vixit, ingeniorum & virtutis faulrix. Vide Chr. Cari. & Gallie.

**MARGARETA** Austriaca, Maximiliani Cæsaris, & Mariæ Burgundæ filia, anno salutis nostræ 1479. vitæ limen ingressa est. Nupsit primū Georgio Hispaniarū Principi, eoque è viuis sublato, Philiberto Allobrogum Duci, quo præmaturè orbata, cū in cœlibatu persisteret, nomine Caroli quinti, fratris sui filij, Flandrię Germanięque inferioris gubernacula suscepit. Anno deinde 1529. habito Cameraci cum Ludouica Francisce Regis matre colloquio, compositis Principum cōtrouersis, lætam suis pacem peperit: annóque in sequenti magno suorū desiderio fatis concessit. Vide Genealog. Carol. quinti.





M A R I A , Philippi Archiducis Austriae, & Ioannę Regine Hispaniarũ filia, & Caroli quinti Imperatoris soror, nupsit admodum puella Ludouico inferioris Pannoniæ Regi, qui in ipso statim adolescētiae suæ limine, anno 1527. cū aduersus Turcas infelicitèr pugnasset, fuga sibi salutem quærens, in palude quadā interiit, superincumbentis equi pondere suffocatus. Cuius memoriæ tantū tribuit Maria, vt nulla vnquā ratione adduci potuerit, vt aut ad secundas nuptias animū adiiceret, aut vestē lugubrē cultu amœniore mutaret. Nec multò pōst à Carolo fratre inferioris Germaniæ gubernaculis admota, strenuē imprimis munus sibi creditū obiuit: multaque Cæsare absente bella Gallis, Sicābris, & Menapiis partim vltro intulit, partim ab illis illata sustinuit. In omni denique vitæ ratione virilē potius, quā muliebriē animū præ se tulit, à principū mulierū deliciis prorsus abhorrēs. Tādē vt nominis sui memoriæ cōsuleret, in Eburonū, & Namurcēsiū finibus oppidū egregiè munitū cōdidit, quod de nomine suo Mariæ Burgum voluit appellatum.

C A T H A R I N A , quarta Philippi Archiducis Austriae filia, nupsit Ioanni Emanuelis Lusitaniæ Regis filio, qui hodie regni eius sceptrā tenet, quem & quatuor liberorum Emanuelis, Philippi, Mariæ, & Isabellæ parētem fecit. Hæc præter insignem formæ venustatem, eruditionis nomine in primis commēdatur aliis etiam virtutibus, regia matrona dignis, egregiè dotata.

+



ALEXANDER Laurentij Medicis Vrbinatiū Ducis filius, secundo fortunę flatu, & immodico Clementis Pontificis propinqui sui fauore, primus Florētinorū Dux creatus est anno nostrę salutis 1532. Hic prudentissimorū hominū consiliis parens, quos Clemens ei consiliarios addiderat, summa aliquādiu cum laude patrię suę pręfuit. Ius summa æquitate dicēdū curauit: rebúsque multis per seipsum iudicatis, nō obscura & cordati iuuenis, & Medicei sanguinis specimina edidit. Caroli Cęsaris filiam, tori consortem sibi adsciuit: ex qua nullos suscepit liberos. Postremò cū neque tanta fortunę suę amplitudine, neque tā generoso contentus coniugio, pudicis nobiliū thalamis infidiaretur, anno 1537. à Laurētino Medice suo propinquo, & in eam vsque diē spectatissima erga se fide, fraude circūuentus, multis vulneribus confossus interiit.

COSMVS Medices, secundus Florentinorū Dux, patre natus est Ioannino Medice, viro omnium suę etatis rei militaris gloria clarissimo. Hic anno salutis 1537. principatū auspicatus, subitò saluberrimis multis promulgatis legibus (quod ab ea etate nemo expectarat) ditionis suę tranquillitatem stabiliiuit. Scelerum omniū acerrimū se vindicem prębuit: literatos verò, atque aded bonos omnes, singulari studio fouisit. Academiā Pisę regia prorsus magnificentia extruxit, pręstantissimisque omniū disciplinarū professoribus exornauit: in qua bonę spei ingenia, rei familiaris angustia à liberalibus studiis exclusa, in sextum vsque annū ali voluit. Vxorē duxit Leonorā Proregis Neapolitani filiā, tanto sibi, eoque mutuo amore deuinctam, vt non immeritò inter pręcipua amantiū paria debeat connumerari. Hic locis non paucis ditioni suę adiectis, principatus sui fines non parum propagauit.





**FRANCISCVS** Valesius Galliarum Rex clarissimus, literarum atque adeò liberaliũ omnium studiorũ (quę superiorum Principum incuria diu neglecta iacuerant) vnicus Mecœnas & singularis instaurator extitit. Celeberrimam Parisiorum Academiam, conductis amplissimis stipendiis trium linguarũ aliarũque disciplinarũ professoribus, & frequentiorẽ reddidit, & ornatiorẽ. Quid multa? ea cura, eoque animi conatu in hanc rem incubuit, vt Parens literarũ nõ immeritò debeat appellari. Neque verò rei militaris gloria inferior fuit: cuius non obscura indicia præ se ferunt præclara aliquot ab eo conscripta de disciplina militari volumina. Post hæc rebus plerisque iã felicissimè gestis, Allobrogũ Ducatum, & bonã Subalpinę regionis partem, quorum ius tum morte Margaretę Borbonię auie sue, Philippi Ducis vxoris, tum ex testamento Comitum Narbonensis Proincię ad se deuolutũ contendebat, finibus suis adiecit. Denique suis Landrisij à Cæsare obsessis, iãmque ad extremã rerum omnium penuriã redactis, suppetias tulit, recentique in hostis conspectu inuecto cõmeatu, ad eam consilij inopiam Cæsarem redegit, vt abiecta spe potiundi oppiduli, obsidionem soluere fuerit coactus.

**LEONORA** Philippi Archiducis filia, & Caroli quinti Imperatoris soror natu maxima, primũ Emanueli Lusitanorũ Regi nupsit: eoque è viuvis sublato, anno 1530. Francisco Valesio Regi secundis nuptiis coniuncta, non parum ad sedandas viri fratrisque discordias momenti attulit: eodẽque anno regni diadema accepit.



**SOLYMANVS** Turcarum Rex, ex re feliciter prouisa, cui euentus responderit, nomē tulisse fertur, quod Salomonem Sapientiae gloria inclytū, immutatis syllabis referat. Itaq; Solymano secus ac patri contigisse constat, qui à contrario sensu Selymus, hoc est māsuetus, autōrque pacis, sit vocatus: quo nemo Othomānorū ferocior & bellicosior fuerit. Sed Solymani res gestae, paternae famae nomen æquasse censerī possunt. Recepta namque Syria, interfecto Gazelle qui rebellarat, Belgradū fortiter expugnatū, Rhodus manu capta, Buda bis occupata, Austriacus exercitus in fuga cæsus, Rocādulphi ingentes copiae ad Budā superatae, expugnatū Strigoniū, & Alba Regalis præclarę Hungarię ciuitates, an. 1543. & paulò antè Hispani in Dalmatia ad Castrum nouū expugnati, classibuseorum, quæ insuperabiles viderentur, ad Leucadem fugatis: hæc, inquā, Solymanum patri, ausu nec imparem, nec gloriæ minus auidū testabuntur. Assyriæ præterea & Mesopotamię regna, cum Babylonia vrbe, magnæ Memphi æquāda, quæ suo Solymanus adiecit Imperio, captæ à patre Aegypto opponi possunt. Quinetiam Solymanus maioris Armeniæ, Mediæ, Persidisque fines, vsque ad sinū Persicū, vastauit: Taurim Persarū Regiam, bis cepit: Tāmasum Sophim, Hismaëlis filium, refugientem ad mōtes, fugauit. Verūm quod ad Solymani mores etiā attinet, fatentur sanè Turcę, eius subditi, eum suprà cæteros Othomannorum principes, qui per ducentos regnarint annos, iustitię, sobrietatis, & continentię laude clarissimum. Vide Paulum Iouium.

**ROSSA** omnium Solymani vxorum pulcherrima, præter formā multis etiam virtutibus dotata est: quare apud Solymanum præ cæteris omnibus vxoribus maxima pollet gratia, ab eoque vnice amatur, ac colitur.





SOPHI nomine Tammās, Persarum Rex potentiss. vrbe Tauris, ac parte regni pulsus à Solymano anno D. 1534. Punicis artibus voluit hostem circōuenire: nā cū viribus esset inferior, fingens longius aufugere, perduxit Solymanum in loca inuia, ac prærupta, Turcisque ipsis incognita, vnde vix egredi potuerit Solymanus, hostē 8. dies persecutus. Porro Sophi per vias quasdam sibi notas iter faciēs, partem exercitus, nempe 60000. hominum armatorū, transmisit: Taurinque urbem, media nocte aggressus, recuperavit, omnibus qui in ea erant Turcis trucidatis. Erat autem hæc vrbs Turcicis thesauris nō minimis, atque armis aucta & ornata. Solymanus itaq; subito quaquā via pedē referre coactus est, seque in suæ ditionis castellū quā citissimē recipere. Anno autem 1549. Solymani primogenitus ad Persas defecit, quod fratrem suū à patre in Imperio præferēdū præsentiret. coacto itaque exercitu Persico, in patrē insurgit, locaq; paterna, Persis finitima oppugnat. tū verò pater cum 500000. militū eò profectus Persas metu percussos retrocedere cogit: sed incensis à Persis villis, pagisq; omnibus quacunque dierū 5. spatio profugiebant, ad tantam rerum penuriā adactus est Solymanus vt 100000. suorū peste ac fame extinctis, reuerti sit coactus. huius Tammæ frater germanus Helcas, ad Solymanū transfugit, cuius hortatu bellum renouatū est, qui cū eius belli Dux esset vt perfidiæ pœnas daret, ad Persicum sinum est interceptus. Ceterum ipse Sophi roseo vultu, vegetisq; oculis dignā Imperio faciem præfert, equitandi, & sagittandi peritiss. conatūque in Oriente Imperiū reparare: egregiisque factis maiorem suorum gloriam reuocare. Vide Iou. Munst. & Cario.

VXOR Sophi speciosissima, more quidem antiquarū Heroinarum incedit, omni cultu ac mundo muliebri ornatissima.



**PAVLVS** hoc nomine Papa tertius, Alexander Farnesius antea vocatus, vna omnium voce in demortui Clementis septimi locum substituitur anno D. 1534. Hic ab adolescentia literis latinis ac Græcis, liberalibusque disciplinis probè est institutus: atque, ante Pontificatum initum, Petrum Aloysium, & Constantiam, matrem Vidonis Ascanij Cardinalis à S. Flora, peperit. Postea Pontifex creatus, concilium generale indixit, eique locū assignauit, primum Mantuam, deinde Vicentiam, nouissimè Tridētum, vbi & inchoatum est. Hic sex expeditas triremes ad Imperatorem aduersus Aenobarbū misit. Præterea cū Galliæ Rege Francisco Valesio, & Imperatore Carolo ad Niciam cōuenit: vbi decennales pactæ sunt inducię inter Imperatorem & Regem: initum est etiam matrimonium inter Octaviū Pauli nepotem, & Imperatoris filiam, Alexandri Medices Florentiæ Ducis viduā. Deinde assentiente Imperatore, prædictus Petrus Aloysius Parmæ ac Placentiæ Dux designatus est: hac quidem conditione vt Papa 12000. peditum ad Imperatorem aduersus Protestantes mitteret: quod præstitit Pontifex: auxiliaribusque hic copiis, quasi Cleri Coryphæus, creatus est Octavius. Sedit Paulus hic annos 16. vixit 84. Vide Iouium.

**IVLIVS** Papa hoc nomine tertius, Ioānes Maria de Monte antea vocatus, Pontifex designatur anno D. 1550. Hic cū iam antea valde eruditus ac eloquens esset, concilio Tridētino Pauli Legatus præfederat. Iubilæum statim celebrauit, nam in annum 50. eius electio incidit. Primo etiam Pontificatus sui anno concilium Tridētinum inchoatum, sed aliquantisper intermissum, resumēdum indixit. Aduersus Hæricum Regem Christianis. in Italia ad Parmam ac Mirandulam, bellum aliquādiu gessit: verū tandem res inter eos componitur: cuius fœderis componendiautor fuit Cardinalis Turnonius.





FRANC. Sfortia secundus, Mauri filius, Dux vltimus Mediolani, anno Salutis 1523. à Prospero Colonna, generali Duce copiarum Caroli quinti Imperatoris & Leonis decimi Pontificis, atque ab vniuerso Senatu Tridenti, vbi morabatur, ad Mediolanensem principatū reuocatus est. Nō multo antè ipse populus à Gallo Rege deficiēs, Regiū Præsidentem Lautrec omnēque Gallos milites, quod insolēter viuerēt, vnanimiter expulerant. Receptus est summo cum gaudio, & applausu incredibili. Anno verò Salutis 1534. Christiernam Daniæ Sereniss. Regis filiam summo Imperatori neptē, vxorem duxit. At post fatales dolores & fugam, populique sui graues querelas, ob aurū Cæsari persoluendum, longa alterius oculi ægritudine prægrauatus, quem & amisit, die 24. Octobris 1535. decessit, suos relinquens Cæsareis Præfectibus expilandos. Eo exenterato cor subaridum & inflatum repertum est. Vide Supplem. Chro. & Gazzo.

CHRISTIENA Sereniss. Daniæ Regis filia, Carolo quinto Cæsari, ex sorore neptis, anno Salutis, quo suprà, Franc. Sfortiæ hoc nomine secundo, & vltimo Mediolanēsi Duci, matrimonio iuncta est, applausu sanè incredibili. Verum, tum ob perlōgam viri ægritudinem, in qua & oculum perdidit, tum quod populum vexari ac expilari cerneret, tū demū ob Imperij breuitatē, quandò paulò plus anno principatū tenuit, hęc nuptiæ parū illi lætæ fuerūt. Nam pullis, lugubribusque cooperata vestibus, gemēs ad patriam remeauit: postea nupsit Antonio Lotharingæ Duci. Vide autores quos suprà.



**IOANNES** Stœflerus Iustingensis, insignis fuit Astronomus & Cosmographus, ut testantur multa eius opera accuratissimè elaborata. Scripsit opus Ephemeridum, à capite anni Christi 1532. in alios viginti proximè sequētes, ad veterum imitationem, excusum Tubingę: item variorum Astrolabiorum compositionis seu Fabricę libros duos, cum explanatione vsuum eorundem, quos quidem postremò ab autore recognitos Petrus Iordan excudit Moguntię, anno domini 1535. In Procli Diadochi Sphæram mundi Commentarium: Calendariū Romanum: Tabulas Astronomicas: Cosmographicas aliquot descriptiones De Sphæra Cosmographica, hoc est de globi terrestris artificiosa structura: De duplici terrę proiectione in planum, hoc est qua ratione commodius chartæ Cosmographicæ, quas mappas mundi vocant, designari queant: quę quidem edita sunt à Ioanne Dryandro Mapurgi. Constat eum claruisse anno salutis 1530.

**ALBERTVS** Durerus Nurembergenſis pictor celeberrimus, scripsit institutionum Geometricarū libros 4. lingua Germanica, quos deinde doctus quidā Latinitate donauit, pictoribus, fabris ærariis ac lignariis, lapidicidis, statuariis & vniuersis qui circino, gnomone, libella, aut alioqui certa mensura, opera sua examinant, vtilissimos. Exarauit plures alios libros, qui non medicorū vtilitatem possunt afferre his, qui hac arte & professione nobilissima maximè delectantur, quorum elenchum hīc recensere superuacaneum esse haud videtur. Scripsit libellum de vrbibus, arcibus, castellis que condendis & muniendis, impressum Lutetiæ 1535. Item de Symmetria partium in rectis formis humanorū corporū, libros quos in Latinum conuertit Iohannes Camerarius, Norimbergæ impressos, annos domini 1532. cum figuris. Præterea de varietate figurarum & flexuris partiū, ac gestibus imaginū, ibidē impressos anno 1534. cum figuris plurimis. Floruit anno salutis 1534. Vide Gesnerum.





**TRINCAVELLA** insignis Medicus fuit, quem dignissimum esse existimauius qui huic numero virorū in arte medica doctissimorum adscriberetur, vt ex eius exactissimis commentationibus perspicere licet. Scripsit de compositione medicamentorū quādam, multāque alia, quæ medicis non mediocrē vtilitatem adferunt, quæque ei immortalem glorię & nominis famā pepererunt. Claruit circiter annū salutis humanæ 1538.

**ANTONIVS** Musa Brassauolus Medicus Ferrariensis, cuius hīc imaginem ad viuū expressam vides, floruit circiter annum salutis 1538. Is multos libros composuit de arte medēdi. Scripsit præterea multa alia vtilissimè, quorum bona pars in lucem prodiit, reliqua expectantur: quibus omnibus studiosis innotescit eius doctrina & perfecta eruditio, in diuerso literarum genere. Scripsit Examen omnium simplicium medicamentorum impressum Romę, & Lugduni. In octo libros aphorismorum Hippocratis & Galeni expositionem, Commentaria & annotationes. De Syrupis librum, per dialogū inter ipsum Antonium & Pharmacopolam senem. Scripsit præterea vitam Iesu Christi seruatoris Italica lingua, in qua paraphrasticè, quatuor euangelistas interpretatur. Dialogum, quod mors nemini placeat. Muricis encomium: de cœna & prandio: de temperie Ferrariensis aeris. De laudibus dialecticæ. De ordine librorum Logicæ. De vtilitate & necessitate Logicæ: de suppositionibus secundū antiquos. Commentaria in Paulum Venetum. Commentarios in prædicamenta Aristotelis: in librum de interpretatione: in posteriora analytica: in libellum Boëtij de diuisionibus. Commentaria in librum Auerrois de substantia orbis. In libros Physicorum Aristotelis. In libros de anima. Commentaria in Aphorismos Hippocratis quæ post primam editionem ad incudem reuocauit, & alia infinita. Floruit anno salutis 1538.



LVDOVICVS Ariostus Ferrariensis, inter celebres & magnos Poëtas numeratur, vixitque tēpore Herculis d'Est Ducis clarissimi Ferrariensium, qui eum fovit eiúsque statum ampliavit, cum inter primos esset sui cōsiliij. Composuit Italicè librum Poëticum, inscriptum, *Orlando Furioso*, in quo historiam scribit duodecim Parium Franciæ & Caroli magni Regis Francorum, tā appositè & doctè, vt omnes tam viri quàm fœminæ hunc librum sibi legendum proponant: nam præter elegantem, iucundum & disertum sermonem, plurima videre licet in eo exēpla virtutis (vnde magni fructus possunt exhauriri) & plures historiarum quæ suo tempore acciderunt. Fuit translatus in Gallicum idioma, Hispanum & alia. Scripsit etiam Tragœdias, Comœdias aliósque versus elegantissimos, floruitque supradicto tempore Ducis Herculis, anno salutis humanæ 1540.

PETRVS Aretinus fuit magnus & præstās orator, qui Venetiis plerūque habitabat, vbi plurimis nobilibus Venetis valdè charus erat. Composuit & edēdos curavit plures libros, sed magna ex parte satyricos. Scripsit Tragœdias, Comœdias, Epistolas & inuectivas. Erat maledicus maximè in magnos viros, qui vt ei silentium imponerent, magnis muneribus eum afficiebāt. Inter alios magnus ille Franciscus primus Christianissimus rex Galliæ, ingenti catena linguis aureis compacta eius maledicentiam compescuit, & eandem ob causam Carolus quintus Imperator monile ad eum misit formam aurium aurearum referens, quo quidem cum obsurduisse nunciatum fuit Imperatori, ita vt à duobus his tantis Principibus ceu Monarchis, deinde abstinerit. In alios iniectus, in magnum vitæ discrimē sese coniecit propter vim ei illatam. Dein maledicum eius animū mutando stylum quoque mutavit, floruitque tempore Ariosti.





CLEMENS Marotus Gallus magnā est adeptus gloriam ex eo tempore, quo primum poësis gallica in precio haberi cœpit. Eius carmina, quamuis nitida & falsa, hac tēpestare exigua videntur, si eorum comparatio fiat cum his quæ scribuntur à quibusdam recentioribus Poëtis, quos omnes hîc enumerare difficile esset: principem tamen eorum paulò post subiiciam. Hic Marotus Psalmos aliquot Gallico carmine reddidit, transtulit Metamorphosim Ouidianam, Eglogas Virgilij, Minois iudicium, Encomium Beraldi, & multa alia festiuitatis plena.

MAVRICIVS Sceua Lugdunensis Poëta Gallus, longè omnium qui sua ætate floruerunt maxima doctrina & ingenij admirabili acumine celeberrimus, multa poëmata composuit & scripsit, quibus eius nominis fama nunquam sanè intercider. Hic Dantis Poëtę Italici, longè difficillimi, animū prope gerēs, tam alto argumento, suam Deliam conscripsit, vt ab omnibus Poëtis nostræ ætatis, pro tanto tamque eximio opere, existimetur plurimū. Omnia is sua industria inuenit, vir perspicacissimus, stēmata, trophæa, & imagines, quibus præclarissimus Henrici secundi, in urbem Lugdunēsem introitus, magna omnium ciuium concomitante lætitia & oratione, & magnificentissimo apparatu, fuit honoratus, anno 1544. composuit etiam librum inscriptum Microcosmos, id est paruus mundus, in cuius scriptis, quamuis elegantissimis, magis res, quam verba admirari debemus.



PETRVS Bembus Venetus Cardinalis, vir doctissimus, & eloquentiæ Ciceronianæ summus imitator fuit, vt videre licet ex eius scriptis prope infinitis, summa eruditione, sale & iucunditate ita conspersis, vt ad ea perlegenda lectores alliciatur: tanta vis est eius orationis. Scripsit opuscula aliquot impressa Lugduni: Epistolas, De imitatione sermonis lib. i. cum Ioannis Francisci Pici, quibusdam opusculis: Poëma heroicum, cum variis poëmatibus: de Aetna, libellum: Historiæ Venetæ libros duodecim. Scripsit etiã elegatissimè de Culice, vt refert Nicolaus Erythreus, & multa alia. Claruit anno reparatæ salutis humanæ 1540.

PAVLVS Iovius Nouocomensis Episcopus Nucerinus ad viuum sic exprimitur, quod ad corporis delineationem siue decorâ effigiẽ attinet: eius animus admirabilis cuius innotescit, q̃ eius historias incredibili faciendia & gravitate scriptas pegerit. Constat hunc medicum fuisse, medicinamque exercuisse antequam Episcopatus amplissimum gradum attigisset. Scripsit de Romanis piscibus libellum: de vita Iacobi Muti, Attẽdulæ, Cortignolæ, Sforcia &c. librum impressum Basileæ: de rebus Turcicis: vitas omnium Turcicorum imperatorum: item de ordine ac militia Turcicæ militiæ: vitas duodecim Vicecomitum Mediolani principum: vitam Leonis x. Pontif. Max. & Adriani, Pompei Columnæ Cardinalis, & infinita alia. Florebat tempore magni huius Cosmi Medicæi.





LEONHARTVS Fuchsius, Germanus, medicus insignis, ex eius infinitis prope & pernecessariis cōmentationibus, quandiu medicinæ vsus seruabitur, summis laudibus erit extollendus: quod plures, vt crediderim, ex eius schola, prodierint medici, quā ex equo Troiano, olim, milites. Scripsit Methodū medicinæ, seu rationem compendiarium, perueniendi ad verā solidamque medicinam: item de vsitata huius tēporis cōponendorū miscendorūque medicamētorum ratione libros tres, iis qui praxim medicam exercent maximè necessarios. Eiusdem extant de sanandis totius humani corporis, eiusdēque partium tam internis quam externis malis lib. 5. Tabulæ aliquot vniuersæ medicinæ summam & diuisionem, compendio complectentes. Tabulæ sex in Galeni libros de morborum causis & symptomatibus: Paradoxorum medicinæ lib. 3. in quibus multa à nemine adhuc prodita. Arabum ætatisque nostræ medicorum errata confutantur. Floruit anno 1540. & obiit Tubingæ anno 1566.

CONRADVS Gesnerus Tigurinus, medicus & Philosophus clarissimus, cū ipse plurimā scripsit, tū multa etiam aliorū in lucem edidit & rem publicā literariā maximè iuuit. Conscripsit Bibliothecam vniuersalem, siue Catalogum omniū scriptorū locupletissimum: in tribus linguis Latina, Græca & Hebraica, extantium & non extantium, veterum & recentiorum: opus nouum, & non Bibliothecis tantū publicis privatisque instituendis necessarium, sed studiosis omnibus cuiuscūque artis aut scientiæ, ad studia melius formanda, vtilissimum. Floruit anno salutis 1540.



**CHRISTOPHORVS** Longolius Parisiensis, suo tempore, eloquētia magna pręstitit, vtpote qui plures scripserit Latine elegantissimas orationes, Epistolas, Epigrāmata, & Elegias. Porro inter orationes, vnā exarauit in laudem Ludouici Regis, vndecimi, alteram in laudem Plinij, quinque alias in laudē vrbis Romę, & vnā aduersus Lutheranos. Scripsit etiā amicis plures Epistolas, vt Erasmo, Budeo, Bembo, Sadoleto & aliis. Scripsit quoque in Ius ciuile, cū publicē Iurisprudentiā profiteretur in Academia Pictonū. Erat valde comis & humanus, vnde omnium amicitia sibi cōparabat. Sed cū videamus sepius chariores & virtutibus ornatiores potius quā vitiosos immatura ætate è viuis excedere, florentibus adhuc annis, vitā cū morte mutauit, cū trigēsimū sextū suę ætatis annū nōdū attigisset. Omnia eius opera fuerūt impressa Lugduni, à Sebastiano Gryphio, & in pluribus locis Germanię & Italię. Florebat circiter annū 1536. Vide Conradum Gesnerum, in sua Bibliotheca.

**ORONTIVS** Finæus Delphinus Regius Mathematicarū professor, in oppido Briansonio natus, patre medico & Philosopho egregio, nec non Mathematico nobili: quo mortuo, Lutetiā venit, vbi perfectis iā suis studiis, vxorē duxit Dionysiā cognomine & re candidā, cū qua vixit paulò minus viginti annis. Quantū laboris insumpserit assiduis cōmentationibus, testantur tot eius scripta, quorū seriē reperies in Bibliothec. Gesneri. Floruit anno salutis 1545. Et obiit Lutetię in suis q̄dibus pridie nonas Octobris, anno reparatę salutis hominū 1555. hora à meridie quarta, qua ille in lucem venerat, natus annos Lx i. ferē: iacet in cœnobio Carmelitarum.





**PETRVS** Aloysius, Alexādi Farnesij (qui postea ad Pontificatum euectus, Pauli tertij nomine innotuit) filius, opera parentis Parmæ & Placentiæ Principatū consequutus, cū immodico Placentinæ vrbs exornandæ studio, edixisset ditionis suæ Comitibus, ceteræque nobilitati, in eā vsque diē in villis suis castellisve agere assuetis, vt Placentiam domicilium suum transferrent: agrè id illis ferentibus (vt pote qui sub Pontificū imperio, summæ semper libertati assueuerant) nonnullos non infimæ autoritatis, qui imperium suū detrectabāt, exilio multauit, bonāq; eorū fisco adiudicauit. Qua occasione irritatis nobiliū animis, illorū coniuratione circūuentus, in arce Placentina multis vulneribus obtruncatur: mortuūque corpus in publicū protrahitū, cō cursu plebis fœdè discerpitur, anno nostræ salutis 1547.

**HIERONYMA** Vrsina, Romanæ castitatis matrona, vni cūmq; virtutis omnis exēplar, Petro Aloysio nupsit, Alexandri Farnesij ( qui postea Pontifex creatus, Pauli Tertij nomen adsciuit) filio: cui præter Victoriā filiam, Vrbinatiū Duci iam elocatam, quatuor liberos mares peperit, totidem ætatis nostræ lumina: quorū duos hodie omni disciplinarū genere ornatissimos, rarissimo exemplo, in Cardinaliū ordinem videmus cooptatos, Alexandrū nimirum, & Raynutiū Farnesios, ambos amplissimos legatorum munere, illum apud Auenionenses, hūc in Flaminia fungētes. E reliquis duobus, Octavius Parmēsiū Dux, militaris gloria imprimis illustris, & Caroli quinti gener, remotissimos orbis Christiani angulos nominis sui splendore impleuit. Horatius verò Castri Dux, generosi animi iuuenis, & in adēdis periculis prorsus intrepidus, hoc ipso anno incredibili apparatu, Hērici Regis filiā cōiugē sibi adsciuit: nemini fortitudinis gloria cessurus, nisi nimia hominis virtus, ad manifesta pericula incautius impulsus, præmatura nece eū nobis præripuisset.



**HENRICVS** Albretius. illustrissimus Nauarrorum Rex, Francisci Valesij Regis Christianissimi fidus belli comes, eique semper intimus fuit: cum quo etiã aduersus Cæsarianos ad Papiam strenuè dimicans, captus est. Hic literas, literatósque semper impensè coluit: Margaretam principem omnium lógè illustrissimam, prædicti Regis Valesij sororem vxorem accepit: ex qua filiam vnicam suscepit inclytã, nobilissimi simul ac magnanimi Vindocinensium Ducis vxorem.

**MARGARETA** Heroinarum omnium in toto orbe facile Princeps, pietate ac doctrina præ cæteris omnibus celebris, Francisci Valesij soror illustrissima, primùm nupsit Alenconio Duci, ex quo nullos peperit liberos: post cuius obitũ nupsit secundò, ac in virum accepit illustrissimum Regem prædictum, Henricum Albretium: cui splendidissimam forma ac moribus filiam peperit, nomine Ianam: quæ in cõiugem data est clarissimo, simul ac humanissimo Vindocinensi Duci. Migravit autem Heroïna Margareta ex hac in alteram quam præoptabat vitam, anno Domini 1549. Vide Chro. Franc. Cæterum, vt de eadem Margareta hoc vnum addam, quisquis sanè, huius Margaritæ seu perlustris vnionis splendorem tentat animo perlustrare, atque oculis, etiam si perspicacissimis, assequi: eadem certè opera diductis ciliis in splendidissimum, simul ac ardentissimũ solem recta ac illæsa acie contendat.





**ÆNOBARBUS**, vulgò Barbarossa vocatus, Rex Algerij. Christiana matre natus, à pueritia per inopiam vrgentem apud Hispanos importandis venum caseolis, aliisque id genus opsoniis victum sibi quærere coactus est. Ex hoc Pirata factus, non mediocriter rem auxit: comparatâque perditissimorum hominum manu, per vim ac infidias, Algerij in Mauritania Regnum occupavit. Mox Turcarum Principi fœdere iunctus maritima prœlia feliciter gessit. Hispanias infestavit. Tuneti Regem sedibus expulit: qui tamẽ paulò pòst à Carolo Augusto v. est restitutus: neque enim tanta erat Aenobarbi Piratæ potentia, vt Imperatori obfistere posset. Eius etenim potètia soli Turcarum adminiculo nitebatur. Vide Paulum Iouium, & Gazzo.

**MVLEASEM** suo Tuneti Regno per Barbarossam expulsus, mox per Carolũ Cæsarem v. fuit restitutus, anno 1535. Qui anno deinde 1541. huius Muleasem fretus auxiliis, Barbarossam Algerij Principatu frustrâ deturbare conatus est, traiecto eâ in spẽ Libyco mari, & ciuitate cincta obsidione. At oborta statim tempestate, imbribus densis, & cõtinuis, & ventis colluctantibus, Algeriani occasione arrepta, & fauèri sydere adiuti, eruperunt impetu magno, castrâq; Cæsaris assiduè iactata calamitatibus, frigore, siti, & fame debilitata, & pluuiarum inûdationibus stagnantia diripuerunt, Cæsare ab obsidione depulso non citra insignem iacturam, cum rerum, tum Illustrum hominum, Ducû exercitus, strenuorûque militû, & instructissimæ classis. Tãta verò, & tam infesta Cæsari tempestas sæuiit eodem anno circa principium Octobris. Vide Gaz. & Iouium.



**FRANCISCVS** Francisci Regis filius primogenitus, natus anno D. 1517. Franciæ Delphinus indole verè regia, & præsumptis à natura virtutis omnis heroicæ egregiis principiis, artium (quæ liberalem Principem decet) præcipuè verò militaris disciplinæ studiosissimus, spè de se dedit mirabilè. Sed dum contra hostilia Cæsaris arma Massiliam versus, expeditionem parat, Lugduni obiter confidens, veneno necatus est à Sebastiano quodam Montis Cuculli Comite, qui compræhensus, veneficiûmque non diffessus, neque sceleris conscios, pœnas luit, in quatuor partes mèbratim helciariis equis distractus. Hic Princeps ad hunc modum veneno intus cruciante malè affectus, ardore tamen adeundi ad Prouincialia bella patris, vix Turnonem perlatus, magno omnium mœrore expirauit, anno suæ ætatis 20. mense Augusti, 1536. Vide Chron. Franc. & Paulum Iouium.

**CAROLVS** Aureliæ Dux, Regalium liberorû ex Francisco Franc. Rege natus minimus, adolescens fuit perhumanus, liberalis, & magnanimus, præbito iam de se heroicæ magnanimitatis exemplo, in expugnatione Iudij, oppressione Arluni, Viretonij, ac Luxemburgi, omniumque locorum, castrorum, & arcium circû circa inuasionem, munimento, confirmatione, præsidio, & comœatu, anno 1542. Bellicosissimus hic Regis filius, in florentissimo dilectæ iuuentutis decore, acutissima febre præproperè extinctus est anno 1545. Vide vt suprà.





**ALPHONSVS** Daualus, Vuaſti Marchio ex nobiliſſima Comitum Aquinatum familia ortus, literis & armis à pueritia exercitus, poſt mortuum in Prouincia Narbon. Ant. Lxuum, Cæſarianæ militiæ in Italia Dux creatus, & Imp. Legatus anno 1536. Caſalium, primam Montisferrati urbem à D. Buriano Gallo captam, mirabili celeritate intra biduum illuc quaſi peruolans recuperauit. Anno deinde ſequenti, multis & magnis rebus geſtiſſuam in rebus bellicis ſtrenuitatem comprobauit. Reparatiſque viribus Albam, Carmanolium, Cherium, Montemcalerium, omnemque circa regionem vaſtans cepit, Pignerolio etiam, ac Taurino obſeſſis. Verum adueniens Delphinus Franciæ omnia rurfus victor recepit, ipſumque Marchionem longè repulit. Expugnata deinde Montisdiuiſi ciuitate munitiſſima, necnon Saluiliانو, & Salutio, aliſſque locis, dum Carinianum victus com meatu inſtruere molitur, fortunam expertus eſt admodum ſiniſtram. Nam ſub Ceriſoliorum ignobili pago Frãcorũ virtute, & auſpiciis Franciſci Borbonij Anguiani, acie proſtigata, & maxima ſuorum parte cæſa, victus, & in fugam verſus eſt anno 1544. Denique poſt certas pacis conditiones inter Regem Francorum, & Imperatorem confirmatas, deceſſit vir maximi animi Alphoſus Daualus, anno 1546. menſe Martio. Vide Gazium.

**MARIA** Tarraconenſis, ſeu Aragonia, Alphoſi Dauali Vuaſtenſis Marchionis vxor, forma eleganti, nec minori gratia fuit. Verum prudẽtia longè magis excelluit. Heroïna pudiciſſima virum fecit pulchra prole parentem, liberis vtriuſque ſexus educiſ, quibus etiam maturè pater viuens promiſum voluit. Vide vt ſuprà.



**HENRICVS** octauus, Angliæ Rex, patri Henrico septimo successit in Regno, anno Christi 1510. Qui traiecto in Galliam exercitu, Neruiorum urbem Tornacum certis conditionibus recepit: quam quinque post annis Francisco Valesio Regi restituit, pactus filix suæ Mariæ connubium, cum Francisco Franciæ Delphino. Postea verò anno 1520. in Galliam reuersus visendi gratia Regis Francisci, pacem cum eo firmavit. Tragœdias verò turbulētissimas quas excitauit, quâsque sæuitias exercuit, & in Clerum, & in suas vxores, nunc commemorare non liber: qui fusius hæc videre volet, legat Iouij primum, & secundum tomum, & Supplementum Chronicorum. Regnavit annos 36. & mortuus est anno 1546.

**EDVARDVS** sextus, Angliæ Rex supradicti Henrici filius, annos natus octo patri successit, anno mundi 5508. & à Christo nato 1546. Hic puer fuisse dicitur (quantum tulit ætas) multum eruditus, ac pius: pacis amantissimus, & animo ad tranquillitatem inclinato. Bononiam maritimam Henrico 2. Regi Franciæ reddidit, annos quinque prius occupatâ à patre Henrico octavo. Inter eos denique post grauissima bella de pace conuentum est, iis legibus, vt odiorum veterum inter Gallos, & Britannos perpetua fieret amnestia: idque omnium Magnarum consensu, & populi diutinorum bellorum vtrunque pertæsi. Quæ sanè pax, & concordia omnibus fuit quàm gratissima. Vide Chronica Franciæ, & Iouium.





HENRICVS secundus anno 1547. die suo natali Martij vltimo, in regno Franciæ succellit patri Francisco Valeſio. Sequenti deinde anno, Scotis veteris iure amicitiaæ fœderatis aduerſus infeſtantes Anglos ſuppetias tulit, hoſtilémq; exercitum fudit, fœdus cū Heluetiis iam olim à patre initum denuo cōfirmavit, ac amplificauit. Deinde, arte, viribus, & impetu Bononiã maritimam ab Anglis occupatam adgreſſus eſt, captis omnibus quæ circumſtabant arcibus: ſic vt Anglorum Regem ad pacem impulerit, dimiſſa Bononia. Poſtea verò multorū precibus allectus Principum Germanorum, qui pro ſua libertate vindicanda ipſius opem implorabant: cum eis fœdus iniit: & in Germaniam ipſe Rex cum apparatiſſimo exercitu proſectus eſt: & inter eundem Metas nobiliſſimam Lotharingiæ ciuitatem ſibi ſubdidit. Redeundo autem Danuillarium, Iuodiū, Montemmedium, & alia pleraq; oppida, & caſtella expugnauit, in quibus erat tutiſſimum hoſtibus profugium. Interim cum Rege rediit in gratiam Iulius tertius Pont. Max. Idem Rex Mirandulã tutatus eſt, Parmam ſtabiliuit, Senas, expulſis Hiſpanis, antiquæ reſtituit libertati. Dum hæc in Italia geruntur: Cæſar qui prudēter retro ceſſerat, reſumptis ſpiritibus, ad obſidionē Metarum ( quas prouidus Rex valētiſſimo ſtrenuorum Ducum, Equitum, ac Militum præſidio firmarat ) reuerſus eſt cum 100000. armatorum, vel amplius. Sed Gallorum virtute recedere iterum coactus eſt, re infecta, multis ſuorum ferro, fame, & frigore amiſſis.

CATHARINA de Medicis, Henrici Regis coniūx, virtutibus, morū integritate, ac pietate ſic excellit, vt tantū in Heroïna encomion vix cuiquam credibile videatur. Propter quod populis honorata, Principibus grata, Regi ſuo viro ſupra modū eſt dilecta, quem ſex liberorum patrē in cōiugalibus teſtimonium amoris iam effecit.



ANTONIVS Borbonius Dux Vindocinensis inclytus, Christ. Franc. Regis in Belgica legatus anno 1542. Turnæam arcem vi expugnatâ solo æquavit, Ducem Riviû Atrebatî Gubernatorê fugavit, captis plærîsq; arcibus, & castellis intra Atrebatensium fines. Anno mox 1543. Insularium, & Bapalmam quantûlibet valido propugnarêtur præsidio, simulque alia quædam munitissima loca subegit, eaque ad tollêdum belli nidum, funditûs diruit. Anno hinc 1552. cûm intellexisset Dux vigilantissimus suprâ memoratum Heroa Riviû Imperatoris vices gerentem sâtagere ne Morinorum ciuitas annona, & cibariorum comœatu instrueretur, comparata ad hoc impediendû numerosa Flandrorum Belgarum expeditione, illi mox occurrit: vbi cæsis quàm plurimis, nonnullisq; captiuis: eodê momêto Castellum Comitum vi cœpit: maximû obstaculû hostibus futurû. Regisq; imperio id ipsum subdidit. Sequenti mēse Decembri, Hedino per Legatum Riviû expugnato, repentê fortissimus Heros tâto impetu, ac ardore adcurrit: vt intra breue temporis spatium in pristinum statû restituerit. Deniq; inuictus hic & inclytus Princeps egregios conatus suos tantis animis, prudentia, & strenuitate persequitur adhuc nobis superstes: vt immensæ sublimitatis maiorem in dies spem ostendar.

IOANNA d'Albret Regis Navarrae, & clarissimæ Principis illius Margaretæ Regiæ sororis filia vnica, Moliniis incredibili nobiliû & popularium applausu nupsit suprâdicto illustissimo Duci Vindocinensi. Porro ea nulla ex parte à tantis, talibusque parentibus degenerat: quin protinus æmulatur moribus, ac virtutibus planè Regiis, & summo amore literarum, ac virtutum, quibus ipsa etiam est ornatissima.





**EGVINARIVS** Baro Iurifconsultus excellens, de iure etiã multos edidit libros plenos vtilitatis. Scripsit etiã in Quintiliani oratorias institutiones, tabulas, vniuersam dicendi rationem quodam quasi fasciculo complectentes, quibus certè palam sit omnibus eum indefesso labore semper studuisse, vt literarum decus & præcipuè iuris prudentiæ augesceret & conservaretur magis ac magis. Ius docuit apud Bituriges, tanta nominis fama & existimatione, vt ad eum audiendum plures discipuli, ex longinquis etiam regionibus, concurrerent. Floruit anno salutis humanæ 1542. eodem, quo Alciatus, tempore. Scripsit de diuiduis & indiuiduis obligationibus, seu stipulationibus: de seruitutibus. In Pandectas & institutiones commetaria edidit. Item questiones de iurisdictione: ad Digesta seu Pandectas manualium libros septem.

**ANDREAS** Alciatus Mediolanensis Iurifconsultus clarissimus, quanto ingenij acumine, quantaque scientia & eruditione valuerit, non opus est hic pluribus aperire. Fuit valde acutus & subtilis in scribendo, præcipuè verò in suis emblematibus, quæ varias picturas circiter centum, tanquàm hieroglyphica continet, quorum significationem, quæ singulas sequuntur elegiaca epigrammata, argute explicant. Composuit infinitos prope libros, partim de legibus, partim aliis de rebus, quæ ad humaniores literas spectare videntur. Edidit libellum de ponderibus & mensuris: historiæ encomium: in P. Corneliū Tacitum castigationes, ac difficilium aliquot locorū expositiones. Orationem composuit in laudem iuris Ciuilis, & alia plurima scripsit. Excessit è vita anno à reparata salute humana 1550.



**ANDREAS** Tiraquellus Iurisconsultus celeberrimus & regius in curia Parisiensi Senator, iure omnium suorum æqualium doctissimus erat existimatus. Laboris ingentis admodum patiens, scripsit & doctissimè quidem est interpretatus plures nobilissimos titulos iuris. Inter alia, scripsit super tit. de legibus connubialibus & iure maritali, magnum volumen inscriptum, de utroque Retractu municipali & conuentionali, opus maximi pretij & momenti: de reuocandis donationibus, in l. *si unquam*, Item de nobilitate & iure primogeniorum, commentarios, & plures alios admirabiles iuris tractatus. Quod ad literas humaniores attinet, Dierum Genialium Alexandri ab Alexandro Iurisperiti Neapolitani, libros sex diligentissimè commentatus est, & commentationes suas in eundem, Semestria appellat: opus ingens & valde vtile quod quidem est præ manibus Gulielmi Rouillij, qui breui illud in lucem missurus est, ut studiosi hoc thesauro diutius abdito, huius opera, potiantur. Obiit Lutetiæ, die 23. Decembris, anno salutis 1556.

**PETRVS** Rebuffus celeberrimus iuriū doctor & Comes, memoriā suā ita nobis cōmendauit, ut nemo non eius nomen summa cū laude celebret. Natus est circiter annū Domini 1500. in loco, de Ballanicis, nō procul à Mōte pessulo, ex clara familia. Docuit celebriter in ciuitate Pictauesi, & Postea Lutetię professus est ius canonicum, à Senatu supremo ferè coactus circiter annū 1533. & ab hinc in supremo illo senatu causas forēses quādiu vixit, cū docendo, tū scribendo & cōsulendo exercuit. Fuit mitis, castus, sobrius, pauperum amator, fidei Catholicę religiosissimus obseruator, ita studiis addictus ut sexagenarius literas Hebraicas & Græcas ediscere voluerit. Scripsit multa egregia opera in ius ciuile & canonicū: quæ quia sunt infinita, hæc pagina capere non potest. Obiit febre correptus die 2. Nouēb. 1557.





**MARIANVS** Socinus Senensis Iunior celeberrimus iuris professor, quanto ingenio quantâque doctrina emicuerit, testantur tot eius non minus elegãtia quàm grauiâ scripta. Docuit Pisus, Senis, deinde Patauij annos quã plurimos: postremò Bononiam euocatus, ibi summa cùm laude semper est professus, in magna auditorum frequentia. Claruit anno Christi 1566. Scripsit tria magna consiliorum volumina. Commentaria quæ in celebrioribus Italiæ gymnasiis vulgò leguntur, & alia pluri-  
ma, quorum elenchum potes videre in Bibliotheca Gesneri.

**HIERONYMVS** Cagnolus patritius Vercellësis eques & iurisconsultus clarissimus, illustrissimi Ducis Sabaudie Senator, ac professor Iuris Cæsarei Patauij: de re literaria optimè meruit, utpote qui ad promouenda studia legum, multa memoriæ tradiderit scriptisque mandauerit, unde non mediocrem honorem est adeptus. Scripsit de Origine Iuris. Item copiosam & subtilem interpretationẽ omnium legum tituli ff. de reg. iuris. Floruit circiter annum salutis 1540. Omnia eius opera in tres tomos distributa impressa sunt Lugduni 1569. in folio.

Rrr 5





**THEOPHRASTVS** Paracelsus Heluetius nouæ medicinae author, Hippocratis, Galeni & Auicennae institutis omnino contrariae, maximos labores pertulit, vt humano generi prodesset: maximè verò Leprosi, podagricis, pestis tetræ contagione affectis, Hydropicis & omnibus aliis, quorum morbis, Galeni sectatoribus, quos Barbaros vocat, succurrere difficile existimat. Docuit Basileæ magno stipendio inuitatus, libros, quorum ipse autor fuit. Dicitur fuisse, animi integritate, pietatēque in egenos nulli secundus. Vixit annos XLVIII. Anno Domini M. D. XLI. die XXIII. Septēbris vitam cum morte mutauit: sepultus est Salisburgē in Nosocomio ad S. Sebastianum, cuius lapidi, multa de eo præclara epitaphia conspiciuntur.

**IACOBVS** Hollerius Stenpanus Medicus, vir magnus, & suæ, id est Hippocraticæ artis ac doctrine peritissimus, scripsit multa, maxime verò est interpretatus & cōmētatus magni Hippocratis coacca præsagia, opus planè diuinū, & veræ medicinae tanquam thesaurus, multum tēporis consumpsit in isto immenso labore, multasque lucubrationes reliquit, viginti plusquam annis iam exactis: sed mors immatura eius vitæ simul & laboribus finē imposuit. Vnde opus fuit vt Desiderius Iacotius Vandoperanus (adiectis, suo Marte, libris 13. ad idem opus commentariis, tribus sectionibus distinctis ne nimis obscurum prodiret) illud perficeret, cū multa essent perturbata & lituris deformata: multa imperfecta. Id autem fuit diligēter & accuratè excusum Lugduni à Gulielmo Rouillio, anno 1573. Florebat autem Lutetiæ anno 1550.





IOANNES Fernelius Ambianus Medicus præstantissimus, nullū non lapidem mouit, vt rem medicam magis ac magis illustraret atque promoueret, tot aliorum exemplo, qui in medicina & docenda & elucidanda semper sudarunt. Scripsit, inter alia, de abditis rerum causis lib. duos: Medicinam ad Henricum 2. Galliarū Regem: Cosmotheoriæ libros duos, impressos Parisiis apud Colinæum: de naturali parte medicinæ libros septem: de vacuandi ratione, vnum. In eius Medicina cōtinentur Physiologiæ libri septem, de elementis, de temperamētis, de spiritibus & innato calido, de animæ facultatibus, de functionibus & humoribus, de hominis procreatione atque de semine Pathologiæ libri sex: Item Therapēticae vniuersalis, seu de mendendi ratione libri septem. Floruit anno salutis 1547.

IACOBVS Syluius Medicus etiā inter alios celebris fuit: in quem multa beneficia collata fuere à Stephano Poncherio Baionensi Episcopo, tum integerrimo, tum doctissimo, vt ipse testatur in ea epistola, qua eius Præsulis dignitati dedicauit Ioannis Mesuæ medici præstantissimi interpretationem: opus equidem arduum & antè impeditum, nunc autem eius cura atque summa diligentia expeditum atque expolitum, vt iam doctis nō placere modo, sed etiam prodesse possit plurimū. Vnde, quam noster Syluius laudem meruit ex eo facile est perspicere, quòd difficillimum sit rebus longa & obscura caligine mersis, & velut illuie sordida obfritis, dare aut verius reddere splendorem. Maxima ei cum Manardo ætatis suæ medico etiam doctissimo intercessit familiaritas, qui quidem ipsius etiam Mesuæ obscuram & sordidam versionem potius quam Mesuæ, emulare alicubi & clariorem reddere tentauit. Huius Syluij præceptor fuit in re medica Ioannes Tagaultius vnde quaque absolutus. Floruit anno reparatæ salutis humanæ 1557.



**HIERONYMVS** Cardanus , Medicus Mediolanensis subtilissimus, multa scripsit tam acute & diligēter, vt meritò ab omnibus literatis, ob eius summum ingenium exactamque plurimarum rerū cognitionem, passim existimeretur. Scripsit Arithmeticam absolutissimam : Practicam Arithmeticæ & mēsurandi singularem, Artis magnæ, siue de regulis algebraicis, librum vnū, qui & totius operis de Arithmetica, quod opus perfectum inscripsit, est in ordine, decimus: de Sapientia libros quinque: de consolatione libros tres, ab autore recognitos: de immortalitate animæ, librū excusum à Gryphio, Lugduni anno Domini 1545. in 8. chartis 20. Contradictentium medicorū librum, continentem contradictiones 1081. de malo recentium medicorum medendi vsu, libellum, 100. errores illorum, continentem: & infinitos alios, quos hæc pagina non potest capere. Floruit anno salutis 1544.

**I V L I V S** Cæsar Scaliger, Iosephi Scaligeri frater, vir magni nominis hîc laudandus venit, qui de causis linguę Latinę 13. lib. scripsit: de comicis dimensionibus: commētarios in Hippocratis librum de somniis, adiecto etiam textu ab eodem conuerso: commentarios in libros duos, qui inscribuntur de plantis, Aristotele autore: plurima acutè & solidè confutauit ab Hieronymo Cardano scripta, in libris de subtilitate: composuit de Poëtica libros sex, varia eruditione refertos: commētarios in Theophrasti libros de plantis: veræ Alchimix artisque metallicæ citra ænigmata doctrinam certūque modū scripsit: de sapientia & beatitudine libros 8. quos Epidormides inscripsit: vnde & plurimis aliis frugiferis commentationibus magnam gloriam est affecutus. Floruit tempore Cardani.





**PETRVS** Andreas Matthiolus Senēsis Medicus præstā-  
tissimus, studioſis inferuire cupiens, scripsit de morbi Gallici  
curatione librum, per dialogū digestū, inter se & Franciscum  
Aligerum: Commentarios longē doctissimos in libros sex Dio-  
scoridis, de medica materia, qui sæpius Italicè editi, postremò  
ab ipso authore in Latinam linguā translati sunt. Adiectæ sunt  
innumeræ plantarum & animalium imagines ad viuum expres-  
sæ. Et quia in tanto opere nihil quicquam deest quod ad dele-  
ctationem & maximam non medicorum tantum & Pharmaco-  
pœorum vtilitatem faciat, quæ duo, scripta quæuis reddunt ab-  
solutiora & digna quæ in manus hominum doctorum & inge-  
niosorum deueniant, Gulielmus Rouillius curauit, vt tam ne-  
cessarium opus, viri doctissimi opera, in linguam Gallicam con-  
uerteretur, eorum gratia qui Latinam ignorant. Hic plura alia  
literis mandauit quæ breuitatis causa prætermittenda censi.  
Floruit anno 1536.

**DONATVS** Antonius ab Altomari Philosophus & me-  
dicus Neapolitanus, doctissimus plura scripsit opuscula, quæ  
sparsa, fusa & mendis referta, in vnum cogenda & limatius im-  
primenda curauit: quod se fecisse profitetur, non vt eius opera  
essent præclara, vt ipse inquit, ingenij sui monimēta, sed vt ami-  
corum petitioni satisfaceret, & fructus extarent ocij pomeridia-  
ni ad Gal. semper & Hippoc. mentem, ex eius instituto. Adie-  
cit nouissimè suis operibus, vir studiosissimus tractatum de venę  
sectione in vtero gerētibus ad mentem Senis & Galeni lucida-  
tum, atque recognitum. Demum de latitudine sanitatis opu-  
sculum: quibus vniuersa artis medicæ dubia à confusoribus du-  
cta facillimè eluuntur. Floruit anno 1547.



**ANDREAS** Vesalius, Bruxellenfis vir clarus, de re anatomica, & humani corporis fabrica, adiectis figuris, elegantiffimè scripsit, cuius scripta medicis sunt in magno precio, utpote quæ ad medicinæ perfectam cognitionem & praxim, necessaria esse dubium non sit. Scripsit paraphrasim in 9. librum Rasis ad regem Almāforem, De affectuum singularum corporis partium curatione. Item Epistolam, qua docet venam axillarem dextricubiti, in dolore laterali secandam: aliam, qua rationem docet propinandi radices Chynæ decocti, & tractat anatomica multa, quāvis titulus non promittat. Emendavit etiā translationē anatomicorū aliquot Galeni librorū, qui cū cæteris Galeni operibus excusi sunt Venetiis apus Iuntas. Floruit anno 1540.

**IOANNES** Argenterius, Castellonouensis, Medicus clarissimus, Pisis rem medicam professus est: scripsit multa ad medicinæ perfectā notitiam spectantia. Quocirca censuimus eum inter viros egregios numerandum, eiúsque imaginem studiosis promendā, ut ne huic tanto viro & de literis benè merito, suis aliqua ex parte honos deesset, qui tamen ex eius ipsius scriptis satis superque laudatur. Scripsit de consultationibus medicis, siue de collegiandi ratione librum: item de erroribus veterum medicorum, librum: præterea de somno & putrefactione contra Aristotelem, libellos nondum editos, ut existimo, Glossemata in Aphorismos Hippocratis: Commentarios tres in artem medicinalem Galeni: De somno & vigilia, de spiritibus & calido nativo, libros duos, in quibus multæ veterum scriptorum ac recentium sententiæ expenduntur. Claruit anno reparatæ salutis humanæ 1550.





**GVLIELMVS** Rondeletius, Doctor medicus, & medicinæ in schola Monspeliensi, professor Regius, & Cancellarius magnam est adeptus nominis existimationem in docēdo. Scripsit de piscibus marinis plures libros, in quibus veræ piscium imagines expressæ conspiciuntur: ita studiosus visus est rei medicæ, etiam calamitosi temporibus, propagandæ. Non potuit autem, morte præuentus, Methodum suam curandorum omnium corporis morborum, prælo mandare, vt alia perutilia opera: sed factum est doctorum medicorum cura, vt ad fidiorem quàm fieri potuit exemplaris typum eadem Methodus excuderetur: quanquam pluribus in locis, non solum autoris sui iam defuncti, sed & diligentissimi emēdatoris egeret censura. Deus enim omnia in omnes diuidit, alter vt ope alterius indigeat. Accessit igitur ante huius editionem, diligens opera & accurata prælectio docti cuiusdam Medici (Rondeletij olim per familiaris) qui exemplar à se emendatum, cūmque optimis exemplaribus collatum Gulielmo Rouillio diligentissimo typographo dedit excudendum. Hic fertur nunquam bibisse vinum. Floruit autem anno 1550.

**HIPPOLITVS** Saluianus Typhernas Medicus Romanus, iure inter doctos censendus, qui librum scripsit de Aquatilibus cum iconibus seu figuris centum, et elegāter insculptis. Impressus est autem hic liber Romæ, in authoris ædibus, 1557. in filio magnæ chartæ. Floruit anno 1550.



MARCELLVS secundus Iunior Politianensis Tuscus, Marcellus Ceruinus Ricardi filius, ex episcopo Neocastrensi præbyter Cardinalis, tt. Sæctæ Crucis in Hierusalē à Paulo tertio factus, Carolo v. Augusto, sedit in Pontificatu, dies 21. Natus in oppido agri Piceni Montis Fani pridie Nonas Maij, anno 1501. creatus Romæ, v. Idus Aprilis, 1555. hora 24. à triginta sex Cardinalibus. Postridie coronatus. Obiit die Mercurij Kal. Maij, inter septimam & octauam horam noctis præcedentis. Vixit annos quinquaginta quatuor, menses vnde-  
cim, dies viginti quinque: sepultus est ad Sanctum Petrum: vacauitque sedes eo mortuo, dies 22. Fuit autem ducentessimus vigesimus septimus Pontifex. Vide Platinam, in eius vita.

PAVLVS IIII. Neapolitanus, Ioannes Petrus Carafa, Ioannis Alfonsi Matalunæ comitis filius, archiepiscopus Neapolitanus, ex presbytero tt. Sancti Clementis, presbyter tt. Sanctæ Mariæ Transtiberim, Episcopus Cardinalis Albanus, & Sabinus à Paulo tertio factus, Tusculanus & Ostiensis, à Iulio III. Decanus, Imperatorib. Cæsare Carolo v. & Ferdinando Aug. sedit in pontificatu, annos 4. menses 2. dies 27. Natus est in oppido sancti Angeli de scala, IIII. Kal. Iulij, anno 1476. in Hirpinis, haud procul à Beneuento. Creatus Romæ, auctore Farnesio Cardinale, à XLIIII. Cardinalibus, die Iouis festo Ascensionis x. Kal. Iunij, anno 1555. hora xvi. Coronatus ad sanctum Petrum die dominico proximo vii. Kal. Iunij. Ordinationibus tribus, mensibus Iunio, & Decembri, factis. Cardinales creauit xix. presbyteros xx. & diaconos IIII. Obiit Romæ, die Veneris, xv. kal. Septembris, hora inter xxi. & xxii. anno 1559. vixit annos xciiii. mensem vnum & dies xxi. sepultus ad sanctum Petrum, postea ad Mineruam translatus. Vacauit eo mortuo Romana sedes, menses 4. & 7. dies. Fuit Pontifex numero 228. Vide Platinam.





**STANISLAVS** Hosius, Cardinalis Polonus, Episcopus Vuarmensis, legatus Romani Pontificis, & Præses in Concilio Tridentino, vir doctissimus, & fidei catholicæ accerrimus propugnator. Scripsit Confessionē fidei sæpius impressam & ab auctore nunc demū ita auctā, vt nouū opus videri possit. Hæc est tanti momenti, vt etiā è Latino in Gallicū idioma conuersa sit nuperrime à Ioanne de Lauardin. Scripsit præterea de expresso Dei verbo: Dialogum num. calicē laicis, & vxores sacerdotibus permitti fas sit: & plura alia. Viuit adhuc Romæ, cum supradictō Azpilcueta.

**MARTINVS** ab Azpilcueta doctor Nauarrus, insignis & literarū cognitione præstās, pietatis obseruātissimus, & iuris Pōtificij cōsultissimus, ita vt in prælegēdo & interpretando eo iure in celebri Academia Cōrymbriensi, primū locū obtinuerit; laudis alienæ minime cupidus: cū dicat in quadam epistola, huius vsūrpationem esse veluti notā furti, vt ait Iurisconf. *in l. hæreditatum. §. fin. ff. ad l. falc.* Is iam octogenarius, magno studio & labore proprio, versioni sui Enchiridij siue Manualis Cōfessoriorū & Pœnitentiū, incubuit: cū multi pro sua in Deū & rēpublicā pietate, & in authorē beneuolentia, Latinè, Hispanèque callētes, sacræque Theologiæ & vtriusque iuris professores id præstare vellent, bonāque iam partē præstitissent: verū id non fecit gloriæ causa, sed vt plenius satisfaceret Reip. Christianæ, & quā plurimis vtriusque Hesperix viris, erudita pietate clāris, auctoritate Pontificia Reuerēdiss. imo & Cardinalitia dignitate illustriss. ad id eū vehementer exortātib. Scripsit tractatum de redditibus beneficiorū, super ea. *Quicquid 16. q. 1.* quo docetur quibus vsibus sint impēdēdi, & quibus personis dādi aut relinquēdi: de finibus humanorū actū, tractatū: & plures alios libros ex quibus vir dignitate clarus non mediocrē laudem mereatur.



**FRANCISCVS** Duarenus Iurisconsultus clarissimus, quæ hæc nostra ætas proximè habuit, quandiu orbis diuina stabit prouidentia, celebrabitur. Quantū enim coluerit Iuris prudentiā, eiusque studia promouerit, testantur tot eius grauissimi viri opera, quæ omnia edita sunt Lugduni apud Gulielmū Ro-uilliū, qui hoc præstantissimū opus Iconū concinnè & verè, & Laconica breuitate confectū, elegantibus (vt solet omnia) typis excudendū curauit. Docuit in celebri Biturigū Academia, tot-que discipulos habuit, vt omniū tunc tēporis Iuris professorum facilè princeps haberetur. Scripsit de in litē iurādo, iudiciisqne bonæ fidei & arbitrariis cōmētariū. His adiicitur Decretū quod dā senatus Biturigū: scripsit Epistolā de docendi discendique iuris ratione: Apologiā de iurisdictione & imperio: libros octo de ministeriis ecclesiæ & beneficiis: super 1. & 2. ff. veteris: super 1. & 2. Infortiati: super 1. ff. noui: super 1. Cod. & plura alia. Eius opera omnia auctiora edita sunt Lugduni apud Gulielmū Ro-uillium. Claruit anno 1555.

**FRANCISCVS** Balduinus Iurisconsultus nobilis non parū luminis & ornamenti huic nostræ ætati attulit, ius per tot annos, tanta cū laude professus in omnibus fermè Galliæ celeberrimis Academiis, maximè vero in illa percelebri Andega-uensium, in qua ad eū tanquā ad sacrū Apollinis oraculū, vidi plures cōcurrere, vt iuris difficilioris nodos solueret, dubia elu-cidaret, & secreta panderet atque summa facilitate referaret. Habuit is memoriā admodū fœlicē, fuitque in dicēdo grauissi-mus atque eloquentissimus. Tandē post multos exantlatos la-bores in docēdo iure, cū Lutetiā euocatus esset à Carolo Nono Galliarū Rege, vt Poloniæ legatis responderet, qui in Galliā ve-nerant, inuictissimū Henricū Regis fratrem, nunc Regē nostrum Christianissimū nominaturi qui Polonis imperaret, cūque mu-nus suū, cū maximo honore obiisset, fatis cessit anno à Mundi salute, 1573. Florebat anno 1560.





P E T R V M Victoriū inter viros præcipuos & eruditos non infimū locū tenere, omnibus eruditis cōstat ex diuersis eius scriptis, quibus eloquentiā maximè coluit. Ciceronis libros castigauit, & adiecit explicationes castigationū. Denique hoc vnū curauit vir disertus & in omni literarum genere versatus, vt sui nominis memoria, nulla vnquā ætate, intercideret. Scripsit annotationes in Catonem, Varronem, Columellam: Cōmentaria in libros tres Aristotelis, de arte dicendi: variarū lectionū libros viginti quinque ad vtriūsq; linguæ illustrationē vtilissimos pariter iucundissimósque: orationē ad Iuliū III. Pōtificem Romanū habitā & excusam Florentiæ. Correxīt Politica Aristotelis: scripsit etiā alios variarū lectionū libros 4. & plura alia. Hodie viuit & Florentiæ habitat, à Duce valdè amatus, propter eius summam doctrinam.

M A R C V S Antonius Muretus Lemouix, eloquentissimorū nostræ ætatis hominū numero iure adscribendus est, cui pura, nitida & elegans oratio, æternam nominis gloriā peperit, præter eius multiplicem eruditionem, qua Terentiū locis propè innumerabilibus emendauit, ac argumenta in singulas comœdias & annotationes addidit, quibus tum correctionū magna ex parte ratio redditur, tū loci obscuriores explicantur. Scripsit etiā annotationes in Horatiū, Catullum, Tibullū, Propertium, Philipicas Ciceronis, & in Catilinā, orationes, multaque alia ad promouenda studia literarum. Huius extant Iuuenilia Lutetiæ excusa: oratio de studij Theologici præstantia: annotationes in Andriam & Eunuchum Terentij. Quintus Ethicorum Aristotelis, ab eo versus & annotationibus illustratus, & plurima alia. Viuit hodie & Romæ habitat maximè conspicuus.



**FRANCISCVS** Valeriola, præstâtissimus huiusce ætatis medicus, magnam est adeptus nominis existimationem, & artis peritia & Philosophiæ totius cognitione. Parua statura fuit, sed maximo ingenio, vt testantur eruditissima eius scripta: quorû extant in lib. Galeni de constitutione artis medicæ Cõmentarij. Enarrationes medicinales. Loci communes medicinæ, in tres libros digesti. Obseruationes medicinales lib. 6. Quæ omnia excusa sunt Lugduni apud Gryphium. Docuit Augustæ Taurinorum euocatus ab Emanuele Philiberto clarissimo Sabaudix duce, vbi tandem postquam, stipendiis satis magnis, per multos annos, tanta cum celebritate, ius professus est, fatis cessit nouissimis annis.

**IACOBVS** Dalechampius, Cadomensis, Medicus clarissimus, multis abhinc annis, Lugduni rem medicâ exercet, tâta eius nominis fama & Reipublicæ Lugdunensis vtilitate, vt omnes æquales suos doctrinæ præstantia & artis experientia longè superet. Sed quid tantùm dicâ eû populi Lugdunensis salutem diuinis remediis tam celebriter curare, cuius nomen clarissimû nō solû vniuersam Galliâ, sed plures alias regiones peruagatur, propter eius multiplicem eruditionē, & in medendo non dico solûm præstantiam, sed & facilitatē atque summâ fœlicitatem? Multis profuit olim docendo, multis profuit scribendo: at pluribus propediem est profuturus diuinis eius cõmentationibus, & stupenda illa Athænei Græci Latina translatione, quam sese breui euulgaturum & prælis cõmissurû audio eum promississe. Docuit, antequam Lugdunum sese reciperet, pluribus in Academicis, magna cû laude: transtulit è Græco in Gallicû sermonē librû Galeni de vsu partiû, in Latinû verò, Theophrastû: restaurauitque Pliniû. Vnde non minorē certè laudē, vt mihi videtur, quàm ex medicinæ praxi meretur. Scripsit quoque de peste, & chirurgia libros aliquot vtilēs & pernecessarios.





**PIVS** Quartus Mediolanensis, Ioānes Angelus Medices, Bernardini filius, ex presbytero Cardinale tt. Sanctæ Pudentiænæ, presbyter tt. Sancti Stephani in mōte Cælio, post tt. Sanctæ Anastasiæ, post tt. Sāctę Priscę, à Paulo tertio factus, Imperatore Cæsare Ferdinando Austrio Augusto, & Maximiliano secundo Cæsare, sedit in Pōtificatu, annos quinque, menses vndecim, & dies quindecim. Natus est die Paschę, pridie Kalendas Aprilis, anno 1499. Mediolani. Creatus Romæ à XLIII. Cardinalibus, VII. Kalend. Ianuarij, die Martis nocte præcedenti, hora inter septimā & octauā prope finito anno 1559. Coronatus die Sabato proximo Epiphaniæ festo, VIII. Idus Ianuarij, anno 1560. Ordinationibus quatuor, mēsis Ianuario & Martio, habitis. Cardinales creauit XLVI. presbyteros XXXIX. & diaconos VII. Obiit noctu, ante diem quartum Iduū Decēbris, hora secunda: anno, 1565. ætatis 66. Vacauit, eo mortuo, sedes, dies viginti nouem. Sub eo Pontifice, Concilium Tridentinum XXV. sessionibus habitis, fuit absolutum & confirmatum. Fuit Pontifex numero 228. Vide Platinam.

**PIVS** v. Alexādrinus, Frater Michaël Gislérius ex oppido Boschi, Alexādrinæ diœcesis, Lombardus Insuber, ordinis prædicatorū, lector officij, sanctæ inquisitionis cōmissarius, ex Episcopo Sutрино, & Nepefino presbyter Cardinalis tt. Sanctæ Mariæ super Mineruam & summus inquisitor à Paulo IIII. Papa factus, postea Episcopus Montis Regalis in Subalpinis & tt. S. Sabinæ, demum iterum tt. S. Mariæ super Mineruam à Pio IIII. creatus, Imperatore Cæsare Maximiliano secundo Austrio Augusto, sedit in pontificatu, annos 6. menses 3. dies 16. Natus XVI. Kal. Februarij, anno 1505. creatus Romæ à Iij. Cardinalibus, VII. Idus Ianuarij hora 22. die Lunæ. Coronatus die natalitio suo, XVI. Calend. Ianuarij, in festo S. Antonij, ineunte anno eius vi-tæ LXXI. super gradus ante basilicam Vaticanam ab Vrbinatę Cardinale. Vide Platinam.



**PHILIPPVS** Hispaniæ Rex Catholicus, quot quâtiſque regiis virtutibus ornatus ſit, indicant ea omnia quæ ad hâc vſque diem præclarè egerit, quemadmodum vnusquifque ex hiftoria rerû ab eo geſtarum perſpicere poterit. Iuſtitiam ſemper coluit & fidei Catholicæ ſuper omnes alios reges fuit accerimus deſenſor, talémque adhuc in dies, magis ac magis ſeſe proſtitur: cùm tot præliis aduerſus Imperatorem Turcarû, Chriſtiânæ religionis hoſtem teterrimû, dimicauerit: eâque de cauſa vt omnes de fide orthodoxa ſentiât quæ par eſt ſentire, omnibus chriſtianis in religione conſtantibus & nouarum rerum minime cupidis, inquiſitores inſtituit, qui populum ſuæ ditioni ſubiectum omnésque alios in Hispania, etiam ad tempus commorantes, in religionis catholicæ cultu & obſeruatione, perpetuò contineant: multum enim intereſſe ad Regni gubernationem exiſtimat, ſi populus ab Eccleſiæ ſanctę amplexu & gremio non diſcedat, & vt regia edicta, ſic diuina obſeruet. Plures hic duxit vxores, quæ fatiſ ceſſere: nunc autem matrimonio ſibi iunxit Annam Maximiliani 2. Imperatoris nouiſſimè defuncti filiam, ex qua plures liberos ſuſcepit.

**ANNA** Philippi Regis Hispaniæ vxor quarta, Maximiliani ſecundi Romanorum Imperatoris filia, ea pulchritudine eſt, à qua tamen grauitas non abſit, ea prudentiâ, quæ vtramque adæquet: benignitate & humanitate tâta, quantam in principe fœmina quiſquam viderit, iis denique virtutibus ornata, quibus maiorum claritati egregiè reſpondeat.





M A R I A Regis Hispaniæ Philippi vxor prima, Ioãnis Regis Portugaliæ filia, aspectu , ad beneuolentiam conciliandam apto, graui acutóque sermone , in omni actione mirè prudens, intra paucos annos, confecto vitæ cursu, ad æternas sedes, id est ad capiendum virtutis & innocentia suæ fructum, euolauit.

M A R I A , Regis Hispaniæ Philippi vxor secunda, Henrici VIII. Angliæ Regis filia, miram prudentiam , & seueritatem in omni vita persecuta, cùmque magni motus in Regno excitaretur, virili animo perduelles extinxit, quanquam inter sacras virgines educata , animo his cogitationibus exculto , nullam gerendi belli partem nouisset , sed nimirum defendenti catholicam religionem, Regiámque maiestatem, Deus ipse malorum vltor affuit, Regnúmque in summa obedientia conseruauit.



I S A B E L L A Regis Hispaniæ Philippi vxor tertia , Hérici secundi Gallia Regis filia , læta facie, sic, vt iucunditatē intuitibus afferreret, dignitate tamen ea quæ Reginam deceat: quamdiu vixit, summa & beneuolentia & obseruãtia apud omnes adepta, multis naturæ, fortune, animi que bonis instructa , vim tamen fortune vitare non potuit. Patrem amisit , immatura morte ereptum: nec multo pòst , edito immaturi temporis infante, incredibili & Philippi Regis & omnium dolore decessit.



**PHILIBERTVS** Emanuel Dux Sabaudia & princeps Pedemōtanus, amisso eius dominio, quod Rex Gallorum Henricus 2. obtinebat, diutissimè pro Carolo quinto Imperatore, aduersus ipsum Henricum dimicauit. Quid is egerit, præfectus Imperatoris exercitui, in obsidione Hesdini, satis notum est ex historia bellorum quæ inter hos duos potentissimos principes, totius propè orbis detrimento, gesta sunt. Huius pater Carolus Dux Sabaudia, propriis sedibus & toto suo dominio expulsus, mortuus est anno salutis 1553. éstque sepultus Vercelliis. Post eius obitum Imperator Carolus dedit Philiberto Emanueli, paterna hæreditate destituto, Comitatum Astensem, vt eo potiretur donec suam hæreditatem recuperasset, quæ illi postea fuit restituta omnino à Rege, qui etiã dedit illi nuptui sororè suam vnicam Margaretam, Francisci 1. Francorum regis filiam, quæ paulo post Henrici tertij è Polonia reditum in Galliam, fatis cessit, magno omniũ luctu, & præcipuè Ducis qui celebrè illam Augustæ Taurinorũ Academiã, in studiosorum vsum instituit.

**MARGARETA** Valefia, Heroinarũ omnium quotquot fuerunt longè illustrissima, pietate ac in omnes literatos homines præcipuè Gallos humanitate ac liberalitate valde insignis, Christianissimi & inuictissimi illius Henrici secundi soror vnica, Philiberto Emanueli gloriosissimo Sabaudia principi, nupsit eodem tempore quo Elizabetha Franciæ filia natu maior, collocata est in matrimonium Philippo regi Hispaniæ, quorum Hymenæorum ratione, pax sancita & confirmata fuit inter Imperatorem, Regem Hispaniæ, & Christianissimum Francorum regem Henricum. Hæc sanè digna est, propter eius virtutes infinitas, quæ omni quo, omniũ scriptis cumulatissimè celebretur.





FERDINANDVS Alvarez à Toledo Albæ Dux præstantissimus & multarū rerum experientia, omniū qui in Hispania fuerunt magnorum virorū maximus, à Rege catholico semper amatus fuit: & cum res Belgicæ malè sese haberēt, & Belgæ, Margaretę Parmę & Placentię duci illustrissimę nollent obtemperare, quę apud eos Gubernatrix erat constituta, ab eodē missus est, cum exercitu: vt magnę calamitati iamiam ingruēti aliquod remediū adferret, vir prudens & ætate prouectior quàm opus esset ad populum ferocem gubernandum. Hunc tamen cū armis domuisset, statua quę eius ipsius imaginem referebat, in arce Antuerpiana erecta est, cum his literis lapidi infernè incisīs, F. A. A. T. A. D. PH. II. H. A. B. P. Q. E. S. R. P. R. P. I. C. P. P. F. R. O. M. F. P. quarum hæc est significatio, *Ferdinando Alvarez à Toledo Alba duci Philippi II. Hispaniarum apud Belgas præfecto, quod exincta seditione, rebellibus pulsīs, religione procurata, iustitia culta, provinciæ pacem firmarit, regis optimi ministro fidelissimo positum.* Cū tamen in patriam reuersus esset, à rege euocatus, multa bella subsecuta sunt.

IOANNES Dux Moscouiæ, tanta præstantia & animi magnitudine suis subditis semper imperauit, tamque humaniter reipublicę gubernaculis præfuit, vt eum sanè dignum existimauerimus, qui inter præstantissimos principes hīc referretur, cuiusque vera effigies, & ad viuum expressa prōptuario nostro Iconum misceretur & cuius proponeretur, vt aliquid honoris, nostra opera, percipiat apud exteras gentes, quę eius nomen & gloriam perpetuam ignorant. Hic persēpē & quasi perpetuò bellum gerit aduersus Saromatas, aut Sarmatas, quòd populi sint Moschis quos vulgò *Moschouites* vocant admodum finitui, vt meminit Lucanus libros 3.

-Saniſque affinis Sarmata Moschis.



FRANCISCVS, huius nominis secundus, Rex Francorū, ætatis suę annū decimū sextū non excedens, patri inuictissimo Hérico successit, anno salutis 1559. Viuente patre, Mariā Stuart, defuncti Regis Scotorū filiam, vxorem duxit: cuius matrimonij ratione fuit etiam Rex Scotiæ. Decimo octauo die Septembris 1559. fuit sacratus, in solita vrbe, Rhemorum à Cardinale Lotharingiæ, eiusdem archiepiscopo. Hinc comitatus sororem suam, Lotharingiæ ducis vxorē, vsque ad Barleducū, Ambasiā sese recepit, iuxta quam conuenērunt quidam cum armis (vnde Ambasię tumultus paulò post prodit) qui dicerent se supplices ad Regem venire, vt ei quędam super religione & gubernaculo proponerēt: verum, quod armati venissent, alij mortis supplicio affecti sunt, alij edicto regio sedati, recesserunt. Postea, habito apud Fontembeleum consilio, cū omnium ordinum, vulgò statuum, conuentum imperasset, aliquid sinistri suspicatus, cum armis Aureliam profectus est, vbi cū regni rebus afflictiis prouidere iam iam incipere vellent, in morbum incidit, ob catharri in aurem grauissimum defluxum, qui illum interemit die 5. Decembris, anno salutis 1560. iacētque in vrbe D. Dionysij, in sepulcreto auorum.

MARIA Stuart, defuncti Regis Scotię filia, Christianissimo Francorum Regi Francisco secundo, nupsit, antequam Regni gubernacula is teneret, superstite Henrico patre eius inuictissimo. Cū hæc esset Franciæ Regina, habita est ab omnibus omnium formosissima & virtute præstantissima: verum fortunę iniuriis, post regis obitum, in patriam reuersa, fuit obnoxia, & hodie, ob suspensionem alicuius facinoris, in carcere detinetur.





FRANCISCVS Lotharens Dux Guisus, princeps omnium virtutū genere clarus, in bello maximè præstitit, multasque victorias est adeptus. Nam ad Frugum, prope Rentiā ciuitatem quasdam Imperatoris turmas fudit fugauitque anno 1554. mensis Augusti decimo tertio. At Regis locum tenēs, mira industria & arte militari Caletum urbem Regiē ditioni subiecit, anno 1557. octauo mensis Ianuarij, quam Angli posse expugnari minimè existimabant. Anno 1558. vicesimo tertio mensis Iunij, Thionuillam iamdiu obsessam deditione cepit. Rex Franciscus secundus, in tumultu Ambosiaco, vt eius authores persequeretur, suæ maiestatis Locum tenentem eum constituit, anno 1559. At paulò post cū Carolus nonus regnaret, eiúsque regni ferè initio, prælium Druidense cōmissum est tanta huius Ducis prudentia & consilio, vt is victoriam Regi reportarit, anno 1562. 19. mensis Decembris. Anno subsequēte parata tam insigni victoria cum Aureliam obsessam teneret, à traditore Ioanne Poltrot fuit occisus 24. Februarij, magno Reipublicæ dispendio, & totius Franciæ luctu acerbissimo.

ANNA d'Est, nobilissima & illustrissima familia orta, patre nempe Hercule generosissimo Duce Ferrariæ, & matre Renata ex stirpe regia Franciæ, digna est quæ propter singulares eius virtutes, hîc comitetur magnum illum Franciscum Lotharenum Ducem Guisum, cui primum data est nuptui, peperitque ex ea opula hos nobilissimos & præstantissimos principes Henricum Carolum & Ludouicum: vnde non minorem laudem meretur quam ex nobilitate familiæ.



CAROLVS nonus Francorū Rex ſucceſſit Franciſco ſecūdo fratri, anno Domini, 1560. Et qui ætatis ſuæ, vñdecim annorū numerū non excedebat, Regina mater regni gubernaculis præfuit cū Antonio Borbonio Rege Nauarræ, maiestatis Regiæ ſummū Locū tenente: id quod omnibus Franciæ ordinibus, qui tunc Aurelię conuenerant pergratū fuit. Decimo octauo Maij; 1561. Carolus fuit ſacratus, Rhemis à Cardinali Lotharingiæ Rhenorū Archiepiſcopo. Paulo poſt bellū eſt exortū. Plures vrbes capte à nouæ religionis profeſſoribus, quarū aliquot à Rege recuperatis; Rege Nauarræ in obſidione Rothomagi ad mortem vulnerato; pugna cōmiſſa, victoribus catholicis: in qua Cōdeus princeps capitur. Fit pacificationis edictū 19. Martij, 1563. & iūctis Regis & Cōdeſi copiis, Portus Gracię, quem Angli tenebāt capitur. Paulò poſt, ortum nouum bellum & præliū cōmiſſum, inter Lutetiā & D. Dionyſiū, in quo Cōneſtabilis Mōtmorencius ad mortē vulneratur. Denuò pax interuenit, quam paulò poſt ſubſecuti ſunt noui & ingentes tumultus bellorū; quibus ſedatis, Pacificationis edicto nouo publicato, xi. Auguſti. 1570. Rex Meſeriis, Eliſabethā Aſtriā Imperatoris Maximiliani filiā vxorem ducit, & paulò poſt, fracto denuò pacificationis edicto, reſpublica Gallica miſerè afflicta. Rex obiit 3. Iunij, 1574.

ELISABETHA Aſtria Imperatoris Maximiliā filia, Carolo nono Frācorū Regi nupſit, 26. Nouēbris 1570. <sup>11</sup> peperit filiam nomine Mariam Eliſabetham. Fuit ea om̄s virtutis, modēſtię, humanitatis & prudentię exemplar: quā om̄ibus accedebat & faciei & totius corporis pulchr̄ adin̄is ſumma præſtantia.





IACOBVS è Sabaudia, Dux Nemorensis præstantissimus princeps, & rei bellicę laude & maxima sagacitate & prudētia, hostibus Franciæ, multis in locis, ardente bello inter Imperatorem & Regem Francorum, sese fortissimè opposuit. Bellorum ciuiliū flammās, quanta potuit diligentia restinguere semper conatus est, effecitque prudentissimè vt Rex Francorum, coniuratorum manus semel effugerit in vrbe vulgo, *Meaux*, vocata Lutetiæ proxima, quæ illum iam iam intercepturæ videbantur. Moderatus est aliquot annos Lugdunensem prouinciam, tãta cum laude, vt meritò tantus princeps ab omnibus non dico tantum eius prouinciæ, sed etiam totius Regni incolis, existimetur. Hic, anno 1566. viduam defuncti Ducis Guisij duxit vxorem, quorū magnificentissimę nuptię celebratę fuerunt ad sanctum Maurum fossarum prope Lutetiam, quibus etiā Rex interesse voluit.

ANNA d'Est, cuius nobilissimas virtutes superius attigimus, quę illam hoc tēpore reddunt tanquam splendidissimum lumen inter illustrissimas heroīnas: secundò, in matrimonium locata est magnanimo Duci Nemorensi, qui ex ea suscepit filium generosissimum & paterne fortitudinis sectatorem.





**MAXIMILIANVS** secundus Junior Austrius Ferdinandi filius, à rege Boëmiæ, Fräcfortdiæ Rex Romanorū Cæsarque octauo Kalendas Decembris, 1562. creatus fuit, ibidēque coronatus, regnauit cum patre Ferdinando, per anni spatium & octo mēsiū: quo tēpore, ordo militiæ S. Stephani Papæ in Insula Illux, à Cosmo Medice Florentinorum Duce institutus, à Pio 4. pontifice maximo cōfirmatur, & bella plusquam hostilia in regno Galliarū, ob religionē excitata, Ducis Guisij viri præclarissimi, acerba catholicis cæde, sedantur. Hic tanto amore non solum à suis sed etiā ab omnibus est (non immerito) prosecutus, ut humani generis amor & delitiæ, appellatus sit. Imperauit post patris obitū, annos plures, tanta cum moderatione & iustitia, ut erepti mortem omnes sui ægrè tulerint & defleuerint diū. Huius filia prudentissima Elisabetha collocata est in matrimonium Carolo nono Francorū Regi, qui filiam ex ea suscepit, quæ paulo post eius obitum, & matris apud suos reditum, mortua est.

**MARIA** Caroli v. filia, Maximiliani II. Romanorum Imperatoris defuncti vxor, Ferdinandi nurus: & Philippi, Hispaniarum Regis foror, ea pignora suis tradidit, quæ summorum, summæque familiæ principum nomina illis renouarent, idque viuens ipsa vidit, quod in maxima fœlicitatis parte omnes locandum putant, filias duas summis orbis terrarum Regibus in matrimonium collocatas. Hæc maxima sunt, quæque nescio an vnquam contigerint: sed maiora illa, quæ ipsi propria sunt, Pietas in Deū, charitas, qua tenuiores assidue subleuat, & præcipuum studium catholicæ religionis: quæ posteritas non silebit vlla.





SELIMVS huius nominis secundus, Turcarum Imperator, post mortem Solimani patris sui, aliquamdiu occultatam in Hungaria, capta Zighet, imperio successit Mehemeti Bassæ industria, antequam patris mors patefacta esset. Hic Aimanum qui in Arabia rebellauerat, armis compressit, bellum Venetis intulit, rupto cum his fœdere, & multis locis in Albania expugnatis, Insulam Cypriam occupauit anno salutis 1571. Tandem commissa pugna aduersus confœderatos, ingentem cladem accepit, classe à Christianis victa, sed paulò post, eam restituit, fœdere rursus inito, cum republica Venetorum: & recuperatis in Africa, Aphrodisio & Gulletta à Rege Hispaniæ antea occupatis, mortuus est, anno salutis 1574. Porro hæc omnia quæ recensui, gesta sunt, dum lasciuus Imperator genio indulgeret, mulieribus & gulæ omnino deditus.

AMVRATH, huius nominis tertius, Selimi filius, creatus est Turcarum Imperator, Imperiòque potitus, post patrem mortuum diebus octo, anno salutis humanæ 1574. Immani & barbarogētis Turcicæ more, qui iamdiù inualuit, quinque fratres eius (proh Deum atque hominū fidem) interfici iussit, ut solus sine ullo metu & suspicione quæ reges plerumque comitari solet, imperaret: & vitam ageret pacificam, & omnibus impedimentis, quæ frequenter intellexerat posse interuenire inter plures consortes & in eadem propè fortuna constitutos, immunem. Imperium cœpit gubernare iuuenis, annos natus viginti octo: religionis Mahumetanæ imprimis studiosus, eique vehementer addictus, quem constat iustitiæ mirum inmodum obseruantissimum, Solimani eius aui imitatore esse.



**CAROLVS** Philippi Hispaniarū Regis filius, qui paucis abhinc annis, nescio quo fato, interiit, dignus nobis visus est qui magnorum virorum catalogo hīc adscriberetur, tum quòd tanto patre prognatus esset, tum etiam, quòd magni & generosissimi animi principem prae se ferret. Erat humeris paulò eminentioribus, facie satis decora, statura prægradi: at ingenio tanto tamque alto pollebat, vt non nisi magna meditaretur. Equitabat libenter & sepius: pius erat erga egenos, vt de eo proferatur hoc exemplum, Cum miles quidam veteranus & egens ad eū venisset petiissetque eleemosynam, princeps eū interrogauit, quo sub principe militasset & stipendia mernisset, & cum respondisset se pro Carolo Quinto suo auo militasse: Tū, inquit princeps, dimicauisti pro principe magnanimo & suis nepotibus probitate maiore: & tunc imperauit vt certa pecunia cum quibusdam vestimentis, ei daretur.

**IOANNES** Austriacus, princeps virtute præstās & re bellica clarus, diu præfuit, magna nominis sui fama, exercitui à rege Hispanorum misso aduersus Turcarum Imperatorem, quòd Venetis & Pōtifici fœdere iunctis, belli socius, suppetias ferret. Vnde magni certè principis nomen est adeptus, rerum à se gestarum gloria: maximè verò insigni illa victoria, quam Christiani, in hoc bello eo duce, prælio maritimo, consequuti sunt, contra ingentes hostium copias: quibus deletis propè ad interuersionem, quindecim millia Christianorū liberati fuere è vinculis, multę naues captę, alię aquis obrutę. Sed quid egerit nouissimis his annis in Belgas rebelles, à Rege Philippo missus, satis notum est ex historia quam de tumultu Belgico, & eius causa scripsit nuperrimè quidam Hispanus, translata & Gallico idiomate donata. Obiit apud Belgas, anno 1578.





**IACOBVS** Cuiatius, magnus Iurisconsultus Gallus, liberalibus disciplinis instructus, quibus pater eum à pueritia instituendum semper curauit, & literarum tum Græcarum tum Latinarum cognitionem adeptus, à domino Ferrario Iuris professore adductus est, ut Tholosæ legibus operam daret, in quibus paruo temporis spatio ita profecit, ut dignum sese reddiderit qui legendi gratia publicum suggestum ascenderet. Ascendit igitur illud, & tam foeliciter docuit iuuenis, ut ab omnibus fuerit admiratus. Porro tantam nominis famam, etiam initio consequutus est, ut omnes Gallicæ Academię supplices eum appellarint, Bituriges obrinuerint: apud quos aliquādiu docuit & suis discipulis multum satisfecit. Cadurci de in illum asciuerunt, postea Valentini Delphinates, apud quos uxorem duxit: denique tantum effecerunt Bituriges ut illum denuò euocarint. Augustam Taurinorum tandem ab illustrissima Margareta Valesia ascitus, cum ibi annum commoratus esset, multis precibus Valentiam reuocatus est: & paulò post à Rege Consiliarij officio, in sua Gratianopolis Curia, ornatus, in qua residere minimè teneretur. Sed cum in Delphinatu bellum flagraret, Biturigum ciuitatem, desideratus repetiit, cum vniuersa familia, ubi percharus est & ciuibus & omnibus legum studiosis. Doctissima eius scripta nulla egent commendatione, quod satis perspecta sint & omnium manibus terantur.

**ANTONIVS** Augustinus Hispanus, tam cognitus est & inter homines doctos celebratus, ut non opus sit eius summam doctrinam commemorare, quāquidem eius doctissimi libri in Ius Ciuile & Pontificium editi, satis testari mihi videntur.



**PETRVS** Ronsardus, Vindocineus Poëtarum omniū huiusce ætatis, quamvis infinitorum, longè princeps, nobili ortus familia, Poësim Gallicam eò extulit & doctissimis eius scriptis ita ditauit & ornavit, ut Vergilianę ferè vel etiã Homericę (unde tamen flores quosdã decerpfit) iure cõparari ea possit. Quid enim tot eius Poëmatibus eruditius, quid ornatius? quid nitidius vnquam dici & iuueniri queat? Ex his, tanquam è limpidissimo fonte emerferunt Poëtæ infiniti in hac Gallia, quorum alij Poëtarum nomine iure possunt insigniri, alij Simiarū: quod inepti sint & ridiculi huius nostri Gallici Maronis imitatores. Nam dum rithmi aut numeri, ex arte versificatoria, rationem habere sibi visi fuerint, inuentionem elegantem, dispositionem elocutionē, & fictionem ritè accommodatam (quę est Poëticę pars præcipua) valere sinunt: denique res negligunt dummodò plura verba effutierint. Huius Ronsardi, Rex Henricus 2. & Carolus 9. Henrici filius, studia præcipuè fouerūt, quibus vita functis, ferè semper tacuit.

**PONTVS** Thiardus Matifconensis dignus est certè, qui virorum huiusce temporis doctrina illustrium numero ascribatur. Cum igitur esset in manibus eius effigies, eam hîc inferere non nolui, quamvis maiori laude dignū omnes docti eum existiment: verum summa eius eruditio, per vniuersam Galliã vel etiam alibi, ita est perspecta, ut eius laudes hîc decantare superuacaneum mihi videatur, cum eius doctissimis operibus, tum Poëticis satis lauderetur. Reges Galli semper illum amplexi sunt, & meritò ab Henrico Christianissimo rege nostro, nunc amatur, qui quidem nuper, ob eius merita, Episcopatu Cabullinensi eum donauit.





IOANNES Stadius Leōnouthenſis Mathematicus egregius & Astrologus, noſtra tēpeſtate floruit. Hic eruditiffimum librum Chronologiorum, & à doctis maximè deſideratum inchoauit, quem tamen morte præuentus non abſoluit. Idem nouam cæleſtium motuum diurnam diſpenſationem, quā vocant Ephemerides, euulgauit: nā cū eas, quas primus Ioannes Regiomontanus, ignotas antea in lucem protulit: deinde Ioannes Stœſſerus numeris ex eiſdem hypotheſibus produxit: demū noſtra ætate Cyprianus Leouitius ſplendida ac magna operis mole auxit: cæleſtium motuū momētis non ita ad amuſſim reſpondere, per frequentes ac diligentes obſeruaciones deprehendiſſet, earū emendationē eſt molitus. Idē operā in re Mathematica Sereniſſimo Sabaudix duci nauauit. Tandem Pariſiis Regij doctoris munere, publicè Mathematicis diſciplinis tradendis, maxima cum laude functus eſt, quo tempore & mortuus eſt, anno domini M. D. LXXIX. ætatis verò ſuæ LI.

FRANCISCVS Iunctinus Florentix ex Iunctinorū familia anno M. D. XXI. Nonis Martij natus eſt: qui cū à parentibus ordini Eccleſiaſtico dicatus eſſet, ſedulo eſt curatum, vt omnibus liberalibus diſciplinis inſtitueretur: in quibus per gradus omnes ita profecit, vt adoleſcens Doctoris Theologi inſignibus ſummo cū omniū applauſu decoraretur. Hic Lugduni tū concionibus, tum ſcriptis ſæpiſſimè de hæreticis ſplendidos triūphos reportauit: quod vel maximè ex diſputationibus (quæ & exſtant) de ſanctiſſima Euchariftia habitis patet. Neque verò ſolū in re Theologica excellit: verū & quantū ingenio valeret in Hætruſciſ ſcriptis, Franciſci Petrarchæ Epigrāmatibus illuſtrandis, adoleſcens oſtendit. Sed licet in omnibus diſciplinis nemini cedat: in Mathematicis tamen cūctis, in Astrologia præſertim. plurimorū qui in ea præſtare videntur, luminibus officiit: quod plurima ab eo opera edita, & propediem, Deo dante, edenda manifeſtant.



GREGORIVS XIII. Bononiensis Hugo Boncōpagnus Presbyter Cardinalis tt. Sācti Sixti, 230. Christianorum Episcopus creatus, tertio Idus Maij, consecratus 8. Kalēdas Iunij. Anno Domini 1572. Numeratur is ducētesimus & trigēsimus Pontifex, cui cura omnis & cogitatio, de vtilitate ac salute communi: vnde summam apud omnes admirationem & auctoritatem obtinet. Difficile mihi esset, quæ is in pontificatu vsque ad hāc diē instituerit aut egerit, subtiliter persequi: plus enim illa operæ ac laboris desiderāt, & nos ab eo maiora in dies expectamus. Tantū dicam, quod res est, & de Pio v. prædecessore suo, iam dictum est, eum adhuc id religionis, iustitiæ, patientiæ, liberalitatis, grati animi specimen dedisse, vt si ei tam longa dabitur vita, quā longam & ex admirabili quadam ipsius victus temperantia sperare debemus, & tempus reipublicæ postulat, ad bene administrandam Dei ecclesiam consequentibus deinceps pontificibus exempla minimè defutura videantur.

RENATVS Biragus Mediolanensis ex nobilissima familia adolescēs adhuc in Senatorū collegiū cooptatus est: qui honor Mediolani est amplissimus, postea verò legatus in Galliā ad Franciscū primū de maximis rebus missus, ab eo in Senatorum numerū Parisiensis curiæ est allectus. Deinde Lugdunensi præfecturæ præponitur, quo munere administrato, in castris pecuniæ tractandæ quæstor summo cum imperio præficitur: paulo post publicorum sigillorū regni custodia ei demādatur, & mortuo magno Cancellario, in demortui locum sufficitur. Tot muneribus ciuilibus integerrimè administratis, ad Ecclesiasticos quoque, eosque præcipuos magistratus adsciscitur: nam comitiis pontificiis maximo cum applausu est Cardinalis renunciatus: homo natus ad agendū, ac ita in negotiis pertractandis solers, vt omnia mira quadam dexteritate ex animi sententia tandem conficiat.





**CAROLVS** Lotharens Cardinalis vnus est in toto orbe Christiano, qui præstantissimorum principũ catalogo annumerari debeat, cū propter eius virtutem admirabilem, tum magnam eruditionem & eloquentiam, ecclesiæ præsidium, qui semper hæresibus & Ecclesiæ catholicæ hostibus forriter sese opposuit, cuius rei, doctissimæ orationes quas habuit, testimonium nobis proferunt. Concionabatur sæpissimè, cum maxima auditorum frequentia, in suo Rhemorum Episcopatu, vbi per celebre gymnasium constituit. Galliæ reges optimo eius consilio semper vsi sunt, sine quo nihil ferè agebatur. Henricus I I. (qui eum magnis muneribus ornauit) Franciscus I I. Carolus nonus Galliæ Reges vita functi, eum semper vnicè dilexerunt: Rex noster Henricus I I I. illum magni fecit, cuius maiestatem, in suo, è Polonis reditu, Lugduno, Auinionem sequutus est, vbi febre continua obiit, anno Domini 1575.

**PETRVS** Depinac Archiepiscopus & Comes Lugdunensis, primatum in Galliis obtinens, nobilissima ortus familia, nobilissimi ingenij & optimæ erga suos volūtatis specimē aliquod in dies magis ac magis edere videtur, ita vt eum tãto gradu, ad quem peruenisse illum videmus, dignissimum omnes qui illius generosissimam voluntatem agnoscunt, liberè profiteantur. Liberalis est erga eos qui eius beneficiis digni ab eo fuerint existimati: non enim ignorat, vir prudens, quomodo in quemuis quisque beneficia debeat collocare. Cæterū admirabili rerum propè omniũ scientia & præcipuè Theologiæ doctrina, pollet, & se talem reipsa præbet, qualē certè vult videri: tanta est enim eius probitas, vt quemadmodū autoritate & dignitate omnibus alijs præstat, sic vitæ & morum integritate facillimè omnes alios superet. Quam propenso sit animo erga religionē catholicam, & vniuersam Rempubicam indicat ea doctissima oratio, quam Blesis, in publico ordinum Galliæ conuentu, habuit.



**HENRICVS** Borbonius Rex Navarrae, patrem amisit cum nondum adolescentiae primos annos attigisset: & patre mortuo (ex vulnere accepto in obsidione Rothomagensi) mater eum accuratè instituendum & formandum curavit. Deinde grandior effectus, cum Rex Carolus Nonus esset in ciuitate Turo-ni, adductus est ut rege consentiente, nuptiae fierent inter eum & Margaretam illustrissimam Regis sororem: & spòsione facta, 10. Iunii 1572. cum pararentur nuptiae, Regina Navarrae huius mater, fatis cessit Lutetiae: unde maximum dolorem tulit filius, qui tamen decimo octauo Augusti, cum apparatu magnificen-tissimo, in æde diuæ Mariæ, nupsit clarissimæ Margaretæ Regis sorori, nunc serenissimæ Navarrae Reginae. Hic post tumultum diei D. Bartholomei, reuocatus à Caluini doctrina, quorum-dam virorum doctorum admonitionibus religionem, in qua fuerat à matre institutus, adiurasse dicitur & Ecclesiæ Romanæ sese submisisse, quod quidem satis liquet ex instructionibus no-bilissimi Ioannis Durefortij, Domini de Duras, qui missus fuit ad Pontificem, ut eius sanctitati & sedi Apostolicæ, eiusdem se-renissimi regis voluntatem & obediētiam offerret: quod etiam apparet mādatis ipsius Regis, quibus subditis suis imperauit ut catholicè viuerent, & Ecclesiasticos, in pristinū eorum gradum quàm primū restituerent. Nescio an eius dictis paruerint.

**ILLVSTRISSIMA** Margareta Regis Henrici 2. filia, & Regū Francisci secundi, Caroli noni, & nunc Christianissimi Francorum & Polonorum Regis Henrici tertij soror, Henrico Borbonio Regi Navarrae illustrissimo nupsit, decimo octauo Augusti, anno salutis 1572. omnibus regis virtutibus & summa pulchritudine dotata.





**RODOLPHVS** secundus Austrius Maximiliani secundus Imperatoris filius, nunc Imperator Romanorum, paternæ virtutis verè heres creditur, quòd eius vestigia, in moderandis imperij habenis sapientissimè equidem, ex quo pater vitam cum morte mutauit, sit semper sequutus. Vnde laudatissimi certè & prudentissimi Imperatoris nomen adepturus est qui Austriam gloriâ, tam ingentè, totque trophæis insignitam, magis ac magis augebit, quique spem dat omnibus imperio subditis, futurum ut ab maiorum suorum præstantissimis virtutibus ne latum quidem unguè discedat, & cum res præclaras & magno Imperatore dignas egerit, longè maiores etiam quotidie expectentur, unde magni Imperatoris famam, omnis ætas sit celebratura. Fuit coronatus Imperator anno salutis 1576.

**HERCVLES** Franciscus Valesius, Dux Andegauenfis, Henrici secundi filius & tertij nunc Regis nostri Christianissimi frater, virtute clarissimus, iisdem titulis prouinciisque potitur, quibus, viuentè Carolo nono, eius laudatissimæ memoriæ frater Henricus tertius potiebatur, antequam vtriusque regni & Poloniæ & Fraciæ fasces & imperium suscepisset: quòd Rex charissimi fratris animum cognouerit erga se & Rempublicam valdè propensum: quæ tot annorum spacio, cruentis bellis ciuilibus, latrociniis, exustionibus, rapinis atque incendiis labefactata, recreari cœpit ex quo Rex prudentissimus, eum suæ maiestatis Locum-tenentem constituit, & vniuersæ tanti Regni militiæ præfecit. Nam post eius à Polonia reditum, cum quidam ab eius imperio defecissēt, illustrissimus iste Dux, eos ita repressit, ut alios vicerit, alios ad deditiōem coegerit. Est tam additus omnium virtutum generi, ut nunquam ociosus videatur, suisque prodesse maximè cupiat.



**HENRICVS III.** Christianissimus Francorū, & Polonorum, Rex regni administrationem suscepit, post mortem fratris Caroli noni, anno salutis 1574. Nam in Polonia certior factus de fratris interitu, in Galliam quàm primum properat: id quod videre licet in libris de ea re impressis. Plures Galliarū primates, obuiā ierūt, vt eius maiestatem salutarerent, eique de tam fœlici & perneccessario Gallis aduentu, summè gratulareretur. Augustæ Taurinorū exceptus fuit valde humaniter à duce Sabaudiarū & illustrissima Margareta, vbi quasdam vrbes transalpinas Duci reddidit. Ibidem aliquid propositum de componendis Gallicis tumultibus, sed frustra, magno Reipublica damno. Interea Dux Mompensierus princeps virtute clarus, nonnullas vrbes, in regione Pictonum, expugnatione capit. Rex Lugdunum venit, magno Lugdunensium applausu & ouatione, sub finem Augusti, vbi edictum constituit, quo quidem his ignoscit, qui tempore fratris sui Caroli noni arma ceperūt inimica, promittitque, si sibi obediant, securum in priuatas eorum domos reditū. Fuit sacratus in vrbe Rhemorū, ab illustrissimo Cardinale Guisio, eius loci Archiepiscopo, 13. Februarij. 1575. & 15. die eiusdem mēsis nobilissimam Ludouica Lotharenā clarissimi Comitissæ Vaudemontij filiam, sibi matrimonio iunxit. Cūque toto hoc anno, omnia belli incendio flagrarent, & miserè populus à militibus vexaretur, huic humanissimus Rex opem tulit, Pacificationis Edicto publicato Lutetiæ 14. Maij 1576. Deum precemur vt tātus Rex diutissimè Galliarū cōseruetur, viuatq; annos Nestoreos.

**LVDOVICA** Lotharena, clarissimi Comitissæ Vaudemontij filia, Christianissimi Francorum & Polonorum Regis Henrici tertij vxor, tantū præstat ceteris omnibus heroinis formæ admirabili & prope diuina elegātia, quantā animi sublimitate nobilitate, morūque & grauitate & humanitate plusquā insigni.





IOANNES Antonius Baysius à secretis Regij cubiculi, oriundus à stirpe doctorū hominū nobilis Bayfiorū familiæ, ex Andegauensī prouincia, egregius poeta Græcus, Latinus & Gallicus, inter primos fuit qui tetrum illud ignorationis monstrum fugans è Gallia, introduxit veterē illam ac iucundā Græcorum ac Latinorū Poësin, mensurāque carminū cum orthographia metris accomodata: idque ad cōmunem Musices vsum. Et vnā cū Petro Ronfardo & Remigio Bellaquæo (qui vno fere tēpore tanquā ex equo Troiano, vt fertur, é schola Io. Aurati prodire) Callimachum, Pindarū, Horatium, excitauit é mortis caligine. Immensæ suæ doctrinæ & eruditioni indicio sunt eius opera, edita & edenda, Viget adhuc Parisiis scribens perdocta poemata, quæ breui editurus est in lucem.

BERNARDVS Girardæus Dominus de Haillan. à Secretis Regis, & eiusdem Historiographus, elegāter scripsit Gallico idiomate historiam regum Fraciæ, ab eorū origine ad Carolum vsque eius nominis septimū, antea fere mendosam, ob assentationem Gallicorū scriptorū erga suos reges, & incuriā externorum, aut eorundē male affectum in nostrates animum: seu certe propter æmulationē aliquam, qua detrahebāt nationi Gallicæ. Veritatem (oculū historie) pro scopo habuit, ad quā omnē suam ita retulit industriam, vt (quando de Regibus, ministris, magistratibus & subditis sermonē instituit) deprimat ea quæ digna vituperio sunt & reprehensione, & efferat quæ laudem in iis cōmereri iudicauit, Virtuti præmium suum, hoc est laudem, vitio vituperationem deferens. Neque vnquā regibus suis & nationi propriē adulatus est, ne mutilatā aliqua parte faceret historiam suam. Ideoque veri & integri Historici nomē adeptus est. Scripsit & alia pleraque Latinè & Gallicè, cū numerosa tum soluta oratione: quæ omnia digna lectione sunt, & præcipue is liber qui de Statu & successu rerum Gallicarum inscribitur.



**FRANCISCVS** Belleforestus Comming. ob editionem Carlaidos, Tragicarum enarrationum, Cōcionum militarium, Historiæ vniuersi orbis, Cosmographiæ, Annalium Franciæ, & innumerorum aliorum operum quę edidit, iure dici potest Ornamentum linguæ Gallicæ. Nec minus hunc mirabilem reddit summus in dicendo lepos, quam eius labor assiduus. Scripsit enim (cum vix annum ætatis suæ quadragesimum attigerit) plura volumina quam quiuis alius, & scribit quotidie. Catalogum suorum operum habebis in Bibliotheca Gallica Antonij Verderij.

**ANDREAS** Thevetus, Engolismensis, Cosmographus Regius, terras veteribus & neotericis ignotas perlustravit, cum nullus antea fuisset ausus optare, ne dicam aggredi nauigationem vltra nostrum Tropicum. Atque hoc iter susceptum ad quatuor mundi partes per spatium 17. annorum persecutus; Cosmographiam construxit, in qua mira refert: quod opus excusum est in folio & in duos diuisum tomos, Parisijs apud Petrum Lhullier, & Gulielmum Chauldiere.







**PETRVS** Primaldayus, Andegauensis, Scutifer, dominus à Primaldaya & Barrea, Academiam Gallicam scripsit in qua per Dialogum non minus doctè quam ornatè de recta morum informatione, ac de ratione bene beatèque viuendi in quouis vitæ genere disputat. Atque huius operis beneficio debet in eorum numero constitui qui sua ætate floruerūt in bene dicēdo. Eoque maiore laurea dignus est, quod armis dat operam & literis. Prior huius Academix pars tam fœliciter excepta fuit ab omnibus iis qui fauent literis; vt motus fuerit ad editionem alterius partis, quæ simul typis mandata est.

**ANTONIVS** Verderius, Scutifer, dominus Vallis priuatæ & Luriaci, Regis consiliarius & Ærarij Regij apud Lugdunenses Antigraphæus, oriundus ex Verderiorum familia Forensis prouinciæ; orbatus cum esset patre menses tres natus, Mater eius nomine Omnisancta Terrassa, curauit postquam grandior euasit paulò, vt institueretur in literis: in quas tam amico fuit animo, vt nihil præter virtutem & sciētias amplecteretur. Magna fuit suorum expectatio de illo: & nisi rei Familiaris administrationem suscepisset, vxorem ducens annum agens duntaxat XIX. dici non potest quantos fructus percepisset. Quamuis ab eo tempore literarum studia commiscuit cum disciplina militari & publicorum munerum administratione: nec parum profuere vigilix suæ, ex quibus scripta permulta emanarunt: videlicet, Poemata Gallica, Prosopographia, Variæ lectiones, in Aristophanis Plutum comment. Bartholomæi Tegij responsa, Bibliotheca Gallica, Imagines deorū qui ab antiquis colebantur, partim ex Italico sermone in Gallicū versæ, partim de propria industria adauctæ, & alia pleraq;. Habet etiā præmanibus Senecæ philosophi omnia opera in Gallicā linguā versa, cum annotationibus & scholiis, quæ breui in lucē editurus est.




IOANNES Gorreus Parisiensis, Doctor Medicus, Latine scripsit Definitionum Medicarum libros x x i i i i. literis Græcis distinctos, & iuxta Alphabeti ordinem. Ex Græco etiam Hipocratis Iusiurandum, De arte, De antiqua medicina, De medico, Latina ciuitate donauit. Vitam cum morte commutauit non multo postquam Christianiss. Henricus i i i. Regni Franciæ suscepit gubernacula. Quantæ doctrinæ erat testantur nonnulli versus Iacobi Greuini eius discipuli in limine Poematum Theriacōn, & Alexipharmacōn Nicandri Poëtæ Græci ab eodem Greuino è Græco versibus Gallicis expressorum & eidem Gorreo dicatorum.

LAVRENTIUS Ioubertus, Valentinus Delphinus, Medicus Regius, post obitum Gulielmi Rondeletij professoris Regij & Cancellarij in schola Monspeliensi, in huius locum successus est, tanquam omnium qui tunc ibi degebant dignissimus: quod munus exercet hoc tempore: nec minus celebratur eius experientia in re medica, quam doctæ & exquisitæ illius Lucubrationes quas edidit tam in Latina quam vernacula lingua. Has videre licebit in Bibliotheca Gallica.

## APPENDIX







# A P P E N D I X

## ALIQUOT IMAGINVM

### ANTIQV ARVM.




GVLIELMVS ROVILLIVS  
LECTORI.



Oc nostro qualicunque Iconum Promptuario ferme ad exitum perducto, oblata nobis fuerunt pauca aliquot Illustrium Virorū, qui iamdudum emicuerūt, effigies. Quas, quòd pauca admodum essent, nonnullis aliis, prout nobis diligenter inuestigantibus reperire licuit, augere conati sumus. Eas ergo sub finem huiusce de Iconibus Libelli, velut additamentum, Benevolentia tua offerimus. Quibus interea frui poteris: dum proxima editione singulas, ordine suo, ac tempore quo illustres illi Viri floruerunt, inseri ac disponi, Deo auxiliante, curabimus.

Ttt 5





**HIPPOCRATES** domo & genere Doriēsis, vrbe Cous, Heraclidæ & Phænaretis filius, natus est primo anno LXXX. Olympiadis, anno scilicet mundi 3505. vt computat Funccius. Vir ingenio summus & dignus qui medicinæ præcepta, sparsa vndique & dissipata, primus in ordinem redigeret, diuinisque suis scriptis illustraret: in quibus nullum est verbum, quod non ex penetralibus naturæ depromptū, & profunda sapientia imbutum esse videatur. Populares suos Græcos tanto est amore prosequutus, vt ad Artaxerxem Persarum regem, quamuis maximis donis ab Hyſtanide Helles pontiorum præfecto euocatus proficisci noluerit. Mortuus est Larissæ, post Democritum, annos natus centum & quatuor: vel vt alij referunt centum & nouem. Honores eosdem cum Hercule à grata Græcia obtinuit, quod venientem ab Illyriis pestem prædixisset, eique malo per discipulos suos occurrisset, vt Sabellicus scribit libro decimo, capite octauo. Statua ei posita, capite recto pileo. Filios reliquit Theſſalum & Draconem.

**HERODOTVS** Halicarnasseus (vt author est Suidas) claroque apud suos genere ortus, quem Cicero libro secundo de Legibus patrem historiæ appellat, anno mundi 3522. vt supputat Funccius, Græcè scripsit historiam libris nouem, quorū quilibet Musæ nomine inscribitur. Cœpit à Cyro Persarum rege, vt scribit Volater. lib. 15. Anthrop. Fuit omnibus tyrānis infensissimus. Quare cū patriā à Lygdamo tyranno videret occupatā, secessit in Samū: eoque extincto, quū ad suos rediisset, inuidiæ obnoxius factus, spontè Thuriū Atheniensium coloniā in exiliū profectus est, vbi etiā mortuus esse dicitur & sepultus. Plinius asserit lib. 12. cap. 14. eū Thurij historiā scripsisse: & quidē Ionicè eam confecit, laxior Thucydide. Quapropter hunc Liuius, illum Sallustio, Quintilianus comparat.





**THEOPHRASTVS** Eresius Aristotelis discipulus fuit, magistrū imitatus est, & in Physicis multa scripsit: præsertim verò doctissimos illos commentarios de plātarū historia & causis. Plurima sortitus est nomina: primū enim Tyrtamus appellabatur: deinde Euphrastus est appellatus, & postremò Theophrastus, ob oris & eloquētię suauitatem propemodū diuinam. Hic Peripateticorum doctissimus & eloquentissimus fuit, Aristotelis præceptoris in schola successor, quiquidem dicere solebat, doctum hominē ex omnibus solū neque alienis locis peregrinū esse, neque inopem amicorum. Habuit discipulos ad duo millia. Opera eius à Diogene commemorantur. Floruit anno mundi 3645. Excessit è vita admodum senex. Vide Laertium, Suidam, & Strabonem.

**ÆSCVLAPIVS** Apollinis filius fuit, cui plerique inuētū medicinę referūt acceptū: at potius Apollinem eius patrem, primum esse qui medicinę vsum attulerit dicendum est, vnde meruerit deitatem: idcirco dicit Ouidius libr. 1. Metamorph.

*Inuentum Medi: ina meum est, opifexque per orbem*

*Dicor, & herbarum subiecta potentia nobis.*


Sed filius qui Romā adductus fuit, anno mundi 3673. vrbis 461. in ea adeo excelluit, vt mortuum Hippolytū fingatur ad vitam reuocasse, & Androgeum Minois filium, ab Atheniensibus interfectum, vt recitat Propertius lib. 2. Hic fulmine ictus periit, quod medicinę arcana discipulos docere noluiſſet: vnde ars medica per quadringentos annos, vsque ad Hippocratis tēpora (qui eam erexit) intermortua, magno hominum detrimento, iacuit.



**TITVS** Liuius nobilis historiæ Romanæ scriptor, patria Patauinus, natus est anno ab vrbe condita DC. XCIIII. anno mundi 3095. Hûc Caius princeps tanquã verbosum insectatur: Pollio verò tanquam Patauinitatem redolentem. Quintiliano maximè laudatur, eumque Herodoto comparat, in cõcionibus præsertim: suadétque pueris ediscendum, vt Ciceronis imitator. De hoc Hieronymus ad Paulinũ sic scribit, Ad T. Linium lacteo eloquentiæ fonte manãtem, de vltimis Hispaniæ Galliarumque finibus, quosdã venisse nobiles legimus, & quos ad cõtemplationem sui Roma non traxerat, vnius hominis fama perduxit. Habuit illa ætas inauditũ omnibus seculis celebrandũque miraculum, vt tantã urbem ingressi, aliud extra urbẽ quærerent. Excessit Paduæ, anno quinto imperij Tiberij, ætatis autem 70. mundi, 3983. salutis nostræ, 21.

**DIOSCORIDES** Anazarbeus Medicus, magnæ existimationis, Marci Antonij & Cleopatrz familiaris fuit. Scripsit plura ad medicinam maximè spectãtia: libros 5. de medica materia & vnum de lethalibus venenis, eorũque præcautione & curatione: deque notis quæ morsus icũsue animalium venenum relinquentium sequuntur, & eorum curatione. Eiusdem extant à capite vsque ad pedes libri duo Græci, in Bibliotheca Augustæ Vindelicorũ, libri duo de medicamentis simplicibus paratu facilibus, secundum morbos & affectus corporis digesti, extant etiã manuscripti Græcè in Bibliotheca Augustana, quos Ioannes Moibanus medicus transtulit, & opus propter ipsius immaturam mortem, nondum absolutum Conradus Gesnerus perfecit. Additæ sunt annotationes & Græcus contextus. Dioscoridis item & Stephani Atheniensis medicorum Alphabetum Empiricum Græcè manuscriptum aliud à paratu facilibus Dioscoridis, extat apud Gasparum Vuolphium medicum. Ferũtur & multa alia Dioscoridis. Floruit circiter annum mundi 3918.





**CORNELIVS** Celsus vir doctus scripsit de Arte Rhetorica, de rerum rustica & de medicina. Verum ad nos tantum eius medicina peruenit oratorio modo conscripta. Volaterran. lib. 14. Sub primis Cæsaribus vixit, quo tēpore Latini sermonis puritas & elegantia effloruit. Ius ciuile & Philosophiam monumentis illustrauit: rei militaris, & rei rusticæ libros edidit: qui & dignus (vt ait Fabius) vel ipso proposito, vt eum illa omnia tenuisse credamus. Columella scribit eum fuisse nō solum agrolationis, sed etiam vniuersæ naturæ prudentē. Fabius Quintilianus in Rhetoricis quamuis artis æmulus Celsum perstringat, tamen ipsa veritate coactus, eruditum virum appellat libro nono, & sequenti sic tradit, Scripsit nō parum multa Cornelius Scepticos secutus, non sine cultu ac nitore. Plinius verò sæpè Celsum inter authores retulit, in indice librorū qui primus inscribitur. Apud Marcellum Empiricum autem, quædam Epistolæ Celso falsò tribuuntur.

**STRABO** Amaseus Philosophus, insignis Geographus extitit, qui temporibus Augusti & Tiberij claruit. Scripsit commentarios Geographicos, qui etiam hodie omniū manibus tenentur. Huius Geographicorum libri septemdecim, olim vt putatur, à Guarino Veronensi, ac Gregorio Tifernate Latinitate donati fuere, ac denuò à Conrado Heresbachio recogniti, ac plerisque locis, de integro versi fuere. Epitome etiam eorūdem librorum, incerto authore, in Latinum sermonē è Græco conuersa, Hieronymo Gemusæo interprete. Opus excusum est Basileæ, in officina Curionis 1539. idem Græcè excusum Venetiis apud Aldum 1516. & Latine ibidem 1511. Basileæ, Græcè & Latine è regione duabus columnis. Idem rerum Geographicarum libri 17. à Gulielmo Xylandro recogniti & emendati & ab eodem in sermonem Latinum transcripti, adiectis annotatiunculis ibidem editi fuere anno 1571.



**PHILO** Iudæus Philosophus fuit clarus, Alexādriz natus, disciplinisque omnibus eruditus, & in nostra & Græcorū philosophia bene versatus: eloquentiæ autem Platoniciæ tam diligens æmulator, ut illud vulgò de eo iactaretur, ὁ πλάτων φιλονίστα ἢ φιλον πλατωνίστα, id est, aut Plato Philonissat, aut Philo Platonissat. In diuinis autem legibus, & patriis institutis quantus fuerit, ex his quæ nobis librorum suorum tradidit monumētis, indicatur. Temporibus Caij, quanta acciderint Iudæis mala, voluminibus absoluit, quibus & suam legationem, pro Iudæis, apud Imperatorem retulit, quam obiit, sub Pontio Pilato Iudææ præfecto, anno mundi 3993. Christi, 31. triennio antè quàm pro peccatis nostris pateretur. Iosephus huius legationis meminit libro 18. Hunc Porphyrius quoque libro quarto, magnis laudibus est profecutus.

**SENECA** natione Hispanus fuit, patria Cordubēsis, Academicus Philosophus & Neronis præceptor: à quo diuitiis ingentibus auctus, quum in Pisonianæ cōiurationis suspicionem venisset, eiusdem iussu incisis venis, mortem obiit, anno ab vrbe condita 818. Christi 68. mundi 4030. Fuit & alter Seneca tragicus Poëta, cuius fabulæ decem ad nos peruenerunt. Vtriusque meminit Sidonius Apollinaris ad felicem,

*Non quod Corduba præpotens alumnis  
Facundum ciet, hîc putes legendum,  
Quorum vnus colit hispidum Platona,  
Incassumque suum mouet Neronem:  
Orchetram canit alter Euripidis,  
Pictum fecibus Aeschylum sequutus,  
Aut plaustis solitum sonare Thespim,  
Qui post pulpita trita sub cothurno  
Ducebant olida parem capella.*





**PLINIVS** secundus Veronensis, temporibus Vespasiani vndecimi Romanorū Imperatoris vixit, cuius negotia administrabat, anno mundi 4032. Christi 70. Noctibus verò & succissivis (vt ipse inquit) temporibus opus de rerum natura cōscripsit, vnus omnium parcissimus temporis. Perit in mōtis Vesuij incendio, dum eius causam indagare & curiosius inuestigare cupit, circiter annum ab Vrbe condita 832. Eius vitam diligentius narrat sororis filius Cæcilius Plinius, cuius extat liber Epistolārū, & Panægyricus, Traiano Cæsari dicatus, quo illi gratias agit Cōsul ab eo factus. Quintiliani filiam dote iuuit, & Martialem Poëtam secedentem viatico profecutus est, vt ipse testatur in epistolis. Volater. lib. 18.

**IOSEPHVS** Iudæus conscripsit Græcè antiquitatis Iudæorum historiā libris viginti, ab exordio mundi vsque ad decimum tertium annum Domitiani: bellū verò Iudaicum cum Romanis gestum scripsit libris septem: anno ab vrbe condita, 845. vt ipse docet in peroratione antiquitatum: Nonio Aspreana & Flauio Clemente consulibus, anno mundi 4057. Christi, 95. quo tempore agmina Hæreseon exorta, Menandro Simonis Magi discipulo, & Cerintho quodam, autoribus. Quin & Ebionæi eo ipso tempore exorti sunt: de quibus Irenæus scribit lib. 1. cap. 21. & sequentibus.





**IUVENALIS** Aquinas, Poëta insignis, discipulus fuit Frontini Grammatici, qui quidem scripsit quinque libros satyrarum, sed non inveniuntur, quod eorum iactura sit facta, exceptis sexdecim satyris, in lucem ubique editis, propter magnam authoris celebritatem, in eo versus genere, in quo, Lucilio cæterisque Poëtis Satyricis, qui ad hoc vsque tempus fuerūt, longè acrior fuisse palàm est omnibus. Vixit tempore Martialis, cum quo maxima ei intercessit familiaritas. Obiit in Ægypto 80. annis natus, floruitque circiter annum mūdi 4060. & Christi 100. Vide Gesnerum in sua Bibliotheca.

**GALENVS** Pergami natus, patre Nicone insigni geometra & architecto diuite, cuius præceptor fuit Pelops, ut ipse testatur libro quarto de Locis affectis capite 7. & in libr. de Atrabile. Vixit Romæ temporibus Traiani, Cōmodi & Antonini Pij Imperatorum anno mundi 4100. salutis verò humanæ 140. Plurima scripsit in Geometria, Dialectica, Rhetorica, Philosophia, maximè vero in Medicina. Itaque Auerroes in S. Collect. illum omnibus medicis anteferre non dubitavit. Vixit annos 70. secundum Suidam: alij 140. annos asserunt, ut testatur Cœlius lib. 16. Antiq. lect. cap. 40. In patria tandem fatis cessit.








**ORIGENES** Damascenus vixit tempore Seueri Imperatoris circiter annum mundi 4160. & Christi 210. Erat tanta doctrina cumulatus, vt omnes eum admirarentur tanquã in omni literarum genere consummatissimũ, Quod ad Theologiam attinget, quantum in ea valuerit testatur eius scripta, & Commentarij in magnã partem veteris & noui Testamẽti. Si plura de eo, Lector videre voluerit, consulat Tritemij librũ de Scriptoris Ecclesiasticis, legatque vitã eius quæ est in principio eius operum quæ Lutetiæ edita fuere, anno 1574. Poterit etiam videre Bibliothecam Gesneri.

**TERTVLLIANVS**, Afer, Centurionis proconsularis filius Theologus primus Christianorũ, qui Latinè scripserunt, multa opuscula conscripsit, maximo eloquentiæ splendore, in quibus indicat, animã immortalem quidẽ esse, sed eam effigiatũ corpus esse contendit, neque hanc tantũ, sed ipsum etiã Deũ corporeũ esse dicit, licet non effigiatum, neque tamen hinc hereticus creditur esse factus. Fuit acris & magni ingenij, vt pote qui res diuinas & humanas probè calluerit. Docuit enim, in maxima celebritate Rhetoricam apud Carthaginenses. Huius scripta beatissimus martyr Cyprianus in tanta veneratione habuit, vt nullũ, sine eorũ lectione diem preteriret. Scripsit de Patientia Dei lib. vnũ. Aduersus Praxeã lib. 1. contra Marcionem libros. 5. contra Iudæos lib. 1. Contra omnes hæreses libr. 1. De proscriptionibus hæreticorũ lib. 1. Aduersus Hermogenẽ. Cõtra Valentinianos. De carne Christi. De resurrectione carnis. De corona militis. Ad martyres. De pœnitentia. De velandis virginibus, De habitu muliebri, & alia plurima. Floruit anno mundi 4171. Christi verò 209, sub Seuero Imperatore.



D. AMBROSIVS in Gallia sub Cōstantij imperio natus fuit, patre Symmacho, præfecto Galliæ. Infanti in prætoria domo dormienti, apes circaos visæ sunt oberrare: patrē, impubes amisit, inde cum matre & sorore Marcellina Romam profectus ibi studiis sese addixit: & tandē causas agere cœpit. Mox à Probo prætorij præfecto, consiliorū & gubernationis socius fuit adscitus. Consulari postea dignitate insignitus, ad regēdā Liguriā missus est à Probo. Mortuo Auxentio Mediolanēsi Episcopo, fuit is à populo, Episcopus electus: renuit illud munus: sed Imperator populi electione delectatus, eā confirmar. Elegitur in Episcopū, anno Christi 378. sub Damaso Papa. Plurima scripsit: contra omnes fere hæreses acriter pugnauit. Præfuit Episcopatu, annis 22. obiit anno Christi 400. Arcadij & Honorij tertio, senex admodū. Claruit sub Theodosio Imper. j domini 380.

D. AVGVSTINVS, matre Monica, patre Patricio in ciuitate Thagustensi natus, Christianus quidē, sed mediocri fortuna. In pueritia à matre de Christo institutus est, sed baptismus dilatus. Apueris ludū frequentauit, præceptore Manlio Theodoro. Manichæorū opinionem diu sectatus est. Romæ docuit Rhetoricā: inde Mediolanū accersitus, sensim à Manichæis defecit, cū Ambrosij cōciones diligēter audiret, & ad religionem Christianā transiit, & suscepit baptismū cum Alipio, & naturali filio Adeodato, natus annos 33. post Maximi tyranni mortem. Domū inde in Africā rediit, & in agris suis vixit. Mox Hipponensis ecclesiæ præbyter à Valerio ordinatus, & tandē etiā eius coepiscopus. Eo mortuo ad Episcopatū euectus est, quē sanctissimè & factis & cōcionibus & scriptis administravit. Cōtra hæreticos accerrimè disputauit. Donatistarū secta multū ei negotij exhibuit: cū mulieribus, necognatis quidē, ppter suspicionē, nō habitauit. Vestitu mūdo, mēsa frugali utebatur, & vino. Tandē præfente Possidonio & aliis piè in Domino obdormiuit, cū vixisset annos 76. anno mūdi 4395. Christ. 434. in ecclesiastica fūctio ne 40. Huius vitā Possidonius Calamēsis episcopus descripsit.





PAVLVS Ægineta, mirabili ardore discendi percitus, difficillimas peregrinationes sustinuit, vt medicam artem cognosceret. Libros reliquit in medicina, non sua inuentione, sed Galeni imitatione, cuius veluti simia dici potest. A Ioanne filio Serapionis allegatur simpliciter Pauli nomine, & similiter ab aliis Medicis. Scripsit lib. 7. Græcos, collatione vetustorum exemplariū restitutos, & quibusdam in locis auctos, per Hieronymū Gemusceum impressos Basileæ, qui fuerunt verſi à Ioāne Guinterio Andernaco, & ab Albano Tornio, quos prior commentariis illustrauit. Aeginetæ libros Henricus Stephanus, cum aliis præcipuorum medicorum libris excudit. Floruit anno mundi 4398. salutis 439.





ACVRSIVS natione Florentinus, iuris consultissimus, fuit. Azonis Doctoris discipulum fuisse eū perhibetur, qui cum admirabili ingenio, & multarū rerum cognitione, valeret, Reipublicæ moderandæ maximè idoneus, vniuersum iuris Ciuilis corpus, primus glosis ornavit & explanauit. Huius autem libros semper imprimendos curauere docti, vbiq̃ue fuit excusum corpus Iuris, cum glosis & commentariis: eaque de causa omnium Iurisconsultorum celeberrimus existimatur, vtpote qui primus Ius Ciuile interpretatus fuerit. Floruit is anno salutis 1236. vt ipse in Autētica testatur. Scripsit etiam super instituta.

DINVS Mugelanus Iuris vtriusque peritissimus, tāta fuit animi solertia, vt omnes suę ætatis Iurisconsultos superasse creditus sit. Fuit acutus & eloquens in dicendo, disputando & decidendo: & idcirco eleganter & copiosè totum ius Ciuile, multis scriptis, exposuit & clarius legum studiosis reddidit. De mādato Bonifacij Papę vii i. primus eleganter, post Archidiaconū, scripsit super 6. Decretalū lib. 1. super Codice lib. 10. super ff. veteri libr. 24. super ff. nouo. libros 12. super ff. Infortiato lib. 14. Consilia multa lib. 1. super Titulū de actionibus in Institutis. Super titulū, De regulis Iuris, & infinita alia quę nō reperiuntur. Floruit anno salutis 1300.







**ALBERTVS** Magnus, natione Teutonicus, patria Sueuus, ex Lauringē oriundus in Academia Parisiensi encyclopediam ac præsertim Theologiæ scientiam hausit, quam disseminauit postea in Germania. Fuit & alius eiusdem nominis, propter eruditionem, natione Parauinus. Prior fuit Episcopus Ratisponēsis, qui Episcopi officio, integerrimè aliquot annos functus, tantæ dignitate sese tandē spōtè exuit, vt animæ saluti magis vacaret. Itaque Coloniam reuersus ad suos, cucullā induit, & ibi vsque ad finem vitæ, docendo & scribendo perseuerauit. Scripsit multa & penè infinita opuscula, Summam Theologiæ lib. 4. super sententias lib. 4. De quatuor coæuis lib. 1. De homine: de bono: de vita spirituali: in officiū Missæ: de corpore Christi: de muliere forti: de multiplici timore: de laudibus sanctę Mariæ: defensorium mendicantiū, & multa alia. Obiit sub Rodolpho Imperatore, anno domini 1280. Colonia sepultus.

**NICOLAUS** de Lyra natione Anglus, monachus Franciscanus, in Theologia valde eruditus fuit, multaque scripsit ad Christianam pietatem promouendam, vt ex eius scriptis facile cuius Theologiæ studioso constare poterit. Hebræicā linguam is perfectè calluit: fuit ingenio prompto, nec minus conuersatione. quā scientia venerandus. Eius opera omnibus sacrā scripturā discere cupientibus, necessaria esse, nemo melius nouit, quàm qui se in eorū lectione exercitauit. Sūt qui eū ob verborū simplicitatem contemnēdum existimant, sed si res ipsas, non verba isti detrectatores spectarint, non dubium est quin ab eis maximè laudetur. Scripsit super sententias lib. 4. In Genesim ad literā lib. 1. In exodum: in Leuiticum: in Numeros: in Deuteronomiū: in Iosue: in Ruth: in Paralipomenon: in Esdras & Neeamiam, in Tobia: in Iudith: in Ester. Claruit tēporibus Ludouici Imperatoris 4. & Ioānis Papę vicesimi secūdi anno domini 1320.



**BARTOLVS** Sentini in Vmbria natus, Iurisconsultus fuit perspicacissimus, qui in omnibus Italiae gymnasiis exactae doctrinae documenta reliquit. In studendo erat valde assiduus, laboris patiens, sobrius. Quare voluptates omnes adeo seuerè reiecerat, vt ne horula quidem extra naturae necessitatē studiis subtraheretur. Eam seueritatem etiam retinuit in condemnandis fontibus, cum rerum capitalium iudiciis praeset, vt reum furti nec ritè confessum & insontem, praecipiti sententia supplicio affecerit. Ob id inuidiae plebis obnoxius, vt hominum consortium fugeret, in quandam villam se recepit, studiorum gratia, è qua demum egressus, aequales suos doctrinae firmitate, & mira iudicii constantia superauit. Obiit Perusiae, quadragesimo sexto aetatis suae anno. Domini 1355.

**BALDVS**, honesta Vbaldorū gente Perusiae natus, Bartholum praepceptorem habuit, quem ingenij subtilitate & varietate doctrinae superauit. Huic tamen multa conuoluenti, inuертentique stabilis scientiae constantia deerat. Ioannes Galeacius Vicecomes, cum Ticini Gymnasium conderet, magnis praemiis eum euocauit. Peruenit ad longuam senectutem, & annos natus septuaginta sex, fato functus est, paulò antequam ille princeps, moreretur. *Scriptit super Codice lib. 9. super ff. veteri libros 24. super ff. nouo, lib. 12. super ff. infortiati lib. 14. super Institutis lib. 4. De usu feudorum lib. 1. Super Autenti. lib. 1. super 2. Decretalium lib. 1. Additiones speculi, lib. 1. consilia multa, lib. 1. & alia complura. Scriptit commentarios, super totum corpus iuris ciuilis. Item practica Lugduni impressam, & Margaritam seu Repertorium. Baldi lectura accuratissime edita sunt, cum annotationibus, nouis summaris & Indice, Venetiis apud Iuuias 1572.*





**PAVLVS** de Castro, Iureconsultus celeberrimus, multa conscripsit ad leges pertinentia, stylo non minus eleganti quàm utili, quibus, vir admirabilis suæ eruditionis & prudentiæ testimonia omnibus clara exhibuit. Ius docuit, in omnibus ferè claris Italiæ Academiis. Scripsit super Codice lib. 9. super ff. veteri lib. 24. Consilia elegantissima, singularia, & opus Consiliorum in duo volumina partitum, cum pluribus aliis cōmētationibus composuit: vt posteritati, singulari beneficio, & propensa in studiosos omnes, voluntate, sese profuturum aliquando gloriaretur, quemadmodum ipsis profuit qui eodem seculo vixerunt. Scripsit etiam super ff. nouo libros duodecim: super ff. inforciati, libros quatuordecim: super Institutis lib. quatuor. Citatur quoque repetitio eius in i. ff. ver. de indicatiis, l. si de vi. Consilia eius ab erroribus vindicata & additionibus, nouisque rerū notabilium summis, supra priores editiones feliciter aucta, studio & opera Leonardi à lege, Venetiis impressa sunt 1570. in folio, & anno 1571. Claruit anno reparatæ salutis humanæ 1437.

**ZABARELLA** natione Patauinus, Roma. ecclesiæ Cardinalis presbyter iuris pontificij consultissimus, vnde amplissimam dignitatem suam exornauit, vt prelatos decet, erat maximo ingenio & doctrina præditus, cuius specimen frugiferum edidisse eum, ipsius scripta satis testantur. Floruit circiter annum Domini 1443.



# INDEX SECVNDÆ PAR-

tis huius operis, ordine Alphabe-  
tico digestus.



<b>A</b> bsmarus Im- per. 116	Albia Terentia 27	Angelus Politianus 210
Adolfus Im- per. 176	Alexander de Medi- cis 242	Anna Caroli VIII. & Ludouici XII. vxor 223
Adrianus VI. Ponti- fex 227	Alexander Imp. 137	Anna d'Est 283 & 285
Aelia Petina 18	Alexander Tartaginus 202	Anna Ferdinādi Hū- garia Regis vxor 234
Aelius Adrianus Im- per. 38	Alexander VI. Ponti- fex 215	Anna Philippi Hispa. Regis cōiūx 278
Aelius Adrianus pa- ter Adriani Imp. 37	Alexius 164	Annia Faustina 40
Aemilia Lepida 16	Alexius Angelus 170	Annius Tacitus Impe. 76
Aemilianus Impera- tor 38	Alexius Comnenus 161	Annius Verus 41
Aemilianus Tyran- nus 68	Alexius minor 170	Antinous 38
Agnes 153	Alfonsus Daualus 259	Antonia 20
Agrippa minor 14	Amalasynthia 101	Antonia minor 15
Agrippina Claud. Caf. vxor 21	Amurates I. 186	Antonius Augustinus 289
Agrippina Germanici vxor 11	Amurates II. 196	Antonius Borbonius, Vindocinensiu Dux 262
Agrippina Tyberij Im- per. vxor 6	Amurates III. 287	Antonius Leua 237
Albertus Durerus 248	Anastasiu dictus Ar- temius, Imper. 118	Antonius Nebrissenf- sis 220
Albertus Dux Au- stria, Imper. 194	Andreas Alciatus 263	Arcadius Imp. 92
Albertus filius Rodol- phi, Imper. 194	Andreas Barbat. 202	Archelaus Herodis Ascalonita filius 4
	Andreas Doria 238	
	Andreas Tiraquellus 264	
	Andreas Vesalius 270	
	Andronicus Comnenus 168	
	Andronicus maior 178	
	Andronicus minor, ib.	



I N D E X.

<i>Ariadna</i>	99	<i>Berēgarius</i> II. Imper.	<i>Carolus Simplex</i>	134	
<i>Arnulfus Imper.</i>	135	136	<i>Carolus V. Francorum</i>		
<i>Arria Fadilla</i>	39	<i>Berengarius</i> III. Imp.	<i>Rex</i>	187	
<i>Arriçidia</i>	33	139	<i>Carolus VI. ibid. m</i>		
<i>Athalaricus</i>	101	<i>Bona</i>	208	<i>Carolus VII.</i>	197
<i>Astila</i>	93	<b>C</b> <i>Adiga seu Tadi-</i>	<i>Carolus VIII.</i>	214	
<i>Aulus Vitellius Imper.</i>		<i>ga</i>	109	<i>Carolus IX.</i>	284
30		<i>Cesar Borgia</i>	215	<i>Carus Imper.</i>	77
<i>Aurelianus Imper.</i>	75	<i>C. Caesar Caligula</i>	12	<i>Catharina de Medicis,</i>	
<i>Aurelius Fulvius</i>	39	<i>Caiphas</i>	7	<i>Francorum Regina</i>	
<i>Aurelius Probus Im-</i>		<i>Calixtus</i> II. Papa	200	261	
<i>per.</i>	77	<i>Caloioannes</i>	161	<i>Catharina soror Caroli</i>	
<i>Aurelius Quintil.</i>	74	<i>Canis Scaliger</i>	182	<i>quinti Imper.</i>	241
<i>Aureolus</i>	63	<i>Carinus</i>	78	<i>Celsus</i>	72
<b>B</b> <i>Aiazetes</i> I.	290	<i>Carlus grossus seu Craf-</i>		<i>Censorinus</i>	73
<i>Baiazetes</i> II.		<i>sus, Imper.</i>	133	<i>Cesonia</i>	13
206		<i>Carolus Aurelianensiu</i>		<i>Cherebertus</i>	104
<i>Balduinus filius Ro-</i>		<i>Dux</i>	258	<i>Childebertus filius Clo-</i>	
<i>berti</i>	174	<i>Carolus Borbonius</i>		<i>douci</i>	102
<i>Balduinus Flandria</i>		<i>Dux</i>	237	<i>Childebertus</i> II.	117
<i>Comes</i>	171	<i>Carolus Burgūdiæ Dux</i>		<i>Childericus Meronei</i>	
<i>Balduinus Rex Ieru-</i>		199		<i>filius</i>	96
<i>salem</i>	160	<i>Carolus Caluus Imper.</i>		<i>Childericus</i> II.	113
<i>Balista</i>	67	131		<i>Childericus</i> III.	121
<i>Barbarossa</i>	257	<i>Carolus Lotharenius</i>		<i>Chilpericus Chereberti</i>	
<i>Bartholomeus Cepolla</i>		293		<i>frater</i>	107
209		<i>Carolus magnus Impe-</i>		<i>Chilpericus</i> II.	119
<i>Bartholomeus Coleo</i>		<i>rator</i>	126	<i>Christierna</i>	247
199		<i>Carolus Martellus</i>	120	<i>Christiernus Dania</i>	
<i>Bartholomeus Socinus</i>		<i>Carolus Philippi Hi-</i>		<i>Rex</i>	233
217		<i>spa. Regis filius</i>	288	<i>Christophorus Longo-</i>	
<i>Basilus Macedo</i>	130	<i>Carolus Pulcher</i>	183	<i>lius</i>	254
<i>Basilus &amp; Constanti-</i>		<i>Carolus quartus Bohe-</i>		<i>Ciriades</i>	59
<i>nus fratres</i>	146	<i>mus, Imper.</i>	181	<i>Ciriscelebes</i>	192
<i>Beatricina</i>	195	<i>Carolus quintus Impe-</i>		<i>Clandia uxor Franci-</i>	
<i>Beatrix Caroli Sabau-</i>		<i>rator</i>	229	<i>sci Valesij</i>	228
<i>diæ Ducis uxor</i>	235	<i>Carolus Ruinus</i>	230	<i>Claudius Domitius</i>	
<i>Berengarius</i> I. Imper.		<i>Carolus Sabaudia Dux</i>		<i>Nero</i>	22
136.		<i>nonus</i>	235	<i>Claudius Impe. V.</i>	16
				VVV	5

# I N D E X

Cl. Tiberius Nero	6	Constantinus Monomachus	154	Eudocia Imperat.	158
Cl. Tiberius Tiberij		Constantinus v.	122	Eudoxia Theod. vxor	
Cesaris pater	5	Constantinus vi.	123		93
Clemens Marotus	251	Constantinus vii.	198	<b>F</b> Aramundus	95
Clemens vii. Papa		Constantia	82	Fausta	83
236		Constantius	85	Faufina	42
Clodio	95	Constantius Clorus	80	Felix	19
Clodius Balbinus feu		Cofmus Medices	242	Ferdinandus Alua-	
Albinus Imp.	53	Crispina	45	rez, Dux Alba	281
Clodoueus Dagoberti		<b>D</b> Agobertus	111	Ferdinãdus Hungaria	
filius	111	Dagobertus ii.		ac Bohemia Rex	234
Clodoueus primus	102		117	Flacilla	91
Clodoueus i. i.	114	Dantes Aligerus	182	Flauia Domicilla	32
Clotarius Chilperici		Decentius	86	Flauia Titiana	46
filius	107	Decius Imper.	54	Fla. Claudius Imp.	74
Clotarius Clodouei ii.		Didius Iulianus Im-		Fla. Claudius Iulianus	
filius	113	perator	47	Imper.	87
Clotarius iii.	119	Diocletianus Imp.	79	Fla. Domitianus Imp.	
Clotarius vii.	104	Dominica	89		34
Cn. Domitius Eno-		Domitia Caluilla, ma-		Fla. Vale Anastafius	
barbus	21	ter Amonini Imp.		Imper.	100
Cocceius Nerua Impe.			41	Fla Vale. Leo Imp.	98
35		Domitia Caluilla,		Fla. Vefpafianus Impe-	
Conradus Gefnerus	253	vxor L. Ceionij	43	rator	32
Conradus Imp.	138	Domitia Longina	34	Florianus Imperator	
Conradus ii. Imp.	149	Domitia Paulina	37		76
Conradus iii.	163	Donatus Antonius		Frãcifcus Aretinus	209
Conftans	85		269	Francifcus Balduinus	
Conftans filius Hera-		Drufilla	19		274
clij	112	Drufus pater Claudi		Frãcifcus Curtius	230
Constantina	106	Cafaris	15	Francifcus Duarenus	
Conftantinus Conftan-		<b>E</b> Doardus vi. Rex			274
tis filius	112	Anglia	231	Frãcifcus Frãcifci Re-	
Conftantinus Ducas		Eguinarius Baro	263	gis Franc. filius	258
157		Elifabetha Auftriaca		Frãcifcus Iuctinus	291
Constantinus Leonis			284	Francifcus Lotharenius	
filius	137	Erasmus Roterodamus		Dux Guifius	283
Coftarinus Magnus	83		231	Frãcifcus Petrarca	188
Conftarinus minor	84			Frãcifcus Sfortia	247



# I N D E X.

Frācisus Valeriol. 276	294	Honorius	92
Franciscus Valesius	Henricus Francorum	Hugo Capetus	147
Francorū Rex 228	Rex 150	Iacobus à Sabaudia	285
Franciscus Valesius	Henricus II. 261	Iacobus Cuiatius	289
Francorū Rex 243	Hēricus III. Rex Frā.	Iacobus Dalechāp. 276	
Franciscus Valesius II.	296	Iacobus Hollerius	266
Francorū Rex 282	Hēricus Friderici Im-	Iacobus Siluius	267
Fridericus Dux Au-	per. filius 165	Iason Maynus	217
stria Imper. 203	Henricus Imper. 138	Iesus Christus natus 3	
Fridericus primus Im-	Henricus II. Imp. 148	Iesus Christ. resurgēs 9	
perator 165	Henricus III. Imp. 153	Ingenius	62
Frideric. II. Imp. 172	Hēricus III. Imp. 156	Innocētius VIII. pōt 213	
<b>G</b> aleatius 205	Henricus V. Imp. ibid.	Ioanna Albretia	262
Galeria 30	Henricus Imp. Cōstan-	Ioanna ferdinādi Hi-	
Galerius Maximus	tinopolitanus 171	spa. regis filia 222	
Imper. 80	Henricus Lucemb. 179	Ioānes Argēterius 270	
Gallienus Imper. 57	Henricus Rex, Anglia	Ioānes Austriacus 288	
Genfericus 94	260	Ioānes Boccatus 188	
Germanicus II	Heracionas 110	Ioānes Calabria & Lo-	
Gisla seu Gesla 149	Heracius Cōstāt ibid.	tharingia Dux 204	
Glaphyra 4	Heracius Imp. 108	Ioannes Dux Mosco-	
Gordianus Imp. 52	Hercules Estensis 239	uia 281	
Gordianus minor 53	Hercules Frācisus Va-	Ioānes Fernelius 267	
Gotfridus Bolionius	lesius 295	Ioānes Frācorū rex 184	
160	Herennianus 71	Ioānes Galeatius 189	
Gotfridus magni dētis	Herodes Agrippa 14	Ioānes Iacobus Triunl-	
151	Herodes Antipas 8	fius 214	
Gregor. XIII. Papa 292	Herodes Odenat. 66	Ioānes Manuelis filius	
Gulielmus Budeus 231	Herodias 8	1198	
Gulielmus Rōdeletius	Hieronyma Vrsina 255	Ioannes Maria 208	
271	Hieronymus Butic. 226	Ioannes Maria Me-	
<b>H</b> elenamater Cō-	Hieronymus Cagnolus	dio. Dux v. 189	
stantini ma-	265	Ioānes Paleologus 185	
gni Imper. 80	Hieronymus Cardanus	Ioannes Stadius 291	
Heleonora friderici	268	Ioānes Staßlerus 248	
Imper. uxor 203	Hieronymus Sauona-	Ioannes Zimisces	
Hēricus Albretius Rex	rola 212	143	
Nauarra 256	Hildegrandis 126	Iole 172	
Henricus Borbonius	Hippolitus Saluia. 271		

# I N D E X.

<i>Iouianus Emp.</i>	87	<i>Libussa</i>	167	<i>filius Imper.</i>	129
<i>Irene</i>	123	<i>Licinius</i>	82	<i>Ludonicus minor</i>	162
<i>Isacius Comnenus</i>	157	<i>Licinius minor</i>	84	<i>Ludonicus nihili</i>	133
<i>Isabella Caroli quinti</i>		<i>Liua Drusilla</i>	5	<i>Ludonicus Pins</i>	127
<i>soror</i>	233	<i>Liua Horestilla</i>	13	<i>Ludonicus Sfortia</i>	218
<i>Isabella Caroli quinti</i>		<i>Liua Medullina</i>	17	<i>Ludonicus V.</i>	142
<i>uxor</i>	229	<i>Lollia Paulina</i>	13	<i>Ludonicus VIII.</i>	166
<i>Isabella Philippi Hiss.</i>		<i>Lollianus</i>	60	<i>Ludonicus XII.</i>	223
<i>Regis uxor III.</i>	279	<i>Lotharius Francorum</i>		<i>Ludonicus &amp; Carlo-</i>	
<i>Isacius Angelus</i>	168	<i>Rex</i>	142	<i>manus fratres</i>	132
<i>Iudas Iscariotes</i>	10	<i>Lotharius Imper.</i>	129	<b>M</b> <i>Acrianus</i>	64
<i>Iudith Ludouici Pij</i>		<i>Lotharius II. Imp.</i>	163	<i>Macrianus mi-</i>	
<i>Fræc. Reg. uxor</i>	127	<i>Lucilla</i>	44	<i>nor</i>	<i>ibid.</i>
<i>Iulia</i>	49	<i>L. Annius Antoninus</i>		<i>Maenius</i>	66
<i>Iulius Caesar Scaliger</i>		<i>Commodus Imp.</i>	45	<i>Magnentius</i>	86
268;		<i>L. Annius Antoninus</i>		<i>Mahometes I. Turca-</i>	
<i>Iulius II. Papa</i>	225	<i>Verus</i>	44	<i>rum Imper.</i>	193
<i>Iulius III. Papa</i>	246	<i>L. Otho</i>	27	<i>Mahometes II.</i>	206
<i>Iulius Maximinus Im-</i>		<i>L. Seionius Commo-</i>		<i>Mahometus pseudo-</i>	
<i>perator</i>	52	<i>dus</i>	43	<i>propheta</i>	109
<i>Iunia Claudilla</i>	12	<i>L. Septimius</i>	48	<i>Mallia Scantilla</i>	47
<i>Iustinianus I. Imp.</i>	103	<i>L. Virellius</i>	29	<i>Mammea</i>	51
<i>Iustinianus II.</i>	115	<i>Ludouica Fræ. isci Va-</i>		<i>Manuel</i>	164
<i>Iustinus Imper.</i>	100	<i>lesii mater</i>	240	<i>Manuel Palæologi fi-</i>	
<i>Iustinus Minor</i>	105	<i>Ludouica Francorum</i>		<i>lius</i>	185
<b>L</b> <i>Aurentius Me-</i>		<i>Regina</i>	296	<i>Marcellus II. pöt.</i>	272
<i>dices</i>	213	<i>Ludonicus Ariost.</i>	250	<i>M. Antoninus Verus</i>	
<i>Lepida</i>	26	<i>Ludonicus Arno'fi fi-</i>		42	
<i>Lepida Domitia</i>	20	<i>lius, Imper.</i>	135	<i>M. Antonius Muretus</i>	
<i>Leo Armenius</i>	125	<i>Ludonicus Balbus Im-</i>		275	
<i>Leo Basilij filius</i>	130	<i>perator</i>	132	<i>M. Antonius Sabelli-</i>	
<i>Leo I. III.</i>	122	<i>Ludonicus Bauaria</i>		<i>cus</i>	220
<i>Leo Isaurus Imper.</i>	118	<i>Dux, Imper.</i>	181	<i>M. Aurelius Alexan-</i>	
<i>Leo Iunior</i>	58	<i>Ludonicus Caroli VII.</i>		<i>der Seuerus Imp.</i>	11
<i>Leo Maior</i>	<i>ibid.</i>	<i>filius</i>	197	<i>M. Aurelius Anoni-</i>	
<i>Leo X. Pont.</i>	227	<i>Ludonic. Crassus</i>	162	<i>nus Bassianus Ca-</i>	
<i>Leonhartus Fuch.</i>	253	<i>Ludouic. Hutinus</i>	177	<i>racalla Imp.</i>	49
<i>Leonora</i>	243	<i>Ludonicus IIII.</i>	141	<i>M. Aurelius Helio-     galus Imper.</i>	50
<i>Leontius Imper.</i>	115	<i>Ludonicus Lotharii</i>			



# I N D E X.

M. Iulius Philippus	Maximianus	79	Orchanes Othomani		
Imper.	54	Maximilianus Imper.	filius 192		
M. S. Otho Imper.	28	216	Orontius Finaus 254		
M. Vlpus Traianus	Maximilianus Sforcia		Otho I. Imper.	139	
Imper.	36	218	Otho II.	144	
Margareta Francisci	Maximus Pup.	53	Otho III.	146	
Valesij filia	280	Mellusina	151	Otho Saxonum Dux	
Margareta Hērici Al-	Meroueus	96	169		
bretij coniunx	256	Michael Angelus	211	Othomanus 180	
Margareta Maximili-	Michael Balbus	125		<b>P</b> Paulus Apostolus	
liani Imp. filia	219	Michael Calaphates		24	
Margareta Nanarra	152			Paulus I. I. Papa 201	
Regina	294	Michael Curoplates		Paulus III.	246
Maria Aragonia	259	Imper.	124	Paulus II. II.	272
Maria Caroli quinti	Michael filius Constā-			Paulus Iouius	252
Imper. soror	241	tini	159	Petronia	30
Maria Francisci II.	Michael Paleol.	174		Petrus Aloysius	255
uxor	282	Michael Paphlag.	152	Petrus Andreas Ma-	
Maria Maximiliani	Michael senior	155		thiolus	269
Imp. coniunx	216	Michael Theophili		Petrus Aretinus	250
Maria Maximiliani	filius	128		Petrus Bembus	252
II. Imper. coniunx	Moses Turca	193		Petrus Depinac	293
286	Muleasem	257		Petrus Imper.	173
Maria Othonis III.	Mummia Achaia	25		Petrus Rebuffus	264
uxor	146	<b>N</b> Atiuitas IESV		Petrus Ronsardus	290
Maria Philippi Hispa.		<b>CHRISTI</b> 13		Petrus Victorius	275
Regis uxori.	279	Nicephorus Botania-		Philibertus Emanuel	
Maria Philippi Hispa.		tes	159	Sabaudia Dux	280
Reg. uxori II. ibid.		Nicephorus Imp.	124	Philibertus VII. I. Sa-	
Marius	62	Nicephorus Phocas	143	baudia Dux.	219
Marsilius Ficinus	210	Numerianus	78	Philippus Doria	238
Martia	48	<b>O</b> Ctauia Neronis		Philippus Archidux	
Martia fulua	33	uxor	22	Austrie	222
Martianus Imper.	97	Odenatus	65	Philippus Austriacus	
Martinus Aspilcueta		Odetus de foix	236	Hispan. Rex	278
273		Odo Franc. Rex	134	Philippus Bardanes	
Mauricius Imper.	106	Opilius Macrinus	50	Imperator	116
Mauricius Sena	251	Orchanes Cyrifcelebis		Philippus Decius	226
Maxentius	81	filius	180	Philippus Deodat.	166

# I N D E X.

<i>Philippus Francorum</i>	<i>Robertus Imper.</i> 191	<b>T</b> <i>Amberlanes</i> 190
<i>Rex</i> 141	<i>Robertus Malatesta</i>	<i>Tetricus</i> 69
<i>Philippus Imper.</i> 169	207	<i>Tetricus Iunior</i> 70
<i>Philippus Longus</i> 183	<i>Rodolphus Fræcorum</i>	<i>Theodora Iustiniani</i>
<i>Philippus Maria</i> 195	<i>Rex</i> 141	<i>uxor</i> 103
<i>Philippus Pulcher</i> 177	<i>Rodolphus Imper.</i> 176	<i>Theodora Zoes soror</i> 155
<i>Philippus S. Ludowici</i>	<i>Rodolphus II. Imp.</i> 295	<i>Theodoricus I.</i> 114
<i>filius</i> 175	<i>Romanus Argyropilus</i>	<i>Theodoricus II.</i> 120
<i>Philippus Valesius</i> 184	145	<i>Theodorus Triunfusus</i>
<i>Phocas</i> 108	<i>Romanus Constantini</i>	224
<i>Picus Mirandula</i> 212	<i>filius</i> 140	<i>Theodosius</i> 91
<i>Pilatus</i> 7	<i>Romanus Diogenes</i> 158	<i>Theodosius Atramite-</i>
<i>Pipinus brevis</i> 121	<i>Romanus Lecap.</i> 140	<i>nus Imp.</i> 118
<i>Piso</i> 68	<i>Rossa</i> 244	<i>Theodosius minor</i> 93
<i>Pius II. Pont.</i> 200	<b>S</b> <i>abina</i> 38	<i>Theophania</i> 144
<i>Pius III.</i> 225	<i>Salonina</i> 57	<i>Theophilus</i> 128
<i>Pius IIII.</i> 277	<i>S. Ludouicus</i> 175	<i>Theophrastus Paracel-</i>
<i>Pius V.</i> <i>ibid.</i>	<i>S. Petrus Apostol.</i> 24	<i>fus</i> 266
<i>Plantia Hercul.</i> 17	<i>Saturninus</i> 69	<i>Thomas Morus</i> 221
<i>Plotina</i> 36	<i>Scandebergus</i> 196	<i>Tiberius</i> 105
<i>Ponthus Thiardus</i> 290	<i>Selimus seu Zelimus</i>	<i>Timolaus</i> 71
<i>Poppaa Sabina</i> 23	<i>Turcar. Imper.</i> 232	<i>Ti. Aur. ful. Bo. Anto</i>
<i>Posthumus</i> 59	<i>Selimus II.</i> 287	<i>ninus Pius</i> 40
<i>Posthumus minor</i> 60	<i>Sergius Galba</i> 25	<i>Titus flavius Petro-</i>
<i>P. Aelius Pertinax</i>	<i>Sergius Galba</i> 26	<i>nus</i> 31
46	<i>Seuera</i> 88	<i>Titus Tribunus</i> 73
<b>Q</b> <i>Vietus</i>	<i>Seuerus</i> 81	<i>Titus Vespasianus</i> 33
65	<i>Sextilia</i> 29	<i>Trebellianus</i> 70
<b>R</b> <i>Aphael</i> 211	<i>Sigismundus Hunga-</i>	<b>V</b> <i>Alasca</i> 167
<i>Regillianus</i> 63	<i>ria Rex, Imp.</i> 194	<i>Valens Imp.</i> 89
<i>Renata Ludouici XII.</i>	<i>Sigismundus Malatesta</i>	<i>Valens tyrans.</i> 67
<i>filia</i> 239	207	<i>Valentinianus</i> 88
<i>Renatus Biragus</i> 292	<i>Sixtus IIII. Papa.</i> 201	<i>Valentinianus filius</i>
<i>Renatus Lotharingia</i>	<i>Solimanus I.</i> 232	<i>Constantij</i> 97
<i>Dux</i> 204	<i>Solimanus II.</i> 244	<i>Valentinianus frater</i>
<i>Robertus Hugonis Ca-</i>	<i>Sophi Persarū Rex</i> 24	<i>Gratiani</i> 90
<i>peti filius</i> 147	<i>Stanislaus Hofens</i> 273	<i>Valentinus</i> 211
<i>Robertus Imp.</i> 173	<i>Statilia Messalina</i> 23	<i>Valeria Messalina</i> 18



# I N D E X.

<i>Valerianus Imp.</i>	56	<i>Victoria</i>	72	<b>Z</b> <i>Enobia</i>	75
<i>Venceſlaus Imp.</i>	191	<i>Victorinus</i>	61	<i>Zeno Imp.</i>	99
<i>Veſpaſia Polla</i>	31	<i>Victorius minor ibid.</i>		<i>Zoe</i>	154
<i>Vibius Gallus</i>	55	<i>Voluſianus</i>	55		

# I N D E X

## A P P E N D I C I S.




<b>A</b> <i>Curſius</i>	308	<i>Galenus Medicus</i>	304	<i>Paulus Caſtrenſis</i>	311
<i>Aeſculapius</i>	299	<i>Herodotus Halicarn.</i>		<i>Philo Iudaus</i>	302
<i>Albertus Magnus</i>	306		298	<i>Plinius Secundus</i>	303
<i>S. Ambroſius</i>	306	<i>Hippocrates Doriensis</i>		<i>Seneca</i>	302
<i>S. Auguſtinus</i>	ibid.	<i>ibid.</i>		<i>Strabo Geographus</i>	301
<i>Baldus</i>	310	<i>Iosephus Iudaus</i>	303	<i>Tertullianus Afer</i>	305
<i>Bartholus</i>	ibid.	<i>Inuenalis Poëta</i>	304	<i>Theophrastus Ereſius</i>	
<i>Cornelius Celfus</i>	301	<i>Nicolaus Lyranus</i>	309		299
<i>Dioſcor. Anazarb.</i>	300	<i>Origenes Damasc.</i>	305	<i>Titus Linius</i>	300
<i>Dinus Mugelanus</i>	308	<i>Paulus Aegineta</i>	307	<i>Zabarella</i>	311

## F I N I S.















479

479  
479  
479

479

542

8/13/44

SPECIAL  
87-B  
26136-2

THE GETTY CENTER  
LIBRARY



